



Ex Bibliotheca
majori Coll. Rom.
Societ. Jesu

~~53-B-24.~~

53-E-23

FRANCISCI TVR-
RIANI DOGMATICVS DE
IVSTIFICATIONE
AD
GERMANOS ADVERSVS LVTERANOS;
EIVSDEM

Dogmaticus de Electione diuina ad illustriss. & Reuerendiss.
D. Othonem Truchsen. Cardinalem
Augustanum.



ROMÆ, apud Antonium Bladum Impressorem Cameralem
M D LVII. +

PHARMACEUTICAL

AND DOMESTIC

PREPARATIONS

OF

THE

CLASSICAL

AND

MODERN

PHARMACY



THE

LIBRARY

2 2

FRANCISCI TURRIANI

DOGMATICVS DE IUSTIFICATIONE

AD GERMANOS ADVERSVS

LUTERANOS.



TAMETSI mihi Germani cōscius sim, infra eos esse, qui de dogmate Iustificationis erudite, pieq; aduersus Luteranos hactenus scripserunt, qui plurimi sunt, tamen quia neminem oportet ingenii, studii, & scientiæ suæ negligere facultates, quin potius discere diligenter, quæ cum aliis benigne communicet, neque defatigari studio inueniendi, & illustrandi veritatem, & iis siue sermone, siue scripto opitulari, qui ea per se assequi nō possunt, contuli me non quidem ad scribendum aliquid nouum, sed ad ea, quæ obscure, & concise à magnis viris scripta erant, limatius, & subtilius explicandum. Hæc enim sunt, quæ magnum quoq; Dionysium, quem libentissimè sequor, ad scribendum de diuinis nominibus, post diuinū Hierotheum, eundemq; magistrum suum, vt idem testatur, permouerunt. Etenim si capita quædam, & loca valde illa quidem necessaria, & magni ad hanc causam ponderis, quæ leuiter attigerunt, cōpiosius explanassent, nunquam eo dementiæ, & stultitię processissem, vt aut me existimarem acutius, & diuinius videre, aut eadem repetendo actum agerem, vt hoc illis obiter respondeamus, qui fortasse nos mirabuntur, quod cum multi, iidemq; perfecti auctores de hoc ante nos optime scripserint, tanquam illi non satisfecerint, ipsi rursus de eodem scribamus. Accessit præterea alia scribendi ratio propria, quod cum mihi hoc tempore vsus multus esset cū Theobaldo Thamerio Germano optimo, ac valde docto viro, & in quæstionibus Luteranorū multum, diuq; exercitato, & trito, incideretq; sæpe nobis sermo, & disputatio de istorū præcipuo dogmate iustificationis, quod ille scite Phantasma appellare solebat, vt quod ei quoque aliquando inani specie veritatis illulsisset, cum ego illum, & ille me vicissim differentem audiret, rogabat & sæpe, & vehementer, vt ipse quoq; de ea re scriberem, quod cum facere coepissem, ostendissemq; ei, tum magis, ac magis vt perficerē, instare, & vt gere affirmans interim tū vos, tū Luteranos quoq; ingenia, & studia

nosset, libenter, & vtiliter lecturos esse Breui itaq; Deo adiutore,
 Dogmaticū de Iustificatione absolui, quem vobis inscripsi, vt tanq̃
 vestrum, & ad vos missum, & diligentius custodiat, & maiore etiā
 studio relegatis. Ne vero falsis Luteranorum rationibus ex falsis
 scripturæ sanctæ explanationibus ductis aliqui vestrū fortassis oc-
 cupati, atq; anticipati, quasi spinis fallaciārū crescentibus, verbū veri-
 tatis iuxta parabolā euāgelii, quod Deus auertat, aliquādo suffocetis,
 respondebo prius ad eas, si nō omnes ad difficiliōres tamen, & quas
 illi magis iactare solent, vt quasi spinis prius radicitus euulsis, semen
 tem postea veræ doctrinæ facilius fructuosiusq; excipiat, optime
 iam intelligentes, Primum quidem, Quomodo Abrahæ exemplum
 iustitiæ nostræ ex fide simul, & operibus iustificatus sit, imo ū oēs,
 quos Apostolus in epistola ad Hebræos commemorat, in quo re-
 cte intelligendo magna quæstionis huius momenta pendent, si
 enim isti Abrahæ iustificationem recte intelligerent, nunquam pro-
 fecto de nostra disceptarent. Deinde de operibus legis, Quæ sint
 & quomodo, ac quando ex eis iustitia existat, aut non existat. Præ-
 terea, Quomodo fides, quæ in Christo valet, per dilectionem ope-
 retur, quæ est magni quoque ad hanc quæstionem momenti an-
 nimaduersio. Tum de satisfactione Christi pro nobis, Quomodo,
 & quibus proficiat, in qua etiam re male intelligenda maxima pars
 erroris Luteranorum versatur. Postremo, De imputatiua iustitia, &
 de meritis iustitiæ eorumq; ratione. His enim capitibus omnis se-
 re de iustificatione disputatio à me, vt existimo, comprehensa est.
 Ac primum quidem, ne se isti existiment esse barbaros nobis, quasi
 non intelligentibus virtutem vocis eorum, aut nos, sicut Aposto-
 lus ait, in aerem loqui, aut insanire calumnientur, describam hic
 proprii dogmatis sententiā ex principe eorum doctore & pseudo
 Apostolo Martino Lutero, quem sequuntur, & qui sectæ eorum
 nomen dedit. is enim in comment. epist. Pauli ad Galatas c. 2. sic
 scripsit, Is autem præsentis causæ status est, q̃ Iesus Christus Dei
 filius moritur in cruce, & portat meum peccatum, legem, mortem,
 diabolū, infernū in corpore suo. Hi hostes, & tyranni inuicti
 me premunt, & mihi iam negotium faciunt, ideo sollicitus sum, quo
 modo ab eis liberer, iustificer, & saluer. Hic non inuenio legem,
 opus, aut charitatem aliquam, quæ me possit ab eis liberare, sed so-
 lus Christus tollit legem, occidit peccatum meum, destruit mortē
 meam in corpore suo, atque hoc modo euacuat infernū, diabolū
 iudicat, crucifigit, & detrudat ad infernū. In summa, omnia, quæ

me antea cruciauerunt, & oppresserunt, illa Christus è medio sustulit, spoliavit, ostentavit palam, & de illis per se ipsum triumphavit, ut iam amplius non possint dominari, sed cogantur sentire nihil. Ex his factis intelligi potest, hic nihil aliud oportere agi, quam addere sic gesta esse, & indubitata fide apprehendere, eaq; est vere *for-
mata fides*. Postea Christo sic fide apprehenso, me mortuo legi, iustificato, & liberato à morte; diabolo inferno, facio bona opera, diligo Deum, ago gratias, exerceo charitatem erga proximum. Sed illa charitas, vel sequentia opera nec informant meam fidem, nec ornant, sed fides mea informat, & ornatur charitatem. Hæc nostra est theologia, & paradoxa ratione mirabilis, quod non solum coecus, & surdus sum legi, & liber ab ea, sed plane ei mortuus. Hanc ergo istorum pseudotheologiam sic nos refellemus, sic oppugnabimus, & coarguemus, ut plerique eorum, ut speramus & confidimus non nos insanire, sed prophetare, contra vero ipsos, doctoresq; ipsos non prophetasse hactenus, sed insanisse plane intelligant. Nos enim ne verbum Dei sicut isti faciunt, adulteremus, scientes à quo didicerimus, ut Paulus ad Timotheum scripsit, illud quantum possumus studio sequimur, & secuti semper sumus, quod nos beatus Clemens in epistola ad discipulos monuit. Diligenter (inquit) *clemens.* observandum est, ut lex Dei cum legiatur, non secundum propriam ingenii virtutem, vel intelligentiam legatur, vel doceatur. Sunt enim multa verba in scripturis divinis, quæ possunt trahi ad eum sensum quem sibi unusquisque sponte præsumpsit, sed fieri non oportet, non enim sensum, quem adulteratis extrinsecus alienant, & extraneum debetis querere, aut quoquo modo ipsum scripturarum auctoritate confirmare, sed ex ipsis scripturis sensum capere veritatis. Ideo oportet ab eo intelligentiam discere scripturarum, qui à maioribus secundum veritatem ab eo traditam servavit, ut ipse possit, quæ recte susceperit, competenter asserere. hæc Clemens.

Quare ut aggrediamur iam respondere ad ea loca, quæ ex scriptura male ab istis explanata, & intellecta citantur, illud primum obijciunt ex Roma. 3. Iustificati gratis per gratiam ipsius, per redemptionem, quæ est in Christo Iesu, quod si ex operibus nostris iustificemur, non iam gratis (inquiunt) contingat redemptio, sed ex debito. Recte quidem, si ex operibus nostris secundum carnem, aut per nostra opera bona quasi ex nobis iustificari diceremus, at non hoc dicimus, absit, non iustificamur, inquam, ex operibus, quæ absolute, & propria nostra sint, ut sunt opera ex solis facultatibus

argm.

tibus naturæ nostræ profecta, quæ cum non sint ex fide, neq; bona esse possunt, sed ex operibus bonis, & bene placentibus, vt Apostolus vocat, quæ sunt opera Dei, qui tanquam causa *συνεκτικὴ* & *αὐτοπλὴς*, vt philosophi loquuntur, idest, continens, & per se perfecta operatur nobiscum in nobis velle bonum, & perficere bonū, quod ei placeat, nos enim bonorum operum causæ sumus adiuuantes tantum, neque enim Deus illa in nobis operatur, nisi nos sequamur, hæc vero causa adiuuans non est perfecta causa, vt est illa quidem, quæ *συνεκτικὴ* appellatur, quare non iustificamur per opera bona quasi ex nobis, sed ex Deo, cuius gratia & dono fit, nobis sequentibus, vt sint bona, & bene placentia, vnde huiusmodi bona opera idem Apostolus appellat charismata Dei, & dona Dei, sed vnusquisq; (inquit) proprium charisma habet ex Deo, alius sic, alius vero sic, charisma enim vocauit hic *τὸ κατ' ὅρθευμα* idest, virtutem, vt continentia, castitatis, & similia, vt Chrysostomus in libro de virginitate notauit. Et alias, sine poenitentia enim (inquit) sunt charismata, siue dona, & vocatio Dei, charismata Dei vocauit illa omnia, ex quibus vocat Deus ad adoptionem filiorum, & gratiam iustificantem, quæ sunt fides, & opera spiritus ex fide. Et beatus Petrus 2. c. 1. Deum ait, donasse, quæ ad vitam, & pietatem pertinent, hæc autem sunt fides, & opera spiritus. Et Paulus ad Ephesios 2. gratia (inquit) saluati estis per fidem, & hoc non ex vobis, donum .n. Dei est, quod quidem nō propter fidem tantum dixit, sed etiam propter opera bona, & beneplacētia, quæ dona item Dei sunt, ipse enim operatur in nobis velle, & perficere pro bona voluntate. Vnde etiam dicuntur opera Dei, & virtutes Dei, hoc est enim (inquit) opus Dei, ut credatis in eū, qui misit me, opus Dei dixit nō credere tm̄, sed voci eius obedire, idest fidem in mādatis per dilectionē operari, quæ est fides *ἀποδοκίμασις*, idest, beneplacēs, vt scriptura vocat Eccl. 15. Et beatus Pet. 2. c. 1. vt virtutes (inquit) depromatis eius, qui de te nebris vos vocauit in admirabile lumen suum *ἀρετὰς* Dei, idest, virtutes diuinas appellat opera bona, & beneplacētia, quæ ostendere debemus, postquam semel sumus per baptismum illuminati, quæ Deus operatur in nobis, si eum secundum electionem sequamur, ex quo *ἀρετὰς* dictæ sunt, quasi *ἀίρεταις* idest, eligendæ. De istis Dei virtutibus ait Apostolus, creati, scilicet creatione spirituali per baptismum in bonis operibus, in fide inquam, & spe, ac dilectione, vt in illis deinceps ambulemus, dilectio enim Dei, & proxi-

mi, quæ à fide, & spe seiuncta esse non potest, omne genus virtutū Dei, siue bonorum operum, & beneplacitum complectitur, quæ etiam dicuntur fructus spiritus, quos Paulus in epistola ad Galatas enumerauit. Si igitur opera ista bona, & beneplacitum non ex nobis tanquam ex nobis sunt, sed ex Deo, si inquam sunt dona Dei, qui ex eis iustificetur, gratis profecto iustificetur, ex donis enim Dei iustificari, gratis iustificari est, hoc. n. significat *δωρεὰν δικαιοσύνης*, quasi dicatur ex dono, siue ex donis iustificari non quidem secundum debitum, quasi hoc donum debeat, qui sit dominus omnium, & creator, ac proinde creaturæ debere nō possit, sed vt subiungit, per gratiam ipsius. Sequitur deinde, Per redemptionem ipsius, quæ est in Christo Iesu, quem proposuit propitiorem per fidem in sanguine ipsius, vt iam perinde hoc sit, quasi diceret, iustificati per fidem Christi pro nobis mortui, per fidem dico gratis, idest nō ex nobis, Dei enim donum est, vt idem Apostolus ait in epistola ad Ephes. Rursus quia fides est Dei donum, quod imputatur nobis ad iustitiam non secundum debitum, sed secundum gratiam, addidit per gratiam ipsius, vt sit totius orationis constructio, ac sententia, iustificati per Christi pro redemptione nostra mortui fidem Dei donum imputatā nobis ad iustitiam per gratiam ipsius.

1. Alius locus, qui nobis obiicitur, est Roma. 4. operanti merces non imputatur, secundum gratiam, sed secundum debitum, ex quo sic concluditis, ergo absque operibus iustificamur per gratiam, vt gratia sit gratia. Dicam hic, & quidem merito aduersus istos, quod Eusebius Pamphilus in libro, quem scripsit aduersus Marcellum Ancyranum, qui scripturas corrupte, & vitiose citabat, *πάντων σωμάτων λέξεων ἀντροπιάων, καὶ θινῶν πάντ' ἑμῶν ἀποκρῦπτων ῥήματι*, δι' ἀνθρώπων νόμος καὶ τούτων καὶ νόμος ποιοῦντος διαβολῶν, interpretabor latine, toto (inquit) corpore sententiæ verborū mutilo, & quasi decurtato, & tota consequentiā dissimulata, quibusdam v oculis adhærebat. quas malitiose calumniabatur, idem hic peccant isti, quos oportebat integre locum recitare, dixerat enim in extrema parte capitis superioris, iustificari hominem per fidem absq; operibus legis, quæ solis Iudæis data erat, probaueratq; hoc subiungens, an Iudæorum Deus tantum? nonne & gentium? deinde proximo capite docet similiter iustificari hominem per fidē absque operibus secundum naturam, vt quidem Abraham iustificatus est, quid enim (inquit) inuenisse dicemus secundum carnem (est enim hyperbaton vt postea docebo) idest, secundum naturam Ag

braam patrem nostrum? an dicemus fortasse iustificatum esse ex operibus secundum carnem? qualia erant opera, quae *ἐν νόμῳ* faciebatur, an se credere, erat enim ante fidem, ut Magnetes vetus, & ecclesiasticus auctor ad Theophrastum scripsit, benignus, contingens, iustus, & aliis vir tuius praedixit. Sane (inquit) si ex operibus, scilicet secundum carnem (ut etiam reperimus a *τοῖς ἁγίοις*, quae est figura frequens in scripturis) iustitiae laudem inuenit, apud homines inuenit, qui vident ea, quae apparent, & non apud Deum, qui fidem cordis intuetur, neque iudicat secundum faciem, ut homines solent. Quid enim secundum spiritum inuenerit Abraam, testatur scriptura, quae dicit, credidit Abraam Deo, & reputatum est ei ad iustitiam, fides enim non est opus secundum carnem, id est opus ex nobis, quasi ex nobis, sed donum Dei. Deinde reddit causam, cur iustitia, & laus Abraae ex operibus secundum carnem iustitia, & laus esset apud homines, non apud Deum, quia operanti (inquit) scilicet secundum carnem (rursus a *τοῖς ἁγίοις*) merces imputatur non secundum gratiam, sed secundum debitum, homo enim homini debere potest, non Deus, quare iustitia ex operibus secundum carnem, apud homines tantum imputatur, non operanti autem, scilicet secundum carnem, haec enim opera eiicit, sed secundum spiritum Dei, id est, credenti, & fidem per dilectionem operanti iustitia imputatur apud Deum secundum gratiam, & fides ipsa, atque opera spiritus ex fide item imputantur secundum gratiam ad iustitiam. Sed hunc locum Apostolus copiosius paulo post cum de iustificatione Abraae agemus, explicabimus, si quid interim hic desiderabitur, illinc petatur.

Obiicitur alius locus ex eodem capite Rom. 4. ideo ex fide, ut secundum gratiam firma sit promissio omni semini, nostra autem opera (inquit) sunt imperfecta, ergo promissio incerta, & infirma esset, si penderet ex dignitate operum. Hic quoque suo more abrumpunt coherentia. Cum enim vellet Deus unum populum ex gentibus, ac Iudeis congregare, salutemque illis per fidem tribuere, utrumque populum in Abraam tanquam in exemplo ad imitandum, antequam haec in unum congregatio fieret, delineauit, docens Abraham ante circumcisionem iustificatum esse ex fide, qui neque post circumcisionem quidem secundum legem Moysi uiuisset, ut quae non dum data esset, unde patrem multarum gentium illum appellauit, ut scilicet cum Iudei cum gentes in illum intuerentur, & ut neque gentes circumcisionem, neque Iudaei praeprium curarent, sed potius sicut Apostolus ait, si circumcissus vocatus esset, non esset illi cura

curæ de præputio, & si in præputio vocatus esset, non esset cura de circumcissione, sed fidem omnes sectarentur. Docuit itaq; fidem antiquiorem esse circumcissione, & lege præstantiorem, ut quæ remissionem peccatorum, & salutem animæ afferret, cum lex tamen neutrum horum perficere posset, non enim, ut Apostolus ait, iuxta conscientiam perfectum faciebat mundans peccata vitæ, & morum, imo iram operabatur, sine ulla miseratione, ut idem Apostolus ait, eum interficiens, qui legem irritam faceret. Reddit deinde causam, cur Deus ex fide pacem de benedictione spirituali, quæ iustitiam, remissionem peccatorum, & hæreditatem salutis continebat, cum Abraham, & omnibus filiis promissionis fecisset, ideo enim (inquit) ex fide, ut firma sit promissio. Etenim si promissio benedictionis esset ex operibus secundum naturam, quæ non erant ex fide, qualia erant opera Abraham secundum carnem, idest, antequam crederet, aut ex lege operum, solis Iudæis data, quæ similiter non erat ex fide, sicut Apostolus ait, sed qui fecerit ea (inquit) viuet in eis, esset profecto promissio infirma, & inconstans, quia penderet ex nobis, nostraq; infirmitate, inconstantia, & imperfectione, & inæqualitate, at quæ ex Dei donis, qui fidelis est, & præpotens, & largus, & minime mutabilis, pendeat, hæc firmissima est. Ipse ergo donat fidem perfectam, & dilectione consummatam, quam semper, & omnibus in denarium gratiæ iustitiantis computare promisit, ex quo beatus Petrus fidem appellauit *ἰσὺς μὴ ἐνδίκης ἰσὺν*, idest, æqualis præstii, & æstimationis in iustitia, quæ quidem quia Dei donum est, idcirco promissio iustitiæ ex fide, firma, & stabilis est, & quæ neminem fallit. Deum enim non poenitet donorum suorum, neq; potest poenitere, quin ex eis vocet per gratiam suam semper, & omnes ad iustitiam, ut promisit, sine poenitentia enim sunt dona, & vocatio Dei, ut Apostolus ait, quod nihil aliud significat, quam quod hic ait idem Apostolus, firmam esse, & immutabilem promissionem Dei ex fide, non ista Luterano rem *ἡλὺ*, carnali, & imperfecta, sed ex fide spirituali, & consummata per dilectionem, quæ dilectio omnia opera spiritus complectitur, quæ sunt dona, & charismata Dei, quæ nobis adiuantibus, in nobis Deus perfecte operatur. Illud itaq; recte, cum dicunt, opera nostra imperfecta esse, scilicet opera secundum carnem, & opera legis, si fiant quasi opera legis, idest, non ex fide, sed sicut scriptum erat, qui fecerit ea, viuet in eis, at fides Dei, & opera secundum spiritum dona perfecta sunt, & data optima, ex quibus firma existit promissio iustitiæ secundum gratiam, quæ semper imputantur ad ius-

stitiam, quorum finis est salus animarum.

4 Quarto loco obiicitur, sicut Abraam imputata est fides ad iustitiam ita & nobis credentibus imputari. Et hoc recte, sed illud male, quod existimant fidem tantum imputatam esse Abraam ad iustitiam, cum fuerit imputata fides simul cum obedientia fidei, quae in mandatorum operatione versatur, sed de hoc copiosius capite proximo, relegate locum, & inde assumite, quae hic, ne eadem repetantur, praetermissimus.

5 Rursus ex epistola ad Galatas c. 3. sic calumniatur, ipse (inquiunt) dedit semet ipsum pro peccatis nostris, ut eriperet nos de praesentis saeculo nequam, hoc autem (inquiunt) absque ullis nostris operibus factum esse, nobisque per alienum meritum contigisse, quare passim nos iustificatos esse. Confitemur dedisse seipsum pro peccatis nostris, ut eriperet nos de praesentis saeculo nequam, id est, ut sublati peccatis transferret nos in regnum suum, hoc autem factum quidem est absque ullis nostris operibus secundum naturam, & absque operibus legis, quasi operibus legis, non tamen absque operibus Dei, id est, quae ipse nobis donat, ipse enim donauit, sicut beatus Petrus ait, omnia, quae ad vitam, & pietatem pertinent, id est, fidem simul, & opera spiritus, quibus eum in spiritu, & pietate colimus, quae omnia appellare solet scriptura *ἀγαθὰ*, quae promissionem habet, sicut Apostolus ait, vitae, quae nunc est, & futurae, per haec enim Deus adoptat in filios, iustificat, & absoluit à peccatis, & saluat, quae sunt magna, & pretiosa promissa, quae, (ut idem Petrus ait) per gloriam, fidei scilicet, & per virtutem, id est, per omne opus bonum, & bene placens nobis donauit. Cum ergo ait, tradidit semet ipsum pro peccatis nostris, ut eriperet nos de praesentis saeculo hoc, quae so, utrum nos dicat nihil agentes, an aliquid? certe aliquid, nempe credentes, ut Apostolus ait, in eum, qui suscitauit Iesum dominum nostrum à mortuis, qui traditus est propter nostra delicta, & resurrexit propter nostram iustificationem, quod quidem credere opus Dei est, ut ait Dominus in euangelio Ioannis. credentes inquam, & obedientes mandatis eius, tradens enim semetipsum pro peccatis nostris, factus est, ut idem Apostolus ait, omnibus obtemperantibus causa salutis aeternae. Haec ergo opera, quae per Dei gratiam operamur in eum credentes, & ei obtemperantes, quibus promissa benedictionem consequimur per gratiam eius, efficiuntur nobis merita secundum gratiam. Quare non ex merito alieno, ut isti dicunt, se de meritis nostris nobis à Deo donatis iustificamur, non

passiue, quæ est istorum vox noua, & prophana. Nos enim causa sumus operum bonorū, & beneplacentium, non quidem αὐτοπαίς, idest, perfecta, qui est Deus, sed causa adiuuans, quare sumus quoq; in iustificatione adiutores Dei, gratiam eius antecedentem secus dum electionem sequendo, quod scriptura vocare solet ambulare cum Deo, quod solum requirit à nobis Deus, vt ait propheta Michas. Valeat ergo istorum iustitia passiuæ, aliena quidem à iustis Dei, & aliena à sanctis scripturis, iustis enim Dei, qui per fidem operantur iustitiam, dominus, qui solus iustificat, iuxta parabolam euangelii de operariis vineæ ex pactione benedictionis spiritualis cum Abraha, & omnibus filiis promissionis facta, tolle (inquit) quod tuum est, non dixit, quod alienum est, sed quod tuum est, ipse enim donat nobis iustitiam, qui ea etiam donauit, ex quibus iustitiam donat, vt firma sit promissio ex donis suis, & ne quis tanq̃ de suo proprio, & non donato gloriatur. Nisi forte putant, quod stultum est, denarium illum diurnum in coelo tantum operariis computari, & non hoc tempore, cum tamen pietas, quæ est cultura vineæ, promissionem habeat, sicut Apostolus ait, vitæ, quæ nunc est, & futuræ. Qui ergo sumus causæ adiuuantes operum bonorum, & beneplacentium, quæ ad iustitiam nobis imputantur, simul sumus causa, sine qua non ipsius iustitiæ, quæ, vt beatus Cyrillus in comment. Esaiæ diffiniuit explanans illum locum, formam te puerum meum, est forma immissa ab spiritu sancto in animam per iustificationem, & sanctificationem, qua formatur in nobis Christus, idest, qua efficimur conformes imagini filii Dei, & iusti, sed aduersus iustitiam istam imputatiuam, & passiuam, vt isti loquuntur separatim alio capite prolixius scribam.

- 6 Illud item aduersus nos proferunt ex eadem epistola ad Gala. 2. scientes quodd non iustificatur homo ex operibus legis, nisi per fidem Iesu Christi, nisi, & sola (inquiunt) synonyma sunt, ergo sola fide iustificamur. Docebimus e. proximo vt non sit vtile, & perfectū fundamentum sine super ædificatione, neq; lampas sine oleo, neq; massa sine fermento, neque semen ad seminandum sine instrumentis seminandi, sic neq; fidem vtilem esse, neq; perfectam absque obedientia fidei in operatione mandatorum versante, quæ per dilectionem super ædificatur super fundamentum fidei. Quare vt qui loquitur de vili fundamento, vili lampade, vili massa, vili semine, simul loquitur de fundamento, & super ædificatione, de lampade, & oleo, de semine, & instrumentis sic cum scripturæ

ra de vtili, & iustificante fide loquitur, de fide, & de operibus spiritus ex fide loquitur. Ergo cum Apostolus ait, quod non iustificatur homo ex operibus legis, nisi per fidem Iesu Christi, perinde est, quasi diceret, nisi per fidem, & opera spiritus ex fide, ita vt non nisi ex fide simul & operibus iustificetur homo.

7 Præterea Gal. 2. non abiicio (inquit) gratiam Dei, si enim per legem iustitia, ergo gratis Christus mortuus est, similiter (inquiunt) omnibus qui volunt opera esse adiuvantia fidei, frustra mortuus est Christus. Cōfitemur pro redemptione nostra mortuum esse Christum, scilicet vt credentes in eum, qui suscitauit Iesum a mortuis, & fidei obediētes, vt faciamus quæcunque vult, iustificemur ex fide, & obediētia fidei. Etenim si lex Moysis satis fuisset ad iustificandū, id est, si iustitia, quæ erat ex lege, sufficisset homini, non opus fuisset Christi, frustra mortuus esset. Similiter in operibus secundum carnem, siue secundū naturam, si ex illis iustificaretur homo, non opus fuisset, vt Christus pateretur. Quia vero neque lex sufficiebat ad remissionem peccatorum, id est, ad iustitiam in salutem animæ, neque opera secundum carnem, idcirco Christus mortuus est, vt per fidem in sanguine ipsius iustificaremur. Nos itaque non abiicimus gratiam remissionis peccatorum, qui legem confitemur iram operari, non remissionem, & opera secundum carnem gloriam tantum habere apud homines, non autem apud Deum, fidem vero Christi, & opera secundum spiritum ex fide eius, dona Dei esse, quæ secundum gratiam Dei computentur nobis ad iustitiam in remissionem peccatorum, & salutem animæ, & coelestis hæreditatis possessionem.

8 Obiicitur rursus, quod ait Apost. c. 3. Arbitramur hominem iustificari per fidem absque operibus legis, cum opera legis, non solum sint, quæ ad iudicia, & cerimonias pertinebant, sed quæ ad decalogum, vt non moechari, non occidere, & cetera, quæ in corâdibus hominum scripta sunt, si ex istis (inquiunt) homo non iustificatur, vt Apostolus affirmat, sequitur, vt ex nullis operibus iustitia existat. Si verba Pauli diligenti studio isti obseruarent, idem Apost. esset eis huius loci, & similium interpretes. Ait enim c. 9. Israel sectando legem iustitiæ, ad legem iustitiæ non peruenit, subiungit deinde rationem quia (inquit) non ex fide, sed quasi ex operibus scilicet legis. nō dixit, nō ex fide, sed ex operibus legis, sed quasi ex operibus, vt intelligamus aliud esse ex operibus legis, aliud ex operibus legis, quasi ex operibus legis, sicut aliud est, quod dicitur ex nobis, aliud

ex nobis, quasi ex nobis, ut idem Paulus docuit, satis itaque aperte admonuit, nos hæc opera legis dupliciter considerare, aut simpliciter, aut quasi opera legis, ac duplici illa quidem ratione fieri posse, aut quasi opera legis, aut simpliciter, & non quasi opera legis. Opera enim legis, ut non concupiscere, non inuochari, & similia, quæ sunt, ut dixi, scripta in cordibus, sunt quidem quasi opera legis, cum sunt, ut erant in lege sancita, ut qui faceret ea, viveret in eis, & qui non faceret, non viveret, sed potius sine misericordia tanquam per uaricator moreretur, lex enim iram operabatur. Quare ex operibus legis, ut erant sic sancita poenis legitimis, quæ sic propria erant Iudæorum, quibus solis lex Moysis data erat, ex operibus, inquam, legis, quasi ex operibus legis, id est, factis non ex fide, sed ex timore, sicut scriptum erat, qui fecerit ea, viuet in eis, non iustificatur homo. Immo sic accipiendum esse, quod Apostolus ait, arbitramur hominem iustificari absque operibus legis, pro eo, quod est absque operibus legis, quasi operibus legis, quæ ut sic erant, propria Iudæorum erant, & non gentium communia, ex eodem ipso loco Pauli perspicui potest, alioqui postquam dixit, arbitramur hominem iustificari per fidem absque operibus legis, quorsum subiungeret, An Iudæorum tantum Deus, non etiam & gentium? imo & gentium, nisi quia si ex operibus legis, ut ad Iudæos tantum pertinebant, iustificaretur homo, iam Iudæorum tantum Deus esset, & non gentium, non enim esset Deus eorum, quos a iustitia excluderet. Sed de operibus legis quando, ac quomodo ex eis iustitia existat, paulo post separatim copiosius explicabo.

- 9 Ad hæc illud Rom. 6. sæpe inculcât, ut audio, misero populo, non estis sub lege, sed sub gratia, si autem (inquiunt) per opera contingeret iustitia, iam non esset amplius gratia, sed nostrum meritum, aut nobis debitum. Recte si per opera legis quasi opera legis, aut per opera secundum carnem iustitia contingeret apud Deum, opera enim secundum naturam ex nobis sunt, & opera legis, quasi opera legis non erant ex fide. Quare si ex huiusmodi operibus coram Deo iustificaremur, iam non secundum gratiam iustificaremur, sed secundum debitum, ei enim qui operatur ex se, tanquam ex se, merces imputatur secundum debitum, atque ita non essemus sub gratia, & liberalitate Dei, sed potius debitor videretur, quasi aliquid ille nobis more hominum debere posset, & quasi nos non secundum gratiam eius, sed secundum nostram rationem, & propriam carnis iustitiam fructum mereremur. at nunc non ita, non tribuimus

iustitiam coram Deo istis operibus, quæ ex nobis sunt, sed potius fidei, & operibus ex fide secundum gratiam eius sub qua sumus, quoties ex fide, & obedientia fidei, quæ Dei dona sunt, & non ex nobis iustitiam quærimus.

10
Matth. 5.

Præterea Matth. c. 5. Christus (inquit) venit ad implendam legem, ergo nemo (inquiunt) potest implere legem, & per opera bona iustificari, sed solum per imputationem meriti Christi iustificamur. Venit quidem Christus ad implendam legem, idest, ad faciendum & tradendum ea, quæ erant supra legem veterem, ut interpretatur beatus Cyrillus in commentariis Zachariæ c. 1. ut cum iubet (inquit) non irasci, prohibendo enim iram perficitur, & consumatur lex non occidendi. cum sit ira radix cædis, & origo eius, & omnino non concupiscendo interimitur prorsus adulterium, sicuti cum radicibus (inquit) dicimus pariter marcescere ipsi germina. lex enim, ut quidam verus auctor dixit, malitiæ ramos succidit, gratia vero etiam radices eius euellit. sic autem intelligendum esse declarat scriptura, cum paulo post subiungit, nisi abundauerit iustitia vestra plusquam scribarum, & pharisæorum, & illud, Audistis. quia dictum est antiquis, & quæ sequuntur. Sic etiam Tertullianus in libro de poenitentia, & in libro ad vxor. interpretatur, sic Irinæus lib. 4. c. 27. sic Sixtus II. in libro de castitate, & multi alii, quos prætereo. De lege ergo Moïsis scriptum est, venisse ad implendum legem, qui enim veterem legem dederat, & infirmitati Iudæorum accommodauerat, idem cum venit tempus correctionis, & consumationis, correxit, & consumauit, & accessione nouæ legis impleuit transferendo legem à littera ad spiritum, à vetustate ad nouitatem, ab imperfecto ad perfectum, à seruitute ad libertatem, qua translatione, ut Vmbertus Cenomanensis doctus auctor scripsit, non est recessu suo exinanita, sed accessu gratiæ cumulata. Venit denique ad implendam legem, ut quod neque lex, neque prophetæ facere potuissent, faceret ipse, idest, ut à peccato, & morte liberaret. Hactenus de lege vetere à Christo impleta. De noua vero lege à nobis implenda, idest, exequenda, & seruanda audiamus, quid dominus dixerit, Et vos debetis (inquit) alter alterius lauare pedes, exemplum enim meum dedi vobis, ut quemadmodum ego feci vobis, sic & vos faciatis, quod Paulus interpretans in epistola ad Galatas, alter alterius (inquit) onera portate, & sic adimplebitis legem Dei. Possumus ergo facere ad exemplum Christi, quod idem fecit, & facere docuit, quod est implere legem nouam, alioqui frustra iussisset, &

frustra id factis, & sermone docuisset. Rursus Apostolus Roma.
 13. Qui (inquit) diligit proximum, legem impleuit, nam non adul-
 terabis, non occides, non furaberis, non falsum testimonium dis-
 ces, non concupisces, & si quod est aliud mandatum, in hoc ver-
 bo instauratur, diliges proximum tuum sicut te ipsum, dilectio
 proximi malum non operatur, dilectio enim proximi plenius
 do legis est, vt enim idem rursus ait in epistola ad Galat. 5. omnis
 lex in hoc sermone completur, diliges proximum tuum, sicut te
 ipsum. Quid ergo est, quod blasphemantes in Christum legisla-
 torem nostrum docet isti neminem nostrum posse implere legem
 nouam? de hac enim necesse est eos loqui. Deinde postquam dix-
 it dominus, venisse se ad implendam legem veterem, superstruens
 do (vt Tertullianus ait) legis nouæ adiectionem, quia noui testa-
 menti mandata veteribus adiecta vilia ducebant Iudæi, vt ab eo da-
 ta, quem vilem tanquam filium fabri existimabant, & contemnebāt,
 idcirco qui (inquit) soluerit vnum de mandatis istis minimis, mini-
 mus vocabitur in regno coelorum, quod perinde est, quasi dices-
 ret, vt Photius Constantinopolitanus in scholiis huius euangelii
 interpretatur, tu mea mandata tanquam vilia, & minima contem-
 nis, at ego te propter contemptum eorum, vilem faciam, & con-
 temptum coram angelis, & hominibus in regno coelorum, vt tu
 illa contemnis in terra, & coram hominibus paucis. Cum autem
 ait, minimus vocabitur in regno coelorum, constat (inquit) extre-
 mum supplicium significari, vt enim, minimo nihil est minus, sic
 æternum supplicium summum est, & extremum, quo nullum ma-
 ius, hæcenus Photius. Quomodo ergo audent docere, non posse
 se a nobis impleri legem nouam, si nullum mandatum Deus ne
 illud quidem, quod minimum existimatur, præteriri à nobis vult?
 Quod si possumus per Dei gratiam implere legem nouam, vt do-
 minus præcipit, qui nihil, quod fieri non possit, præcipit, possumus
 per spiritualem impletionem legis nouæ, non ex debito, sed
 secundum Dei gratiam iustificari, & non per solam imputationem
 meriti Christi, quæ nihil valet nisi per fidem, vt rursus fides nihil
 valet, nisi quæ iam est per dilectionem in actu, & operatione.

Ad hæc ex 8. cap. epistolæ ad Rom. sic ratiocinari solent, quod
 impossibile erat legis, id Christus impleuit, ergo nisi meritum Chri-
 isti per solam fidem apprehendamus, impossibile est, vt coram Deo
 iustificemur. Videamus quid Paulus dicat fuisse impossibile legis, &
 quomodo id Christus impleuerit, & quibus impleuerit. Nam quod

impossibile (inquit) erat in lege, in quo infirmabatur per carnem, Deus mittens filium suum in similitudinem carnis peccati, & super peccato, damnauit peccatum in carne, quia (inquit) nemo poterat satisfacere pro morte, ad quam eramus omnes propter peccatū iuxta Dei lege damnati, sicut scriptum erat, quatenus hora comedetis, morte moriemini, quia nemo inquam, poterat satisfacere pro omnibus, quia omnes erant peccatores, imo sacerdotes ipsi legis, propter infirmitatem, qua erant circumdati, necesse habebat prius pro suis peccatis, deinde pro populi ignorantis offerre. idcirco misit Deus filium suum vnigenitum, qui factus similis nobis peccatoribus in veritate carnis assumptus, & missus de peccato, siue super causa peccati, gratia Dei pro omnibus peccatoribus gustauit mortem carnis, qui tamen peccatum non fecerat, neque inuentus fuerat dolus in ore eius, neque enim in eo quicquam princeps huius mundi habuit, vnde merito dampnavit peccatum in carne sua sine villo peccato pro nobis moriente. Quo factum est, vt illo pro nobis, qui nihil debebat, satisfaciente, debitum damnationis omnes soluerimus. Sic impleta est iustificatio legis in nobis, idest, satisfactio, quæ pro peccato, quod in Adam peccaueramus, secundum legem Dei debebatur, hoc enim significat hoc loco *δικαίωμα*, τὸ κατὰ θεὸν *δικαίωμα*, idest, correctionem, siue emendationem iniuriae, siue satisfactionem lege Dei decretam pro iniuria, ac peccato, sic enim interpretatur hoc vetus verbum Aristoteles lib. 5. Aethic. In eandem significationem accepit idem verbum Apostolus Rom. 5. cum ait, sicut per vnus delictum in omnes homines in condemnationem, sic & per vnus *δικαίωμα*, idest, satisfactionem pro peccato, in omnes homines in iustificationem vitæ, iustificamur enim a peccato nostro in Adam, & viuificamur credentes in eum, qui a mortuis resurrexit, & fidem eius operantes, quod est ambulare secundum spiritum, sicut hic ait Apostolus, Vt iustificatio legis impleatur in nobis, qui non secundum carnem ambulamus, sed secundum spiritum, ita vt in non ambulantes non impleatur. Quid igitur erit ambulare secundum spiritum? an credere tantum & non operari? minime, qui enim credit tantum, non habet dilectionem, quæ est (vt Dionys. ait) *πρωτὴ κίνησις*, idest, prima motio, non igitur ambulat secundum spiritum, qui enim non mouetur, non ambulat. Quare non per fidem solam, sed per fidem, & per opera secundum spiritum ex fide, meritum Christi apprehendimus, vt coram Deo iustificemur. Sed de satisfactione Christi quomodo in nobis impleatur.

impleatur, si quidem Christo comoriamur, & compatiamur, dicā copiosius alio postea loco, ne eadem repetamus ¶

12 Rursus ex Matth. c. 12. sic ratiocinantur, Aut facite (inquit) arbo-
tem bonam, & fructum eius bonū, aut arborem malam, & fructus
eius malos, igitur sicut oportet (inquiunt) prius arborem fieri
bonam, quā afferat fructus bonos, ita oportet nos prius esse iusti-
ficatos fide, quā bene operemur, & per consequens, opera non
sunt necessaria ad iustificandum nos, cum iam antea simus per so-
lam fidem iustificati, &c. Fidem, ut videtis, comparant cum arbore
bona, imo arborem bonam fidem solam interpretantur, & arbor-
em malam infidelitatem, & opera bona fructus fidei faciunt, quæ
omnia sunt falsa, ut statim docebo. Videamus ergo primum, quid
appellet scriptura arborem bonam, scilicet appellat arborem bonam, *Arbor bona*
nam, τὸν περὶ αὐτὴν, idest, voluntatem bene operantem, & malam,
voluntatem peccantem, ita ut quia fructus bonorum operum fa-
ciat, simul sit bona arbor rationalis, rursus vero quia bona arbor
sit, simul fructus iustitiæ proferat. Etenim si oporteret fieri bonam
arborem, aut malam, priusquam fructus proferret bonos, aut ma-
los, ut isti volunt, & tradunt, non esset homo περὶ αὐτὸν, sed quod
bonus, aut malus, ut Manichæi dicerent, at cum electione sit bo-
nus, aut malus, sequitur, ut prius περὶ αὐτὸν, idest, secundū elec-
tionem faciat bona, aut mala, quā existat, ut Didymus ait, κατὰ
κακίαν, ἢ ἀρετὴν πρὸς αὐτὸν, idest, qualitate vitii aut virtutis affe-
ctus, bonus inquam, aut malus. Ut enim qui iustitiam facit, sicut Io-
annes ait, ille iustus est, sic arbor rationalis, quæ bonum facit, bona
arbor est, & viua, illa autem bonum facit, quæ Deo credit, simul &
diligit, qui enim non diligit, manet in morte, sicut ait idem Ioānes.
Conuenit cum his, quæ à me dicta sunt, quod scripsit beatus Hiero-
nymus in comment. Esaiæ c. 55. Vnusquisque (inquit) propria
voluntate facit animæ suæ arborem bonam, aut malam, bona er-
go arbor bona voluntas fuit, quæ mala opera non potest ope-
rari, sicut neque mala voluntas bona opera. At bonam voluntas-
tem non constituit sola fides sine dilectione. Rursus idem Hiero-
nymus in comment. epistolæ ad Galat. interpretans illud, Non po-
test arbor bona malos fructus facere, arborem bonam interpreta-
tur spiritum, qui non potest opera carnis facere, & arborem malam
prudentiam carnis, quæ similiter non potest fructus spiritus faces-
cere, at qui secundum spiritum ambulat, non fide tantum, sed spiritu
ex fide, idest, ex fide cum dilectione ambulat. Item beatus Ignatius

in epist. ad Ephes. veluti interpretans in genere, & specie hoc quod dominus in euangelio dixit, non potest arbor mala bonos fructus facere, &c. carnales (inquit) spiritualia non possunt agere, neque spiritualia carnalia, hactenus in genere, deinde ad speciem descendens, sicut neque fides (inquit) ea, quæ sunt infidelitatis, neque infidelitas ea, quæ sunt fidei. At qui credit, sed nondum diligit, facere potest opera infidelium, quod nemo negarit, ut si operetur non amore Dei, sed alia quapiam ratione carnali, qui autem credit, & diligit, minime. Quare quod ait beatus Ignatius, neque fides facere potest ea, quæ infidelitatis sunt, non de sola fide, ut vos intellexistis, sed de fide cum dilectione, quas idem tradit, connexas esse debere, & quas ceteræ virtutes consequantur. Ergo bona arbor est *πεσκαίρεσις*, idest, electio per fidem in charitate radicata, sicut Apostolus scribens ad Ephes. per fidem (inquit) in charitate radicati, mala vero arbor est electio habitu infidelitatis radicata, aut radice fidei mortuæ, idest, fidei sine operibus, ut iam bonam arborem faciat bona radix, quæ adhæret viti, quæ est Christus, adhæsiō autem perfecta fit per fidem, & charitatem. Vnde beatus Cyrillus explanans in comment. Esaiæ. c. 4. locum illum euangelii, ego sum vitis, & vos palmites, qui manet in me, & ego in eo, hic fert fructum multum, quoniam sine me non potestis quicquam facere, subiungit, *χρῆναι δ' οὐν ἔστω καὶ περὶ πνεύματος καὶ ἀγάπης, καὶ τῆς εἰς ἀπαιτίου ὁποῦν ὁ ὁφείλει τῇ ἀμπελῇ τῇ ἀληθείᾳ ὁυπέσχω, αὐτὸς γὰρ ἡμᾶς ἀποφάσκει καὶ ποφείρους.* interpretabor latine, oportere igitur (inquit) affirmo adhærere per fidem, & charitatem, & omnis generis obedientiam veræ viti, hoc est Christo, ipse enim nos facit frugiferos. Item in euangelio Matth. videns Ioannes multos pharisæorum, & saducæorum venientes ad baptismum suum dixit eis, progenies viperarum. sic enim vocavit malos filios ex malis parentibus ortos, admonens tacite, ut desinerent imitari illos, si boni esse vellent, quis (inquit) demonstravit vobis fugere à ventura ira? quia enim qui poenitentiam agit, ideo agit, ut effugiat iram Dei aduersus peccata, & quia simulabant illi poenitentiam vitæ antea, veniendo ad baptismum Ioannis, quo baptizabat eos in poenitentiam, ideo interrogabat eos sic, Quis demonstravit vobis fugere à ventura ira? perinde est atque diceret, ut Didymus in libro contra Manichæos totum hunc locum interpretans ait, qui recte, & legitime demonstret se à peccatis velle discedere, non simulabit poenitentiam, ut vos facitis, qui cum hypocrisis, & simulatione venitis ad baptismum,

quare non mundabimini, qui enim vere vult mandari, recedit à peccatis, & fert fructum poenitentiae, faciens opera habitus contrarii peccato superiori, facite ergo fructum dignum poenitentiae, non dixit, credite ergo tantum, nec enim hoc satis erat, quis enim dubitet, quin fidem saltem nudam, qualis est Luteranorum fides, haberent illi? sed ad fidem opera adiungit, facite inquit fructum dignum poenitentiae, id est, opera habitus contrarii, id est si à peccatis vultis recedere, & remissionem consequi, imitamini inquam, Abraam, ut non solum filii eius sitis secundum carnem, quod quidem vobis nihil prodesse poterit, sed filii suis fide, & obedientia, quod potest Deus præstare iis etiam, qui non sint filii Abrae secundum carnem, imo fiat fatui, & duri in peccati obstinatione instar lapidum. Deinde sequitur, Iam enim securus ad radicem arborum posita est, hæc (inquit) cum auditis, ne contemnatis, quasi taceat ira aduersus peccatores, iam enim qui in peccato est, habet impendens supplicium, supplicium enim vocat securim, radicem vero arboris vocat, ut ait idem Didymus, τὸ ἄριστον ἐστὶν id est, pessimum habitum non recedendi à peccatis, & non faciendi opera bona. Omnis ergo arbor, quæ non facit fructum bonum, id est, omnis arbor mala, quæ malum fructum facit, omnis inquam arbor mala, quæ iam mala est propter radicem malam, excidetur, & in ignem mittetur. Hoc ergo significat quod ait Matthæus, aut facite arborem bonam, scilicet secundum radicem bonam fidei, & dilectionis, & fructus eius bonos, id est, & sic ostendite extrinsecus bonitatem eius ex fructibus, ex fructu enim arbor cognoscitur, aut facite arborem malam nempe secundum radicem, & fructus eius malos, id est, & sic ostendite vitium radicis ex vitiosis fructibus arboris. Fides igitur per dilectionem in actione posita constituit bonam radicem, cuius bonitas ostenditur per opera, seu per fructus quodam arboris, fides enim per dilectionem exercetur, & consumiatur in operatione mandatorum eius, qui diligitur, sicuti virtus radicis per calorem agitata, & ut ita dicam, actuata, in partu fructuum consumitur. Fides vero ipsa, & opera spiritualia, si quæritis iam, cuius sint fructus, respondemus fructus spiritus esse, nobis tamen cooperantibus, quod Apostolus docuit in epist. ad Gala. Fructus. n. (inquit) spiritus est charitas, gaudium, pax, patientia, benignitas, longanimitas, mansuetudo, fides, modestia, continentia, castitas, ex quo fit, ut opera bona non sint fructus fidei, ut isti tradunt, sed fidei adiuvantia.

C ii
opa non fructus fidei.

Etenim si fides est fructus spiritus, & opera bona, & spiritualia in eodem ordine item sunt fructus spiritus, eandem enim cooperatio nem à nobis requirit spiritus Dei ad donandum nobis, & fidem, & reliqua bona opera, sequitur, ut opera bona, non possint esse fructus fidei, fidei ergo, simul & bonorum operum fructus est ipsa merces secundum gratiam imputata, quæ est iustitia, cuius virtutes, siue facultates, & tanquam fructus proprii sunt remissio peccatorum, salus animæ, quæ est unio eius cum Deo, lætitia inenarrabilis, & hæreditas regni, quæ omnia continet benedictio spiritualis, & quæ vno vocabulo beatitudinis in scripturis appellari solent. Vnde beatus Petrus postquam fidem, & multa opera bona, verasque virtutes spirituales enumeravit in epistola 2. c. 1. subiungit, hæc si vobiscum adsint, non vacuos, neque sine fructibus scilicet iustitiæ vos constituent in domini nostri Iesu Christi cognitione. Sic enim Paulus ad Philippen. 1. scripsit, ut charitas vestra magis, ac magis abundet in omni scientia, & in omni sensu, ut probetis potiora, ut sitis synceri, & sine offensa in diem Christi repleti fructibus iustitiæ per Iesum Christum. Ergo ut ad ratiocinationem istorum tandem respondeamus, concedimus oportere prius arborem, id est, electionem fieri bonam, intus scilicet per bonitatem radicis, quam edat bonos fructus, id est, priusquam extrinsecus ostendatur bonitas eius ex fructibus, id est, ex operibus, ex fructu enim arbor cognoscitur, ut cor ex iis, quæ instar fructus ex corde exeunt, extrinsecus cognoscitur. Quod vero concludunt oportere similiter fide prius iustificari, deinde operari, iam fidem solam faciunt arborem bonam, cum fides potius dilectione radicata, sit radix bona bonæ arboris, cuius fructus est beatitudo, quæ quidem bonitas radicis, quæ eadem est bonitas arboris, extrinsecus ostenditur ex operibus tanquam ex fructibus quibusdam arboris bonæ.

13 Præterea obicitur illud Ioannis c. 1. de plenitudine eius omnes accepimus gratiam pro gratia, ergo nihil nostrorum operum requirit ad iustitiam Deus. Si proprios locorum sensus in scripturis diligenter inquirere studium istis esset, non vndecumque temere rationes falsas sui dogmatis peterent. Repetamus ergo paulo altius explanationem, Dixerat euangelista datam esse nobis potestatem filios Dei fieri, id autem quomodo factum esset, ut intelligeremus, subiunxit, Et verbum caro factum est, quod perinde est, quasi diceret, ideo enim Deum factum esse filium hominis, ut nos homines efficeremur filii Dei, & diuinæ naturæ participes. Sequitur, Et vi-

dimus gloriam eius, gloriam ut pote vnigeniti a patre, se cum aliis Apostolis adhibet testem virtutis, & presentie illius, de illa enim gloria loquitur, de qua beatus Petrus, notam vobis fecimus (inquit) domini nostri Iesu Christi virtutem, & presentiam, spectatores facti illius magnitudinis, accipiens enim a Deo patre honorem, & gloriam voce delapsa ad eum huiusmodi a magnifica gloria, hic est filius meus dilectus, in quo mihi complacui, ipsum audite, &c. deinde sequitur *πλήρης χάριτος καὶ ἀληθείας*, idest, plena gratia, & veritatis, quod quidem cum illo iungendum est, quod dixerat, verbum caro factum est, caro inquam plena gratia, & veritatis, idest plena gratia veræ, hoc est, substantialis, plena inquam diuinitatis secundum substantiam, in carne enim verbi Dei habitauit, sicut Apostolus ait, omnis plenitudo diuinitatis corporaliter, idest, vere, & secundum substantiam. De hac igitur plenitudine substantiali ait paulo post, & de plenitudine eius nos omnes accepimus, accepimus enim per participationem primitias spiritus secundum gratiam Dei. Quia vero etiam sub lege Moysis Israelitæ gratiam adoptionis filiorum Dei acceperunt sicut dixit Moyses, si audieritis vocem domini Dei vestri, & seruaueritis eius mandata, quæcunque ego hodie mando tibi, ut facias bonum, & gratum domino Deo tuo, eritis filii domini Dei vestri, idcirco ne de ista gratia vetere intelligeremus, ait accepisse nos gratiam pro gratia, pro gratia inquam vetere, & minore gratiam noui testamenti, quam effudit in nos abunde per Iesum Christum. Vnde subiungit explanans quod dixerat. Lex enim per Moysen data est gratia autem per Iesum Christum facta est, veritate opposuit umbram, quam habebat lex futuro regi bonorum, non ipsam imaginem rerum, gratiam vero opposuit iram, quam lex operabatur. Explicauit itaque euangelista, quod Zacharias c. 4. de Christo prophetarat, & educet (inquit) Deus lapidem primum, & ex æquabit gratiam gratia, non enim significat gratiam noui testamenti non esse maiorem gratia veteris sed pro vetere repositam fuisse aliam nouam. Quem locum explanans beatus Cyrillus in comment. prophetæ huius, data est (inquit) Israeli vetus illa gratia, qua liberati sunt ab Aegypto, transierunt mare, comederunt manna, transierunt pede Iordanem, & introducti sunt in terram promissionis. Huic gratia alia similis per Christum nobis data est, quæ enim illis facta sunt secundum carnem, & sensum, hæc nobis perfecit Christus spiritualiter, liberauit ex seruitute diaboli, liberauit ex passionibus, & carnalibus immunditiis, velut per mare traiciens superatis fluctibus huius vitæ, & superata amaritudine solitudinis

nis, comedimus panem e coelo, quod est mysterium, transiimus Iordanem, & habuimus circumcisionem spirituales, factique sumus heredes ciuitatis coelestis. Hoc existimo significasse beatum Ioannem, cum dixit gratiam pro gratia, quia lex per Moysen data est, &c. fuit enim minister, & mediator illius veteris gratiae Moyses, secundum autem gratiae Christus, quae quidem similitudinem habebat cum illa, quia illa vetera typi erant ad veritatem spectantes, hoc est parturientes pulchritudinem veritatis praestantioris, sicut spiritualia praestant sensibilibus, sicut Apostolus ait, melioris testamenti factus sponsus, &c. haecenus Cyrillus. Iudicate nunc vos, quomodo ex his sequatur, quod sequi volunt isti, cum sic concludunt, ergo nihil nostrorum operum requirit ad iustitiam Deus, cur non potius sic ratiocinantur, si gratiam euangelii pro gratia veteris legis accepimus, & ad iustitiam, quae in lege erat, operibus legis opus erat, ergo similiter iustitia, quae in euangelio est, ex operibus euangelicis, id est, spiritualibus erit.

14. Praeterea ex s. c. epist. ad Rom. sic ratiocinantur, sicuti Adam extra nos commiserit, ut nos omnes peccatores constituti fuerimus, ita & Christus extra nos, & sine operibus nostris promeruit iustitiam, qua coram Deo omnes acceptamur, & iusti pronunciamur, &c. Locus autem Pauli, quem male interpretantur, & unde rationem istam falsam ducunt, ille est, sicut enim per inobedientiam unius hominis, peccatores constituti sunt multi, ita & per unius obedientiam iusti constituuntur multi, existimant enim peccatum originale peccatum alienum esse, id est Adae peccatum nobis imputatum, ac non potius peccatum cuiusque proprium in Adam commissum a nobis, ut quidem est, alioqui non dixisset Apostolus per unum hominem peccatum in hunc mundum intrauit, in quo omnes peccauerunt. Non ergo peccatum Adae peccatum nostrum fuit, sed peccante Adam principe generis nostri, nos omnes, ut in eius lumbis eramus, peccauimus, per unius itaque inobedientiam nostrae inobedientiae originem factum est, ut multi per inobedientiae propriae habitum, & formam ingeneritam, atque insitam peccatores constituerentur. Similiter Christus factus est pro nobis obediens usque ad mortem crucis, ut uno pro omnibus mortuo, omnes mortui essemus, quotquot in eum credidimus, & in mortem eius baptizati sumus. Ut igitur Adam extra nos peccauit, sed peccatum eius nobis non nocuisset originaliter, nisi eo peccante, nos in eo tanquam in origine nostrae naturae, & inobedientiae peccassemus, sic Christus

Itus secundus Adam extra nos, & sine operibus nostris mortuus est. sed mors eius nobis non prodesset ad salutem, nisi nos in eum mortui, & suscitati pro nobis crederemus, & simul in eius mortem baptizaremur, quæ quidem non sunt extra nos, & sine nobis, adiutores enim Dei sumus, non tamen huiusmodi fides, & opus quasi ex nobis computantur ad iustitiam, Dei enim dona sunt. Promeruit itaque Christus iustitiam nobis in eo per fidem, & mysticum opus baptismi mortuis, id est, iustificavit nos secundum gratiam per sanguinem suum ex fide per dilectionem in baptismo operata, idque non ex nobis, fides enim, & fidei opera dona Dei sunt.

15 Deinde latro (inquiunt) nullis prorsus operibus iustificatus est, sed tantum quia misericordiam Dei imploravit &c. Quæso istos, nonne latro credidit Christo, quod Deus esset, & quod remunerator esset? certe credidit, alioqui non dixisset, Domine memento mei, cum veneris in regnum tuum, deinde, nonne operatus est hanc fidem increpando aliterum latronis impietatem, & confitendo peccata sua digna morte, & innocentiam Christi, cum dixit, neque tu times Deum, qui in eadem damnatione es? & nos quidem iuste, nam digna factis recipimus, hic vero nihil mali gessit, quomodo ergo audent dicere nullis prorsus operibus iustificatum esse, in quo fidem, & opera ex fide cernunt in euangelio declarata esse? Præterea an non credunt, eum qui vere, & actu credidit Christo, quod esset Deus, & quod remunerator esset, se ei obtulisse ex tota anima, & ex toto corde? at ista oblatio nonne fuit opus excellens ex fide? quomodo igitur nullis operibus iustificatus est?

16 Sequitur deinceps, ut respondeam ad reliqua exempla scripturæ, quæ populi auribus, ut audio, crebro inculcant de Maria Magdalena, cui dictum est, fides tua te salvam fecit, item de Hamoroissa, cui hoc idem dictum est, & de leproso Samaritano, & si qui sunt alii. Certe in Magdalena peccatrice, nemo est, qui non videatur non hoc de fide communi, id est, de fide credentis tantum dictum esse, sed de fide, quam mulier illa in peccatorum suorum poenitentia per dilectionem operata est. Est enim poenitentia, ut ait Clemens Alexandrinus in 2. lib. Strom. καὶ τὸ ἐδάμασεν τῆς πίστεως, id est, opus, siue officium ex fide, nisi enim (inquit) credas peccatum esse in quod incidisti, & nisi credas supplicium impendere peccanti, salutem vero servanti mandata, non mutaberis per poenitentiam. Sed quemadmodum quæso, si ex eo, quod dominus Magdalene dixit, fides tua te salvam fecit, solam fidem iustificare tradunt, ex eo similiter, quod idem dominus in eodem loco de eadem muliere dixit, remittuntur ei peccata multa, quia

De latrone

Exa. fmg. 7

poma

dilexit multum, nō itē docēt opus dilectionis iustificare? an nō satis clare docuit Apost. Paul. inde imputari iustitiā, vnde remittunt peccata, cū ait in epist. ad Rom. & Dauid dicit Beatitudinem hominis, cui dominus imputat iustitiā absque operibus dicens, Beati quoque remissæ sunt iniquitates? Vt enim si diceret, beati quoque remissæ sunt iniquitates propter fidem Dei, siue quia crediderunt, diceret quidem imputari iustitiā ex fide, sic si dixisset, beati quoque remissæ sunt iniquitates, quia dilexerunt, planē dixisset iustitiā imputari ex dilectione.

Conuenit cū hoc, quod ait Ioan. si diligimus fratres, translati sumus à morte ad vitam, at q p dilectionē trāsferretur ad vitā, is profecto ex opere dilectionis iustificatur, fructus enim proprius iustitiæ vita est coram Deo, sicut scriptum est, iustus ex fide viuit, quod nō tantum propter fidem scriptum est, sed propter omne opus ex fide, ex quo iustus viuit. De Chananea vero similiter dicimus non fuisse fidem tantum, quam dominus in ea laudauit, sed fidem, quam per dilectionem operata est, Quia enim dilexit eum, cui credidit, fidei obediuit, vt exiret ex finibus Tyri, & Sydonis, & imploraret misericordiā eiusdem, dicens miserere mei domine fili Dauid, &c. Vtinam sic isti fidem per dilectionem operari vellent recedendo ex finibus Tyri, & Sidonis, id est, iuxta interpretationem verborum à vinculis peccatorum, & insidiis diaboli, tunc fides istorum non minuta, manca, & inchoata, sed magna, & perfecta esset, & ad iustitiā computaretur. Item Hemorrhoiſſa credens quòd potens esset Christus, facere quæcunque vellent, ita vt vel solo tactu fimbriæ, si vellent, fluxum sanguinis sistere posset, tangendo fimbriam, fidem operata est, quæ cōputata est ei ad iustitiā. Illud præterea aduertendum est, quod tradit Clemens Alexandrinus, mulieres istas, in quibus fides laudata est, fuisse iustas secundum iustitiā legis, ita vt nihil eis deesset, nisi fides Christi, vt deinceps ex fide, & ex operibus fidei corā Deo iustæ essent, sicuti Abraham iustus quoque erat apud homines ex philosophia, vt idem Clemens loquitur, id est, ex operibus secundum carnem, siue secundum naturam ante fidem, cui fides tantum deerat, quæ cum accessit, ex fide postea, & ex operibus fidei coram Deo iustificatus est. Sed recitemus Clementis verba ex 2. Stromat.

17 Iis (inquit) qui erant iusti ex lege, fides deerat, & ideo cum eos curaret dominus, aiebat, fides tua te saluam fecit. hæc Clemens.

Est alius locus, quem isti apud vos confidentissime iactant, quasi vel eo solo suum dogma sustinere possint, gratia enim (inquit) estis saluati per fidem, & hoc non ex vobis, Dei enim donum est, nō ex operibus

epist. 31.

Rom. 1.

Epist. 2.

operibus, vt ne quis gloriatur, &c. Mihi vero vel hic vnus locus, si recte explicetur, istorum dogma satis refellere videatur. Etenim si ex fide, quæ Dei donum est, iustificamur, cur non similiter ex operibus fidei, quæ item Dei dona sunt, iustificemur? si enim obedientia nostra in dono fidei capiendū non prohibet, quin gratis per fidem iustificemur, cur magis obedientia nostra in operibus, & officiis fidei capiendis, quæ dona quoque Dei sunt, magis prohibeat, quā gratis et per opera fidei iustificemur? gratia (inquit) estis saluati, id est, non secundum debitum tanquam operantes secundum carnem, sed per fidem, & hoc non ex vobis, id est, non quatenus obedistis in capiendā fide, quod enim coepistis eam, donum Dei fuit, cuius gratia credidistis. Sed cur addiderit Apost. & hoc non ex vobis, quo magis intelligatur, recitabo ex secundo Stromateo Clementis, quæ ad hunc locum magnopere pertinent aduersus eos, qui existimant fidem sic Dei donum esse, quasi nihil nos vllō genere causæ efficiamus, quod quidem si verū esset, nunquā Apost. dixisset, & hoc non ex vobis, quasi aliqd causæ ex nobis ad capiendā fidem accedat, vt quidem accedit, sumus. n. causæ adiuuantes. Ergo vt ludus (inquit) pilæ non pendet solū ex eo, qui ex arte iacit pilā, sed ex eo etiam, qui excipit apte, vt ex lege artis fiat ludus, sic & doctrina tunc est et efficiens, id est, auctoritatem habens, & vt ita dicam, persuasibilis, si adiuuet ad discendum fides audientis, & discantis, quæ est quædam (vt ita dicam) ars naturæ. Item vt solum (inquit) adiuuat semen iactum, sic nihil prodest disciplina, neque prophetia, nisi qui discit, & audit, obediāt, magnes enim trahit ferrum, & electrum paleas mouet, obediunt autem ea, quæ trahuntur occulto quodam spiritu tracta non tanquam causæ, sed tanquā συναιτία, id est, cōcausæ, vt verbo in schola philosophorum trito vtamur. & paulo post, Deus (inquit) vocat oēs, ne possint excusare ignorantiam, quod autem quisque suis viribus potest, hoc postulat, & requirit ab eo. haecenus Clemens. Saluati ergo (inquit) per fidem non ex vobis, qui causæ estis adiuuantes tantum, sed ex Deo, qui est doni huius causa συναιτία, & αὐτοπλάς, id est, continens, & perfectus, ne quis gloriatur, quasi non acceperit. Sequitur non ex operibus, scilicet quasi ex vobis, illud enim ex vobis, quod dixerat in fide, repetendum est hic in operibus et per uos, quæ est figura, vt sæpe admonui, in scripturis frequentissima, sicut rursus quod in operibus dixit, ne quis gloriatur, repetendum item, et per uos in fide, vt sit plena oratio, saluati per fidem, & hoc non ex vobis, ne quis gloriatur, donum enim Dei est, non ex operibus, & hoc

ex vobis, ne quis rursus gloriatur, ergo saluati ex operibus, non ex vobis, sed ex Deo, cuius dona sunt opera spiritus ex fide, quæ appellatur in euangelio opera Dei, sicut scriptum est, quid faciemus, vt operemur opera Dei, id est opera bona, beneplacencia, respondet dominus, hoc est opus Dei, vt credaris in eum, quem misit ille, quod perinde est, quasi diceret, opera Dei esse opera ex fide, quæ permanent in vitam æternam, de quibus nemo potest quasi de suis gloriari, ex his itaq; potest homo iustificari, & saluari.

- 18 Postremo, Paul. (inquit) aperte docet debere nos legi esse mortuos, si Deo viuere velimus, per legem enim (inquit) legi mortuus sum, vt Deo viuam. Si autem mortui sumus legi, & ipsa nobis mortua est, vt neq; ex lege, neque ex operibus iustificetur, ac viuificetur homo, &c. Semper opera legis cum operibus fidei confundunt, cū longe inter se discrepent, quod copiosius postea docebo. opera .n. legis non fiebant ex fide, ac dilectione, sed ex metu iræ, quam lex operabatur in violatores, erantq; solum propter transgressiones constituta, id est, vt timerent Iudæi peccare transgredi cōdo, propter poenas corporales, quibus sancita erant, & ideo ex illis nemo iustificabatur apud Deum, cum iustus non ex timore carnali, sed ex fide, ac timore Dei viuat coram eo. Ab hac seruitute legis, & ab isto timore mortis ex multiplici transgressione legis liberati sumus per Christum Iesum, qui præcepit nobis habere fidem, & loqui, atque operari ex fide ad viuendum coram Deo, quæ est lex libertatis, sicut scriptum est, si confitearis in ore tuo dominum Iesum. & in corde tuo credideris, q̃ Deus illum suscitauit a mortuis, saluus eris. fidem, & opera ex fide complexus est, si credideris (inquit) hæc est fides, & si ore tuo confitearis, hoc est opus, principium enim operis sermo, vt ait Ecclesiast. c. 37. vt autem doceret vtrunque imputari ad iustitiam, fidem, & opus ex fide, id est, fidem operatam per dilectionem, subiungit, Corde enim creditur ad iustitiam, ore autem fit confessio ad salutem, corde inq̃ credit̃ ad iustitiā, & ad salutem, & ore fit confessio ad iustitiā, item & salutem, rursus & nō κοινόν, quæ (vt sæpe admonui) est figura in scripturis sanctis frequentissima, & ad breuitatem eisdem scripturis familiarem accomodatissima.

- 19 Postremo locum Augustini de fide, & operibus cap. 14. semper in ore, vt audio, ferunt, opera enim (inquit) legis sequuntur iustificatum, non præcedunt iustificandum, &c. Miror, cum semper isti scripturas sanctas appellent, & nihil præter verbum Dei audire velle simulent, cur hic Augustini auctoritatem tam inso-

Op̃a dei

Rom. 10.

lenter nobis opponāt, aut quod magis mirandum est, cur nunc lo-
cuni, qui istis secum facere videatur, citent, & multa eiusdem aucto-
ris, imo eiusdem libri, atque adeo eiusdem capitis contra se, suumq;
dogma malitiose taceant? Quis non intelligat studio fallendi
vtrumque fieri? ergo qui hoc dixit, idem in eodem capite, vt ce-
tera omittam, docet, fidem solam non sufficere ad salutem sine ope-
ribus, hæc enim est inscriptio capitis, idq; confirmat pluribus scri-
pturæ sanctæ testimoniis. Quoniam ergo (inquit) hæc opinio tūc
fuerat exorta, aliæ Apostolicæ epistolæ Petri, Ioannis, Iacobi, Iu-
dæ contra eam maxime dirigunt intentionem, vt vehementer
astruant fidem sine operibus nihil prodesse, sicut etiam ipse Pau-
lus non qualem libet fidem, qua in Deum creditur, sed eam salu-
brem, planeq; euangelicam diffiniuit, cuius opera ex dilectione
procedunt, & fides (inquit) quæ per dilectionem operatur. Vnde
illam fidem, quæ sufficere ad salutem quibusdam videtur, ita nihil
prodesse asseuerat, vt dicat, si habeam omnem fidem, ita vt montes
transferam, charitatem autem nō habeam, nihil sum. Et paulo post
vnde beatus Petrus sciens de Apost. Pauli quibusdam suborsuris
sententiis nonnullos iniquos accepisse occasionem, vt tanquam se-
curi de salute, quæ in fide est, bene viuere non curarent, comme-
morauit, quædam ad intelligendum difficillima esse in epistolis
eius, quæ homines peruerterent sicut alias scripturas ad proprium
suum interitum, cum tamen & ille Apostolus de salute æterna, que
nisi bene uiuentibus non daretur, eadem sentiret, quæ alii Aposto-
li. Et paulo post, Iacobus autem vehementer insensus est eis, qui
sapiunt fidem sine operibus valere ad salutem, vt illos etiam dæ-
monibus compararet. Quid proderit, ait Iacobus, fratres mei, si si-
dem quis dicat se habere, opera autem non habeat? nunquid pote-
rit fides saluare eum? dicit enim quia fides sine operibus mortua
est, quousque igitur falluntur, qui de fide mortua sibi vitam perpe-
tuam pollicentur? Hæc Augustinus in eodem capite, vnde testi-
monium eiusdem aduersus nos recitant. Scio opinionem illam
exortam, quam dicit Augustinus, sustulisse quidem opera, sequen-
tia, quasi sola fides sine illis ad salutem sempiternam satis esset,
saluos enim fore aiebāt, sic tamen quasi per ignem, si fidem alioqui
habentes, male postea uiuerent, aduersus quos Sixtus II martyr li-
brum eruditissimum de operibus fidei, & malis doctoribus scripsit,
& multo post eum Augustinus librum de fide, & operibus. sic illi
sentiebant, in quo fateor peius quàm istos errasse, neque enim isti

1 Cor. 13

Sixtus.

opera sequentia, & studium recte deinceps viuendi tollere profitentur, sed cum sancti Apostoli contra istorum opinionem, vt Augustinus affirmat, maxime dirigunt intentionem, illud constat, non potuisse dirigere intentionem contra illos, quin contra istos quoque dirigerent, cum enim asserunt, vt Augustinus asserere eos ait, fidem sine operibus nihil prodesse ad salutem æternam, quæ nisi bene uentibus non detur, simul profecto asserunt, neque prodesse ad salutem, quæ nunc est, eadem enim pietas habet, vt Apostolus ait, promissionem vitæ, quæ nunc est, & futuræ, quod si non prodest ad salutem, siue vitam, quæ nunc est, ergo neque ad iustitiam prodest, iustitiæ enim proprius fructus est salus animæ, quæ est unio eius cum Deo, vt magnus Diony tradit, c. 1. Hier. eccles. Quare si fides sine operibus nihil prodest ad iustitiam, adiuvant ergo opera fidem ad iustitiam, ergo fides sola non sufficit ad iustificandum. Quare quod tradunt sancti Apostoli, vt Augustinus affirmat, fidem sine operibus nihil prodesse ad salutem, non potest intelligi de operibus tantum sequentibus, sequentia enim opera non adiuvant fidem ad iustitiam antecedentem. Hoc igitur istos fefellit, quod existimarunt causam salutis æternæ separari posse a causa salutis, quæ nunc est, ex quo salutem æternam, fidei, & operibus sequentibus tribuunt, in quo meliores sunt, quam illi, salutem autem, quæ nunc est, quæ est proprius fructus iustitiæ, soli fidei, qui est proprius error dogmatis Luteranorum. Quod vero Augustinus ait, opera legis, de his enim loquitur, sequuntur iustificatum, non præcedunt iustificandum, intelligendum est de prima iustificatione, quæ quidē sit per baptismum, ante quem fides non est bona simul, & beneplacens, quam scriptura vocat fidem *δικαιοσύνη*, opera autem decalogi, quæ sunt opera legis, vt sint bona, & beneplacētia, sicut Apostolus loquitur, ex fide bona, & beneplacētia, quæ iustificat, fieri debent, quare necesse est, vt iustificatio baptismi antecedit opera ista, non opera ista iustificationem, sicut iterum dixit idem Augustinus in libro de spiritu, & littera c. 26. iustificationem opera non præcedūt. Vt enim tradit diuinus Diony, in extrema parte c. 1. Hier. eccles. mystica regeneratio est sanctæ dilectionis progressio ad sanctam, & Deo placentem diuinorum mandatorum operationem, deinde subiungit, quod si esse ex Deo natum, est habere esse diuinum, ergo nihil vnquam eorum, quæ diuina sunt, & à Deo tradita, cognoscere, aut operari poteritis, qui non habuerit esse diuinum, sic enim (inquit) humano more dicere solemus, oportere primum esse, deinde

de prima iustificatione.

operari, quæ ad nos pertinent. hæcenus Diony. Item sanctus Hieron. Dionysii magister, primus (inquit) aditus, & initium operandi mandata diuina est regeneratio, & in concilio Arausicano c. 25. sed ipse (inquit) nobis nullis præcedentibus bonis meritis, scilicet quæ à nobis incipiant, & fidem, & amorem suum prius inspirat, vt & baptismi sacramenta fideliter requiramus, & post baptismum cū ipsius adiutorio, quæ sibi sunt placita, implere possimus. Possuimus ergo operari opera legis, idest, non ex fide, ante regenerationem, ex qua existit prima iustitia. non tamen operari illa quasi opera Dei, & à Deo donata, hoc est ex fide, quæ Dei donum est. Atq; ita quidam intellexisse Augustinum; ex eodem intelligi potest in libro de spiritu, & littera c. 25. postquam enim dixit iustificationem opera non præcedere, explanans illud Apost. factores legis iustificabuntur, sic (inquit) intelligendum est, vt sciamus aliter eos non esse factores legis, nisi iustificatio præcedat, deinde subiungit, quid est. n. aliud iustificati, quàm iusti facti ab illo, qui iustificat impium, vt ex impio fiat iustus, quod quidem de prima iustitia dictum est, quæ ne ipsa quidem ex sola fide existit, vt isti putant, sed ex fide, et opere sacramenti, ex fide inquam per dilectionem in baptismo operato. Semel vero regeneratus potest iam per Dei gratiam, si velit, ex fide bona, & beneplacente facere opera legis, quæ cum sint iam bona, & beneplacencia, & dona Dei, vt est ipsa fides, quemadmodum non imputentur ad iustitiam simul cum ipsa fide; vt iam nō iustificetur homo ex operibus legis, quasi ex operibus legis, sed ex eis quasi ex operibus fidei, & Dei donis. Sed satis hæcenus ad Luteranorum argumentationes responsum sit. Sequitur iā, vt aduersus eos de nostro dogmate pauca vobiscum ad vtilitatem vestram disseramus.

¶ Quomodo Abraā ex fide iustificatus sit, & Quomodo, ac quando ex operibus legis nemo iustificetur. & De exemplis fidei Deo placentis ac iustificantis ab Apost. in epist. ad Hebræos commemoratis.

Quia quod scriptum est, Credidit Abraam Deo, & reputatum est ei ad iustitiam, scriptum est, sicut Apostolus ait, non tantū propter ipsum, sed propter nos, quibus reputabitur credentibus in eum, qui suscitauit Iesum Christum dominum nostrum à mortuis, Videamus quæ illa fides fuerit, vt qui similem non habeat, intelligat se non iustificari ex fide. Sane si epistolę Iacobi auctori;

DE IUSTIFICATIONE

tatem. Luterani tribuerent, ut tribuit ecclesia catholica, nulla disceptatione opus esset, cum clarissime dicat, iustificatum fuisse Abraam ex operibus, offerendo filium suum Isaac, & quod fides illius adiuuabat opera, scilicet ad iustitiam, hoc enim significat *συνεργειν*, quod interpretes latinus vertit cooperari, quo verbo usus est Apostolus, Paulus, cum ait, diligentibus Deum omnia ad bonum *συνεργουν*, id est, eos, qui Deum diligunt, omnia adiuuant ad bonum, ut si dicamus, tribulationes adiuuare charitatem ad operandam patientiam Deo placentem, & rursus charitatem adiuuare tribulationes, ita ut neque tribulationes sine dilectione, neque dilectio sine tribulationibus patientiam Deo placentem operentur. Similiter docuit Iacobus, neque fidem sine operibus, neque opera sine fide ad iustitiam valere, sed potius fidem, & opera esse sibi ad iustitiam *συνεργα* ac *συνωστια*, id est se adiuuantia. Verum quia isti tantam vim luminis in oculos suos incurrerent ferre non potuerunt, clausis oculis remouere à se maluerunt, negantes Apostoli esse epistolam, quam esse affirmat Ecclesia catholica, & quam ecclesie catholice veteres patres, & magistri inter libros canonicos, cum eos numerarent, & eorum numerum ecclesiastico canone sancirent, retulerunt, ut Clemens Romanus. Magnus Athanasius, Gregorius Nazianzenus, sanctus Amphilo- chus, tum synodus Romana Damasci, item synodus Romana Innocentii Primi, item alia synodus Romana Gelasii, synodus præterea Laodicensis, Africana, Florentina, & postremo Tridentina. Sed seponamus interim, quando ita volunt, huius epistolæ canonicam auctoritatem. Videamus, quid dicat scriptura de opere Abraæ, cum filium suum obtulit super altare, Quia (inquit) fecisti hanc rem, & non pepercisti filio tuo vnigenito propter me, id est, quia fecisti hoc opus ex fide, quam mihi promittenti multiplicationem seminis habuisti, benedicam tibi, & multiplicabo semen tuum, &c. Erat autem hæc benedictio non quidem carnalis, sed spiritalis, quæ in se continebat iustitiam, remissionem peccatorum, et hæreditatem salutis, quæ nunc est, & futuræ, quare sequitur, ut ex operibus iustificatus sit Abraam, ut qui ex operibus spirituales benedictionem tulerit. Respondeant enim mihi isti, si sic diceret scriptura Moïsi, quia fecisti hanc rem, & non pepercisti filio tuo propter me, id est, propter fidem meam, iustificabo te, ut viuas nunc, & in futurum, iustus enim ex fide viuit, an dubitarent, quin ex operibus iustificaretur homo, & non ex fide tantum? minime. Quid igitur refert, si quod nunc dicit benedicam, perinde est, ut statim

ostendam, quasi dicat, iustificabo, siue beabo, ac viuificabo? probat enim Apostolus absque operibus legis, scilicet quasi operibus legis, id est factis non secundum spiritum ex fide, lex enim, vt Apost. ait, non erat ex fide, sed factis secundum carnem, id est, quasi ex nobis, iustificari hominem, quia Dauid dicit, Beati quorum remissa sunt iniquitates, & quorum tecta sunt peccata, beatus vir, cui non imputauit dominus peccatum, deinde subiungit, Beatitudo ergo hæc manet in circuncisione, an etiam in præputio? quæ interrogatio postulat plane, vt manere in præputio respondeamus, id autem probat subiungens: dicimus enim, quia reputata est fides Abrahæ ad iustitiam, beatitudo igitur iustitiam in remissionem peccatorum, quæ est propria iustitiæ, continet, quæ quidem iustitia in remissionem peccatorum ad benedictionem spiritualem pertinet, vt Apostolus in epist. ad Galat. c. 3. interpretatus est, prouidens enim (inquit) scriptura, quia ex fide iustificat, dixit in semine tuo benedicentur, de qua benedictione dominus dixit Abrahæ, Quia fecisti hanc rem, & non peperisti filio tuo propter me, benedicam tibi, & paulo post, & benedicentur in te omnes gentes terræ, quia obedisti voci meæ, quod rursus interpretans beatus Petrus Act. 3. Et in semine (inquit) tuo benedicentur omnes familiæ terræ, deinde subiungit, vobis primum Deus suscitans filium suum misit eum benedicentem vobis, vt conuerteret se vnusquisq; à nequitia sua, id est, vt remittantur peccata vestra, si ab eis conuertamini. Sic interpretatus est beatus Pet. manere in benedictione remissionis peccatorum, remissio autem peccatorum manet in iustis, & beatis. Quare cum Deus benedictionem promisit Abrahæ ex opere illo immolationis, profecto iustitiam in salutem animæ promisit. Diuine itaq; beatus Iacobus, siue epistolæ eius canonica, & Apostolica ab istis tribuatur auctoritas, siue non tribuatur, benedictionem, quam dicit scriptura Genesis, interpretatus est iustificationem, cum ait, Abram pater noster nonne ex operibus iustificatus est, offerens Isaac filium suum super altare? iustitia enim & remissio peccatorum, ac salus animæ ad benedictionem, vt dixi, pertinent, sicut scriptum est, domini est salus, & super populum tuum benedictio tua, & Esaias ait c. 27. propterea auferetur iniquitas Iacob, & hæc est benedictio eius, cum abtulero peccata eius. A peccatis ergo per fidem ex operibus consumatam iustificatur homo in salutem animæ, quæ nunc est, & futuram, quæ est omnis benedictio eius, & merces, sicut scriptum est in Eccles. 11. benedictio Dei in mercedem iusti festinat, quod enim promisit Deus Abrahæ inquiens, & benedicent

Benedictio dei

in semine tuo oēs gentes terræ, quia obedisti voci meæ, nobis promisit in Christo, qui fuit semen Abrahæ, scilicet benedictionem iustificationis, vt sicut Abrahâ benedictionē iustificationis cōsecutus est, quia obediens fidei de promissione multiplicationis seminis fecit opus immolationis filiū sui sibi imperatum, sic nos benedictionem iustificationis consequimur, si similiter credentes obedimus mandatis, quibus fides Christi postulet obedire, reportantes ex eorum operatione benedictionem iustitiæ in remissionem peccatorum, & in beatitudinem, quæ nunc est, & futuram. Quare, vt summam superiora repetamus, si Abrahæ ex operibus benedicitur, ergo ex operibus accepit remissionem peccatorum, quia hæc est benedictio spiritalis, cum aufertur peccatum, & si accepit ex operibus remissionem peccatorum, ergo ex operibus beatificatus est, beati. n. quorū remissæ sunt iniquitates, rursus si beatificatur ex operibus, ergo ex operibus iustificatus est, hæc. n. beatitudo manet in Abraham, quia sicut Apost. Paul. Rom. 4. interpretatus est, reputata est ei fides ad iustitiā. Videtis fratres, quemadmodū quis negent isti epist. Iacobi auctoritatem, necessaria tamen connexionione ex scripturis canonicis quas recipiunt, sequatur, vt Abraham ex operibus iustificatus sit, & iustificentur omnes, quicunque vestigium fidei Abrahæ sectantur? Abraham enim est huius temporis parabola; & nostræ iustificationis exemplum ac forma. Sed consideremus alterum exemplum

De Rhaab
Heb. 11.
Iosue 6.
 Rhaab meretricis, vtum ex operibus apud Deum iustificata sit, vt Iacobus testatur, fide (inquit Apostolus Paulus) Rhaab moeretrice non perit cum incredulis, excipiens exploratores cum pace, idest, non perit, quia excepit exploratores, idq; ex fide, vt scriptura Iosue testatur, quæ narrat dixisse Rhaab exploratoribus, Noui, qd domus nuastradiderit vobis terram, etenim terruit nos terror vester, audiui mus, qd siccauerit dominus aquas maris rubri ad vestrū ingressum, quando egressi estis ex Aegypto, & paulo post, Dominus Deus vester ipse est Deus in coelo sursum, & in terra deorsum, &c. huic ergo fidei consequens erat, vt exploratores ex populo Dei à Iosue missos exciperet, quod quidem fecit fidei obediens, atq; hoc quidē opus ex fide faciens non perit, idest, iustificata est, iustus enim ex fide viuit, neque enim de vita tantum corporis accipiendum est, quod Apostolus ait, non periisse cum incredulis, qd enim Rhaab cum tota domo seruata est incolumis, sicut Iosue præceperat iniquiens, sola Rhaab moeretrice viuat cum vniuersis, qui cū ea in domo sunt, profecto vita illa corporalis signum fuit vitæ animæ, quā

ex opere illo, quod ex fide fecit, accepit à domino, sicut carnalis cir-
cuncisio Abrahę, postquam credidit promissioni Dei de multiplici-
catione seminis, signum fuit incredulitatis Abrahę ex corde circun-
cisę, idest, iustitię eius ex fide. Sed illud hic quæri potest, cū Abrahę
ex fide, & ex opetibus, vt scriptura testatur, iustificatus sit tunc, cum
fidei obediuit exire in locum, quem accepturus erat, sicut Apostolus
ait, & cum fide demoratus est in terra Chanaam peregrinando,
& in casulis habitando, quare non in iis locis scriptura dixerit, crea-
didisse Abrahę, & reputatum esse ei ad iustitiam, sed tūc, cum dictū
est ei postea, suspice coelum, & numera stellas, si potes, sic erit semē
tuum, tunc enim subiungit scriptura, credidit Abrahę Deo, & re-
putatum est illi ad iustitiam. Certe si hoc propter Abrahę tantum
scriptum esset, potuisset quidem in illis locis idem dici, cum illic
quoque ex fide, & operibus iustificatus esset: sed quia non propter
ipsum tantum scriptum est, sed propter nos, in eo potius loco dis-
ctum est, in quo fidei, & obedientię Abrahę, & iustitię eius imitas
tuo magis exprimitur, & docetur, vt si fides, & obedientia nostra si-
milis existat, similem iustitiam speremus. Quare vt Abrahę reputa-
tum est ad iustitiam credenti ei, qui sibi, emortuo suo corpore, cum
iam centum esset annorum, & emortua vulua Sarę promittebat in-
numerabilem sobolem, vt qui viuificare mortuos posset, & huic fidei
dei obediens non dubitauit filium suum offerre super altare, sic nos
bis reputabitur credentibus in eum, qui suscitauit Iesum à mortuis,
qui mortuus est pro nobis. Etenim si credimus, q̃ Deus suscitauit
à mortuis Iesum pro nobis mortuum, credimus q̃ nos cum eo my-
stice mortuos simul suscitauerit, & viuificauerit, vt huic fidei obes-
dientes, tanquam iam mortui peccato, ac iustificati ab eo per res-
missionem peccatorum, ambulemus deinceps nō secundum actus
veteris hominis cum Christo crucifixi, sed secundum actus noui
hominis, qui secundum Deum creatus est per regenerationem spi-
ritualem ex semine incorruptibil, qui est spiritus sanctus, ambule-
mus dico operantes mandata eius. Hoc est, quod Paulus docuit
inquiens, non est autem scriptum tantum propter ipsum, quia re-
putatum est ei ad iustitiam, sed propter nos, quibus reputabitur
credentibus in eum, qui suscitauit Iesum à mortuis, qui traditus est
propter nostra delicta, idest, qui mortuus est pro nobis peccatoribus,
vt mortui cum eo, simul quoq̃ resurgeremus iustificati à pec-
cato, sicut idem Apostolus ait. Qui mortuus est, iustificatus est à pec-
cato, hoc enim significat surrexisse propter nostram iustificationē

DE IUSTIFICATIONE

nem. Sed quo magis intelligatur exemplo Abraę, qualis sit cuiusq;
 nostrum fides iustificans, veniamus ad primam fidem, & primam iu-
 stitiam fidei, videamus inquam quomodo primum iustificetur ho-
 mo, vtrum ex fide tantum, an ex fide operata, idest, ex fide, atque
 obedientia eius, vt est Abraam pater noster secundum spiritum iu-
 stificatus, ex fide inquam, & operatione mādatorum ex fide. Primū
 ergo credimus in Christum, deinde mouente dilectione, operamur
 fidem, consumantes eam in baptismo, qui est, sicut Hippolytus mar-
 tyr in libro de Antichristo, & consumatione sæculi ait. σφραγίς τῆς
 πίστης, idest, sigillum fidei, ex qua quidē fide opere baptismi consu-
 mata iustificamur. Ita vt neque fides sola sine opere baptismi ad iu-
 stitiam sufficiat, neque opus baptismi sine fide, imo vtrumq; alterū
 adiuuet ad iustitiam. Quia enim nemo, mouetur ad id, quod igno-
 rat, postquam per fidei lumen cognouimus veritatem, primum
 quod animum ad diuina mouet, est ipsa dilectio, vt aiebat sanctus
 Doroth. Dionysio auctore ἡ χάρις τοῦ ἐν τῷ θεῷ προτίκειναι
 ἡ ἀγάπη, Addebat deinde, primū, ad quod dilectio ipsa animum
 moueat, baptismū esse, qui sit primus aditus, & initium sancte operādi
 mandata diuina. Ex quo fit, vt fides non sola, & nuda, vt isti volunt,
 sed per dilectionem in baptismo operata, iustificet, sicut scriptū est,
 Qui crediderit, & baptizatus fuerit, nō dixit, qui crediderit tantum,
 sed qui crediderit, & fidei obediens, idest, fidem per dilectionem in
 baptismo operans regeneratus fuerit, saluus erit, habet enim iustitia
 ad quā fides p dilectionem in baptismo operata reputatur, virtutē
 saluandi, idest, cū Deo vniendi. Licet autē hic cernere mirabilē aliam
 præter illā, quā supra dixi, imitationem fidei Abraę, vt. n. ille credi-
 dit Dei mortuos viuificantis promissioni de multiplicando semine
 & fidei obediens obtulit filiū suū, quem proposito imolationis iam
 mortuū, rursus viuētem recepit, sic qui credit in Christū pro nobis
 mortuū, & suscitātū, & huic fidei obediens in mortē eius baptizā, &
 offert se Deo mystice morientē, rursus cum eodem resurgens, &
 si forte baptizari non possit propter grauē aliquam perislasim, &
 subitam necessitatem, vt si deesset aqua, aut baptizator, cum sit pa-
 ratus, vt credens, iam & diligens mandata, huic quidem pro facto
 reputabitur id voluisse, quod Deo ita volente, prohibitus est ope-
 rari, vt Abraę contigit, cui testimonium perhibet scriptura, quod
 filium immolarit, cum ait, quia fecisti hanc rem, & non pepercisti
 filio tuo. Itaque Eunuchus ille catechumenus Philippi, qui dixit,
 ecce aqua, quis prohibet baptizari, si postquam ex toto corde cre-

Mar. 16.

didit, aqua defuisset, & sine baptismo mortuus esset, profecto ba-
ptismus in corde, & desiderio reputatus esset pro baptismo actu. Si
militer si Paulus Dei catechumenus postquam credidit, & fidei obei-
diens dixit, Domine, quid vis me facere? casu quopiam subito, &
aliqua dura peristasi prohibitus, ne baptizari ab Anania posset, in
via interceptus esset, certe pro facto habitum fuisset, quod ex toto
corde facere voluisset. Similiter dicendum est in omni catechu-
meno adulto, in his enim fides est iam per dilectionem operata,
idest, fides cum obedientia copulata, & opus baptismi in corde, ac
proinde fides ex opere veri cordis consummata. Similiter in latro-
ne, cuius iustitiam, qui fidei tantum tribuunt, vehementer errant,
credidit enim & fidei obediuit, ut offerret se Deo toto corde, itaque
quod facere necessarium erat, si facere potuisset, id toto corde vo-
luisse, quia extrinsecus facere non potuit, pro facto reputatum est
illi, ut iam fides quoque opere cordis consummata illum iustificarit.
In vniuersum enim vera est Pauli sententia, in Christo Iesu neque
circuncisio, neque praputium aliquid valet, sed fides, quæ per di-
lectionem operatur, non dixit sed fides, quæ operatur, quæ
est istorum interpretatio, sed quæ iam in opere, & actione est, hoc
enim significat *εργαζομένη*, ut postea ex multis locis scripturæ san-
ctæ demonstrabo. Verum item, quod tradit beatus Thomas pri-
secun. q. 20. ad quartum, illam esse perfectam voluntatem, quæ da-
ta oportunitate operatur, cum vero non operatur, quia non pos-
sit, tunc defectum perfectionis ex actu exteriori esse inuoluntari-
um, inuoluntarium autem non tollere de premio, neque de poe-
na actus interioris, sitque hæc voluntas, illa, quæ, sicut dici solet, pro fa-
cto reputatur. Hactenus ergo de prima fide ex opere baptismi
consummata, quam quidem esse similem fidei Abrahæ, quam opere
immolationis consummauit, ipsa quoque Ecclesia ab Apostolis eru-
dita non obscure docet, cum in paschali benedictione fontium
baptismalium solenni ritu, & vsu vsque in hodiernum diem ten-
tationem Abrahæ, & immolationem Isaac recitat. In baptismo enim, ut
paulo supra iterum dixi, obtulimus nos Deo, comorientes Christo, sic
cuti, Abraham obtulit filium suum, & ut Abraham filium suum rursus velut
ex mortuis viuentem recepit, sic nos in Christo mortui, & mystice
oblati, rursus mystice resurgimus, ex quo item Ecclesia in eadem be-
nedictione fontium prophetiam Ezech. de resurrectione mortuo-
rum recitat, docens præterea eum, qui non operetur mandata, non
obedire fidei, quam accepit, & in baptismo consummauit, sic enim

*De latrone.**Gal. 5.*

precatur post lectionem prophetie de illa oblatione Abraę, Deus qui in famuli tui opere humano generi obedientię exempla præbuiſti, & quę ſequuntur. Quamdiu enim quis non obedit fidei, placere Deo non poteſt, Quę ergo iſtorum fides ſine, & ante opera? ſic enim loquuntur, id eſt, ſine, & ante obedientiam? ſi ſine obedientia eſt, quemadmodum placet Deo? iuſtus (inquit) meus ex fide viuit, quod ſi ſubtraxerit ſe, fidei ſcilicet, id eſt, ſi non obediſſet ei, non placebit animę meę. Deinde ſubiungit propheta magis adhuc explicans quod dixerat, At arrogans, & contemptor, vir ſuperbus nihil perducit ad finem, ſic enim eſt apud ſeptuaginta. Iuſto ergo ex fide viuenti oppoſuit ſuperbum, & contemptorem nihil perſicientem, & iuſtus ex fide viuens iſ ſit, qui fidei obediens, fidem ex operibus conſumet, & perſiciat, qui vero hoc non faciat, iſ fidei potius contemptor ſit: vt enim legem contemnitis, qui legi nõ obedit, ſic fidem contemnitis, qui fidei non obedit, fidei autem non obedit, qui non facit, quod fides poſtulat, poſtulat autem fides, vt qui credit in Chriſtum pro nobis vere mortuum, & ſuſcitatum, & ſe item cum eo mortuum myſtice, & ſuſcitatum, tanquam iam mortuus, & vere iuſtificatus à peccato, non amplius ſeruiat ei, ſemperq; mortificationem Jeſu Chriſti circumferat in corpore ſuo, & ambulans ſecundum ſpiritum facta carnis mortificet, hæc autem non fiunt ſine, & ante opera, vt iſti loqui, & tradere ſolent. Sed de compatiendo per vniuerſum vitę curſum, ſi correſpondere, & conglorificari velimus, ſatis multa proprio loco dicemus. Veniamus nunc ad locū Apoſtoli Roma. 4. de iuſtificatione Abraę non ex operibus, ſed ex fide, qui locus non diſcrepat cum loco beati Iacobi, vt plerique videtur, iis præſertim, qui illius epistolę auctoritatem hac poſſimum ratione, quaſi diſcreparet, negare auſi ſunt, imo quemadmodum Intelligendus eſſet hic locus, ſatis idem Apoſtolus in ipſo ſtatim initio quaſtionis propoſitę admonuit. Quid ergo (inquit) dicemus inueniſſe Abraam patrem noſtrum ſecundum carnem? opera, quę non ſunt ſm ſpiritū ex fide Dei, vocat opera ſecundū carnē, opera inq̃ facta *φυσικῶς*, accipiendum eſt enim per hyperbaton, quę eſt frequens apud Paulum figura, vt ſit, quid dicemus inueniſſe ſe ſecundum carnem Abraam patrem noſtrum, ſic quoque accepit Theod. Gręcus, & vetus auctor in cōment. quos in epiſt. Pauli ſcripſit, *ποῖα φησὶ περὶ τοῦ πατρὸς σου ὅτι τὸν Ἀβραάμ διηγεῖσθαι κατὰ τὸν ὅτι ἔργον γὰρ κατὰ τὴν φύσιν*, interpretemur latine, quam inquit, Abraę iuſtitiam ex operibus, ante quam crederet, audiuiſimus? pro-

Rom. 1.

2. 1. 15

Rom. 4.

opera ſm naturam

positum enim erat Paulo, probare nō iustificari hominem ex operibus, legis quæ non essent opera ex fide, vt ait idem Apost. Gal. 3. opera dico legis, facta quasi opera legis, idest, solum facta, vt qui ea fecisset, viueret in eis, & non moreretur sine misericordia, tanquam præuaricator, qualia sunt opera, quæcunque fiunt *φυσικὰς* ante fidem, vt Abraæ opera, ante quam crederet. Qui vero sic accipiendum esse existimant citra hyperbaton, vt appellarit Abraam patrem nostrum secundum carnem, nescio, qua ratione, aut consuetudine sermonis hoc defendere possunt, cum enim de cognatione secundum carnem in hac epistola loquitur, sic ait cognati mei secundum carnem, non dixit cognati nostri, & alias, si quomodo ad emulandum prouocem carnem meam, non dixit, carnem nostrā, neque enim cum credentibus ex Iudæis tantum, sed etiam cum credentibus ex gentibus loquitur, qui non habebant Abraam patrem secundum carnem, sed secundum fidem. Docens ergo hic neque sub lege, neque ante legem iustificari hominem ex operibus, quæ non sint ex fide, cum dixisset, quoniam quidem vnus est Deus, qui iustificat circumcisionem ex fide, & præputium per fidem, subiungit, quid ergo dicemus inuenisse Abraam patrem nostrum, nostrū dicit, idest, communem circumcisionis, & præputii, quid inquam dicemus inuenisse secundum carnem, idest, ante spiritum ex fide, vt Idem Apostolus alias loqui solet, vt Gal. 3. nos enim (inquit) spiritu ex fide spem iustitiæ expectamus. quid enim inuenierit Abraam spiritu ex fide, testatur scriptura, quæ ait, credidit Abraam Deo, & reputatum est ei ad iustitiam. Conuenit cum hoc, quod paulo post ait in eodem capite, ideo ex fide, vt secundum gratiam firma sit promissio omni semini, non ei, qui ex lege est solum, sed & ei, qui ex fide est Abraæ, qui est pater omnium nostrum, scilicet non secundum carnem, sed secundum fidem. Similiter ergo in principio capitis appellauit Abraam patrem nostrum, nostrum inquam omnium secundum fidem. Cum ergo quæsierit Apostolus quid inuenierit Abraam secundum carnem, & statim subiunxerit, si enim ex operibus iustificatus est, habet gloriam, sed non apud Deum, profecto de operibus secundum carnem intelligendum est, hæc enim videre, & laudare possunt, & solent homines, non autem intelligendū est de spiritu, ac fide cordis, quæ solus Deus videt, & quorum laus est apud Deum, Est itaque repetendum in operibus, *κατὰ νόμον*, illud secundum carnem, vt dicamus, si enim iustificatus est ex operibus secundum carnem, habet laudem, in quo rursus repetendum

DE IUSTIFICATIONE

est ἀπὸ κατὰ σάρκα, istud idem secundum carnem, vt sit, habet laudem sci-
 licet secundum carnem, cuius laus non est ex Deo, sed ex homini-
 bus, qui tantum vident ea, quæ apparent, ideo ait, habet laudem,
 sed non apud Deum, apud Deum enim nihil valet, neque prodest
 caro. Deinde subiungit, Quid enim dicit scriptura? credidit Ab-
 braam Deo, & reputatum est ei ad iustitiam, probat Apostolus
 quod si Abraam iustificatus est ex operibus secundum carnem,
 idest, ex operibus, quæ non sunt opera spiritus ex fide, habet lau-
 dem, siue mercedem secundum carnem apud homines, quia secun-
 dum spiritum ex fide laus est apud Deum, dicit enim scriptura, cre-
 didit Abraam Deo, & reputatum est ei ad iustitiam, apud Deum sci-
 licet, atque hoc quidem gratis, quia Deus nihil debet homini, neq-
 debere potest, cum sit creatura eius. Vnde sequitur, ei enim qui
 operatur, scilicet secundum carnem ἀπὸ κατὰ σάρκα, non imputatur sci-
 licet apud homines merces secundum gratiam, sed secundum de-
 bitum, ei autem, qui non operatur scilicet secundum carnem, sed
 secundum spiritum, credenti in eum, qui iustificat impium, fides im-
 putatur apud Deum secundum gratiam ad iustitiam. Opera ergo
 secundum carnem negat Apostolus in iustitiam computari à
 Deo, non autem opera spiritus ex fide, Cur autem ista opera, se-
 cundum carnem non computentur in iustitiam apud Deum, sed
 tantum apud homines, illa est ratio, quod homo constitui potest
 debitor alterius, non autem Deus, cum nulla sit, neque esse pos-
 sit naturalis schesis siue respectus Dei erga homines, vt aliquid de-
 beat, vt quidem homo debere potest tum propter naturalem be-
 neuolentiam, & schesim, qua tenetur esse κατὰ φύσιν, tum propter
 mandata, quibus obediendum est, Deus autem nullam habet erga
 nos naturalem schesim, siue habitudinem, cum ex nihilo omnia
 crearet voluntate sua sola, neque vllis mandatis, aut lege teneatur.
 Quare qui est dñes in misericordia propter solam suam gratiam,
 & misericordiam eos, qui operantur conuersi in eum per fidem, ius-
 tificat ex fide. Quàm magna. n. (inquit Eccles. c. 17) misericordia do-
 mini, deinde declarat in quos existat ista magna Dei misericordia,
 & gratia, subiungens, Et propitiatio illius conuertentibus se ad
 eum, rursus explanat quare misericordia Dei sit magna, & solius
 Dei propria, subiungens, Non possunt esse omnia in hominibus,
 quoniam non est immortalis filius hominis, & in vanitate malitiæ
 placuerunt sibi, Quid lucidius sole, & hic deficit, aut quid nequius,
 quàm quod excogitauit caro, & sanguis, & hoc arguetur, altius

dinem coeli ipse conspicit, & homines terra, & cinis, &c. Homines (inquit) cum sint mortales, & peccatores, neque omnia omnes habeant, sitq; eorum inter se multiplex schesis, existit quoque multiplex ratio, cur alii aliis iure quodam benigni esse debeant, siue in tribuenda alteri venia, quia & ipsi peccare possunt, quamlibet maligni sint, siue opem ferendo, & opitulando, quia & ipsi egere possunt ope, & opitulatione, cum non omnia habeant, denique quia omnes homines mortales sunt, iure communionis naturæ, & cognationis naturalis debent alii aliis inter se præsto esse, quæ quidem non est proprie misericordia, sed quædam ratio debiti, ut enim ait Clemens in secundo libro Stromat. proprie miseretur maior minoris, homo autem homine natura neque maior est, neq; melior. Proprie itaque Deus, ut idem explicat deinceps, misericordiam, & gratiam facit, misericordia enim gratia est. Cum ergo operanti secundum carnem, secundum debitum, & non secundum gratiam merces computetur, ut Apostolus ait, Deus autem nihil debeat creaturæ suæ, sequitur, ut ex operibus istis non iustificet Deus operantem, id enim esset, computare ei mercedem secundum debitum, quod Deo quidem convenire non potest, cum sit omnium dominus, & auctor, homo vero creatura eius mortalis, sicut subiungit idem Ecclesiasticus inquiens, virtutem altitudinis coeli ipse conspicit, homines autem terra, & cinis. Cur enim Deus ex solis operibus absque fide, & interiore, atque spiritali eius ad Deum conversione hominem iustificaret? nisi quia more hominum, qui non aspiciunt nisi in opus exterius, debitor esset, homines enim facienti opus, quocunque animo faciat, mercedem iustam reddunt, & rursum homo faciens opus iniunctum, & præscriptum, siue amico, siue inimico animo faciat, quod solius Dei est iudicare, laudem, & mercedem fert ab homine, at non sic Deus, sed potius cum spiritus sit, qui adorant, & serviunt ei, in spiritu, & corde operantur adorare, & servire, ut secundum gratiam iustificentur ab eo. Itaque in charitatem cordis puri & conscientiam bonam, & fidem non fictam aspicit Deus, cuius laus non est ex hominibus, qui non vident nisi in manifesto, sed ex Deo, qui videt in abscondito. Clarissime potest hoc perspicui in parabola euangelii de operariis conductis, in qua sculturam vineæ vocat ipsam fidem cum mandatorum operatione, unde iustitia nostra existit non secundum debitum, sed secundum gratiam ipsius vocantis, ipse enim secundum propositum gratiæ suæ computat hæc nobis in iustitiam, quæ in

nobis est, qua nos iustificat, quod idem dominus significauit iniquiens in eadem parabola, & quod iustum est dabo vobis, nō dicit, quod debitum erit, dabo vobis, vt loqui solet, qui constituit alteri mercedem secundum debitum, & non secundum gratiam, sed sic, quod iustum est, dabo vobis, quod iustum inquam erit secundum gratiam meam, hanc enim iustitiam secundum gratiam, & non secundum debitum significauit, cum in eadem parabola dixit murmurantibus, an non licet mihi quod volo facere? quod perinde est quasi diceret, an non iustum est, quod volo ex misericordia? statim enim subiungit, An oculus tuus nequam est, quia ego bonus sum, bonitatem enim vocat misericordiam, siue gratiam. In hac itaq; parabola eis, qui nouissima hora venerunt ad culturam vineæ dedit primum tantundem, idest singulos denarios, vt dedit iis, qui plus laborauerāt, idest, qui tertia, & sexta, & nona hora venerāt. Cur hoc? nisi, vt ait sanctus Nilus Chrysostomi discipulus in epist. ad Agasthium, quia quod operi defuit, studio voluntatis, & alacritate animi, ac diligentia compensarunt, non enim in opus secundum carnem aspicit Deus, quasi debitor, vt homo, absit, sed aspicit secundū gratiam, & misericordiam suam in cordis ad Deum conuersionem, idest, in fidem ex dilectione, misericordia enim eius, ait Eccles. conuertentibus se ad Deum. Significat præterea æqualitas mercedis singulorum denariorum æqualitatem fidei per dilectionem operatæ in eo, qd omnibus siue maior, siue minor sit, computetur in iustitiā omni credenti, vnde beatus Petrus 2. c. 1. hac ratione fidem vocauit coæqualem in iustitiā, ἰσότητος enim æquale in prætio, & æstimatione declarat. In hanc parab. aspexisse mihi videtur Apostolus Paulus, vt hoc obiter obseruem, cum loquens de Iacob typo electorum ex vtero antequam natus esset, secundū præscientiam Dei ad gratiam iustitiæ, & amicitiae Dei vocato, nō ex operibus (inquit) scilicet secundum carnem, quibus respondet debitum, sed ex vocāte, idest, sed secundum gratiam eius, qui vocauit, dictum est, maior seruiet minori, sicut scriptum est, Iacob dilexi, Esau autem odio habui. Sed persequamur locum coeptum, Probat Apostolus in eodem loco neminem iustificari ex operibus secundum carnem, de his enim, vt dixi, erat sermo, subiungens, Sicut & Dauid dicit beatitudinem hominis, cui Deus computat iustitiam sine operibus, Beati quorum remissæ sunt iniquitates, & quorum: tecta sunt peccata, Beatus vir, cui non computabit dominus peccatum, vt pote vere confitenti, hoc enim significat, quod statim subiungit, neq; est in ore

ore eius dolus . quod autem verbum λογίζεσθαι computare interpretamur , pro quo iam tritum est imputare , ideo fecimus , quod λογίζεσθαι verbum sit ratiocinandi de pecunia , vnde λογιστής dicitur , qui rationes conficit , obseruauit , hoc ante me interpretes graeci, ὁ δὲ ὡς ἐπὶ λογοδοτοῦ μετ' ἀλλήλων τὸ λογίζεσθαι τίθησιν, ἀκριβῶς δὲ τὸ τοῦ διωξέοντος ἐξέτασιν, idest, vsus est (inquiunt) propheta verbo λογίζεσθαι, tanquam in ratione subducenda , vt declararet perfectum iudicis examen, magis itaque conuenit verbum computandi cum denario euangelicæ parabolæ, & cum eo quod Petrus fidē vocat ἰσότημον, idest, æqualis prætii, siue æstimationis in iustitia . Sed redeamus ad locum psalmi, in quo nihil auditur de operibus secundum carnem, quasi ea computentur in iustitiam, ita vt propter hæc debeat beatitudo, quin potius sine operibus istis per solam gratiam, & misericordiam iustificat Deus, remittit peccata, & saluat, quod tamen hæc non faciat absque operibus fidei, & spiritus docuit in eodem loco idem Dauid in seipso ad nostram eruditionem, hortans enim ad poenitentiam, & cōfessionem peccatorum, subiungit, Delictum meum manifestauī, & peccatum meum non abscondi, dixi, Confitebor contra me peccatum meum domino, idest, simul vt dixi in corde meo. confitebor, statim inquam vt volui vere confiteri, dicens peccaui domino, vt dixit 2. Reg. c. 1. hoc enim significat, dixi, confitebor, tu (inquit) remisisti impietatem cordis mei, idest, statim destitisti computare mihi peccatum, & computasti iustitiam saluans me, qui perieram peccādo, & tacendo peccatum meum domino, sicut idem paulo supra dixerat, Quoniam tacui inueterauerunt ossa mea, & quæ sequuntur . Remisisti ergo (inquit) impietatem cordis mei non credenti tantum, sed poenitenti, & confitenti ex corde peccatum meum domino. Deinde subiungit, pro hac orabit ad te omnis sanctus, in tempore opportuno, id est, omnis qui voluerit esse sanctus poenitendo, & confitendo peccatum suum exemplo Dauid orabit veniam impietatis suæ, tempore opportuno dixit, idest, tempore confessionis faciendæ, vt si necesse sit communicare, vt quidem est, cum videtur instare tempus recedendi ex hac vita, tunc enim viatico coelesti opus est, aut in pascha, sicut scriptum est Num. 9. Si quis autem mundus est, & in itinere non fuit procul, & tamen non fecit pascha, exterminabitur anima illa, quia sacrificium domino non obtulit tempore suo, peccatum suū ipse portabit, quod quidē de pascha mystico nostro prophetice scriptum est . Quia vero oratur veniatum per poenitentiam

& confessionem, tum etiam per baptismum, in quo maior, & abundantior remissio impietatis fit, subiungit, prædicens tempus noui testamenti, verumtamen in diluuiio aquarum multarum ad eum non approximabunt, quod perinde est quasi diceret, orabit quidem omnis, qui sanctus esse voluerit pro remissione impietatis, sed in baptismo abundantior gratiam obtinebit, ut enim (sicut ait beatus Petrus) in arca Noe paucæ, id est, cæto animæ saluæ factæ sunt per aquam, ita ut illud diluuium nihil eis noceret, neque attingeret, sic similis formæ baptismus à diluuiio peccatorum omnium, quæ in infidelitate fuerunt, ita saluat, ut nulla contagio, aut labes illorum residet in eo, qui per baptismum ablutus, & sanctificatus est. Ergo ut ad propositum redeamus, docuit Apostolus ante legem exemplo Abrahæ, & sub lege auctoritate, & exemplo Dauid iustificari quidē hominem secundum gratiam absque operibus, scilicet secundum carnem (huiusmodi enim operibus, non secundum gratiam, sed secundum debitum merces respondet apud homines, Deus autem, ut dixi, nemini potest quicquam debere) non tamen iustificari absque operibus fidei, & spiritus, quod enim dixit Dauid, Beatus vir, cui non computabit dominus peccatum, neque est in ore eius dolus, intelligendum quoque est *καὶ τὸ καὶ τοῦ* in superioribus, beati quorum remissæ sunt iniquitates, & non est in ore eorum dolus. Significat autem non esse dolum in ore, veram confessionem ex corde, id est, ex vera poenitentia proficiscentem, poenitentia vero opus quoddam est, item vera confessio, ac opus quidem non secundum carnem, qualis est confessio oris simulata, & ieiunium ad ostentationem, & oratio oris tantum, & non mentis, & alia huiusmodi, quæ non sunt spiritualia, sed potius poenitentia *καὶ τὸ ἐργάμα* est *τῆς πίστεως*, ut ait Clemens Alexand. id est, opus excellens ex fide, opusque spirituale, ex operibus ergo spiritualibus fidei iustificatur homo. Qui enim dixit, Beati quorum remissæ sunt iniquitates, & quorum tecta sunt peccata, & cui non computabit dominus peccatum, adiunxit ad ista omnia, neque est in ore eius dolus, siue ut est in aliis exemplaribus, neque est in spiritu eius dolus, quod in eandem sententiam redit, idem enim significat interdum spiritus, quod os, quo spiramus, ut illud, orabo spiritu, id est, ore, orabo & mente. Itaque cum ait Apostolus, ei autē qui non operatur: credenti autem in eum, qui iustificat impium, computatur fides in iustitiam, intelligendum est, ei, qui non operatur secundum carnem, sed potius credit & obedit fidei, imputari iustitiā, nihil enim prodest credere, nisi fidei obediat, obediēre autem fidei

operari est ex fide per dilectionem. Vt iam opera illa, vt dixi, neget Apostolus computari in iustitiam, quæ sunt opera secundum carnem, non autem opera ex fide per dilectionem facta, ex his enim iustificatur homo. Clarius adhuc idem propheta docuit hoc. cum subiunxit paulo post, pro hac orabit ad te omnis sanctus, ergo non erit sanctus, qui non orabit pro remissione impietatis poenitendo, & cōfitemdo exemplo David. Huiusmodi igitur oratio pro peccatis computatur ad sanctitatem, ac iustitiā, oratio autem opus quoddam est, ergo ex operibus iustificatur homo. Quomodo ergo isti fide tantum ante vllum opus poenitentiae, ac confessionis, qua veniam petant, iustificari se iactant? Quod vero Paulus & in testimonio de iustitia Abræ ex fide, opus immolationis Isaac retinuit, contra quàm fecit Iacobus, & in testimonio David de eo, cui non computabit dominus peccatum, etiam retinuit opus, quod sequitur in illo ipso psalmo, illud scilicet, quod ait, neque est in spiritu, siue in ore eius dolus, quod significat opus veræ confessionis, ideo fecit, quia satis tūc visum est docere, iustificari hominem absque operibus secundum carnem. Sed videamus rursus de eo, quod paulo supra dixit Apostolus, Arbitramur enim hominem iustificari per fidem absque operibus legis, quale hoc sit, & quorsum, vt intelligant Lutherani, non secum neque cum dogmate suo facere, sed contra potius. Qui enim ex Iudæis ad fidem veniebant, volebant simul cum fide euangelii retinere opera legis corporalia, vt circumcissionem, ieiunia, sabbati quietem, ciborum differentiam, & alia huiusmodi, quasi non possent absque operibus istis iusti esse coram Deo, & Dei amici. Quare studebat Apostolus abducere illos ab hoc errore, docens non posse legem ex parte seruari, & ex parte relinqui, circumcisio enim (aiebat) prodest, si legem obserues, quod perinde erat, quasi diceret, age, circuncide te, esto, sit tua circumcisio utilis, si quidem totam reliquam legem serues, sed si totam non seruas, & hoc ipso, quod totam legem non seruas, præuicator legis es, quid prodest circumcisio? nonne in præputium versa est? aut ergo (inquit) circumcisionem relinque, aut totam legem serua. In eandem sententiam scripsit Galatis, qui in eodem errore erant, testificor (inquit) omni homini circuncidenti se, quod debitor est vniuersæ legis faciendæ. quod perinde erat, quasi diceret, vt sanctus Nilus beatus Chrysostomi discipulus hunc locum explanās in epistola ad Sydoniū ait, si circuncideris, sabbatiza etiam, sacrificā, cane tuba, et lauua quotidie iudæice, & vt summam dicam, fac reliqua legis, ne eius

sis prauaricator. Alia nunc ratione ab eadem opinione eosdem reuocat, qui quia rursus suspicabantur absq; istis operibus nō posse iustificari in euangelio, probat ne sub lege quidem ex vllis operibus legis, quasi ex operibus legis hominem iustificari potuisse, vocat enim opera legis illa omnia, quæ in lege Moisis sancita erant, quæ qui faceret, viueret in eis, qui non faceret, non viueret, siue ad decalogum pertinerent, qui est omnium communis, siue ad iudicia, & cerimonias, quæ erant Iudæorum tantum. Etenim si ex huiusmodi operibus legis, quasi operibus legis homo iustificabatur, sequebatur, vt Iudæorum tantum Deus esset, non etiam & gentiū, vt ad quas nō pertinerent opera vlla legis, quasi opera legis, Deus enim non esset Deus eorum, quos d iustitia excluderet, at est Deus omnium, quare ex iis, quæ possunt esse omniū communia Iudæorū, & gentium, idest, quæ non sunt opera legis quasi opera legis, vt fides, & opera spiritualia, siue virtutes Dei, iustitia existit.

opa legis.

Sed de operibus legis, quia quæstio est non parua, neque facilis, scripturas sanctas sequentes, accuratius quæ sint, & primum quot eorum genera explicemus, vt quomodo ex eis iustitia existat, planius, ac distinctius doceamus. Est igitur in scripturis duplex genus operum legis, alia sunt τὰ πρῶτα legis, vt illa, quæ ad iudicia, & cerimonias, ac ritus peculiares pertinebant, solis Iudæis præscripta, quæ dici possunt leuiores legis, siue non necessaria legis, non q̄ omitti, aut prætermitti liceret, si fieri possent, v̄ dominus dixit de decimis leuiticis, sed quia neq; ad omnes pertinebant, neq; erant permanens in euangelio, quæ iam cessarunt. Alia sunt, quæ iidē patres appellare solēt τὰ δευτέρωτα legis, idest, necessaria, quæ dominus appellauit grauiora legis, quæ omnia spectabant, & ad iudicium, vt est in euangelio Matth. sic enim vocat bonam conscientiam, quæ natura discernit bonum d malo, & ad misericordiā siue charitatem, vt Lucas ait, & ad fidem, quæ ad decem capita decalogi Mosaiici, ceu ad decem fontes legis naturæ reuocantur, quæ sunt scripta in cordibus omnium, quæ quidem si fiant quasi opera legis, idest, vt lege illa seruitutis, quæ propria erat Iudæorum, sancita erant, si fiant, inquam, non ex fide, ac dilectione, lex enim non erat ex fide, sed sicut scriptum est, qui fecerit ea, viuet in eis, sic homo non iustificatur ex eis. Sic enim esse accipienda opera legis, ex quibus iustificari negat Apost. ex ipso Apost. intelligi potest, cum Rom. 9. ait, Israel sectando legē iustitiæ ad legē iustitiæ non peruenit, subiicit enim deinde rationem, quia (inquit) non ex fide, sed quasi

ex operibus, quid vero sit nō ex fide, sed quasi ex operibus sectari iustitiā, rursus intelligi potest, & quidē clarius ex c. 4. Si n. (inquit) qui ex lege, hæredes sunt, exinanita est fides, abolita est promissio, sed cur ita, declarat subiungens, Lex enim (inquit) iram operatur, quasi esse ex lege, sit facere opa legis timore supplicii, quo lex irata afficiat violatores, ex fide vero esse, sit facere ex dilectione, qui enim perfecte credit, diligit, & qui credit & diligit, sermones eius, quem diligit, spōte facit. De hoc timore scripsit in epistola ad Hebræos, venisse Christum, vt per mortem destrueret eum, qui habebat mortis imperium, id est, diabolus, quod ad omnes redemptos pertinebat, & vt liberaret eos, qui timore mortis per totam vitam obnoxii erant seruituti, quod ad Hebræos ipsos retulit Apostolus, qui erāt sub lege seruitutis. Rursus Apostolus in epistola ad Galat. c. 4. lex (inquit) non est ex fide, deinde declarans, quid esset non esse ex fide, subiungit, sed qui fecerit ea, viuet in eis, quod perinde est, quasi diceret, lex non est posita iis, qui fidem habent, perfectam scilicet, & spiritualem, quæ non est à dilectione separata, hi enim non operantur quasi ex lege, id est ex timore poenæ, quæ lex est sancta, sed ex dilectione, ac pietate, sed potius posita est iis, quibus opus est timore supplicii humani, quo leges scriptæ sanciantur. Hunc enim timorem proponit scriptura, quæ dicit, sed qui fecerit ea, viuet in eis, ex quo rursus intelligebatur, vt qui non faceret ea, non viueret in eis, sicut scriptum est in Ezech. c. 20. Et leuaui (inquit) manum meā in deserto, vt dispergerem illos in gentibus, & disseminarem eos in regionibus, eo quod iustificationes meas non fecerunt, & præcepta mea repulerunt, & post cogitationem patrum suorum fuerunt oculi eorum, & ego dedi eis præcepta non bona, & iustificationes, in quibus non viuent in eis. Explicauit enim, cur dixisset præcepta, & iustificationes non bonas, nempe quia illa isti in malum suum vertissent non obediendo, sic enim factum est, vt minas malorum in lege propositas experirentur. Denique quid sit, quod Apostolus dixit, legem, siue opera legis non esse ex fide, sed qui fecerit ea, viuet in eis, magis adhuc explanasse mihi videtur in epist. ad Tim. 1. c. 1. erant enim ex Iudæis, qui circumcisionē, & alios ritus cū euangelio coniungere docerent, id est, iustitiā, quæ ex lege erat. cum iustitia ex fide, quos iussit Timo. monere, ne aliter docerent, id est, ne legem traderent, & ἡ προσδοκία καὶ ἡ εἰς ἡμᾶς (inquit) pro eo quod est, ἡ προσδοκία καὶ ἡ εἰς ἡμᾶς, vt paulo post explanat, cum ait, volentes esse legis doctores, & ne intenderet fabulis, & genealogiis interminatis, quæ

quæstiones (inquit) præstant , magis quàm adificationem in fide ,
 quem locum imitatus , & interpretatus est , vt mihi quidem videtur
 beatissimus martyr Ignatius in epistola ad Magnesienses . Nolite
 (inquit) errare in aliena doctrina , neque attendatis fabulis , & genea-
 logiis , sic enim Ignatii paraphraſtes , potius quàm interpres vertit .
 ἐπεὶ οὐδὲ γὰρ ὁ ἀποστόλος τοιαῦτα λέγει , ἀλλὰ καὶ οὐδὲν ἄλλο
 appellat . Deinde subiungit , si enim vsque nunc secundum legem
 Iudaicam viuamus , negamus gratiam accepisse , sancti enim pro-
 phetæ secundum Iesum Christum vixerunt , & quæ sequuntur . Ias-
 tabant itaq; isti habere se patrem Abraam , ad quem genus refere-
 bant repetita longa serie maiorum , qui circumcisionem Abræ , &
 legem Moïſis secundum carnem seruassent , in quo gloriam sitam
 esse falso putabant , suspicabantur enim Abraam ex circumcisione ,
 quasi ex opere quodam legis laudem , & gloriam apud Deum hæ-
 buisse . Deinde quia iusserat Apostolus Timotheo , denunciare istis ,
 ne aliter docerent , & ne attenderent fabulis , & genealogiis , decla-
 rat , quorsum denunciatio ista spectare deberet subiungens , finis au-
 tem denunciationis charitas de corde puro , quod perinde est quasi
 diceret . hoc eum denunciare , & præcipere debere , nempe vt doc-
 ceant non quidem legem , sed dilectionem de corde puro , & con-
 scientia bona , & fide non ficta , hæc enim est euangelicæ doctri-
 næ summa , vt credamus , & fidem per dilectionem operemur , quæ
 sic sunt inter se connexa , vt dissolui , ac separari non possint , neque
 enim potest fides non simulata , idest , fides vera , quæ cor purificat , à
 sancta dilectione seiuncta esse , imo necesse est sancte diligere , cui
 vere credimus , neque rursus fides , & dilectio à bonæ conscientiæ
 testimonio separari possunt , hæc enim faciunt , ne quid à nobis
 fiat , in quo nos cor nostrum reprehendat , quæ est bona consciens-
 tia , est enim conscientia , vt sanctus Dorotheus in libro πρὸς συνάδελφους
 diffinit , ratio quædam instar scintillæ illuminans mentem , & discer-
 nens bonum à malo , indita animæ à Deo , cū hominem creauit , quæ
 est lex naturalis , vt idē ait . cui oēs patriarchæ ante legem scriptam
 obsequentes , placuerunt Deo . Sequitur , à quibus quidam aberrantes
 voluerunt esse legis doctores , nō intelligentes , neq; quæ loquunt ,
 neq; de quibus affirmant , relictis enim fide , dilectione , & operibus
 fidei , quibus solum studere debebant , tradebant legem Moïſis , vt à
 Deo datam non esse reprehendendam , sed defendendam , & seruandam ,
 quasi illam reprehenderet Apostolus , q̃ doceret antiquatam esse , ac
 cessasse iam . Idcirco enim subiungit statim , scimus autem , q̃ bona

est lex, si quis ea legitime utatur, vt quidem utebatur idem Paulus, qui se aiebat p̄ legem legi mortuū esse, ipsa enim lex vetus docebat, futurū esse Messia in lege, & prophetis promissum, finem legis in iustitiā omni credēti, quod quidē credere, & ita operari erat legitime vti lege. Subiungit deinde, Scientes quia lex nō est iustoposita, sed iniustus, & nō subditis, impiis, & peccatoribus, sceleratis, & cōtaminatis, parricidis, & matricidis, homicidis, & fornicariis, masculorū concubitoribus, plagiaris, mēdacibus, periūris, & si quid aliud sanæ doctrinæ aduersatur, quæ est s̄m euangeliū gloriæ beati Dei. Hæc (inquit) prohibet lex vetus, quæ omnia poenis quidem sanciebat propter iniquos, & cōtemptores, vt vel metu poenæ se abstererent, aut si nolent, lege velut laqueo quodam constricti poenas daret, sicut ait Salomon Prou. 13. Lex sapientis fons vitæ, deinde subiungit de lege posita iniquis, insipiens sub laqueo morietur, & Sapient. Sirach. c. 21. Compedes (inquit) pedibus castigatio stultis, & quasi vincula manū in manu dextra. castigationem enim & vincula vocat legē punientem, & vincientem. Iustus vero nō eget huiusmodi lege, cuius lex est charitas pura, bona cōscientia, & fides vera, ex quibus iustificatur, & viuit, sicut scriptū est, lex sapientis fons vitæ, qui quidē ex fide, ac dilectione ab his omnibus, quæ hic Paulus enumerauit, se abstinet, quæ euangelium quoq; prohibet, hoc enim significat quod ait, & si quid aliud sanæ doctrinæ aduersatur, quæ est secūdū euangeliū. Ex his ergo opibus legis quasi operibus legis, id est si fiant non quidem s̄m spiritum ex fide, sed s̄m carnem ex timore, vt sicut lex dicit, faciens ea viuat in eis, sic nō iustificatur homo, rursus vero ex eisdem, non quasi ex operibus legis, id est, si fiant ex fide, ac dilectione, quæ sunt fructus spiritus, & Dei dona, sic iustificatur. Ex operibus itaque legis, quasi ex operibus legis nō iustificatur homo, ex operibus vero legis, quasi ex operibus fidei iustificatur, id est, cū quis ea operatur ex bona conscientia, ac non potius ex timore tantum poenæ humanæ, neq; quia laudem querat apud homines, sed quia timeat Deum timore casto, & honorem apud Deum sectetur, hic iustificatur ex eis, sicut Apostolus dixit de gentibus quæ sibi ipsis sunt lex, iustificandas esse, quia naturaliter, quæ legis sunt, facerent, testimonium reddente illis conscientia, & beatus Petrus in Actis Apost. in omni gente (inquit) qui timet Deū, & operatur bonū, acceptus est illi, qui autem acceptus est Deo, hic iustus est apud Deū, proprietas enim iustitiæ est facere acceptum, & amicum Deo. Iustificatur ergo homo ex timore casto Dei, qui non potest esse

sine fide vera, & ex operibus bonis, pro eo enim quod Paulus dixit de gentibus, quod natura ea, quae legis sunt, faciunt ex bona conscientia, de eisdem dixit Petrus, quod operentur bonum, id est ea, quae legis sunt, ex timore Dei, quem scilicet naturaliter cognouerunt. Ex operibus itaque legis necessariis, & naturalibus, id est, quae sunt à Deo scripta in cordibus, quae ad decalogum legis pertinent, & perpetua sunt, factis quasi operibus legis, id est, non factis ex fide per dilectionem operata, lex enim ut Apostolus ait, non erat ex fide, nemo tunc sub lege iustificabatur, neque nunc sub euangelio, ex eisdem vero non sic factis quasi operibus legis, sed spiritu ex fide dei iustificabantur tunc, & nunc iustificamur. rursus ex aliis operibus legis non naturalibus usque ad tempus correctionis impositis, ex quo temporalia dici possunt, quae iam desierunt, quasi ex operibus legis, id est, carnaliter etiam, & non secundum spiritum ex fide factis nemo item iustificabatur, ex eisdem vero factis ex fide per dilectionem operata iustificabantur, ut scriptura ipsa docet. Non enim computabatur in iustitiam carnalis agitatio sabbati Mosaiici, quod erat proprium Iudaeorum, sed agitatio spiritualis, spiritualis sabbatismi, qui est communis omnium gentium, quae timent Deum, & operantur iustitiam, ad quem quidem sabbatismum spiritualem sabbatum illud carnale tanquam signum adsignatum, & umbra ad corpus referebatur, sic enim scriptum est in lege de sabbato Exod. 13. Pactum est sempiternum inter me, & filios Israel, signumque perpetuum. Et rursus per Ezech. c. 20. & sabbata (inquit) mea dedi eis, ut essent signum inter me, & inter eos, deinde declarans per Moysen quomodo esset signum, subiungit. ut scirent ipsi, quia ego dominus, qui sanctifico eos. Eo ergo spectabat corporalis illa quies sabbati Iudaei, ut meminissent Iudaei se ab eo electos, & sanctificatos esse, qui diem septimum mundo perfecto sanctificasset, & in eo ab omni opere, quod patrarat, requievisset, laborarentque omni studio virtutum in recipienda sanctificatione, & ab omni peccato vacarent, id est, ab omni servitute diaboli in cultum, & honorem eius, qui eo die ab omni opere servili vacare iuberet. Hic est sabbatismus spiritualis, cuius laus est ex Deo, & qui ad iustitiam, & sanctificationem agitantem illum computabatur. similis ratio est in reliquis festis Iudaeorum, ut Paschae, tubarum, & tabernaculorum, &c. erant enim signa, ac memoriale inter Deum, & populum, sicut de Pascha scriptum est, Et habebitis hunc diem in monumentum. Et rursus, cum dixerint vobis filii vestri, quae est ista Religio? dicetis eis, victima

transitus

transitus domini est, qui transiuit super domos filiorum Israel ex Aegypto, percutiens Aegyptios, & domos nostras liberans. Deinde subiungit Moyses, & incuruatus populus adorauit. Fides ergo, atque obedientia (vtrunque enim significabat adoratio cum incuruatione) erant illa, quibus Pascha spiritualiter, & Deo placentes celebrabant, sicut Paulus ait, fide Moyses celebrauit Pascha, & sanguinis effusionem, ne qui vastabat primitiua, tangeret eos, fides autem simul, & obedientia, quae communes omnium esse possunt, ad iustitiam imputantur. Similiter in sacrificio binorum agnorum singulis diebus, post descriptionem illius subiungit scriptura, & scient, quia ego dominus eorum, qui eduxi eos de terra Aegypti, ut inuocarer ab eis, & essem Deus eorum, sic enim est apud septuaginta. hic quoque satis docuit scriptura, quemadmodum per se quidem, idest, secundum carnem, siue secundum litteram legis nihil sacrificium illud corporale ad iustitiam coram Deo valeret Iudaeo, sed fides, & obedientia fidei, idest, hoc solum valere, si fidei, qua se potenti manu Dei ex Aegypto deductos, & liberatos profiterentur. obedirent, ut sacrificarent in memoriam accepti beneficii, hoc enim significat, ut inuocarer ab eis, idest, ut sacrificaretur mihi, inuocaten enim, qui sacrificat. Scire ergo se esse deductos à Deo ex Aegypto, idest, hoc credere, & per huius fidei obedientiam eum inuocare sacrificando, imputabatur ad iustitiam, hoc enim significat, quod statim adiungit, ut essem Deus eorum, Deus enim non est Deus peccatorum, qui mortui sunt, sed iustorum, idest, ex fide uiuentium. Sic fiebat sacrificium iuge spirituale, quod computabatur ad iustitiam, lex enim spiritualis erat, ut Apostolus ait. Nisi longum esset pergerem per reliqua huiusmodi opera legis, ut ostenderem neminem unquam ex istis operibus legis carnalibus, sed spiritualibus iustificatum, idque scripturam ipsam veterem accurate admonuisse, ut incibus, munda ab immundis carnaliter distinguere, non iustificabat coram Deo, sed coram hominibus, qui tantum vident ea, quae apparent. Qui vero esset spiritus huius legis de separandis mundis ab immundis, idem dominus paulo post docuit, Leuit. c. 20. Separate ergo (inquit) vos iumentum mundum ab immundo, & auem mundam ab immunda, ne polluat is animas vestras in pecore, & auibus, & cunctis reptilibus terrae, quae vobis ostendi esse polluta. Deinde subiungit, quod ad spiritum legis huius pertinet, eritis mihi sancti, quia ego sanctus sum, ego dominus, & separaui vos à cunctis populis, ut essetis mei. Significat ergo eo spectasse legem de separatione mundi

dorum ab immundis tanquam signum, vt quisq; Iudæorum meminisset, vt se in primis à consuetudine Gentilium, & à moribus, ac ritibus eorum tanquam immundorum, imo ab omni iniquatione, & immunditia peccati separaret, vt sancti, ac puri essent, & digni, qui essent filii Dei, ac proinde iusti, & beati. Ergo discretio spirituales mundorum, & immundorum, cui seruiebat discretio illa corporalis, sicut littera spiritui, & corpus animæ, illa inquam erat, quæ ex fide eius, qui hoc præcipiebat, placebat Deo, & in iustitiam computabatur. Rursus q̃ iustificaretur Iudæus ex operibus legis siue per petuis illis, & naturalibus, quæ ad legem decalogi pertinent, siue aliis non naturalibus, & caducis, ex vtriusq; vero non quasi operibus legis, sed factis spiritu ex fide, cum ex infinitis locis aliis intelligi potest, tum clarissime omnium ex Esaia, qui locus instar innumerabilium apud eos, qui credunt scripturis, esse debebit. Ergo cum metu belli, quod Esaias prædixerat, vniuersus populus perterritus esset, qui erant inter Iudæos religiosiores, continuo se ieiuniis, & precibus dederunt, vt sic Deum placarent, qui tamen legem Moisis non seruabant. Quamobrem, quia obliui criminum suorum *ἐξ ἀκαθαρσίας ἡ ἀρχαὶ μὴν* (vt Cyrillus ait) idest, ad iustificationem, & sanctificationem sola ieiunia, & preces satis esse existimabant, iussit Deus propheta, vt admoneret, idcirco se non exaudire eos, neque eorum precibus annuere, quia non essent iusti, deprecatio enim iusti *ἐν ἑργῷ τοῦ πλην*, sicut ait scriptura, multum valet apud Deum, *ἐν ἑργῷ πλην* dixit orationem cum operibus coniunctam, eorum enim, qui non sunt iusti, quia scilicet non faciunt iustitiam, non est oratio *ἐν ἑργῷ πλην*. Clama ergo (inquit) vehementer, & ne parcas, quasi tuba exalta vocem tuam, & annuncia populo meo peccata eorum, & domui Iacob iniquitates eorum, me etenim de die in diem quaerunt. Assiduas preces, & ieiunia significat, & vias meas scire volunt, idest, quorsum euasura sit prædictio belli futuri, & quis rei exitus, scire inquam volunt quasi populus iustitiam faciens, idest, perinde quasi iusti sint, qui enim iustitiam facit, iustus est. Sequitur deinde, rogant me iudicia iustitiæ, & appropinquare Deo cupiunt dicentes. quare ieiunauimus, & non aspexisti? humiliauimus animas nostras, & non cognouisti? Certe cum isti frustra ieiunabant, & precabantur, tamen fidem habebant, & Deo confidebant, alioqui neque ieiunia, neque preces adhibuissent, quis enim ieiunandi, & precandi studio, ac religione placare Deum studeat, cui non credat, neq; fidat? Quæ quidem fides, & fiducia ista, si ad iustitiam satis erant, vt isti volunt, erant

ergo iusti, cum ieiunabant isti, & precabantur, ac dominus rogatus ab eis, causam reddit cur eos alioqui ieiunantes, & precantes non exaudiret. quia (inquit) in diebus ieiunii vestri inuenitur voluntas vestra, & omnes debitores vestros repetitis, ecce ad lites, & cōtentiones ieiūatis, & quæ sequuntur, quod perinde est, quasi diceret, causam esse, cur non exaudiret, quia quasi iusti ieiunarent, & precarē, cum tamen non essent iusti, quid autem facere debeant, ut tanquam iusti precentur, ac ieiunent, ac tunc quidem exaudiātur, docet propheta subiungens, Non hoc ieiunium elegi per diem affligere hominem animam suam. & rursus paulo post, nō tale elegi ieiunium, dicit dominus, sed dissolue omne vinculum iniquitatis, sic vocat auaritiam, sicut Apostolus vocauit laqueos diaboli, cum ait, qui cupiunt diuites esse, incidunt in laqueos diaboli. sequitur, & iniquitates violentarum cautionum. Sic enim est apud septuaginta. hæc quoque ad artem avaritiæ pertinent, & dimitte eos, qui contracti sunt, id est, iniquis istis, & auaritiæ plenīs contractibus irretitos, & oppressos solue, & dimitte liberos, & omnem scripturam iniquam scinde, syngraphas de usuris soluendis ait beatus Cyrillus significari. Quia vero non satis est ad iustitiam, declinare à malo, sed oportet facere bonum, subiungit, Frange esurienti panem tuum, & pauperes sine tecto induc in domum tuam, si videris nudum, operi eū, & propinquos seminis tui ne despexeris, hæc sunt opera illa legis grauiora, quæ paulo ante dicebamus, & necessaria, quæ si fiant quidem non quasi opera legis, ex eis iustificatur homo. Idcirco subiungit, tunc erumpet quasi mane lumen tuum, quid enim appeller lumen matutinum, rursus declarat, subiungens, & orietur cito sanitas tua, & præcedet ante faciem tuam iustitia tua, significat ergo statim (hoc enim significat mane) si sic faciant, iustificandos esse, id est, computanda esse hæc opera ad iustitiam, iustitiam enim quia viuificat, conseruat, perficit, & vnit cum vero lumine, & sole iustitiæ, qui est Deus benedictus, lumen appellauit, has enim proprietates inesse lumeni, in quibus tanquam in imagine iustitiam agnoscimus, elegantissime docuit diuinus Dionysius in diuinis nominibus cap. 4. Rursus quia iustitia, ut dixi, efficit vnionem cum Deo, quæ vnio est salus animæ, ut idem Dionysius in ecclesiastica Hierarchia c. 1. annotauit, addidit scriptura, & orietur cito sanitas tua. hanc beatus Petrus appellauit. 1. cap. 1. finem fidei nostræ, ut sanctus Maximus in responsionibus ad Thalassium interpretatus est, cum ait, reportantes nunc finem fidei vestræ, salutem animarum ve-

stratum, quia scilicet, ut finis operis corporalis est merces secundum debitum, sic fidei, & operum spiritualium fidei, finis, id est, merces nunc secundum gratiam Dei est ista vnio cum Deo, quæ est, ut dixi, salus animæ, quam efficit iustitia fidei. finis vero in futuro erit coelestis merces gloriosæ vniõis, & salutis. de qua sequitur, Et gloria domini circumdabit te, quod quidem ac commodatissime appositum est, quos enim iustificauit, hos & gloria ficauit. Deinde subiungit, tunc clamabis, & dominus exaudiet te, tunc inquit, cum hæc facies. Iam ne vident Luterani, quæammodum opera pietatis, quæ sunt fructus spiritus, in iustitiam computentur a Deo, & non fides tantum? Credebant isti Deo, ut dixi, & ei fidere sibi videbantur, alioqui neque ieiunaturi, neque precaturi, tamen erant iniusti, hanc enim causam esse, cur eos non exaudiret Deus, idem Deus respondit. Ergo neque fides sola, neque opera legis siue corporalia, siue carnalia, ut ieiunium non in spiritu, sed in littera, & precari ore, & non mente, & alia huiusmodi non computantur in iustitiam, non enim (inquit) elegi tale ieiunium, At si ieiunium in spiritu, quod est abstinere etiã ab omni nequitia, & vitio, & abundare omni opere pietatis, si hoc inquam, ieiunium spiritu ex fide feceris, præcedet (inquit) ante faciem tuam iustitia, quod perinde est, quasi plane diceret, computari secundum gratiam tale ieiunium ad iustitiam, cuius fructus nouissimus sit gloria, hoc enim erat ieiunium, quod Deus elegit. Rursus quia docere quidnam ad iustitiam valeret coram Deo, permagni referebat, eadem sepe repetit, quod sine vitio tautologiæ non raro ad vtilitatem nostram facere solet scriptura, sicut nos Apostolus suo exemplo admonuit, cū ad Philippen. iterum de eisdem scribens, mihi (inquit) scribere eadem non pigrum, vobis autem necessarium. Itaque (inquit) si abstuleris a te colligationes, auaritiã omnem significat, & si desieris extendere manum scilicet ad munera, sic enim beatus Cyrillus in comment. Esaiæ interpretatur in eo loco *χρηστία*, tamen si, ut hoc obiter obseruemus, magis fortasse probetur, ut ordinationem significet, ita ut prohibeatur, ne ordinatio sacra, & spiritualis ematur, vendaturue, quod fieri solere ex 3. Reg. cap. 13. intelligi potest, cū ait, & quicumque volebat, implebat manum suam, & fiebat sacerdos excelsorum. ex hoc itaque Esaiæ loco sumpsisse videtur beatus Petrus vinculum illud siue colligationem iniquitatis, quam dixit in ordinatione, quam emere volebat Simon. Sequitur, & si abstuleris verbum murmurationis. Quia vero non satis est, ut supra aiebam,

declinare à malo, sed oportet facere bonum, rursus subiungit, & si dederis esurienti panem ex anima tua: & animam afflicti saturaueris, tunc (inquit) orietur in tenebris lumen tuum, id est, ex iniusto factus iustus, & erit Deus tuus tecum, amicus inquam Dei eris, cum eo vnitus, & copulatus, sicut scriptura, postquàm credidit Abram Deo, & reputatum est ei ad iustitiam, appropinquasse illum Deo dicit, vt Philon quoque Iudæus in libro de migratione Abram obseruat. quod beatus Iacobus interpretans, amicum Dei appellatū esse ait. sed hæcenus de ieiunio spirituali, quòd fide cooperatē, in iustitiam computatur. Docet similiter paulo post de spirituali agitatione sabbati Mosaiici, quæ in eo consistebat, vt sicut Deus septimo die requieisset ab operibus suis, sic illi ab operibus propriis, id est, à voluntatibus carnis requiescerent, hoc enim significat auerte re pedem à sabbatis, vt non facias voluntates tuas in die sancta, & vt in eo die non ad luxuriam, & ad voluptates ab operibus vacarent, sed potius ad voluptates, & delicias in Deo capiendas, hoc enim significat vocare sabbatum delicatum, & sanctum, item vt abstinerent ab omni ira, etiam sermonis, tum in eo, vt fiduciam totam non in diuitiis, quæ operando parari solent, sed in Deo collocarent. hoc enim significat, & eris confidens in dominum. Deinde declarans huius sabbatismi spiritualis mercedem, subiungit & eleuabo te super bona terræ, vt enim paulo supra ieiunium spirituale computabat Deus in iustitiam secundum gratiam, & non secundum debitum, sic hic spiritualiter agitati sabbatum computat mercedem futuram coelestis terræ, id est, regni coelorum, vt intelligamus hanc esse nouissimam mercedem, quæ etiam est propria iustitiæ. Sub lege ergo Moisis ex operibus quidem legis spiritualibus iustificabatur homo, vt ostendimus, non autem ex operibus legis, quasi ex operibus legis, quæ non erant ex fide, quæ propria erant Iudæorum, quibus solis lex propter transgressiones, sicut Apostolus ait, posita erat, quod quidem paulo infra interpretans idem Apostolus subiungit, prius autem quàm veniret fides, sub lege custodiamur conclusi timore scilicet peccandi, & transgrediendi, sic enim interpretatur Clemens Alexandrinus in primo Stromateo. Et in epistola ad Heb. c. 2. Christum ait Apostolus carnem sumpsisse, vt liberaret eos, qui timore mortis scilicet ex transgressione, per totam vitam obnoxii erant seruituti. Iudæi enim sub lege tot, ac tam multiplicium operum, quæ pœnis sancta erant, tanquam sub pedagogo instar pueri metu peccandi continebatur, ne voluntates

suas faceret, ut vel sic de operibus legis spiritualiter munere Dei
 perficiendis admoneretur, secundum enim carnem, & non secun-
 dum spiritum facta ad iustitiam non computabantur, neque sub le-
 ge, nec ante legem, ut in Abraam docuit Paulus, neque nunc sub
 euangelio, quia ut secundum carnem fiunt, inō sunt ex fide, ac pro-
 inde non iustificatur homo ex eis, iustus enim ex fide uiuit, sicut
 neque iustificatur nunc homo ex operibus corporalibus, quasi
 operibus corporalibus, hæc enim æstimat Deus, ut ait Marcus A-
 nychoreta in lib. de lege spirituali, καὶ τὰ τὰς πνευματικῶν, idest secun-
 dum propositum animi. Exercitatio (inquit Apostolus) corpora-
 lis ad modicum utilis est, exercitationem corporalem vocat, qua
 corpus in honorem Dei ad humiliationem animæ utiliter castigat-
 ur, & in seruitutem redigitur, ut ieiunare, vigilare, cubare humi-
 nistrare, laborare manibus, ne aliis simus graues, & ut suppetat ad-
 dandum, & alix huiusmodi σκληραγωγίαι, quas sanctus Maximus
 in 2. Hecaton. 57. dicit esse virtutes corporales ὑπὸ ἀνάγκῃ, idest,
 necessitati subiectas, ita ut qui eas non possit exercere, veniam ha-
 beat, contra vero non habeat, qui virtutes alias, quas vocat λυγικὰς
 non exerceat, quia non sint necessitati subiectæ. Absque huiusmo-
 di ergo, corporalibus virtutibus, quæ neque semper, nec ab omni-
 nibus, nec ybique exerceri possunt, neque cum exercentur, semper
 bono animo exercentur, iustificatur homo coram Deo, nunquid
 enim Deus ieiunantium est, & humi cubantium, & non etiam non
 ieiunantium? Exercitatio ergo corporalis, ait sanctus Nilus in lib.
 πρὶ πνευματικῶν, ad modicum utilis est, similis disciplinis puerilibus,
 corporis enim motus moderatur, & temperat, ut athletæ rudes &
 nouitii corpus exercere, & membra assidue mouere incipiunt, tam-
 en animi motus non reprimat, quod quidem facit pietas. hæc. n.
 cum mentem ad Deum, & diuinā conuertat, & applicet, facit, ne se-
 mens ad passiones, & terrena reuocet, quod quidem exercitatio cor-
 poralis non potest præstare. Ut enim idem auctor tradit in expla-
 natione illius loci, qui habet pallium, vendat, & emat gladium, la-
 bor τῆς σκληραγωγίαι, idest, duræ exercitationis, defatigato corpo-
 re, tempus fortasse dat passionibus, ut mentem vacuum excitent ad
 ea, in quæ feruntur passiones, at contemplatio, ac conuersio, in
 Deum totam mentem occupat, & detinet non cedens non solum
 passionibus, sed neque fortasse cogitationi vocanti ad necessarium
 vsum. vincit enim (inquit) non solum voluptatem ἐμπειρῶν, idest,
 prauam, sed naturalem quoque necessitatem, quod intuens Paulus

exercitatio (inquit) corporalis ad modicum utilis est, pietas autem ad omnia valet. Quam solet alias scriptura appellare sapientiam, appellat hic *וְעָלָה* idest, pietatem, quæ est exercitatio spiritualis, solet autem appellare sapientiam studiū operandi mandata Dei propter religionem, & cultum ipsius Dei, sicut scriptum est in Eccles. c. 1. si cupis sapientiam, serua mandata. Hanc sapientiam appellauit *וְעָלָה* Salom. c. 10. loquens enim de Iacob, sapientia (inquit) hos qui se obseruabant, à doloribus liberauit, hæc autem profugum iræ fratris iustum deduxit per vias rectas, & ostendit illi regnum Dei, & dedit illi scientiam sanctorum, multiplicauit illam in laboribus, & ditauit labores illius, in fraude circumuenientium eum affuit illi, & diuitem fecit illum, custodiuit illum ab inimicis, & à sequētoribus tutauit illum, & certamen forte dedit illi, vt vinceret, & sciret, quia omīssum potentior est *וְעָלָה*, idest, pietas, quam paulo ante vocauerat sapientiā, vocauit nunc *וְעָלָה*, idest, pietatem. Et subiungit, hæc venditum iustum, (Ioseph dicit) nō dereliquit, sed à peccato liberauit, & quæ sequuntur. *וְעָלָה* ergo, idest, pietas in faciendis mandatis Dei, & declinandis peccatis propter Dei religionem consistit, sicut scriptum est Iob c. 28. *וְעָלָה* (inquit) idest, pietas, sapientia est, & abstinere à peccatis scientia. De hac igitur sapientia operandi mandata, & declinandi à peccatis propter religionem Dei, loquitur Apostolus cum ait, pietas autem ad omnia valet, valet enim in Christo ad iustitiam hominis, ac proinde ad vitā beatā, vt statim subiungit inquiens promissionē habens vitæ, quæ nunc est, & futuræ, iustus enim ex fide, siue ex pietate viuit. Respōdeant ergo isti, quid aliud erit exercere se ad pietatem, quod Paulus præcipit, nisi facere opera pietatis? hæc autem cum promissionem habeant vitæ, quæ nunc est, & futuræ, plane sequitur, vt nunc ex operibus pietatis secundum gratiam promissionis iustificetur homo, & postea glorificetur, quod enim habet promissionem vitæ, quæ nunc est, ex hoc homo iustificatur, iustus enim ex fide viuit, at opera pietatis huiusmodi promissionem habent, ex illis ergo iustificatur homo. An dicent hoc loco *וְעָלָה* idest, pietatem, siue cultū Dei esse fidem tantū? minime, etenim si fides tm̄ est, quomodo ad omnia valet, habens promissionē vitæ, quæ nunc est, & futuræ? An promittit dominus vitam, quæ nunc est, & futuram propter fidem tantum, & non etiam propter opera, cum scriptum sit, quia tu reddes vnique iuxta opera sua? non enim dixit iuxta fidem suā tantum, sed cuique iuxta opera sua, nempe fidei, & pietatis, cetera

enim nihil valent ad salutem, q̄ si promittit dominus reddere vni cuiq; iuxta opera sua, habent ergo opera promissionem, bona quidem promissionem vitæ, quæ nunc est, & futuræ, mala vero mortis. Ergo pietas promissionem habens, vt Apost. ait, vitæ, quæ nunc est, & futuræ, est exercitatio operum spiritualium ex fide. Hactenus de operibus legis grauioribus, quæ euangelii quoque opera sunt, quæ ad iudicium, misericordiam, & fidem referuntur, idest ad bonam conscientiam, & charitatem, de quibus operibus dominus dixit, quæcunque vultis, vt faciant vobis homines, & vos facite illis, hæc lex, & prophetæ, idest, in his consistit plenitudo legis, & sic sancti prophetæ vixerunt, & viuendum esse docuerunt, deinde subiungit, intrate per angustam portam, docens hanc esse viam, vt statim dicit, quæ duceret ad vitam, quare iustificant nunc hæc opera, vt tempore etiam legis, & prophetarum iustificabant, vita enim fructus est iustitiæ, iustificant inquam, si tamen non fiant, vt diximus, quasi opera legis, sed ex fide, ac dilectione, vt idem dominus docuit, & præcepit in euangelio Lucæ, idcirco enim postquam dixit, pro vt vultis, vt faciant vobis homines, & vos facite illis similiter, multa subiunxit de dilectione, & de benefaciendo ex dilectione. huiusmodi opera legis scripta in cordibus, quæ ad decalogi fontes reuocantur, vocauit beatus Iacobus *λογον ἐμφυτον*, idest, insitum verbum, quod potest (inquit) saluare animas vestras, potest ergo iustificare, salus. n. animæ, vt dixi, fructus est iustitiæ. Sed postquam satis iam, vt existimo, explicatum est, quomodo Abraam ex fide iustificatus sit, & non ex operibus legis, & quæ sint accipienda opera legis, & quomodo rursus, & quando ex eis iustificari possimus, si placet, de reliquis exemplis fidei, quæ Paulus Apostolus in epistola ad Heb. c. 11. sapientissime laudauit, breui differamus.

Videamus ergo primum, a principio capitis repetentes, de diffinitione fidei, quam idem Apostolus docuit, & multis exemplis illustravit, ac patefecit, vtrum ea sit fides tantum sine, & ante opera, vt isti noui magistri loquuntur an fides per dilectionem in actione posita, & ex operibus viuens, ac proinde viuificans, & iustificans. Est ergo (inquit) fides substantia, siue hypostasis rerum sperandarum argumentum non apparentium. hypostasim interpretatus est Dion. Areop. in diuinis nom. c. 7. *ἰδρυσις*, idest, firmamentum, ait enim fidem esse eorum, quæ creduntur, stabile firmamentum, quod credentes firmat veritate. Quæ vero firmamenti ratio insit in fide, docet idem Apostolus Ephes. 3. per fidem (inquit) in charitate radi-

cati, &

cati, & fundati, quasi charitas sit robur fidei, cui superædificatur tanquam primo fundamento ipsa charitas, vnde facile charitate amittitur, fides amittitur, sicut Apostolus ait, habens fidem, & bonam conscientiam, quā quidam repellentes circa fidem naufragauerunt, bona enim conscientia non potest separata esse à charitate. Conuenit cum his, quod est in epistola ad Coloss. c. 2. radicati (inquit) & superædificati, & confirmati fide, ea scilicet, quæ per charitatem *ἐν ἀγάπῃ τῷ*, idest, in actione versatur, charitas enim, vt dixi, superædificata fidei tanquam fundamento primo, illud ipsum primum fundamentum firmat, & roborat. hinc illud, quis nos separabit à charitate Dei? scilicet tanquam radicatos, & fundatos in ea per fidem, quod perinde est, quasi loqueretur fundamentum, & diceret, quis me separabit à superædificatione, quæ stabilis, & firmat fundamentum? vt fundamentum rursus firmat charitatem superædificatam, sunt enim quedam sibi inuicem causæ, ait Clemens Alexand. in 8. Stro. de causis, vt lapides in fornice, & virtutes in connexionem. Charitate itaque firmamur per fidem, & fide per charitatem. Fides igitur, quā Apostolus diffinit, charitatem habet superædificatam, quæ eam firmat, & facit, vt sit hypostasis, idest, firma *ἡ ἀγάπη τοῦ Θεοῦ*, stabilisq; assensio rerum, quæ sperantur, sperantur autem, quæ non videntur, & rursus quæ non videntur, quasi videntur per fidem, idcirco additum est argumentum, siue probatio non apparentium, idest, eorū quæ non videntur, siue præterita sint, siue futura, fide enim (inquit) intelligimus aptata esse sæcula verbo Dei, vt ex inuisibilibus visibilia fierent, idest fide intelligimus in principio omnia facta esse à Deo, cum non essent prius, sæcula enim significant aliquando *τὰ ἀρχαῖα ὅ τετα*, idest, antiquissima, vt magnus Dionysius in diu. nomi. annotauit. Sequitur, vt ex inuisibilibus visibilia fierent, idest, sic fecit omnia, vt cum tenebræ essent super faciem abyssi, nihilq; videretur eorum, quæ fecisset, lumen crearet, quo omnia videri possent. meminuit autem opportune luminis de fide loquens, quoniam Deus, vt idem Paulus 2. Corinth. 4. ait, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in faciem Christi Iesu idest, qui à principio creauit lucem sensibilem solo verbo, idem creauit lucem spiritualem in cordibus credentium, ipse inquam illuminauit nos cognitione gloriæ mysteriorum Dei per Christum. Similiter Eccl. c. 24. qui emittit, (inquit) disciplinam tanquam lucem, & paulo post à mari enim abundauit cogitatio eius, & consilium illius ab abyssu magna, quia

scilicet factis coelo, & terra, cum tenebrae essent super faciem abyssi, spiritus sapientiae, & consilii domini ferebatur super aquas, scilicet providens depulsionem tenebrarum & lucis creationem, quae quidem sapientia, cuius spiritus ferebatur super aquas, dixit *Εὐα ὁ πνεῦς* ac veluti consilium capiens, fiat lux, & facta est lux, hoc enim significat, consilium eius coepisse ab abyssu magna, & paulo post doctrinam (inquit) quasi mane illuminando, significat, sicut depulsis tenebris, quae erant super faciem abyssi, & creata luce, omnia sunt ex inuisibilibus visibilia facta, sic divinae disciplinae lumen, quae est fides Dei, instar lucis matutinae emittendum esse, ita ut sicut matutinum lumen magis, ac magis augetur, donec totum existat, sic lumen fidei paulatim, magis, ac magis se effundi. significabat etiam, ut lumen remota illuminat, sic procul remota, ideit. longe post futura per lumen fidei propheticè ostendenda fuisse. Vnde subiunxit, Adhuc doctrinam tamquam prophetiam effundam. Sed pergamus ad ea, quae sequuntur, fide (inquit) plurimam hostiam Abel, quam Cain obtulit Deo, per quam testimonium consecutus est esse iustus, testimonium perhibente muneribus eius Deo. Cū Abel vere crederet Deo, quod esset, quamvis eum non videret, & in charitate per fidem radicatus, ac fundatus speraret remunerationem eius, sane postulabat hanc fidem, ut Deum inquireret, & ei serviret, quare obediens fidei obtulit ei oblationem in obsequium servitutis suae. sacrificavit enim Deo optimis, & electissimis victimis, & reputata sunt ei ad iustitiam fides, & munera. quod enim ait scriptura Gene. respexit Deus ad Abel, & ad munera eius, significat iustificatum fuisse Abel non ex fide tantum, sed ex opere oblationis. Idem docuit Iacobus frater domini in iustificatione Abrar, non ex fide tantum, sed ex opere iustificatum fuisse. Quod ergo scriptura Gene. dixit de Abele, Paulus interpretatus est, cum ait fide plurimam hostiam Abel quam Cain obtulit Deo, per quam scilicet fidem testimoniū consecutus est esse iustus. hoc enim est testimonium scripturae de Abel, respexit Deus ad Abel, deinde subiungit Apostolus testimonium perhibente Deo muneribus eius, hoc rursus est testimonium de muneribus & respexit ad munera eius. testimonium inquam perhibente, quod esset iustus, scilicet ex oblatione munerum, sicut prius dixit testimonium consecutus est esse iustus ex fide, repetendum enim est illud, iustus, esse *αὐτὸ καλοῦν* quae est, ut saepe dixi, frequentissima figura in scripturis sanctis. Ut iam plane doceat Apostolus Abel non ex fide tantum iustificatum esse, sed ex fide, atque

oblacione muneris, quod quidem non propter Abel tantum scriptum est, sed propter nos, ut intelligamus ad nos similiter ex fide, & ad munera simul, atque oblaciones nostras respicere Deum, ita ut iuxta testimonium scripturæ de Abel ex fide, & ex muneribus iustitiam consecuto, nos quoque non ex fide tantum iustificemur, sed ex muneribus, atque oblacionibus Deo placentibus, hostiisq; spiritualibus, quæ sunt pietas, & omne genus virtutum spiritualium, quæ omnia ad cultum, siue obsequium rationale, ut Apostolus vocat, pertinent. Sequitur, Per hanc adhuc defunctus loquitur. hoc est, quod dominus in Gene. testatur, inquit, sanguis fratris tui clamat ad me de terra. Quis autem clamor esset iste, intelligi potest ex eo, quod vidit Ioannes in Apocalyp. animas interfectorum subter altare clamantes voce magna, atque dicentes, Usquequo domine sanctus, & verus non iudicas, & non vindicas sanguinem nostrum de iis, qui habitant in terra? Habebat ergo Abel adhuc post mortem fidem remunerationis, & iudicii æterni, non dico fidem tantum, quid enim placeat Deo credere tantum, quod Deus remunerator sit, & iudex, quod vel dæmones credunt? sed fidem habebat dilectione agitatam, & in opere orationis positam. ex fide enim Dei, simul & dilectione petebat a Deo, & orabat adhuc in inferno, ut iudicium faceret, & unicuique redderet secundum opera sua, sicq; nomen domini clarificaretur, ut eos inquam, qui digni sunt, remuneraret, eorum vero, qui Deo repugnant, impietatem in consumatione sæculi funditus de medio tolleret. qui locus satis declarat, ut hoc etiam obiter notemus, non carere energiis, siue operationibus animas defunctorum, ut etiam Eustrathius presbyter Constantinop. aduersus eorum, qui contra sentiebant, opinionem obseruauit. Ergo cum ait Apostolus per hanc fidem adhuc defunctus loquitur Abel, perinde est hoc, quasi diceret, hanc fidem adhuc defunctus in oratione operabatur, illud ex fide orans, quod dixi, & ex fide ista operata Deo placens. est enim hoc, ut cetera, quæ hic Apostolus commemorat, exemplum fidei Deo placentis. Itaque docuit Apost. ne post hanc quidem vitam fidem tantum Deo vnquam placuisse. Sequitur, Fide Henoc translatus est, ne videret mortem, & non inueniebatur, quia transtulit illū dominus. Ante translationem enim testimonium habuit placuisse Deo testimonium autem, quod habuit illud est, quod scriptura Genes. testatur inquit, Ambulauitq; cum Deo, & non apparuit ambulasse autem cum Deo, non significat fidem tantum habuisse,

sed ex fide operatum esse Dei mandata, in quibus, tanquam in viis domini, qui ambulat is dicitur Deo placere. Si igitur ambulasse cū Deo testimonium est placuisse Deo, vt Paulus interpretatus est, ambulare autem cum Deo, non est credere tantum, sed fidem simul in viis domini, id est, in mādatis eius operari per dilectionem, quæ mouendi vim habet, vt magnus Diony. tradit. Ergo non ex fide tantū, sed ex operibus placemus Deo, vnde autem Deo placere possumus, & fieri amici Dei, inde iustificamur. Per fidem ergo in viis mādatorum Dei, in quibus Enoch ambulauit, operatam, idem iustificatus fuit, & meruit transferri, ne videret mortem, quod quidem similiter non propter illum tantum scriptum est, sed propter nos, qui si ambulauerimus cum Deo, fidem per dilectionem operantes (nō enim ambulant cum Deo, qui non mouentur dilectione) testimonium spiritus sancti consequemur, q̄ Deo placeamus, id est, q̄ si mus iusti, & per fidem dilectione operatā a morte ad vitā translati, iustus .n. ex fide viuūt. iustorū itaq; huius vitæ parabola, & exemplū fuit illa Enoch translatio, ne videret mortem. Quomodo ergo Luterani arbitrantur, iustificari se, & placere Deo posse, antequam ambulent cum Deo? id est, antequam ambulent secundum spiritum fide per dilectionem operantes? hoc enim significat ambulare cū Deo, quod Apostolus dixit in epistola ad Romanos, ambulare secundum spiritum, contrarium eius quod est, ambulare secundum carnem, Sequitur, Fide Noe responso accepto de iis, quæ adhuc non videbantur, metuens aptauit arcam in salutem domus suæ. quia enim credidit Deo dicenti, finis vniuersæ carnis venit coram me, repleta est terra iniquitate a facie eorum, & ego disperdam eos cum terra, fac tibi arcam, & c. Et paulo post, ecce ego adducam aquas diluuii super terram, & interficiam omnem carnem, & c. quia inquam credidit his, quæ Deus prædicebat, & obediens huic fidei fabricauit arcam in salutem domus suæ, & sicut scriptura Gene. ait, fecit omnia, quæ mandauerat ei dominus, idcirco ex fide ista, quæ per dilectionem in iis, quæ mandauerat Deus, agitata fuit, iustificatus est Noe, & cum domo sua incolumis seruari meruit, ne periret cum iis, qui vt ait beatus Petrus 1. c. 3. fuerant aliquando increduli, quando expectabant Dei patientiam, testimonium perhibente domino, cum ait, ingredere tu, & omnis domus tua in arcam, te enim vidi iustum coram me in generatione hac. Quæ etiam non propter Noe tantum scripta sunt, sed propter nos, qui, vt Noe, fidem in fabricatione arcæ, & in ceteris, quæ Deus ei præceperat, operatus iu

Abrahæ hæres factus est, sic nos fidem in baptismo similis formæ, ut beatus Petrus ait, idest, cuius typus arca illa erat, & in ceteris mandatis operantes, iusti, & salui efficiuntur. Iam ne vident isti, quemadmodum Noe non ex fide tantum, sed ex operibus iustificatus sit? fide enim (inquit) scilicet per dilectionem operata aptauit arcam, & sic iustitiæ hæres institutus est. Quid enim profuisset credere tantum, quod Deus prædicebat esse omnes per diluuium interituros, nisi obediens huic fidei arcam, & cetera, quæ Deus iubebat ad suam & domus suæ salutem, incolumitatemque faceret? Præterea fidei (inquit) qui vocatur Abram, obediuit exire in locum, quem accepturus erat in hereditatem tunc quoque promissit dominus benedictionem Abrahæ, si egrederetur de terra sua, & de cognatione sua, credidit itaque Abram promissioni, & obediens huic fidei, idest, operans fidem huius promissionis egressus est, sicut præceperat dominus, relicto idolorum cultu, ut Didymus in libro contra Manichæos ait. An promissit hic dominus benedictionem Abrahæ credenti tantum, an credenti, & operanti? certe credenti, & operanti. Egredere enim ait, de terra tua, & benedicam tibi, hæc est prima fides, quæ Abraham placuit Deo. Sic cogitandum est dici cuique nostrum, cum in peccatis sumus, non quidem crede tantum Christi passioni, & cō fide ei, sed etiam recede a voluntatibus carnis tuæ, & sensus tui, & veni in terram, quam monstrauero tibi, idest, ambula in viis mandatorum, quæ tibi ostendam, & tunc benedicam tibi, &c. Nō ergo fides tantum computata est Abrahæ ad benedictionem spiritualem, sed fides simul, & obedientia fidei, idest, opus egrediendi ex fide, sic enim ait Apostolus fidei obediuit exire in locum, &c. Similiter fide (inquit) demoratus est in terra repromissionis tanquam in aliena, hæc quoque fides Abrahæ non fides tantum, *Liab' erat*, sed fides per dilectionem operata, idest, fides simul cum opere, quod enim crederet aliam esse terram coelestem, ex opere ostendebat, nempe hæc habitando tanquam in aliena terra. Quid enim valeret ei, si crederet tantum, esse aliam patriam meliorem, neque tamen eam fidem de meliore, hoc est, coelesti patria operaretur, siue ex opere ostenderet gerendo se pro peregrino, & hospite tanquam in aliena terra? hoc enim fides postulabat, imo omnes isti, quos diximus, defuncti, (inquit) sunt secundum fidem, idest, non credentes tantum, sed opere ostendentes, esse patriam aliam meliorem, idest, coelestem, Laudat deinde Paulus fidem Saræ. Fide (inquit) & ipsa Sara virtutem accepit in conceptionem seminis, cum filium Saræ promitteret.

Deus sterili, ætate exacta, cui iam muliebria fieri desissent, & cuius vir valde etiam senex esset, denique cui nullam spem partus naturæ vis ex vlla parte ostenderet, risit Sara, & incredibile sibi videre, tur, dixitq; occulte, siue (vt est apud Septuaginta) intra se, postquam consenui, & dominus meus vetulus est, voluptati operam dabo significans neque se credere, quod promittebatur, neque propositum sibi esse rem cum viro suo habere, vt cui nulla esset tum propter ætatem, tum propter sterilitatem spes conceptus, hoc enim significat, quod est apud Septuaginta à Sara tacite dictum, nō quidem accidit mihi vnquā ante hac, & illud, num paritura sum anus? quæ perinde erant, quasi diceret, an quæ hæcenus non peperim paritura ætate, deinceps pariam anus sit dominus, vt crederet Sara posse fieri, quod idem promitteret, imo quicquid vellet, idcirco quod illa animo cogitabat, & secum tacita loquebatur, aperuit, ex quo factum est, vt metu perterrita, sicut ait scriptura, crederet Sara promittenti conceptum, & partum, quæ quidem fides vana fuisset, nisi hilq; valeret, nisi illam operata esset accedendo ad virum cum Dei timore. Accessit ergo non considerans amplius vuluā suam emortuam, & per hanc fidem ex dilectione, ac Dei timore operatā placuit Deo, meruitq; virtutem accipere concipiendi. Quæ rursus non propter Sarā tantum scripta sunt, sed propter nos, qui non credendo tantum, sed fidem, quæ Dei donum est, operando, virtutem a Deo accipimus, vt semē Dei maneat in nobis tanquam ex Deo natis, qui prius eramus steriles, vt enim concupiscentia cum conceperit ex carne, peccatum parit, vt ait Iacobus, & peccatum cum consummatum fuerit, parit mortem, sic voluntas spiritus, & interioris hominis cum conceperit ex spiritu Dei, parit opus Dei, ac fructum spiritus, qui quidem cum consummat, & perfectus fuerit, parit vitam, id est, iustitiam, cuius fructus proprius est vita, quæ nunc est, & quæ futura, sic efficitur semen Abrahæ secundū Isaac, semen inquam sanctum, ac benedictum, ac filii Dei, siue filii promissionis, Isaac enim exemplum, & parabola fuit filiorum Abrahæ secundum spiritum, vt Apostolus interpretatus est, vt enim Isaac filius fuit non quidem naturæ, quæ neq; primum quidem generare illum potuit, vt pote sterilis, & effoeta, neque iam mortuum secundum propositum immolationis, in vitam restituere, sed Dei, qui promissiones fecerat, & corpori Abrahæ iam emortuo, & vuluæ Saræ iam emortuæ virtutem dedit, sic qui per Dei gratiam credit, & fidem Dei donum in mandatis Dei operatur, vt Abraham, & vxor

eius Sara, huic dat potestatem Deus, ut filius Dei efficiatur, & filius promissionis. Respondeant ergo vobis Lutherani, quomodo existimant se per fidem tantum posse iustificari, si ut Paulus tradit, Isaac non secundum carnem natus, ut Ismael, parabola fuit eorum, qui nati sunt secundum spiritum? An credendo tantum, & non fidem in mandatis Dei operando factus est Abraham pater Isaac? aut Sara virtutem accepit in conceptionem seminis? Quod si isti opera Abraham non faciunt, profecto neque filii eius sunt secundum spiritum, ac proinde neque filii Sarg, idest, filii libertatis, qua libertate Christus nos liberauit. adhuc ergo manent in peccatis mortui cum ista fide mortui. Sed pergamus ad alia exempla fidei per dilectionem operata. Fide (inquit) de futuris benedixit Isaac Iacob, & Esau. neque hæc fides fides tantum fuit, ut est istorum fides, sed potius per dilectionem operata, qualis nostra esse debet, ut in Christo, sicut Apostolus ait, valeat. Per fidem ergo quæ facit apparere inuisibilia, benedixit, tanquam videret Isaac eos, qui Christi sunt, odore virtutum & charismatum præditos, qui student voluntatem Christi facere, qui est cibus patris coelestis (hoc enim significabat in ænigmate afferri patri cibos de venatione) qui quidem leuibus, & parui momenti laboribus emunt primogenituram in coelis conscriptam, quam reprobi parua rursus voluptate carnis commutant. Ut igitur non satis fuit Isaac, credidisse tantum, sed credidisse, & fidem benedicendo operatum esse, neque enim dixit, fidem tantum habuit de futuris, vel fide tantum apprehendit futura, sed fide de futuris benedixit Iacob, & Esau, sic non satis est fide tantum apprehendere Christi pro nobis passionem, sed per fidem cum Christo compati oportet, ut coram regnemus, similiter fide confiteri, fide ieiunare, fide orare, & benedicere oportet, idest, fidem in confessione operari, in ieiunio, in oratione, in benedictione, & in ceteris mandatis. Similiter Iacob moriens singulos filiorum Ioseph benedixit, tanquam per fidem videret in Ephren, & Manasse filius Ioseph ex alienigena susceptis filios Ecclesiæ gentium, quos Christus, cuius typus erat Iacob, inter primogenitos haberi, & numerari voluit benedicendo, ut erant primogeniti Ruben, & Simeon, sicut scriptum est, erunt nouissimi primi. Rursus tanquam videret idem Iacob in Ephren filio Ioseph reges Israel, qui ex eo profecti sunt, & quos decem tribus adoraturæ erant, adorauit in summum virgæ, quam tenebat Ioseph, idest, summum fastigium, ac principatum regalis potestatis ad moderandum & regendum populum profectæ ex Ephren Ioseph filio tanquam

ex virga de radice eius orta . Itaque neque hæc fides Iacob, quam Apost. cōmendat, et ad imitandū prōponit, fides tenuū fuit, sed fides p dilectionē Dei, cui credebat, operata in benedictione illa, atq; adoratione Sequit̃ fide Ioseph moriens de protectione filioꝝ Israel memoratus est, & de ossibus suis mandauit . rursus nec hæc fides ab Apostolo laudata, fides tantum fuit, sed fides per dilectionem Dei, tum in eo, quod fidēter locutus est, inquiens dominus visitabit vos, & ascendere vos faciet de terra ista ad terram, quam iurauit Abrahæ, Isaac, Iacob, tum in commendatione asportationis suorum ossium operata . Laudat præterea Apostolus fidem, quam parentes Moisis infantis pulcherrimi habuerunt, q̃ Deus esset illum seruaturus, quæ quidem non fuit fides tantum, sed per Dei etiam dilectionem, cui confidebant, in occultando eum mensibus tribus, & in non timendo regis edictum operata, etenim si non occultassent eum, profecto non iam fides, sed præsumptio, neque dilectio Dei, sed tentatio fuisset. denique sine hoc opere, quod illa fides postulabat, vana illa quidem & mortua fuisset. Ad hæc laudat Apostolus fidem Moisis, quā habebat iam grandis factus de remuneratione Dei futura, quæ quidem non erat fides tantum, alioqui vana fuisset, sed fides per dilectionem Dei operata in contemnendis voluptatibus, & deliciis, quibus affluebat in domo Pharaonis, & in sustinendis miseriis, & afflictionibus cum populo Dei, ac viuendo secundum Christi passionem, & impropria, ac contumelias . Sancti enim prophætæ, vt beatus Ignatius ait, secundum Christum vixerunt . huiusmodi ergo debet esse fides nostra. vt laudem apud Deum mereatur, & non, vt Lutherani tradunt, & viuunt, Christum fide tantum apprehendentes, non autem imitantes . Laudat simul fidem Moisis de Dei præsidio, quam habuit, cum Aegyptium percutientem quandam de fratribus suis occidit, & abscondit sub sabulo . quæ quidem non fuit fides tantum, sed fides per dilectionē Dei, & proximi operata & in cede illius Aegyptii Hebræum percutientis, & in recessu ad proxima, ac vicina loca terræ Madian, vt qui non multum metueret regem . Sic quoque nostra fides laudabilis fuerit, si eam operemur in peccatis per poenitentiam, & confessionem occidendis, & in recedendo ab Aegypto spirituali, omnia enim vt Apostolus ait, in figura contingebant illis . Præterea Moises, qui eorū omnium, quæ in lege typice siebant, anagogem spirituales a Deo didicerat, quia fidem habuit sanguinis Christi, qui per spiritum sanctum semetipsum oblaturus erat, vt emundaret conscientias nostras ab operibus

mortuis ad seruiendum Deo viuenti, & in memoriale perpetuum mortis suæ, & redemptionis per sanguinem crucis factæ, carnem suam ad edendum, & sanguinem suum ad bibendum daturus, vt hoc cibo, & potu cresceremus in salutem, si tamen gustaremus, q̃ suauis, & bonus dominus, idcirco hanc fidem commendat Apost. non quidem solam, & nudam, qua mysterium istud Christi iam tunc futurum, tantum apprehenderent, quod isti noui magistri satis esse, falso, & hæretice docent, sed fidem dilectione in esu agni paschalis, & in vnctione vtriusq; postis domus, & superliminariũ iuxta mandatum domini operatam, fide enim (inquit) celebrauit pascha, & sanguinis effusionẽ. Vt igitur nihil laudis, aut fructus Moisi si attulisset fides tantum, qua solum apprehenderet Christum futurum, nisi illam operatus fuisset in celebratione paschæ, quã iusserat Deus, & in toto illo typico apparatu, qui exemplari, & vmbra cęlestium, vt Apost. ait, seruiebat, sic istorum fides vana est, & inutilis, qua Christum apprehendunt tantum, nisi eam fidem simul in mandatis eius operentur, & nisi pascha nostrum, quod immolatus est Christus, epulentur non in fermento vetere, neque in fermento malitiæ, & nequitia, sed in azymis sinceritatis, & veritatis, & nisi vt beatus Pet. ait, succincti lumbos mentis, & sobrii, perfecte sperent in eam, quæ nobis offertur, gratiam in reuelatione Iesu Christi, quasi filii obedientia, non configurati prioribus ignorantia destituti, sed secundum eum, qui vocauit nos, sanctum, vt ipsi in omni conuersatione sancti sint. Vtrumque enim locum intelligendum esse de magnis mysteriis agni mystici, quem quotidie Ecclesia catholica cum filiis suis fide celebrat, collaus scripturis, & magnorum auctorum testimoniis in opere nostro, quod de sancta Eucharistia ex scripturis componimus, clare demonstrabimus. Illud nunc satis est admonere istos, vt non satis fuisset Moisi, si haberet fidem tantum paschæ, idest, transitus domini, quodd transiret, sicut scriptum est, super filios Israel percutiens Aegyptios, & domos Israelitarum liberans, nisi fide pascha celebraret agnum comedens iuxta legem domini, sic non satis est fide tantum apprehendere redemptionem per sanguinem crucis factam, nisi victimam transitus fide celebremus, carnem domini in commemorationem mortis eius donec veniat, digne māducantes, & sanguinem eius bibentes, idest, nisi fidem Christi pro nobis in cruce immolati digne communicando operemur. Præterea fidem commendat Apost. qua Hebraei crediderunt, id, quod Moises spiritu sancto inspirante, de Deo pro

miserat, cū dixit, state, & videte magnalia domini, quæ facturus est
 hodie, Aegyptios. n. quos nunc videtis, nequāq̃ ultra videbitis vsq̃
 in sempiternū, dominus pugnabit pro vobis, & vos tacebitis, quæ
 quidē fides vt perfecta, & cōsumata esset, postulabat, vt diuisa aqua
 maris rubri, & persequentibus Aegyptiis non dubitarent Hebræi
 ingredi per medium, quo ingressu consumata est fides ista, quæ hic
 ab Apostolo commendatur, non itaque fuit fides tantum, sed fides
 per dilectionem in illo ingressu, & transitu admirabili operata;
 quem quidem transitum a Deo quidem Moises, a Moise vero pri-
 mo mystagogo ceteri mystagogi, & ab his populus typum esse sa-
 cri baptismatis didicerunt. quo olim populus Dei baptizandus es-
 set, & daemonibus spoliatis, & ad abyssum detrusis a morte sempi-
 terna liberandus, quod quidem qui credebant, multo magis eos
 credere oportebat posse Deum Hebræos ab Aegyptiis transitu il-
 lo per medium maris liberare. Sed pergamus ad aliud exem-
 plum fidei laudatæ. Fide (inquit) muri Hiericho corruerunt. Hæc
 quoque fides non fuit fides tantum, sed fuit fides in iis simul per di-
 lectionem operata, quæ dominus, vt muri corruerent, facere iussit
 de circumeunda vrbe sex diebus, & de arca foederis septimo die cū
 clangore tubarum circumducenda, & de illa vniuersæ multitudi-
 nis ingenti vociferatione. Quæ opera, & fidem adiuuabant, & fides
 adiuuabat opera, ita vt fides operibus illis cōsumata fuerit, & sic cō-
 sumata, Hiericho, & regem Hiericho vicerit. quæ quidem fides pa-
 rabola est nostræ fidei, quæ similiter ex operibus consumata est,
 alioqui nihil nobis profuerit, si credamus tantum, quod Iesus Chri-
 stus dux noster, & sacerdos magnus mundum prototypum Hie-
 richo, & principem eius vicerit, quam nulli ante eum viri fortes vi-
 cerint, & q̃ tandem mundi consumatio, cuius typus extitit illa va-
 statio Hiericho, tunc futura sit, cum elementa, sicut Petrus ait, calo-
 re soluentur, terra autem, & quæ in ipsa sunt opera, exurentur, si-
 cut ait scriptura, omnia, quæ in Hierico inuenta sunt, succederunt
 præter argentum, aurum, æs, & ferrum, quæ in ærarium domini
 consecrata sunt, hæc, enim symbola erant operum manentium,
 quæ si dei fundamento superædificantur. Cum igitur omnia dissol-
 uenda sint (inquit Petrus) quales nos esse oportet in sanctis con-
 uersationibus, & pietatibus expectantes, & properantes in aduen-
 tum Dei? quod perinde est, quasi diceret, si hæc futura esse credi-
 tis, operamini fidem istam secundum Dei mandata in sanctis con-
 uersationibus, & in omni cultu, ac stodio virtutum spiritualium,

sic enim mundū, & quæ in mundo sunt, vicerimus, sic muros Hie-
rico, idest, munitiones, & consilia dæmonum, & omnem altitudi-
nem extollentem se aduersus scientiam Dei, & aduersus voces tu-
barum Apostolicarum destruemus, propter quod (inquit) charis-
simi, hæc expectantes, satagite immaculati, & inuiolati inueniri in
pace. hanc pacem significabat in ænigmate illa, qua muri corruer-
unt, vniuersæ multitudinis Israeliticæ ingens vociferatio, vt idip-
sum dicamus omnes, & non sint schismata non vt Lutherani, & Zu-
ingliani, & Bucerani, &c. qui neq; cum Ecclesia catholica idem
dicunt, imo nec inter se idem loquuntur, & clamant, sed potius
alius aduersus alium quotidie scribunt, quia sacerdotales buccinas
arcam domini præcedentes neglexerunt, idest, doctrinam sancto-
rum Apostolorum, qui iuxta prophetiam Dauid ordinant testam-
entum eius super sacrificia, ipsi enim quod de noui testamenti sa-
crificio à domino acceperunt, nobis tradiderunt, ordinarunt, &
disposuerunt, quæ impuri hæretici irrident. Transamus ad aliud
exemplum fidei. Fide (inquit) Rhaab moeretrix non periit cum in-
credulis excipiens exploratores cum pace. Nec ista fides Rhaab
fides tantum fuit, qua crederet Iϰωδ Deum Hebræorū Deum esse
in coelo sursum, & in terra deorsum, sicut ipsa confessā est, sed fides
Dei per dilectionem eius operata in excipiendis cum pace explora-
toribus à Deo missis. Quod quidem non propter Rhaab tantum
scriptum est, sed propter nos, qui hæc aliquando eramus, fornicar-
ii, idolis seruientes, adulteri, &c. & idcirco digni, qui cum talibus
perissemus, verum per fidem prædicationis euangelii, & sangui-
nis Christi in baptismo operatam, liberati sumus a morte, vt Rhaab
excipiens exploratores per signum funiculi coccinei seruata est, ne
periret cum incredulis, cuius fidem qui non imitantur, saluari non
possunt, quomodo vero imitantur, qui de fide Iesu Christi glori-
antur, sed exploratores eius non recipiunt cum pace! sunt enim
exploratores Episcopi catholici, & ceteri pastores ecclesiarum, ac
verbi Dei prædicatores catholici, quos Lutherani recipere nolunt.
Audierat quidem Rhaab, vt ipsa aiebat, quod siccaisset Deus
aquas maris rubri, & alia mirabilia fecisset, quarum rerum fidem
operata est, vt diximus, in excipiendis exploratoribus ex populo
Dei missis, at isti auditores tantum sunt, quā diu fidem eorum,
quæ in euangelio audiunt, non operantur in recipiendis cum
pace, & defendendis exploratoribus, idest, magistris ecclesiarum,
& vigilantibus pastoribus, ac catholicis prædicatoribus. Deinde

laudat Apostolus fidem Gedeonis, Bara, Sampsonis, Ieptis, Dauid, Samuelis, & prophetarum. horum vero fidem non fuisse fidem tantum, sed fidem in actione positam, tum ex libro Iudicum & regnorum perspicui potest, tum satis aperte docuit Apostolus, cum subiungit per fidem oppugnasse regna, operatos esse iustitiam adeptos esse repromissiones, ut cum Deus promittebat traditurum se hostes in manus istorum, si non infirmati, sed roborati fide, sicut de Abraam dicit Apostolus, credentes, quod potens esset Deus, facere quaecunque vellet, in praelium forti, & fidenti animo descenderent, sic enim fidem in mandatis Dei per dilectionem eius operabantur, haec erat istorum fides beneplacita, sicut ait scriptura, si volueris mandata seruare, conseruabunt te, & in perpetuum fidem beneplacitam operari, scilicet in mandatis, addit deinde per fidem obturasse ora leonum, extinxisse impetum ignis, effugisse aciem gladii, conualuisse de infirmitate, fortes factos fuisse in bello, castra vertisse exterorum. Quae rursus non propter illos tantum scripta sunt, sed propter nos etiam, qui nisi sumamus scutum fidei, non quidem apprehendentes Christi passionem, & mortem fide tantum, ut Lutherani volunt, sed fidem operantes, & secundum Christum viuentes, non extinguemus ignea tela nequissimi, non prostrabimus aduersarium nostrum, qui tanquam leo rugiens circuit quærens quem deuoret, non effugiemus rompheim, nec erimus fortes ad rapiendum regnum coelorum, & iustitiam eius, quod dominus dixit vim pati, & a violentis, id est, fortibus in bello spirituali rapi. Et mulieres (inquit) per fidem acceperunt ex resurrectione mortuos suos, Sareptanam viduam dicit, & Sunamitidem, illa enim credens, quod potens esset Deus facere quaecunque Elias propheta dixisset, & se, ac filium suum a morte reuocare iam fame alioqui perituros, & fidem istam operans in eo, quod propheta iusserat de faciendo primum Eliæ subcineritium panem de farinula, quam sibi, & filio suo seruabat, meruit filii sui resurrectionem. Item Sunamitis credens similiter, quod potens esset Deus facere quicquid propheta Elisæus orasset, & operans hanc fidem proficiscendo ad virum Dei, & ab eo filii sui resurrectionem petendo, meruit illam. Vtraque fuit parabola fidei nostræ, nos enim ex fide per dilectionem operata promissionem habemus melioris resurrectionis, id est, gloriose, spe enim, ut idem Apostolus ait, salui facti sumus ex fide per dilectionem operata. Idcirco subiungit statim Apostolus, Alii autem dissentientium non suscipientes redemptionem, ut meliorem

inuenirent resurrectionem, alii vero ludibria, & verbera experti, insuper & vincula, & carceres, lapidati sunt, secti sunt, tentati sunt, in occisione gladii mortui sunt, &c. idest, alii fidem operati sunt in tormentis, & cruciatibus, alii in ludibriis, & verberibus, alii in alia cruce ad exemplum Christi futuri, in quem non videntes, credebant, & per patientiam expectabant. Idque ut resurrectionem ex fide per dilectionem in variis istis tribulationibus operatam consequerentur, resurrectionem dico promissam, sicut rursus subiungit, & hi omnes testimonio fidei probati, fidei dico in iis operatae, quæ Apostolus enumerauit, non acceperunt repromissionem scilicet resurrectionis illius melioris, quam ut inuenirent, ut paulo ante dixit, distenti sunt, idest, tormenta, & cruciatus passi, scilicet per fidem, ut paulo supra dixerat. repetendum est enim *ἅπὸ νοσήσαντων*. pati autem tormenta, & crucem ferre per fidem, nihil aliud est, quam fidem operari in cruce ferenda, quod iis, qui secundum Christum viuere volunt, necesse est, si cum eodem coregnare velint. Quodd autem resurrectio gloriosa promissa esset patribus ex fide per dilectionem operata, & nobis item eiusdem fidei dei, ac iustitiæ hæredibus, scriptura docet, cum ait Paulus act. 13. & nos vobis annunciamus eam, quæ ad patres nostros facta est repromissio, quoniam hanc Deus adimpleuit filiis eorum suscitans nobis Iesum, etenim si Christus surrexit primitiæ dormientium, & nos resurgemus. Rursus Paulus ad Agrippam Act. 26. Et nunc de spe, quæ ad patres nostros repromissionis facta est à Deo, sto in iudicio subiectus, in quam duodecim tribus nostræ nocte, & die deseruientes sperant. de qua spe accusor à Iudæis rex. deinde subiungit, quid incredibile iudicatur apud vos, si Deus mortuos suscitauit? Promiserat ergo Deus beatam, & gloriosam resurrectionem Abræ, & omnibus, qui essent ex fide Abræ, cum promisit ei, sic futurum esse semen eius, sicut stellas coeli. non enim multitudo tantum innumerabilis promittebatur, sed etiam splendor resurrectionis, sicut ecclesia quoque interpretata est, quæ in sacrificio, quod pro mortuis offert Deo, sic precatur, sed signifer sanctus Michael representat eas in lucem sanctam, quam olim Abræ promissi, & semini eius. Lucem sanctam vocat vitam splendidam, & gloriosam resurgentium in resurrectionem vitæ. huc respexit Paulus cum gloriam resurrectionis cum stellis comparauit, sicut stella (inquit) a stella differt in claritate, sic erit resurrectio. Et dominus per Danielem similibus verbis de resurrectione prophetans & multi (inquit) dor

mientes in aggerē terræ surgent, hi in vitam aeternam, & hi in op^o probrium sempiternum, & intelligentes fulgebunt sicut splendor firmamenti, & a iustis multis tanquam stellæ in sæcula, & amplius. Item per Ezech. resurrectionem vitæ promittens inquit, ossa arida audite verbum domini, hæc dicit dominus ossibus his, ecce ego intromittam in vos spiritum, & viuetis. Et Esaias, surgent, inquit, mortui, & suscitabuntur in monumentis, & quæ sequuntur, &c. Si ergo isti, quos commemorauit Apostolus, probati testimonio fidei in mortificatione, & in vita spirituali per dilectionem operatę promissionem resurrectionis ex huiusmodi fide habuerunt, hoc autem non propter illos tantum scriptum est, sed propter nos, sequitur vt opera quoque nostra per fidem, & fides per opera promissionem habeant eiusdem resurrectionis, ergo & iustitię promissionem, iustificati enim, spe resurrectionis salui facti sumus. Qd autem patres illi promissionem, quam habuerunt resurrectionis ex fide, & operibus, non acceperunt, vt hoc etiam obiter explanemus, nostra causa factū est. etenim si tunc resurrexissent in resurrectionem vitæ, hoc enim significat consumari, neque incarnatio verbi Dei facta esset, neque sancti Apostoli fuissent, neque nos, neque alii post nos, si quidem post communem resurrectionem, nec erit amplius ortus, nec interitus. Sic hunc locum Gennadius Scholaris auctor valde doctus interpretatus est. Docuit itaque Apost. istis tam multis, tam variisq; exemplis fidem esse *πλὴν φρονιτισμῶν*, vt Magnetes vetustiss. auctor dixit, idest foecūdum semē, quod quidē (inquit) nisi seminetur *ἀκαρπῶν*, idest, sterile, & infrugiferum maneat, seminari autem non potest sine instrumentis ad sementem spectantibus, hoc est, sine variis operibus, quæ sunt instar boum, terræ, iugi, aratri, peræ, &c. quæ omnia vt ad fructificandum frustra sunt sine semine, sic senien frustra quoq; fuerit sine istis instrumentis, se enim mutuo adiuuant, similiter euenit in fide, & operibus ad fructum iustitię ferendum. Item vt lampas (inquit) ardere non potest sine oleo, neq; oleū splendere sine lampade, sic fides, quæ instar lampadis est sine operibus coram Deo lucere non potest, eademq; rursus facit vt opera ipsa coram Deo, instar olei splendeant, quod satis docuit scriptura in Abraam, quę post tantum temporis & post tam multa opera virtutis ab eo facta dicit, credidit Abraham Deo, & reputatū est ei ad iustitiā, significat. n. fidem, quā ante quoq; habuerat, sicut Apost. testat, fecisse, vt opera facta reputarent ad iustitiā, vt ergo lampas, & oleum se adiuuant ad lucendū, sic fides, & opera

ad fructificandū iustitiā. Item vt fundamētū inutile est, quousq; adue-
 niat superedificatio, qua firmatur, & roborat, ac crescit, rursus super-
 edificatio nihil valet, nisi bono fundamēto sustentetur, sic fides funda-
 mētum est vtile, & firmū, si dilectio, & dilectionis opera superedifi-
 centur, similiter superedificatio operū vtilis est, si fundamēto fidei
 inponatur. Neq; vero ego has parabolas primus adinueni, sed ante
 mille 400 annos Magnetes auctor grauissimus in libris apologie-
 ticis, quos aduersus euangelii calumniatores ad Theosthenem scrip-
 sit, ait enim lib. quinto, eo deniq; extremo de fide Abraha loquens,
 πιστεύσας ὅτι δι' ὧν ἀγαθὰ ἀνὰρτίσῃς τῷ θεῷ, καὶ πεῦθαι ἡξιώθη
 τῆς τιμῆς τοῦ κρείττους, ἐκείνα πράττων τῶν πῶν ἐπὶ οὐρανῷ λαμ-
 πεῖν ὑπερὶ τὸν ἥλιον. καὶ σὺν πίστει καλῶς πράγματινται. δι' οὗ τι-
 λουθεῖς ὑπὸ τοῦ θεοῦ σεμνύεται, θεμέλιον ὅτι τῶν πῶν εἰδὼς τοῦ
 καταργώματος, ῥίξοι ταύτην εἰς βάθος οἰκοδομῶν ἐπ' αὐτῆς τὸ
 πῶν τοῦ θεοῦ οἰκπερῶν, σωάφας ὅτι ἐκείνους χίσει συγχρηστικῶν, ὅτι
 λὸν εἰ ἐκείνοις αἰτίσῃσι πέρσῃσι οὐκ αἰμαρτίῃσιν ἔσῃσι τῶν πῶν
 κτησάμενος, οὐδ' αὖ πάλιν ταῖς ὁρῇσι διχα τῆς πίστεως γυμνῇσιν ἐκ-
 ῥῃς, ἀπέρμα δ' εἴηαι γινώσκων τῶν πῶν πολυφορῶν, ταῖς συμβαλλόμεναις ἀ-
 πῇται σωάφαι τῷ ἀπέρματι, γῇν αὐτοῦ τῆς πῆρας, πῆρας, ζυγόν, αὐτοῦ, καὶ
 ὅτι γινώσκων ἐπιστήμην κατέδρα. ὡς ὅτι διχα τοῦτων ὁ ἀπέρμας οὐ
 βάλλεται, καὶ διχα τῆς ἀπέρματων οὐδὲν τῆς μνημονεύειντων ὁ
 λόγος ἐπιπλεῖ, οὕτως ἡ πίστις ὁποῖται ἀπέρμα τυγχάνουσα μυσ-
 τικῶν εἰ μὴ δι' ὧν βλαστήσει ἀγαθὰ, ἀκέρως ἔστι μὲν διαμύλου, ὡ
 σπύτης τῆς ἀγαθὰν πράξειαν ἡ σπύτης ἔστι μὲν τῶν πῶν συμπεπλεγ-
 μένῃ ἐκείνῃ, αὐτοῦ ὅτι πῆρας ἀπέρμα, καὶ πῆρας ἀπέρμα, δι' ὅ
 τῶν ἀβραάμ τῆς πίστεως διέξῃ τῆς ὁρῇσι τῶν χαρίν ἐκλάμποντα,
 φησὶν ἡ θεὰ χαρὴ, ἐπίστευσεν ἀβραάμ τῷ θεῷ, καὶ ἐλογίσθη αὐτῷ εἰς
 δικαιοσύνην. ὁρῇσι πῶς τὸ περλαβὸν καταργώμα τῆς ἀρετῆς εἰς δι-
 καιοσύνην ἡ πίστις λογισθῇαι πῶν, ὡς ὁ ἀπέρμα τῶν χαρίν κερπο
 φορῇται πῶν. ὡς ὅτι λαμπρῶς ποιεῖ τῶν ἐλίου λαμψαί τῶν ποιοῦντα
 ἐμβαλλόμεναι λυχνία, οὕτως ἡ πίστις καὶ διὰ πῶν εἰ λυχνία βλαστήσῃ τῷ
 ἀβραάμ ἀρετῇσι πῶν πῶν τῆς ὁρῇσι τῶν ἀρετῆν, φησὶν ὁ ἀβραάμ
 τὸ μὲν ἴσῃ τῆς πολιτείας πῶν διὰ εἰς ἡπείρω, καὶ ἀπὸ τοῖς χρῆσι-
 μος ὑπέρχει, καὶ ὁδὸς, εἰδοῖς καὶ λήψῃ τὸ ἀκέρματον, ἀ-
 φθονοῖ τοῖς δομῇσι πῶν μνηστικῶν διδόν, ἀπὸ τοῖς ἐπιτηδεύματων φά-
 λων ἀπὸ τοῖς, ταῦτα εἰ καὶ καλὰ τῷ φαίνεσθαι, καὶ σπῆμα, οὐδὲν
 ἀλογίζομαι εἰς δικαιοσύνην, οὐδὲν ἀπὸ τῶν κατὰ λόγον ἐκείνῃ, ἐπὶ

μη δ' ὁσος τις ἦν, εἰ μὴ μόνος θεός, ἀλλ' οὐ πῶ ἐπιστεύσο, ὁπνίκεα δ' ὁ
 Ἀβραάμ ἐπίστευσεν τῷ Θεῷ, ταῦτα, καὶ τὰ ποιῶντα τῆς κεφαλῆς καὶ
 τοῦ σώματος εἰς δικαιοσύνην ἐλογίσθη τῷ Ἀβραάμ.

Interpretabor latine, cum, inquit, Abraam credidit, per opera bona placuit Deo, hinc factus est Dei amicus, qui operando effecit, ut fides supra solem splenderet, & rursus credendo effecit, ut pulchre operaretur, quamobrem amicus Dei honorifice appellatus est, cum enim intelligeret fundamentum virtutis esse fidem, radicavit eam alte ædificans super eam multa opera misericordiæ. copulans enim utrunque, fidem dico, & opera vinculo quodam necessitudinis, & cognationis celsam turrin ex utrisque extruxit, neque fidem solam sine testimonio operum, neque opera sola sine testimonio fidei relinquens. immo cum sciret fidem esse semen foecundum, adhibuit semini omnia accommoda, & opportuna, terram, boues, peram, iugum, aratum, & quæcunque ars agriculturæ docuit. Ut enim sine his non feritur semen, neque nisi causa seminis quicquam istorum, quæ diximus, secundum rationem efficitur, sic fides, quæ quodammodo semen mysticum est, nisi germinarit per opera bona, sed sola potius remaneat, expers fructus, ac germinis iustitiæ est, similiter bona opera nisi fidem habeant secum connexam, & implicatam, otiosa sunt, & prorsus imperfecta, ex quo sacra scriptura ut demonstraret Abraam per fidem protulisse bonorum operum splendorem, ait, credidit Abraam Deo, & reputatum est ei ad iustitiam. vides quemadmodum fecit fides, ut superiora opera bona reputarentur ad iustitiam, sicuti semen facit, ut ager ferat frugem? ut enim lampas facit, ut oleum lychno infusum splendeat, sic fides immissa Abraæ instar olei infusi lychno fecit, ut virtutes, idest, opera bona splenderent. Seruabat quidem Abraam magistra natura æquitatem in vita communi, eratque utilis proximis, & à dolo, & fraude alienus, tum dando, & accipiendo nemini nocens, egentibus benigne faciens, & in simplicitate tribuens. deinde à pravis studiis se abstinens. hæc tamen si pulchra, & honesta hominibus viderentur, nemo tamen in iustitiam ea computabat, nemo in virtutibus cum ratione ponebat, quia neque ponere quidem ullus poterat, nisi solus Deus, verum nondum credebat. cum vero Abraam credidit Deo, hæc, atque aliæ huiusmodi actiones, & virtutes computatæ sunt Abraæ in iustitiâ. Hæcenus Magnetes, apud quem tres illas, quas dixi parabolas, notare licet ad fidem, & opera spectantes fundamenti, & superædifica-

tionis, seminis, & eorum, quæ sunt instrumenta, & adiumenta, vt semen germinet, & lampadis, atque olei. Est alia quarta parabola, apertissima illa quidem, vt mihi videtur, massæ, & fermenti, vt sit instar massæ fides, fermenti vero opera bona, & spiritualia, vt enim si ne fermento panis est insuauis, & ad digestionem, ac nutritionem difficilis, rursus fermentum solum sine massa prorsus inutile, massæ vero additum panem efficit suauem, & firmum, salubrem, & facilem ad digerendum, sic dilectio, quæ est, cum secundum mandata Dei ambulamus, instar fermenti totam massam fidei *ἡ ἀγάπη καὶ ἡ πίστις*, idest, firmans, ac fermentans reddit eam vilem, & salutarem, ita vt massa fidei sine fermento dilectionis & bonorum operum neque utilis sit, neque salubris animæ cibus, neque Deo gratus, neque rursus dilectio communis sine massa fidei commoda sit, vtriusque vero temperatio, & admistio salutaris est. hæc est nostra conspersio fidei, & bonorum operum Deo placens, sine vetere fermento, idest, sine eius, quæ in mundo est, concupiscentiæ corruptione. Sit postremo alia quinta parabola, vt nihil prodest esse, qui alterum per viam ducat, nisi sit via ad ducendum, neque rursus prodest via, nisi sit, qui ignorantem ducat, quo via tendit, sic fides, vt ait sanctus Ignatius in epist. ad Ephes. est *αἰατωρὸς ἡμῶν*, idest, quæ nos ducit sursum, *ἀγὰπὴ δὲ ὁδὸς ἡ αἰαφθρονουα εἰς θεόν*, idest, dilectio autem via, qua ducimur sursum ad Deum. Est itaq; vt ait Clemens duplex fides, vna cōmunis, quæ est credentis tantum, quæ est *ὁ καλὸς, καὶ πῶς ἰδνμος, καὶ πρὸς ἐπὶ τῆς τυχερῆς*, idest, facilis, vulgaris, & omnibus exposita, atque obuia, quam nobis exprobrant gentiles, vt idem Clem. ait, altera vero est *βαίρυτος*, idest, egregia, & selecta, quæ est superedificata, consummata, & perfecta, Vbiuncq; ergo scriptura laudabilis, & probatq; ac salutaris fidei meminit pfecto fidei meminit p dilectionem operatq; & tanq̃ fermento charitatis temperatæ, ac subactæ. quis enim est, qui de massa vili loquens, aut de vili fundamēto, aut de vili lampade, aut de semine vili, aut de vili luce, nō statim iudicet simul loqui de massa cū fermēto admista, de fundamēto cū supædificatione, de lāpade cū oleo, de semine cū iis, quæ opus sunt, vt semen germinet, & de duce cum via? sic etiam cū scriptura dicit hominem ex fide iustificari, non fides tantum intelligenda est, sed opera simul cum fide, quæ sunt veræ virtutes, quæ fidem adiuuant ad ferendum fructum iustitiæ. Iustificatur itaq; homo ex fide per opera, & ex operibus per fidem, ita vt alterum sine altero ad iustitiam non sufficiat, neque fides sine operibus, neque

opera sine fide. opera enim sine fide non sunt bona: quare si bona sunt, cum fide connexa sint, necesse est, ut superædificatio cum fundamento, splendor olei cum lampade, germinatio, & viriditas soli cum semine, temperatio fermenti cum massa, vix confectio cum dulce. Sed quæri potest hoc loco, cur frequentius in scriptura sancta dicatur iustitia ex fide quàm ex operibus, cum tamen neque fides sine operibus in Christo valeat, neque opera sine fide. Neque enim causa est, ut quidam catholici dixerunt, quia iustificamur per gratiam, fides autem, ex qua iustificamur, gratia, & donum Dei, est. hæc .n. ratio in opera quoque fidei conuenit, quæ ipsa etiam sunt dona Dei, neque quia iustificatio fit non secundum debitum, sed secundum gratiam Dei, qui cum nihil homini debere posset, voluit gratis, id est, ex iis, quæ idem donat, promittere iustitiam, promissioni autem debetur fides de eo, quod fiet, quod à Deo remuneratore dictum est, qui enim Deo remunerationem promittenti fidem non habeat, non est dignus, qui ab eo aliquid ferat, non est inquam hæc causa, siquidem neque fides ista promissionis Deo placet, nisi sit cum obedientia coniuncta. cum non perfecte credat promittenti, qui non operatur illud, unde ille promittit, promittit autem Deus iustitiam non ex fide tantum remunerationis promissa, sed ex fide eorum omnium, quæ credere, & operari præcipit. cur ergo apud Paulum frequentius iustitia ex fide, raro autem, & obscurius ex operibus, aut ex dilectione dicatur, in causa est, tum quia fides, ut ait Eccles. principium est adhærendi Deo, & ut Clemens in 3. Strom. tradit, est prima inclinatio ad salutem, & fundamentum bonorum operum, ac Deo placitum, quæ fidei superædificantur, tum quia cum dilectio moueat ad operandum, ut ait magnus Dionysius, fides, ut tradit sanctus Doctrothæus in libro *τῶν ἀρχαίων*, quod se ait reperisse scriptum *ἐν τῷ χειροντικῷ*, id est, in eo libro, qui sententias seniorum continet, ut sunt Cassiani collationes patrum, fides inquam, *πιστεύετε τὰ καὶ λύοντα, καὶ ποιεῖ αὐτὸ μὴ ὀδόν τῶν ὀργασίων*, id est, fides est, quæ conhibet prohibentia, & opus liberat impedimento. Quia igitur fides remouendo impedimenta facit, ut fidem ipsam operemur per dilectionem, quæ mouet ad operandum, idcirco Apost. familiari sua breui loquentia, & *παρακαλεῖται*, id est, comprehensione vtens, iustitiam tribuit fidei, fidem, & opera fidei simul comprehendens, ut scriptis vel ex vno loco epistolæ ad Galatas. c. 3. intelligi potest, cum ait, in Christo Iesu neque præputium, neque circumcisionem aliquid valere, sed fidem, quæ per dilectionem in operibus est, hoc enim signifi-

care quod scriptum est, fides per dilectionem ἐν ἀγάπῃ proximo cap. demonstrabimus. q̄ si fides, quę per dilectionē in operibus est, valet in Christo ad iustitiam, ergo opera fidei per dilectionem valent in Christo ad iustitiam. Vnum enim & idem dicit, qui alterutrum horum dicit, valere in Christo fidem per dilectionem in operibus positam, aut opera ex fide per dilectionem facta. Est præterea tam frequens fidei mentio in iustificatione propter Abraam patrem nostrum, qui fuit exemplum, & parabola nostrę iustificationis, de quo satis supra disseruimus. Deinde quia fides est excellentissima virtus, quę, vt ait sanctus Proclus Constantinop. in epist. ad Episcopos, & presbyteros *χαρίζεται τοῖς ἀνθρώποις τὰ ἄσπεκτα φύσιν τοῖς νοητοῖς ἢ δὴ καὶ ταμινύει τὸν ἐπιφοροῦντα τὸ πολυπαθὲς τῆς ὕλης*, id est, donat (inquit) fides hominibus, quę sunt supra naturam, & cum coeliuibus miscet eum, qui adhuc corpore terreno, infirmo, & dolente præditus est. & paulo post idem auctor grauius simus fidem esse ait speculum charitatis, vt iam sine hoc speculo impossibile sit ita ornari, vt Deo p̄ opera placeamus, & rursus frustra adhibeatur hoc speculum, nisi sint opera, quę p̄ speculū ipsum ornentur, ex quo factum est, vt merito sit tam crebra fidei mentio in iustitia. Sed hæcenus de fidei diffinitione, & exemplis eius ab Apostolo commemoratis, ac de parabolis ad ostendendum, ex qua fide iustificetur homo. Sequitur, vt quod scriptum est in epistola ad Gala. de fide, quę per dilectionem operatur, explanemus, quod eo magis miror à nemine animaduersum esse, q̄ ad hanc quæstionem de iustificatione permagni referat, quomodo intelligatur.

Quomodo fides, quę in Christo valet, per dilectionem operetur.

Veniamus iam ad locum Apostoli ex epistola ad Gala. c. 5. quę solum si recte isti intelligerent, satis esset eis ad istud de Iustificatione peruersum, & carnale dogma, ex quo reliqua Luteranę discipline portenta manarunt, sponte abiiciendum, vt plerisque eorum paulo post facturos spero, & confido. vbi hic locus explicatus erit. Ergo, vt paulo altius repetamus, testificor (inquit) rursus omni homini circumcidenti se, quoniam debitor est vniuersę legis faciendę, quia erant apud Galatas plerique ex Iudæis conuersis decepti, quasi circumciso cum euangelio retinenda esset, vt eos ab eo errore abduceret, si (inquit) circumcideris, reliquum

est, vt etiam sabbatizes, sacrifices, & tuba canas, & reliqua opera huiusmodi facias, ne videaris legis violator, aut si hæc non seruas, neque circumcisionem seruare debes. sic enim sanctus Nilus beati Chrysost. discipulus in epistola ad Synomium hunc locum interpretatus est, & in eandem sententiam idem Apost. Roma, 2. ad eos, qui in eodem errore erant, scribens, circumcisio quidem (inquit) prodest, si legem obserues, quod perinde erat, quasi diceret, si circumcideris, vt legem de circumcisione serues, quasi vtilis tibi sit tua circumcisio, debes, & reliqua legis, quæ propria Iudæorum sunt, facere, debes sacrificare, lauare frequenter, sabbatizare, tuba canere, & reliqua huiusmodi, at si non omnia legis facis, sed potius præuicator legis es, relinquitur vt tua circumcisio nihil valeat, ac proinde relinqui debeat. Sequitur deinde, Euacuati estis à Christo, qui in lege iustificamini, à gratia excidistis, vt qui iustitiam, quæ ex lege est, quæratis, nihil ergo profuit vobis Christus moriendo. non enim vocati estis per eum in gratiam libertatis, vt paulo post dicit, idest, non estis liberati, sicut idem Apostolus ait, ab illo timore mortis, quo Iudæi per totam vitam obnoxii erant seruituti, erant enim omnia opera legis sancita Iudæis propter transgressionem, idest, vt timore transgrediendi, & mortem ex transgressionem incurrendi cohibiti, & repressi, tenerentur sub lege, tanquam sub pædagogico conclusi. Christus ergo ab illa seruitute operum veteris testamenti, quod erat proprium Iudæorum, liberauit dans legem in mentem nostram iuxta prophetiam Hieremiæ, & in corde superscribens eam, idest, non iam in tabulis lapideis, sed in cōscientiæ eiusque tanquam in tabulis carnalibus insculpens, neque iam timore iræ legis, sed timore Dei sanciens decalogum omnium gentium communem, qui vno verbo summatim comprehensus est, diliges proximum sicut te ipsum, aut sicut est in alio loco euangelii, quæcunque vultis, vt faciant vobis homines, & vos facite illis. hæc est enim lex, & prophetæ. Nos ergo (inquit) qui in libertatem vocati sumus, nō ex operibus legis, quasi ex operibus legis, quæ apud homines tantum, qui ea videre possint, laudem habeant, vt omnia illa Mosaica propter transgressionem posita, sed spiritu ex fide cordis, quod solus Deus aspicit, quæ fides non Iudæorum tantum, sed gentium est, spem iustitiæ expectamus. Ne vero quis erraret, vt errant isti, quasi satis esset sola fides in Christo, addidit spiritu, quasi diceret, non carne, idest, non operibus secundum carnem, sed spiritu, hoc est vita spirituale, siue operibus spiritus ex fide iustificari spe

ramus. Quid enim opus erat dicere spiritu ex fide, nisi quia neque ambulare possumus secundum spiritum absque fide, neque fides quicquam valet absque spirituali vita, quam vocat spiritum secundum idioma scripturæ. Vita autem spiritualis cernitur, & versatur in operibus charitatis, in qua omnis lex impletur. Idcirco ut declararet magis, quod dixerat, subiungit statim, Nam in Christo Iesu neque circumcisio aliquid valet, neque præputium, sed fides, quæ per charitatem operatur, pro spiritu enim, quem prius dixit, dixit modo charitatem, idem itaque erat, si dixisset, Nam in Christo Iesu neque præputium aliquid valet, neque circumcisio, sed fides, quæ per spiritum, idest, per spiritualem vitam operatur, & exercetur, passivè enim, ut statim demonstrabo, accipiendum est verbum, operatur, quod nescio quomodo Lutherani non animadverterunt, qui græcas literas non ignorent, ἐνεργουμένη .n. non actionem, sed passionem significat, imo ne significare quidem potest. Et quanquam in lingua huius studio, & scientia aliquid fortasse mihi meo iure videor posse sumere pro meo in ea multorum annorum usu, non tamen postulo, ut credant, nisi prius collatis locis aliis Pauli, & consultis grammaticis, eis hoc persuasum erit. Ergo idem Apostolus 2. Corinth. c. x. siue (inquit) tribulamur, pro vestra consolatione & salute, quæ operatur in tolerantia earundem passionum, quas & nos patimur. idem verbum est græce ἐνεργεῖται, quod interpretis vertit, operatur passivè, sicut in eodem loco usus quoque est verbo consolari passivè; sic autem esse, ex ipsa sententia perspicui potest, salus enim non facit in passionum patientia, sed fit, & ut passivè dicam, operatur, hoc enim est, quod dominus dixit Lucæ. 21. in patientia vestra possidete, siue acquirite animas vestras, idest, salvas facite, quod est fieri salutem in patientia tribulationum, sic de Zachæo scriptum est, hodie facta est salus huic domui. Rursus idem Apostolus Coloss. 1. ut exhibeamus (inquit) omnem hominem perfectum in Christo, in quo, & laboro certans, deinde quia Deus est, qui operatur in nobis velle, & perficere pro bona voluntate, sicut ipse scripsit Philipp. & idem Corinth. abundantius inquit, omnibus laboravi non ego, sed gratia Dei in me, subiungit, secundum operationem eius, quæ in me operatur in virtute, idest, secundum operationem eius, quæ in me fit in virtute, rursus verbum operari passivè hic accipiendum est, tunc enim operatio Dei fit in nobis in virtute, quando nos secundum analogiam, & mensuram virtutis propriæ, idest, studii, & conatus nostræ voluntatis sequimur gratiā

Dei, quæ nobis cooperantibus, in nobis facit operationem. hoc enim est, quod parabola euang. docuit, dari nobis talenta, idest, donationes, & gratias differentes secundum virtutem propriam, idest, ad hoc, ut quisque nostrum in suo talento laboret, & negotietur cooperans Deo secundum mensuram studii, conatus, & laboris proprii, sic enim veteres patres interpretati sunt in parabola virtutem propriam. Itaque operatio Dei non facit, sed fit per gratiam, & beneplacitum eius in nobis cooperantibus. Ex hoc loco intelligere licet, quod in eandem sententiam dixit idem Apostolus Ephes. 3. oro (inquit) ut det vobis cognoscere charitatem Christi, quæ superat scientiâ, ut impleamini in omnem plenitudinem Dei. Deinde docens quomodo hoc facere possit Deus, nempe nobis cooperantibus ei, qui operatur in nobis velle, & perficere, subiungit, ei autem qui potens est omnia facere, supra quam petimus, aut intelligimus abundanter secundum virtutem *ἐν ἐργασίᾳ τοῦ θεοῦ*, idest, secundum virtutem, quæ fit in nobis pro eo, quod est, ut ad Coloss. scripsit, secundum operationem eius, quæ fit in nobis secundum propriam virtutem voluntatis sequentis Deum. Itaque *δύναμιν*, idest, virtutem vocavit hic in epistola ad Ephes. quam in epist. ad Coloss. vocavit *ἐν ἐργασίᾳ*, idest, operationem. idem enim significare aliquando utrunq; verbum, ut alios omittam, annotavit Ioannes Damascenus, præterea beatus Iacobus, multū (inquit) valet oratio iusti *ἐν ἐργασίᾳ*, idest, quæ operatur, passivè, quod nescio quomodo interpretes vertit assidua, quæ autem sit oratio *ἐν ἐργασίᾳ*, idest, operata, intelligi potest ex Esa. cap. 58. cum enim populo Iudæorum prophetis prædictionibus futurorum malorum commoto, & perterritio, religiosiores quidam, alioqui legem Moisis negligentes & criminum suorum oblii, ieiuniis tamen, & precibus Deum placare studerent, quasi sola ieiunia, & preces satis essent ad sanctitatem, & iustitiam, iussit Deus propheta, ut admoneret eos idcirco non exaudiri, quia non essent iusti, idest, quia preces cum vitæ, & morum sanctitate non coniungerent. me enim (inquit) de die in diem quærant, & vias meas scire volunt, quasi populus iustitiam faciens, idest, quasi iusti sint, qui enim iustus est, sicut beatus Ioannes ait, iustitiam facit. Est itaque oratio *ἐν ἐργασίᾳ*, quæ cū operibus, & vitâ spirituali orantis cōiuncta est. ut iam, qui secundum spiritum ambulant, incessanter illi quidē orare in scriptura dicant, quod sit vita spiritualis energia, & actus orationis. Sic etiam dicimur facere sermones Christi, cum id, quod loquitur Christus, à no

his fit, qui est λόγος ἐν ἐργασίῳ, sicut 1. Thess. 2. sermo Dei (inquit) quæ ἐργεῖται, idest, qui operatur passivè, siue exercetur in vobis credentibus, &c. prædicauerat enim Apostolus Thessalonicensibus hortans eos ad ambulandum in mandatis Dei, & charitate, confortansq; exemplo Christi, & sanctorum prophetarum ad tolerandū patienter persecutiones, testificans præterea quod dominus dixerat, mementote sermonis mei, quem ego dixi vobis, non est servus maior domino suo, si me persecuti sunt, & vos persequentur, si sermonem meum seruauerunt, & vestrum seruabunt. Ergo & nos inquit) gratias agimus Deo sine intermissione, quoniam cum accepissetis à nobis sermonem auditus Dei, accepistis non vt sermonem hominum, sed sicut est vere, vt sermonem Dei (ipse enim dominus dixit, si me persecuti sunt, & vos persequentur, si sermonem meum seruauerunt, & vestrum seruabunt, quia, scilicet sermo Apostolorum sermo Dei est.) Deinde quia non fuerant Thessalonicenses illius sermonis auditores tantum, sed factores, subiungit, qui sermo Dei in vobis operatur credentibus, idest, exercetur, fides enim vera vbi, siue sermonis Dei de eo, quod persecutiones passuri essent credentes, & quod sermonem Dei seruantes, sermonem quoq; Apostolorum seruaturi essent, hæc inquam fides in opere, & actione erat, exercebaturq; in ipsis, cum sic credentes persecutiones cum Christo pro fide Apostolicæ prædicationis æquo animo patiebantur, vnde declarans quod dixit, subiungit, vos enim imitatores facti estis ecclesiarum Dei, quæ sunt in Iudæa in Christo Iesu, quia eadem passi estis à contribulibus vestris, sicut & ipsi à Iudæis, qui & dominum Iesum Christū occiderunt, & prophetas, & nos persecuti sunt, q̄si in eo quod Apost. ait, sermo Dei, qui operatur in vobis, non ad sermonem illud relatiuum, qui, sed ad Deum referendum esset, quæ istorū credo erit cauillatio, non dixisset ἐν ἐργεῖται, sed agendi modo ἐργεῖται, sicut idem Apost. alias verbo vti solet, vt cum ait, ἐν ᾧ ὡν. idest, qui operatur in nobis velle & perficere pro bona voluntate, non dixit ἐν ἐργασίῳ. hic vero non credam istos tam tardos esse, vt iam non intelligant, cum dixit Apost. sermonem auditus Dei exerceri siue fieri in credentibus Thessalonicensibus, perinde esse, quasi diceret, exerceri, siue fieri in eis fidem sermonis Dei, quem ex auditu Paulo prædicante acceperant, non enim viderant dominum loquentem, sed Paulum audierant prædicantē. Itaque qui ex corde credit, quod dominus dixit, si me persecuti sunt, & vos persequentur, & si sermonem meum seruauerunt, & ve

strum seruabunt, is profecto non recusabit pro defendenda doctrina Apostolica, eademque diuina persecutiones cum Christo pati, quin potius fides illius sermonis in perpessione harum per dilectionem exercebitur. Item si quis cum illum Dei sermonem audiat, quod vni ex minimis fecistis, mihi fecistis, non auditor tantum est habens illius sermonis fidem *ἰσχυρόν*, qui ore diligit, sicut ait scriptura, sed potius ex corde credit, & audit, vt faciat, is profecto si potest, & non prohibeatur, opitulabitur egenti, in qua quidem opitulatione sermo ille, idest fides illius sermonis *ἐν ἐργείᾳ τῆς*, hoc est, operatur passiuè, atque exercetur, & vt ita dicam, practicatur. Hęc notare volui, vt exempli gratia intelligeretur, quemadmodum fides passiuè operetur, sicut Apostolus dixit, fides, quæ per dilectionem operatur, hoc est exercetur, de quo loco dicam paulo post, cum ostendero duobus reliquis locis Pauli Apostoli prius collatis verbis *ἐν ἐργείᾳ* cum absolute, aut intransitiue, vt grammatici loquuntur, dicitur, passiuè semper accipi, vt grammatici græci tradunt. cum enim (inquit) essemus in carne, passionibus peccatorum *ἐν ἐργείᾳ* idest, operabantur in membris nostris, cum essemus. inquam sub lege operum, quam vocat carnem, sicut iustitiam eiusdem legis operum, iustitiam carnis appellare solet, peccata (inquit) illa, quæ erant contra legem illam operum, quæ propter transgressionem, idest, vt timerent transgredi Iudei, posita erat, exercebantur in membris, idest, in voluntate nostra carnali, quorum fructus erat mors, quis ergo sic accipiat, quasi dictum sit, passionibus peccatorum operabantur, actiuè, idest, faciebant in membris nostris, quid enim quæso, faciebant? dicuntur igitur peccata in membris nostris? non quidem facere, sed fieri, nos enim dicimur facere voluntates carnis, aut facere peccata, nos inquam peccata facimus, rursus vero peccata in nobis fiunt, non autem ea faciunt in nobis, quia enim non dicitur quid faciant, absolute dicitur, cum autem absolute, & intransitiue dicitur verbum mediū, passiuè vt dixi, accipitur, vt docet ars grammaticorum græcorum. Extremus locus est. 2. Thessa. c. 2. de Antichristo, & nunc quis detineat scitis, vt reueletur suo tempore, nam mysterium iniquitatis iam *ἐν ἐργείᾳ τῆς*, idest, operatur passiuè, hoc est, ea, quæ prædixerunt prophetæ per spiritum Dei futura esse in aduentu Antichristi, vt fallacias & summam superbiam, &c. iam cernuntur fieri. Itaque mysterium iniquitatis vocat iniquitatem illam Antichristi futuram, quæ exercetur in Antichristi, qui iam exierunt, in quibus ille velut in mysterio latet, vt qui tollunt nunc iuge

sacrificiū mysticū, quod Daniel prædixit c. 1. tollendum esse tempore Antichristi, dici potest iam in istis *εργεῖσθαι*, idest, operari, passiuè mysterium iniquitatis Antichristi, quis enim dicat posse hic accipi actiue verbum *εργάζεσθαι*? certe non dicent isti, si quid sensus, aut scientiæ rerum, & verborum habeant. Quare cum in omnibus istis locis passiuè accipiāt *τὸ ἐργεῖσθαι*, & *τὸ ἐργάζεσθαι*, neq; vllō modo, aut ratione possit actiue, facile mihi persuadeo, interpretem latinum, cum operari interpretatur, passiuè vsum esse verbo operor, vt nonnulli ex nostris auctoribus vsi sunt, imo solet scriptura sic aliis verbis similibus vti, vt est illud, Beati pauperes spiritu, quoniam ipsi consolabuntur, passiuè dictū est, similiter illud, Virgines eorum non sunt lamentatæ, & alia huiusmodi. Ergo vt ad eum locum, in quem omnes istas verbi obseruationes contulimus, redeamus, similiter quoque necesse est, passiuè accipere, cum dicit Apostolus fides *δι' ἀγάπης ἐργαζομένη*, idest, a charitate acta, vt passiuè item dicuntur *ἐργαζόμενοι διὰ τῶν δυνάμεων*, idest, actiua de monibus. Neque vero parum refert, imo plurimum, actiue, an passiuè accipere, cum enim Lutherani accipiunt actiue, facile ad peruersum dogma suum accommodant, vt tradāt bona opera fructus esse fidei. idest, quos fides postea, quæ sola prius iustificarit, operetur, quasi fides sit, vt iidem tradunt, instar arboris, quæ suapte natura bona esse possit, antequam bonos fructus ferat, at non sic est, imo fides, & bona opera fructus sunt spiritus, sicut Apostolus ad Gala. c. 5. tradit, fidei vero, & operum ex fide fructus est iustitia, & quæ sunt propria iustitiæ, vt remissio peccatorum, salus animæ, lætitia spiritualis, hæreditas coelestis, vt cum ex aliis locis infinitis intelligi potest, tum ex epistola 1. Petri c. 1. ministrare (inquit) in fide virtutem, & in virtute scientiam, in scientia abstinētiā, in abstinētia patientiam, in patientia pietatem, in pietate amorem fraternitatis, in amore fraternitatis charitatem, deinde subiungit, hæc si vobis adsint, non vacuos. nec *ἀνεργῶν*, idest, neq; sine fructibus, scilicet iustitiæ vos constituent. sicut dixit in epistola ad Philipp. repletos fructibus iustitiæ. fides igitur, & bona opera afferunt iustitiam, & proprios fructus iustitiæ. Hæc est ergo fides, quæ in Christo valet, fides scilicet, quæ per dilectionem operatur, non vt prius in Christo valeat, & postea operetur, sed quæ iam est in opere posita, cum in Christo incipit valere hæc fides, quæ per dilectionem in actu est, fides proprie est, hæc fides vere, & simpliciter, hæc fides actu, liceat enim nobis hanc *καὶ βραχίονα* verborum, idest, limatā

DE IUSTIFICATIONE

loquendi rationem, quam simplicitas scripturæ sanctæ non sic subtiliter, & curiose obseruare solet, & si non omnino hic neglexerit, ut mox ostendam, liceat inquam nobis declarandi causa ex humana sapientia sumere, cum enim, ut ait sanctus Clemens in epistola ad discipulos, ex scripturis integram quis, & firmam regulam veritatis susceperit, absurdum non erit, aliquid etiam ex eruditione, ac liberalibus studiis, quæ forte in pueritia attingit, ad assertionem veri dogmatis conferre. sic ergo Aristoteles scientiam τὴν εἰσπραγμένην, idest, scientiam actu vocat in lib. de moribus septimo, cum scientia vitam agendo, idest, cum secundum scientiam, quam habemus, operamur. Dupliciter enim (inquit) scire dicimus, nam tum qui habet & non vitur, tum his, qui vitur, scire dicitur, quem paulo post veluti interpretans ait, secundum scientiam operari, hunc etiam dicit scire proprie, & vere in decimo lib. Ethic. in agendis (inquit) veritas ex operibus, & vita iudicatur, in his enim est proprium, quare oportet inquit, quæ hactenus dicta sunt, sic considerare, ut cum operibus, & vita conferamus, ut si cum operibus consentientia sint approbemus, sin autem dissentientia, verba solum esse reputemus, qui vero secundum mentem operatur, & hanc excolit, optime is affectus est, & Deo charissimus. hactenus ille. Ille itaq; scit vere, & proprie esse recte viuendum, cuius vita cum scientia, quam habet, congruit, idest, qui recte viuit. Idem enim auctor tradit in 1. & 5. libro, quæ discimus, ut faciamus, faciendo discere, ex quo fiat, ut faciendo quoque sciamus, eos vero, qui non faciunt, ignorare dicit, unde illud exitit, quod tum Aristoteles, tum magister eius Plato scripsit, omnem malum ignorare, quæ agere oporteat. Non enim is proprie, & vere, atque actu, & simpliciter scit, tamen si sciat habitu & quodammodo, sicut idem Aristoteles in eodem libro septimo incontinentes ait. quodammodo scire vniuersalem, & singularem, quia scilicet nesciant simpliciter, tum non eis vrantur. sumpsit autem hæc Aristoteles ex scriptura vetere, ut pleraq; alia, ut Clem. Alexandrinus in Stromateis, & discipulus eius Origenes in comment. Cant. Cant. notarunt. Scriptura enim eos vocare solet sapientes, qui sapientia vtuntur, idest, qui seruant mandata sapientie, sicut scriptum est, si cupis sapientiam, serua mandata, & David, timor domini (inquit) initium sapientie, deinde subiungit, intellectus bonus omnibus facientibus eam, ii autem faciunt sapientiam, qui secundam eam operantur, qui sunt vere sapientes, & vere intelligentes. Rursus qui non sic vrantur sapientia operando mandata, eadem scriptura

dicit non habere eos sapientiam, sed stultos esse, & perire propter
 insipientiam & ignorare vias domini, neque velle eas cognoscere,
 sicut scriptum est, noluit intelligere, vt bene ageret, non dixit no-
 luit intelligere vtcunq, sed quomodo, & qua ratione explicauit,
 vt bene(inquit)ageret, quod est intelligere quidem quodammodo,
 & habitu, non autem actu, & vere, ac simpliciter, quod in eos, qui
 scientes peccant, dictum esse, magnus Diony. interpretatur in lib.
 de diu. nomi. c. 4. Ergo qui sciunt voluntatem domini, neque fa-
 ciunt, sciunt non quidem proprie, & actu, ac re, & veritate, quæ
 veritas, cum quid agendum est, si facere possimus, neque prohibe-
 amur, in actione cernitur, & opere diiudicatur, sed potius dicunt
 se scire, sicut de quibusdam dicit Apostolus qui dicentes se esse sa-
 pientes, stulti facti sunt. id est, ad summam ignorantiam, & inscitiam
 delapsi sunt, quia scilicet cum Deum cognouissent, non secundum
 Dei notitiam, & cognitionem operati sunt, hoc enim est, non vt
 Deum glorificasse. Vere itaque sapientia est ἡ τῆς εἰσφορίας, vt Aristo-
 teles loquitur, siue ἡ εἰς ὁρμὴν, vt loquitur scriptura, id est scientia
 actu, que autem non est talis, inchoata est, & manca, atque inanis, &
 sicut idem Aristoteles dicit, λόγος μόνος ἀπολλυμένη. Ergo obser-
 uarit hæc in veteri scriptura philosophus sine Christo, alienus a
 conuersatione Israel, promissionis spem non habens, & sine Deo
 in hoc mundo; obseruavit inquam, vt sic sentiret, & sic loqueretur,
 & qui acceperunt spiritum Dei, & Christum induerunt, quorum
 sunt lex, & prophetæ, & euangelium, non obseruabunt? docuerit
 ille scientiam vitæ degendæ inanem esse sine munere actionis, & ve-
 re, ac proprie scientiam esse τὴν εἰς ὁρμὴν, docuerit inquam εὖ
 uenienter scripturæ nostræ siue κατὰ πρόβλεπον id est, casu, vt nō
 nulli dixerunt, siue κατὰ συντυχίαν, id est, fortuito, sed tamen non
 sine consilio, & providentia Dei, siue κατ' εὐνοίαν φωτικῶν, id est na-
 turali ratione admoniti, aut quod magis credendum est, ex obser-
 uatione, vt dixi, veteris scripturæ, quæ multo ante septuaginta in-
 terpretum tempora græce fuerat reddita, vt idem Clemens Alex.
 testatur, & isti non sic doceant, aut sic docentibus non assentiant,
 tur? aut si hanc rationem sentiendi & loquendi in scientia, & sapien-
 tia, obseruauerunt, & sic loquuntur, & sic tradunt, quemadmodum
 non idem obseruauerunt in fide? eadem enim observatio est in scrip-
 tura de fide, quæ est πρὸς τὴν ἀληθεύσαν, vt verbo Dionysii
 utar, id est, quæ in cognitione veritatis versatur, vt is dicatur crea-
 dere, qui credit τῇ εἰσφορίᾳ, id est, actu, is autē credit actu, & vere qui

fidem operatur, qui autē vere credit, hic placet Deo, & uiuit ex fide. Hæc ergo est fides, quæ in Christo ualet, fides actus, id est, quā operamur per dilectionem, ut incipiat ualere, qui autem non credit actus id est, fidem non operatur, incredulus, & infidelis in scriptura dicitur, ut cum apostolus ait, qui suorum, & maxime de domesticorum curam non habet, fidem negauit, & infideli deterior est. Sed pergamus ad alias obseruationes scripturæ sanctæ, ait enim Ecclesiasticus, qui liber, ne fortassis, ut quidam ex istis ausi sunt, eius auctoritatem pro nihilo habeant inter canonicos relatus est a synodis Romanis, Innoc. I. Damasi, & Gelasii, tum a Carthag. Floren. Trident. Denique libri huius auctoritate veteres patres tum Græci tum Latini vsi sunt. Ait ergo, A principio fecit Deus hominem, & posuit eum in manu consilii sui, si uolueris seruare mandata, & fidem beneplacitam operari, ad quodcunque uolueris, porrige manum, ante hominem uita, & mors, &c. Quia non satis erat ad iustitiam fidei facere mandata, nisi qui faciat, ex fide faciat, id est, ad Deum per fidem conuersus, neque satis erat fides nuda, & sola sine operatione mandatorum, idcirco utrumque coniunxit Eccles. si uolueris inquit seruare mādāta, & fidem facere, siue operari beneplacitā, nō dixit si uolueris credere, aut habere fidem, ne fortassis existimaret satis esse credere habitum, & quodāmodo, ad uitā, de qua statim subiungit, ante hominē uita, & mors, sed addidit, & si uolueris fidē operari, nempe in mandatis. hæc fides per dilectionem est *προαγαλν*, quam Paulus dicit, nihil enim refert, siue dicamus, fides, quæ per dilectionem operatur, passue, siue fides, quam facimus per dilectionem, dilectio enim *αγαπη* est, ut ait Dionys. Areop. id est, habet uim mouendi ad operandum. Hæc est fides, quæ placet Deo, unde fides beneplacita ab Eccl. appellata est, quæ iustificat hominem, ex quo statim subiungit, ante hominem uita, & mors, iustus enim ex fide uiuit. Iam ne uident isti, quemadmodum operari fidem per dilectionem in mandatis, hoc uiuificet, & placeat Deo! & quod hæc fides, quam per dilectionem operamur, sit illa, quam Apostolus dixit in Christo ualere, ex quo fit, ut quoties de fide iustificante scriptura loquitur, de hac fide loquatur, quæ est fides *τι ενεργει*, id est, actus, & uere, ac proprie fides. reliqua uero omnis *αδελφικος* est, & non simpliciter, sed quodāmodo fides. Quare quod Apostolus dixit, fidem tantum, quæ per dilectionem operatur, in Christo ualere, pro hoc Iesus filius Sirach eundem spiritum habens in eandem sententiam dixit, fidem, quam in mandatis, ut Deo placeamus, facimus, uiuificare.

Simile est, quod ait Salomon Prouer. 12. qui facit, siue operatur fidem acceptus est apud Deum, fides ergo, quæ est in actione iustificat, iustitiæ enim proprietas est reddere acceptum, & amicum Deo. Item Hier. circuite (inquit) in vis, & videte, si inuenitis virum, qui operetur fidem, & amet misericordiam. Sequitur alius locus cum loco Eccles. nutritice conueniens Deutero. c. 30. dedi (inquit) ante faciem tuam mortem, & vitam, vt Deum diligas, & audias vocem eius, & ei adherereas. hic quoque describit veram fidem, idest, fidem dilectione operatam, quæ tunc cum per dilectionem in actu est, incipit viuificare. itaq; cum ait, & audias vocem Dei, fidem significat, fides enim ex auditu est, auditus autem per verbum Dei, at quia hæc fides si sola, & nuda sit, non facit adherere Deo, sicut est in Ecclesiastico c. 25. principium adherendi Deo fides. dilectio enim que superaddificatur, huiusmodi principium per fidem adherendi perficit, ideoque adiunxit, vt Deum diligas, eiq; adherens. Similiter in Ecclesia. cum dixit scriptura, principium adherendi Deo fides, dilectionem quoque adhibuit, quæ est consumatio adhesionis, subiungens timor domini principium dilectionis, vt iam non obscure docuisse videatur, fidem quidẽ fundamentum esse, cui sit superedificatio dilectio, si debeat esse principium adherendi Deo, qui n. adheret Deo, vnus spiritus efficitur cum Deo, & non est iam suus, sed Dei totus, dilectio vero est, quæ vim istam ecclasticam habet, sicut ait diuinus Dion: non autem si les sola, dilectionis vero principium, vt hoc quoque obseruemus, docuit esse timorem, non illum quidẽ, quem perfecta dilectio, siue charitas eiicit, qui timor non castus dicitur, vt ait sanctus Maximus in responsis ad Thalassium, cuius origo, & ortus peccatum est, dum propter peccatum, in quo sumus, timemus Deum tanquam iudicem, sed alius timor castus, qui non ex peccato, vt idem ait, sed ex reuerentia excellentiæ, ac præstantiæ diuinæ exiit, qui semper permanet, ita vt primum ex cognitione Dei per fidem perfectam tanquam ex fundamento existat reuerentia ista, ex reuerentia timor, ex timore studium amatorium declinãdi quicquid Deo non placet, & amor faciendi quicquid ille vult. Congruit cum hoc loco, eumq; magis declarat, quod idem Ecclesiasticus de hoc sancto timore dixit c. 1. qui sine timore erit, nõ poterit iustificari, sic enim est in exemplaribus latinis, & sic esse legendum in græcis, vt olim incorrupte legebatur, ex Clemente Alexandrino intelligi potest, is enim libro 3. Strom. locum his verbis citat *αὐτὸς ὁ Θεὸς οὐδὲν ἐκ τῆς τοῦ Θεοῦ φοβίας*, idest, qui sine timore

est non poterit iustificari, quia scilicet timor iste non fidei, sed dilectionis principium est, prius enim cognoscimus Deum per fidem, quàm hic timor ex reuerentia existat, cum nemo timeat, aut reueretur, quem non nouit, quo principio dilectionis qui caret, dilectionem habere non potest. dilectione vero consumatur iustitia, etenim si consumatur adhesio cū Deo per dilectionem, ergo per eam consumatur iustitia, iustitia enim vnionem, siue adhesionem cum Deo præstat. Denique si per dilectionem consumatur iustitia, & adhesio cum Deo, ergo & fides, ex qua iustificamur dilectione consumatur, ita vt fides sine dilectione imperfecta sit, ac proinde non sit proprie, & simpliciter fides. hoc enim est quod ait Ioannes 1. c. 4. qui non diligit, non nouit Deum, quod si non nouit, ergo neque credidit, non nouit inquam, neque credidit scilicet actu, & simpliciter. non est, qui non videat necessitatem huius connexionis. & consequentiæ. Quod autem legitur in exemplaribus, latinis, vt hoc quoque obiter notemus, fidei autem initium adglutinandum est ei, sic legendum est, vt ad verbum respondeant græcis latina, fides autem initium est ad glutinandum ei, pro eo, quod est ad adhærendum ei, sic enim est in græcis, initium adhærendi Deo fides, quod si fortasse initium fidei legendum esse contendant isti, ne hæc quidem lectio cum eis faciat, non enim initium fidei inchoatam fidem significat, vt est ista Luteranorū, quod enim inchoatum est, imperfectum, & mancum est, & per se nihil valet, sed significat per fidem nos incipere adhærere Deo, per fidem dico dilectione consumatam, idcirco enim, vt dixi, subiungit statim Eccles. timor domini principium dilectionis. Sed veniamus iam ad locum Iacobi, ex quo etiam intelligent fidem sine dilectione inchoatam fidem esse, & mancam, dilectione vero consumari, quæ consumata (vt sæpe dixi) proprie, & actu fides sit, ex qua iustificetur homo. hortabatur ergo beatus Iacobus eos, ad quos scribebat, vt ferrent patienter tribulationes, docens quantum vilitatis, & fructus afferrent, patienter inquam ferrent propter Deum, sicut beatus Petrus ait, hæc est gratia, si propter Dei conscientiam sustinet quis tristitias, patiens iniuste, & iterum, hæc (inquit) est gratia, si benefacientes patienter sustinetis, & rursus idem Petrus, ministrare (inquit) in patientia pietatem, hoc ergo est, quod ait Iacobus, patientia opus perfectum habeat, vt sitis perfecti, & integri in nullo deficientes. deinde subiungit, si quis autem vestrum indiget sapientia, id est, si non habet patientiam, neque perfectus est, sed potius,

ut ait scriptura, perdidit sustinentiam, & dereliquit vias rectas, si inquam, sapientiam illam cupit, de qua scriptum est, sapientia filiis suis vitam inspirat, & suscipit exquirentes se, & praeibit in via iustitiae, & qui illam diligit, diligit vitam, & quae sequuntur, quam quidem sapientiam qui habet seruat mandata, in illis enim seruandis sita est vera sapientia, sicut scriptum est, si cupis sapientiam, serua mandata, is (inquit) postulet a Deo, qui dat omnibus affluenter, & ne mini impropere scilicet infirmitatem, & ideo nemo diffidat conficius suae imbecillitatis, quia dat omnibus affluenter, qui benedicit omnibus, qui timeant dominum, pusillis cum maioribus, postulet autem in fide nihil διαιρέσιμος, idest, nihil diuidens, siue separans scilicet in corde, hoc enim significat διαιρέσει, scilicet diuidere, siue seiungere, aliquid ergo est in fide vera, quod ne ab ea separatur, praecipit Iacobus, nempe dilectio, haec est enim vna connectio ex tribus illis connexionibus, quas beatus Ignatius beati Ioannis Euangelistae discipulus in epistola ad Magnesienfes laudare, & optare se dicit αὐθις (inquit) τὰς ἐκκλησίας, εἰ αὖτ' ἔγωγε εὐχομαι σαρκοῦς καὶ πνεύματος ἡσυχίας τοῦ κυρίου ἡμῶν, πίστεως καὶ ἀγάπης, ἧς οὐδὲν περὶ κείνους, τὸ δὲ κυριότατον, ἰσθῆναι καὶ πατρὸς, idest, laudo ecclesias, in quibus vnionem opto, & precor carnis, & spiritus Iesu Christi, fidei, & dilectionis, qua vnione nihil praestantius, & quod est magis proprium, vnionem filii, & patris. rursus idem Ignatius in epistola ad Ephesios εἰς πλείους εἰς ἡσυχίας τοῦ κυρίου ἡμῶν, καὶ τὴν ἀγάπην, ἧς οὐδὲν ἀλλ' ἢ ζωὴς, καὶ πᾶς, ἀρχὴ καὶ τέλος, τέλος δὲ ἀγάπη, ὅθεν εἰς τὸ τῆς ἡσυχίας θεοῦ ὅστις, idest, si habetis perfectam in Christum fidem, & dilectionem, quae perfecta fides principium vitae est, & finis, principium quidem fides, finis vero dilectio, haec enim duo in vnum copulata Dei sunt. Item Leo Magnus in sermone 2. de passione, dilectio (inquit) robur fidei, & fides fortitudo dilectionis, tunc verum nomen, ac verus fructus est ambarum, cum insolubilis vtriusque manet connectio, vbi enim non simul fuerint, simul desunt, item sanctus Zenon serm. 2. tribus in rebus christiani culminis fundamenta consistunt in spe, fide, & charitate, quae ita sibi inuicem videntur esse connectae, ut sint aliis alia necessaria, spes enim nisi praecedat, cui laborat fides? fides si non sit, quomodo spes ipsa nascetur? quibus si desineat charitatem, vtraque cessabunt. Et rursus paulo post, sine hac inquit fides, & spes non stabunt. quod vero διαιρέσει separare

significet intelligi potest ex c. 11. Actuum, cum per Angelum admonitus est Petrus, ut iret cum tribus illis gentilibus, qui à Casarea missi fuerant, nihil iam discernens, siue diuidens inter Iudæos, & Gentiles, sicut didicerat vase illo, velut linteo magno summisso, non esse iam cibos distinguendos ratione mundi, & immundi, dixit ergo (inquit, spiritus, ut iret cum illis), nihil διακρινόμενος, quod interpret similiter vertit nihil hæstans, pro eo quod est, nihil discernens, siue diuidens inter Gentilem, & Iudæum. Item in epistola ad Roma. cap. 14. loquens Apost. de cibis non separandis, ac distinguendis ratione immundi ὁ διακρινόμενος, inquit, quod melius hoc loco interpret sic vertit, ubi ait, qui discernit, si manducauerit, damnatus est, & c. in eo vero loco Ioannis cap. 13. Aspiciebant ergo adinuicem discipuli, hæsitantes de quo diceret, nō est scriptum διακρινόμενοι, sed ἀπορούμενοι. Item Act. 15. Festus ait, hæsitans ego de huiusmodi questione, græce ἀπορούμενος scriptum est, non διακρινόμενος. Præterea significare hoc, quod dico, verbum hoc διακρίνεσθαι, perspicitur ex toto illo capite 1. de diuini nomi. de vnita, & diuisa theologia, ubi separationem, siue distinctionem διακρίνει vocat, & separare διακρίνεσθαι, sic igitur accipitur hic apud beatum Iacob. οὐδὲν διακρινόμενος scilicet τῇ καρδίᾳ, idest, nihil diuidens in corde, ille enim diuidit in corde, siue separat, qui fidem habet, sed fidei non obedit, ut operetur secundum eam, qui quidem non est vnitus cum Deo, neque credit ex toto corde, vt scriptura loquitur, cum enim Eunuchus ille dixisset Philippo ecce aqua, quis prohibet baptizari, respondit Philippus, si credis, non ex parte inquit, sed ex toto corde, idest, si fidem per dilectionem operaris in baptismo, hæc enim valet in Christo, licet baptizari, idest, ablui, & sanctificari per baptismum. Rursus sic esse accipiendum verbum hoc διακρίνεσθαι apud Iacobum intelligi potest ex euang. Marci c. 16. habete (inquit) fidem Dei, amen dico vobis Quicumque dixerit huic moti, tollere, & mittere in mare, & non hæsitauerit in corde suo, sed crediderit, quia quodcumque dixerit, fiat, fiet ei, qui non hæsitauerit (inquit) quod græce est, ὃ μὴ διακρινέῃ ἐν τῇ καρδίᾳ αὐτοῦ, idest, si habens fidem Dei, & in fide petens non fuerit diuisus in corde, is (inquit) virtutes maximas faciet, has enim significauit nomine montis, vt Clemens in recognitionibus interpretatus est, item sanctus Maximus in libro de obscuris locis scripturæ ad Thalassium, non est (inquit) extra nos fides, ταῖς ἐντολαῖς Θεοῦ ἐν ὁμοθυμαδόν, idest, quæ in diuinis mandatis agitata, & vt

ita dicam, practicata, efficitur regnum Dei, regnum autem Dei est eorum, qui sic regnant, vñio αμενος cum Deo, & paulo post quod interpres Marci verit, non hæsitare in corde, interpretatus est idē Maximus, non diuidere in mente scilicet vnionem illam cum Deo, quam dixerat, sic enim ait μὴ διχάζεις ἐν τῇ καρδίᾳ, ὅτι ἐστὶν ἐν τῷ νοί μὴ διχάζεσθαι, sic sanctus Maximus verbū hoc & locum euang. interpretatus est. Fides ergo nisi cum operatione mandatorum vñta, non vñit cum Deo. Significauit itaq; hoc loco dominus, quod Ioan. c. 3. scripsit, si non reprehenderit nos cor nostrum, fiduciam habemus ad Deū quod quicquid petierimus, accipiemus ab eo, qm̄ mandata eius custodimus, quia vero per dilectionem custodimus, ideo subiungit, & quæ placita sunt coram eo, facimus, non enim placent Deo, nisi quæ facimus ex charitate. ille ergo cum orat, diuisus est, cuius oratio non est, vt Iacobus ait, ἐργουμένη, idest, quæ non est coniuncta cum operatione mandatorū, vt beatus Hierony. in cōment. Hierē. thre. 3. interpretans hunc locum, si non reprehenderit nos cor nostrum, & quæ sequuntur, si quod præcipit (in quib; facimus, quod petimus, obtinemus, deinde subiungit, Valde. n. apud dominum hæc duo coniuncta sunt, vt oratione operatio, & operatione fulciatur oratio. Vnde idem Io. c. 5. hæc est (inquit) fiducia, quam habemus ad Deum, quia quodcunq; petierimus secundum voluntatem eius, audit nos. is autem petit secundum voluntatem eius, qui postulat in fide simul, & obedientia fidei ex dilectione, neutrum ab altero seiungens. Quod ergo dixit idem Iacob, c. 5. multum valēt oratio iusti ἐργουμένη, idest, cum vita spiritali precantis coniuncta, hoc quoque præcipit nunc, vt neque petamus sine fide, neque fide sola, seiuncta dilectione. Idcirco ait, postulet in fide, & in fide quidem non sola, idest, non separans ab ea dilectionem, per quam fidei obedimus operantes mandata, idcirco subiungit, nihil diuidens, eum enim qui diuidit, & separat, paulo post veluti explicans, quod dixerat appellat διπλῶς, idest, duplicē animo, quasi διχάζειν τὰ τῷ ἀμείνῳ vt idem Paulus loquitur Rom. 4. non putet (inquit) vir ille, quod accipiat aliquid à domino, vir duplex animo inconstans est in omnibus viis suis, imitatus est locū sapientiæ Sirach, qui locus hunc Iacobi declarat, dixerat enim, si cupis sapientiam, serua mandata, & illam dominus tibi suppeditabit, sapientia enim, & disciplina timor domini. beneplacium eius fides, & mansuetudo, ne repugnes timori domini positus in indigentia, & ne accedas ad eum duplici corde, quod perinde est, quasi

diceret, si indiges sapientiâ faciendi mandata Dei, time eum. & ad
 petendam istam sapientiâ accede in fide, non duplici corde, idest,
 accede in fide consentiente eum operibus, quæ est fides per dilectio-
 nem operata. explanans enim quid sit duplici corde accedere ad
 Deum, subiungit, ne similes coram hominibus, & attende in labiis
 tuis, ne commouearis mente, idest, ne vnum cor coram homini-
 bus habitu, & verbis, cum oras, singas, & aliud intus regas, cauens
 dum est enim, ne lingua dissentiat ab animo, ne ore diligamus, &
 corde longe simus. quales sunt, qui fidem istam Luteranorū *ἡλικὴ*
 sine dilectione habent. hi sunt, quibus scriptura dicit, emundate ma-
 nus peccatores, & purificate corda duplices animo, vtrunq; con-
 iunxit, fide enim corda purificantur, sicut aliis scriptum est, sed nō
 sine operatione, quam manus designat, quæ vnio fidei, & operis
 cum facta est, *ἡλικὴ* & omnis, idest omnis duplicitas animi sublata
 est, non enim aliud verbo, & lingua, aliud opere creditur, neque
 qui huiusmodi est, leuitate, & inconstantia vitur, aut secundū car-
 nem cogitat, vt sit apud eum est, & non, sed est. his enim verbis aie-
 bat se Apostolus fidem, & veritatem, quam prædicabat, operari,
 neq; dissentire manum à lingua, neque linguam à corde, quamuis
 consilium eundi prius ad Corinthios sapienter alioqui mutasset. Hi
 rursus sunt, quos ecclesiasticus ait ingredi duabus viis, & dissolutos
 corde, ac non credere Deo, scilicet vere, & proprie, etenim si nōn
 crederent, saltim quodammodo idest, *ἡλικὴ*, hoc est nude, vt isti
 credunt, nunquam eos scriptura dixisset, ambulare duabus viis, sed
 ambulare viis suis, vt de gentibus Deum ignorantibus alias dicit.
 huiusmodi erant, quos dixit Elias propheta claudicare in duas par-
 tes, siue duobus poplitibus, vt est apud septuaginta. fidem enim ha-
 bebant, sed non fidem dilectione operatam, vt qui mandata domi-
 ni negligerent, quod idem Elias exprobrauit illis, explicans enim
 quemadmodum in duas partes, siue duobus poplitibus claudica-
 rent, subiungit, si (inquit) dominus est Deus, sequimini eum, idest,
 si fidem Dei habetis, operamini eam, si autem Baal, sequimini illum.
 vt sic ambularent vna via optima, & pedibus sanis, non duabus viis
 malis, & vtroque pede infirmo, oportet enim non diuellere à fidē
 dilectionē ad ea mouentem, quæ Deo placita sunt, qui. n. diuellit, is
 vtroque poplite claudicat, poplite fidei, & poplite operum, cum
 neque fides eius sit fides *ἀδικίας*, idest, beneplaciti, sed potius mor-
 tua, vt quæ non moueatur, neque agitur per dilectionem ope-
 rata, ex quo fit, vt idem Iacobus eum, qui fidem à vinculo dilec-

ctionis dissoluit, ut claudicantem, & infirme in fide stantem recte cum fluctu maris, qui à vento agitur, compararit, deinde subiunxit, quo magis quod in parabola dixerat explicaret, vir duplex animo inconstans est in omnibus viis suis, firmamentum enim (inquit scriptura) in operibus iustitiæ, cum enim fundamentum fidei per superædificationem dilectionis non firmatur, ipsa etiam fides vacillat, & facile amittitur, sicut Apostolus ait de iis, qui non habent simul cum fide bonam conscientiam, quam quidam (inquit) repellentes circa fidem naufragauerunt, scilicet vento doctrinæ iactati instar fluctus, qui à vento agitur, translatione usus est, quæ satis cum ea similitudine congruit, quæ beatus Iacobus in iis quoque usus est, qui à fide disiungunt dilectionem, sine qua non existit bona conscientia, & quæ est in omni opere bono, quod Deo placeat, dilectio enim patiens est, benigna est, non æmulatur, non agit perperam, & quæ sequuntur, quæ omnia sunt opera bona & beneplacencia, in quibus dilectio versatur, & cernitur. Sic enim Clemens Alexan. hunc Pauli de multiplici charitate locum in 1. Strom. interpretatus est Sed ut hunc locum de fide per dilectionem operata, id est, de fidei, & operum vnione iam finiam, quæ so istos, quousque tandem diuinam istam vnionem dissoluent? quousque duplices animo viroque pede claudicabunt? dicam enim quod olim Elias iis, qui fidem Dei non operabantur, si dominus est Deus, sequantur eum, si Christus voluntate Dei patris pro istis mortuus est, & isti in mortem eius baptizati sunt, & cum eo mysteriè resurrexerunt, si hoc inquam mysterium vere, & actu credunt, ambulet in nouitate vitæ exhibentes membra sua arma iustitiæ, ne sine operibus iustificentur, aut si hoc mysterium non credunt, quod mortui sint peccato, ut viuant Deo, ne ambulent in nouitate vitæ, obediāt cōcupiscentiis suis, ament schismata, & hæreses, viuant suo more, & modo, & religione, sine capite Ecclesiæ, & totius orbis pastore, sine sacramentis, sine Apostolicis traditionibus, iustificent se ipsos sine, & ante opera, fallentes semetipsos, imo errantes, & in errorem mittentes. Fateor crediderunt hoc mysterium, cum baptizati sunt, cum vetus homo eorum simul crucifixus est, ut destrueretur corpus peccati, sed quid eis prodest, si deinceps huius fidei obliui sunt, sunt autem obliui, quamdiu ex fide tantum sine operibus iustificari volunt, ita ut eueniat istis, quod ei solet, ut beatus Iacobus ait, qui considerauit vultum naturæ suæ in speculo, considerauit enim se, & abiit, & statim obliuiscit, qualis fuerit, cum

hoc enim comparat eum, qui auditor tantum est, id est, qui fidem tantum habet, fides enim ex auditu est, ut Apostolus ait. Est itaque instar speculi fides, quæ ea nobis ostendit, quæ nisi per fidem nobis apparere non possunt (ut cum vultus nostros in speculo spectamus, quos alio modo videre non possumus) videmus enim fidei speculo splendidum vultum naturæ spiritualis, fide inquam videmus per fidem nos, & per opus baptismi regeneratos in Christo, & renovatos, quod si deinceps fidem non operemur, iam sumus obliiti, qualis fuerit vultus naturæ spiritualis, obliiti inquam sumus primæ renovationis, & ut beatus Petrus ait, obliuionem coepimus purificationis veterum peccatorum, non enim credidimus, & fidem in baptismo ad iustitiam operati sumus, ut deinceps fide tantum iustificaremur, imo vero ex fide per dilectionem in baptismo operata iustificati sumus, ut memores illius iustificationis, ex fide item postea per dilectionem in mandatis operata iustificemur, mortui sumus cum Christo in baptismo, ut mortificationem eius in corpore nostro deinceps feramus, ut nisi Christi vitam in nobis non fide tantum, sed opere ostendamus, neque à Christo pro nobis satisfactum sit. Sed de satisfactione Christi pro nobis, quam isti vane, & ociose iactant, non intelligentes, neque quæ loquuntur, neque de quibus affirmant, proximo capite paulisper hic respirantes, studiose, & accurate differemus.

De satisfactione Christi implenda in nobis ambulantibus secundum spiritum.

NAM quod impossibile erat legi (inquit) in quo infirmabatur per carnem, Deus mittens filium suum in similitudinem carnis peccati, & super peccato, damnauit peccatum in carne, ut iustificatio legis impleretur in nobis. Erat (inquit) lex Moïsi inutilis & infirma ad satisfaciendum pro peccato, quod omnes in Adam peccauimus, propter quod iuste omnes ad perpetuam mortem damnati eramus, siquidem ipsi etiam sacerdotes legis, ut infirmitate circumdati necessitatem habebant prius pro suis delictis, deinde pro populi hostias offerre, hoc enim significat, in quo infirmabatur per carnem, dicit autem hoc Apostolus non solum de lege Moïsi cui alius quoque infirmitatem istam tribuere solet, sed etiam *πρωτης λεγειται* de lege naturæ, quia lex Moïsi, legem naturæ, & infinita alia propria Iudæorum continebat. Quare si lex Moïsi infirma

erat ad satisfaciendum pro peccatis omnium, multo ergo magis lex naturæ, quæ erat pars eius. Hoc autem est, quod dominus dixit, non se venisse, ut legem solueret, aut prophetas, sed ut impleret, id est, ut quod neque lex, neque prophetæ facere potuissent, faceret ipse, ut inquam à peccato, & morte nos liberaret. Idcirco ergo Deus filium suum vnigenitū super causā, & negotio peccati, quod in mundum intrarat, in mundum misit factum similem nobis peccatoribus absque peccato, hoc enim significat missum esse in similitudinem carnis peccati, & de peccato, siue super peccato. Sequitur deinceps, quid missus fecerit, peccatum (inquit) damnauit in carne, moriens enim, qui peccatum non fecit, pro peccatis nostris, traditus est enim propter nostra delicta, & vincens mortem, à qua detineri non potuit in inferno, quasi peccator esset, iuste peccatum damnauit in carne, ut ne amplius neque peccatum, neque mors, cuius erat stimulus peccatū, remaneret in nobis, pro quibus mortuus est, & resurrexit. Quod ergo dixit damnauit, ad hoc iudiciū retulit, de quo Ioannes, & potestatem (inquit) dedit ei, iudiciū facere, quia filius hominis est. & Esaias prophetas de reditu Christi in coelos hoc iudicio confecto, angelos introducit sic percurrentes, quis est iste, qui venit de Edon tinctis vestibus de Borsā? sic formosus in stola sua, violentia cum fortitudine? sic enim est in septuaginta, deinde introducit dominum respondentem non uolens eripuisse nos, sed iusto iudicio peccatum, & mortem damnando. ego (inquit) loquor iustitiam, & iudiciū salutaris & Oseas de eodē, absorta est (inquit) mors in iudicio, ubi est mors causa tua? sic enim est in septuaginta, siue contentio tua, ut est in aliis exemplis, quasi litigans enim & contendens in iudicio cum morte, iuste mortem vicit, quia enim qui peccatum non fecit, neque facere potuit, morte affectus est pro nobis, ideo à morte iuste detineri non potuit, ut idem resurgens baptizatos in mortem suam, secum simul à morte extraheret, quæ est ratio mysticæ meritionis, & emersionis, absolūti & iustificati à peccato, & sic peccatum ipsum damnans, propter quod eramus ad mortem damnati hoc enim est, quod in alio loco ait Apostolus mortuum esse propter peccata nostra, & resurrexisse propter nostrā iustificationem, id est, ut nos resurgeremus cū eo à peccato iustificati, etenim si non resurrexit, neque nos resurreximus, & si per baptismum mortui tantum sumus, adhuc manemus in peccatis præteritis, propter quæ eramus ad mortem damnati. Quare cum ait Apostolus, ut hoc obiter annotem, qui enim mortuus est,

iustificatus est à peccato, sic est accipiendum, ut si diceret, qui mortuus est, & suscitatus, iustificatus est à peccato, & si enim mortuus non peccet, tamen manet in peccatis, si non resurrexerit, ac proinde non iustificatus est. Idcirco explanans Apost. quomodo mortuus iustificatus esset à peccato, subiungit, si autem mortui sumus cū Christo, credimus q̄ simul etiam viuemus cum eo, quod perinde est, quasi diceret, si enim per fidem mortui sumus cum Christo in baptismo, per fidem quoque operationis Dei, qui eum suscitauit à mortuis, resurreximus cum eo in baptismo, qui autem facti sunt participes resurrectionis primæ, in his, sicut ait Apocalypsis beati Ioannis, non habet locum mors secunda, sed potius uiuent cum Christo. Sed videamus, quid sequitur, ut iustificatio (inquit) legis impleretur in nobis, id est, ut satisfactio pro peccato, quæ secundū Dei legem morte perpetua omnibus subeunda, sancita erat, quam satisfactionem, ut diximus, lex Moisis perficere non potuit, imple retur in nobis, scriptum enim erat, ex ligno scientiæ boni, & mali non comedetis, quocunque die comedetis ex eo, morte moriemini, quæ lex ut à Deo verace, & fideli, ac iusto lata, implēda erat, moriendumq; omnibus, de ea namq; lege dicit hic, de qua dixerat capite proximo superiore, cōcupiscentiā nesciebā, nisi lex diceret, non concupisces, cum .n. audiuit Adam legē illā de ligno scientiæ boni, & mali nō comedetis, quocūq; die comedetis, morte moriemini, tunc concepit cupiditatem, non enim quæ quis habet, & quorū potestātē habet, & quibus utitur, cōcupiscit, sed quæ interdicta sūt, & ablata, & quæ non habet, sic enim sanctus Epiphanius in Panario aduersus errores Origenis tomo. 1. libro 2. interpretatus est, rursus de eadem lege interpretatur, quod illic sequitur, ego autem uiuebam aliquñ sine lege, nēpe in Adā, etenim si in Adā peccauimus in Adā pfecto aliquādo viximus, sine lege autē, quia lex, quæ in iubendo, & verando est, prima fuit de ligno, quæ antequam Adæ data esset, in eo viximus sine lege, Christus ergo mortuus est pro nobis, ut satisfactio pro peccato nostro morte sancita, quam Christus fecit, impleretur in nobis, Christo enim mortuo pro nobis, & suscitato, omnes mortui sumus, & suscitati cum eo per fidem mortis, & resurrectionis eius, atque ita satisfactum à nobis est per Christum, persolutumq; debitum mortis pro peccato, & deletum: cuius rographum, quod (ut idem Apostolus ait) deleuit Christus in cruce. condonans nostra delicta, et peccatum damnans, legem inquam illam Adæ datam, et nobis in eo, deleuit, quia eramus ad mortem ob

ligati, quam chirographum appellauit. quia scilicet manum tenendo in Adam ad vetitum lignum, sententiam aduersus nos scriptissimus, effecimusque nostro peccato, quod in eo peccauimus, ut esset chirographum contrarium nobis, sic enim chirographum istud interpretatus est beatus Cyrillus in interpretationibus quorundam verborum Pauli Apostoli, quas græce scriptas reperi. quod vero ait deleuisse chirographum istud decretis, siue dogmatibus, ut hoc quoque obiter explanem, decreta, siue dogmata vocauit legem omnium communem continentem necessaria, & quæ omnibus videantur, mandata inquam legis naturalis, de quibus in Actis Apostolorum *Ἀρκτοι* (inquit) vnde dogma, id est, visum est spiritui sancto, & nobis, nihil ultra imponere vobis oneris, quam hæc necessaria, ut abstinere vos ab immolatis simulachrorum, & sanguine, & suffocato, scilicet ad execrationem falsorum deorum, quibus erat sanguis dedicatus, & à fornicatione, ut quæ legibus Gentilium non esset interdicta, deinde subiungit, & quæcunque non vultis, ut vobis faciât homines, ne facite illis, sic enim legit Iræneus lib. 3. c. 12. & Sixtus II in libro de castitate, & in euangelio, quæcunque (inquit) vultis, ut faciât vobis homines, & vos facite illis, quod Eccl. c. 31. dixit. quæ sunt proximi tui, ex te ipso considera. hæc sunt dogmata, quæ Paulus dicit nunc. meminit autem de his dogmatibus, quia statim dehortaturus erat Colossenses ab illis Mosaicis, quæ non pertinebant ad dogmata, in quibus Christus ut idem Apostolus ait, legem mandatorum euacuauit, id est, cessare fecit, hæc dogmata appellauit beatus Iacobus verbum insitum, cum ait, quare deponentes omnem immunditiam, & abundantiam malitiæ, suscipite in mansuetudine insitum verbum, hoc est, legem naturalem, quæ omnibus insita est. Prouidens ergo spiritus sanctus futuros esse aliquando, qui dicerent condonatis delictis, & deletis chirographo damnationis per mortem Christi, satis esse redemptis soli fidem ad iustificationem, quod hodie Lutherani defendunt, dixit deletum esse chirographum non dogmate, ne sola fides intelligeretur, sed dogmatibus, ut intelligeremus sic esse deletum, & sic nos à peccato iustificatos esse per mortem Christi, ut impleri debeat deletio chirographi in nobis non credentibus tantum, sed fidei obedientibus, id est, operantibus dogmata illa, quæcunque vultis, ut faciant vobis homines, & vos facite illis, & rursus, quæcunque non vultis, ut vobis faciât homines, ne facite illis. Quod si fides sola ad iustificandum satis erat, ut isti tradunt, dicere debuisset, ne ergo

rarent, deleuisse chirographum in fide. non in dogmatibus, at nunc contra ne erraremus, existimantes, vt isti, satis esse solam fidem, non in fide, sed in dogmatibus dixit, idest, in mandatis legis naturalis. neq; enim sunt plures fides, vt diceret numero multitudinis dogmata pro fide, quare dicendo dogmata, tum fidem, tum reliqua mandata fidei, quæ operamur, intelligi voluit, in quibus impleri debet deletio illa Chirographi. vt enim dixit Apostolus damnassee peccatum in carne, vt iustificatio legis, idest, satisfactio facta pro peccato impleteretur, in nobis ambulatibus secundum spiritum, sic dici potest, deleuisse chirographum, quod contra nos erat, vt deletio eius impleteretur in dogmatibus, idest, in nobis ambulantibus secundum dogmata. Sed vt redeamus, vnde digressi sumus, quodd iustificationem istam legis in nobis operantibus implendam, satisfactionem pro peccato poena mortis à Deo decreta sancitam, & in Christo factam interpretati sumus, vis verbi *δικαιώμα* effecit, hoc enim significare *δικαιώμα* familiari consuetudine sermonis græci docuit Aristot. 5. Ethicorum, sic enim ait, τὸ κοινὸν ἔστι δικαιώμα ἐπὶ παντὶ ὅρωμα τῷ ἀδικίᾳ, idest, *δικαιώμα* secundum consuetudinem sermonis correctio est, siue satisfactio pro iniuria, & septuaginta interpretes, quorum sunt verba electa, & tria, & à quibus plerq; vocabula mutuata est noua scriptura, sic vsi sunt hoc verbo, vt cum ex infinitis aliis locis intelligi potest, tum ex c. 21. & 22. Exodi, & Leuit. 20. vbi iudiciales illæ, siue emendationes, siue correctiones iniuriarum, & criminum, siue satisfactiones variis legibus sancitæ *δικαιώματα* vocantur, quæ interpretes latinus nunc iudicia, nunc iustificationes vertit, vt illa, si percusserit quis oculum serui sui, aut ancillæ, & luscus eos fecerit, dimittet eos liberos pro oculo, quem eruit. Si quis furatus fuerit bouem, aut ouem, & occiderit, vel vendiderit, quinque boues pro vno boue restituet, & quatuor oues pro vna oue. Qui maledixerit patri suo, vel matri, morte moriatur. Qui furatus fuerit hominem, & vendiderit eum, conuictus noxæ morte moriatur. huiusmodi erat illa lex, de ligno sciencie boni, & mali non comedetis, quacumq; die comedetis ex eo, morte moriemini. Sic vsus est Apost. hoc verbo Rom. 1. cum ait, qui cum *δικαιώμα* Dei cognouissent, quoniā qui talia agunt, digni sunt morte, idest, cum cognouissent, quibus Deus poenis, & suppliciis malefacta, & iniurias emendare soleat. & Roma. 2. si igitur præputium τὰ *δικαιώματα* legis, idest, iustitias, siue iustificationis legis custodias, illas iustitias dicit, quæ pertinent ad satisfactionem, & emendationem iniur

iniuriarum, qualis erat illa Zachæi, si quid aliquem defraudo, reddo quadruplum. & Rom. 5. igitur sicut per vnus delictum in oēs homines in condemnationē, sic per vnus ἀνάστωμα in omnes homines εἰς ἀνάστωμα vitæ, idest, sicut vno homine damnato ad mortē perpetuam propter delictum suum, omnes homines condemnati sunt, quia illo delinquente, omnes in eo peccauimus, sicut statim subiungit, per vnus enim inobediētiam peccatores constituti sunt multi, sic per vnus ἀνάστωμα idest, vno satisfaciente, & soluente poenam mortis peccato nostro cōstitutam, omnes homines iustificati sumus à peccato, & liberati, atque absoluti à damnatione mortis, hoc enim significat εἰς ἀνάστωμα ζωῆς, idest, in iustificationem vitæ, deinde subiūgit, sicut .n. p inobediētiam vnus hominis peccatores cōstituti sunt multi, sic & per vnus obeditionem iusti cōstituentur multi vt sit tota rationis summa hæc, sicut vno damnato propter suum peccatum, omnes damnati sumus, quia illo peccante omnes in eo peccauimus, sic vno soluente sua obediētia vsque ad mortē poenam damnationis nostræ, omnes soluimus, quia per fidem, & obediētiā fidei complantamur in baptismo similitudini mortis eius, quam ex obediētia passus est pro nobis, & similitudini resurrectionis. sic igitur accipiendum est, vt dixi ἀνάστωμα in hoc loco, cum ait, vt iustificatio legis impleretur in nobis. Sed videamus iam in quibus impleatur ista iustificatio legis, pro quibus inquam satis fecerit secundum effectum Christus, & qui rursus satisfecerint in Christo pro peccatis, nempe qui fidei obediunt, idest, eam in mandatis Dei operantur, statim enim subiunxit, qui non secundū carnem ambulamus, non dixit, vt impleretur in nobis, qui tantū credimus. & confidimus, aut in nobis credentibus, & postea operantibus, sed in nobis, qui ambulamus, est autem ambulare secundum idioma scripturæ operari mandata, sicut viæ dicuntur ipsa mandata, in quibus tanquam in viis ambulamus operantes ea. Ergo qui non operantur ea, in his non impletur illa, quam Christus fecit, iustificatio, siue satisfactio illius legis Dei iustæ, & veræ de morte perpetua omnibus subeunda propter peccatum. quid igitur isti non operando, sed credendo tantum de morte Christi gloriantur? & illius per sanguinem crucis satisfactionem vane iactant, qui pro nobis quidem mortuus est, & nos cum eo mortui, vt mors eius in nobis quotidie morientibus, & crucem semper portantibus impleatur, vt viuamus Deo, at Deo non viuimus, qui non diligimus, qui enim nō diligit, manet in morte, vt ait scriptura, rursus non diligis.

mus, qui non operamur, qui enim Deum diligim, sermones eius seruat. Ergo cum Apostolus dixit, damnatum esse peccatum in carne Christi, ut iustificatio legis impleretur in nobis, qui secundum spiritum ambulamus, plane significauit, quamdiu viuimus, compatiendum, & commoriendum esse cum Christo, & ut idem Apostolus dixit, mortificationem Iesu Christi in corporibus nostris omnitem pore circunferendam, id autem fieri ambulando secundum spiritum, & facta carnis mortificando. An hæc sunt, cum creditur tantum? & cum istorum vana fiducia concipitur? nec enim existimandum est frustra relictam esse nobis pugnam istam molestant, & assiduam carnis cum spiritu, & spiritus cum carne, sed potius ut in mortificatione operum carnis, & in fructificatione spiritus mortem Christi, per quam mortui sumus peccato, & resurrectionem eius, per quam resurreximus iustificati à peccato, in corporibus nostris ostendamus, ita ut, qui non ostendat, is mortis Christi, & resurrectionis eius, & suæ in Christo renouationis oblitus esse videatur. At hoc quemadmodum sine, & ante opera fieri potest? Sed conferamus alia loca Apostoli, quo magis intelligatur, quemadmodum istud *συνάμα* legis, idest, satisfactio pro peccato quæ lege illa Dei de moriendo propter peccatū sancita fuit, impleri debeat in nobis ambulantibus *sim* spiritū, cuius factus sum ego Paulus minister, qui nūc (inquit) gaudeo in passionibus pro vobis, & *αἰτῶνα πλεονέξω*, idest, vicissim adimpleo posteriores passionibus Christi in carne mea pro corpore eius, quod est Ecclesia, quod quidē perinde est, quasi diceret, impleuisse Christū pro nobis passiones, & cruciatus, ut nos pro eo vicissim impleamus, quare ut Christo pro omnibus nobis passo, & mortuo, & nos passi, & mortui sumus, sic & nobis vicissim pro Christo patientibus Christus quodāmodo patitur, ita ut passionibus eorum, qui sicut beatus Petrus ait, benefacientes patiuntur, & propter Dei conscientiam sustinent tristitias, Christi passiones, & tristitia sint, sicut Paulo dictum est, cum persequeretur Ecclesiam, Saule, Saule quid me persequeris. & quod narrat Egesippus libro 3. historię suæ Petro rogatu fratrum propter insidias Romæ discedenti occurrisse obuiam dominum, & rogatum ad quid venires, respondiisse, ut iterum crucifigeretur. venire, intellexit autem Petrus (inquit Egesippus) de sua dictum passione, quod in eo Christus passurus videret, qui patitur (inquit) in singulis non vtiq; corporis dolore, sed quadā misericordiæ compassione, aut gloriæ celebritate. Idem narrat beatus Ambrosius, lib. 5. epistol. in oratione contra Auxentium de basilis

cis tradendis. Et beatus Martialis Petri principis Apostolorum discipulus in epistola ad Tolosianos c. 18. ve (inquit) eis, qui presentibus intenti Deum non diligunt, & vos persequuntur, non enim vos, sed Deum persequuntur, patitur enim Deus in vobis, qui in eum creditis, & retributionem eius expectatis in conscientia, & fide &c. verum quia in hac nostra, si pie vivere volumus *ἀνταποδοῦναι*, id est, reciprocatione vicissim pro Christo patiendi non est ulla passionum eius æqualitas, quam significare solet aliquando præpositio *ἀντὶ*. ille enim pro nobis passus est dominus pro servis, iustus pro iniustis, & qui peccatum non fecit, neque inuentus est dolus in ore eius, pro impiis, & peccatoribus, idcirco dixit Apostolus *ἀνταποδοῦναι*, id est, vicissim implere se passionibus Christi in carne sua, quæ Christi inquam passionibus essent, non illæ quidem primæ, quas in se passus est, Christus enim iam non moritur, & mors ei non dominabitur amplius, sed aliæ posteriores, ac nouissimæ, quas in sanctis suis post illas suas primas quotidie patitur, hoc enim significat *ὑστερον*, quod posterius est, & ut ita dicam secundarium, ut *ὑστερήματα θλίψεων* dixerit, quasi *ὑστερα θλίψεως*. rursus quia non sic Christi passionibus reciprocamus, ut quomodo ille pro nobis passionibus impleuit patiens pro nostris delictis, sic nos pro illo proprie patiamur, sed potius pro nobis, & fratribus nostris, qui sunt membra Christi, idcirco cum dixisset Apost. implere se passionibus Christi posteriores in carne sua, addidit pro corpore eius, quod est Ecclesia. hoc autem non est scriptum propter Paulum tantum, sed propter nos, qui cōmunionem charitatis debemus alter alterius portare onera, id est, quantum in nobis est ea tollere inuicem orantes, inuicem patientes, & dolentes, inuicem hortantes, inuicem remittentes, & condonantes, ut sic adimpleamus legem Dei, qui hoc exemplo suo usque ad mortem docuit portans, sicut beatus Petrus ait in corpore suo peccata nostra. quæ sunt onera grauissima, id est, vere illa tollens, hoc enim significare patia lingua (ut hoc obiter notemus) verbum *καρτερεῖν*, obseruauit magnus Basilius in regul. breuiorib. 76. & 77. quod quidem interpret vertit portare, pro eo quod est, *ἀρτερεῖν* id est, tollere, quo usus est Ioan. Baptista inquit, ecce qui tollit peccata mundi, & apud Esa. 53. iste peccata nostra tollit. Si dominus (ait Ioannes) animam suam posuit pro nobis, debemus & nos animas nostras ponere pro fratribus nostris. hæc est lex *ἀντιδοχῆς*, ut ait Marcus Anachoreta in epistola ad Scholasticum, id est, lex suscipiendi aliorum passionibus, patiendi inquam pro aliis ex chari-

ritate, quam docuit (inquit) dominus Iesus per spiritum sanctum prophetas, & patriarchas, Apostolos vero, & nos in carne sua docuit. ad hanc legem, ait idem auctor antiquus, & grauis, pertinere quod Apostolus imitatus dominum dixit, adimpleo vicissim posteriores passiones Christi in carne mea pro corpore eius, quod est Ecclesia, deinde subiungit, omnes Apostoli communione charitatis rationes pro nobis susceperunt interpretantes nobis scripturas, prædicantes, & persecutiones patientes, siue (inquit) affligimur, pro vestra salute, & consolatione. hanc *αἰσθησις* ipsi nobis tradiderunt, hæc ille. Et Petrus, in hoc (inquit) vocati estis, quia & Christus passus est pro nobis, vobis relinquens exemplum, vt sequamini vestigia eius. Christus ergo passus est pro nobis, vt passio eius, & per crucem satisfactio impleatur in nobis ambulantes secundum spiritum. qui enim ambulamus secundum spiritum, id est, qui pie in Christo viuimus, passiones, & persecutiones in carne nostra vicissim implemus, pro Christo, id est, pro nobis & pro reliquis membris eius ex charitate patientes. hoc autem fides sola sine, & ante opera non præstat, neque præstare potest, quare inutilis est, & vana. Rursus de huiusmodi passionibus pro nostris proximis secundum legem *αἰσθησις* ex communione charitatis subeundis, & de nostrarum passionum mortificatione scriptum est, qui Christi sunt carnem suam crucifixerunt cum vitiis, & concupiscentiis, non dixit, qui Christi sunt, crucifigent, vt sola fides, vt Lutherani tradunt, faciat esse Christi, id est, faciat esse iustos, deinde vero operetur crucifixionem istam, sed qui, inquit, in vario, ac multiplici vitæ huius agone carnem cum vitiis, & concupiscentiis crucifixerunt hi efficiuntur Christi. quem locum explanans Claudius Alisidorensis, venerabilis Bedæ discipulus in comment. epistolæ huius, simul inquit, illud notandum est, quod illos dixerit Christi esse, qui carnem suam cum vitiis crucifixerunt, deinde subiungit, hæc sententia illos reuincit, qui solam fidem ad salutem animarum suarum sufficere arbitrantur. & istos ergo reuincit. qui solam fidem ad iustitiam sufficere arbitrantur, etenim si sola fides non sufficit ad salutem animæ, ergo neque ad iustitiam, iustitiæ enim propria est salus, & vita animæ, sicut scriptum est, iustus ex fide uiuit. qui ergo carnem suam crucifixerunt, id est, qui ambulantes secundum spiritum tribulationes Christi in carne sua ex charitate pro fratribus suis iuuantis, & pro omni genere tentationis vincendo ad imitationem Christi implent, hi sunt Christi, & in his iustificatio illa legis,

quam diximus, id est, satisfactio Christi per sanguinem crucis impletur. hoc idem docent Catechumeni nostri & infantes, cum ad baptismum accedunt, abrenunciare enim se satanæ, & omnibus operibus eius, ac omnibus pompis eius, & baptizari velle respondent, priusquam eis fides, quam ab ecclesia postulant, à Deo infundatur, ut intelligamus, fidem illam sine operibus imperfectam, & mortuam, cum qua venerunt, nihil eis valere in Christo, nisi prius per dilectionem, quæ illos ad baptismum, vt ait Dionysius Areopagita, in ipso baptismo operata sit, & deinceps perpetuo in renunciatione, satanæ, & operum eius, quæ nos assidue persequuntur, & infestant, & in mortificatione carnis per dilectionem operetur. sic enim seruatur in eis participatio mortis, & resurrectionis Christi in baptismo facta, sic impletur in eisdem Christi satisfactio. Præterea dominus, qui vult (inquit) venire post me, abneget semetipsum, & tollat crucem suam, & sequatur me, non dixit, qui vult venire post me, credat tantum, sed abneget semetipsum, ille autem abnegat semetipsum, qui non facit voluntates carnis, is enim crucem suam tollit, vt carnem suam cum vitiis, & concupiscentiis crucifigat operans in sui mortificatione fidem, qua credit, quod qui resuscitauit dominum Iesum à mortuis, & nos cum Iesu suscitabit, propter quod (inquit Apostolus) non deficimus, sed licet is, qui fors est noster homo, corrumpatur, tamen is, qui intus est, renouatur de die in diem, vt enim in elementis mundi corruptio antecedit generationem, vt physici tradunt, similiter in spiritualibus non efficitur renouatio creaturæ, quæ est quædam generatio, nisi antegressa sit carnis mortificatio, in qua ex fide per dilectionem agitata, & operata fiat ad iusticiam spiritus renouatio de die in diem, vt qui iustus est, iustificetur adhuc, quomodo igitur sola fides ante operationem sufficiat ad renouationem hominis interioris, quæ est iustificatio spiritus, si antecedere debet hominis exterioris, id est, passionum, & concupiscentiarum mortificatio, quæ quidem mortificatio cum sine fide fieri non possit, sequitur, vt fides per dilectionem in huiusmodi mortificatione operata renouationem, ac iustificationem efficiat. non enim est (inquit) sanctus Diadochus Episcopus Photinensis. c. 89. alia virtus, quæ possit acquirere *τὴν ἀμείνω*, nisi dilectio, quæ quidem *ἀμείνω* quia fructus est renouationis, ideo subiungit statim, quare renouatur de die in diem homo interior gustu dilectionis, impletur autem in perfectione eius, &c. prima ergo renouatio per regenerationem mystici lauacti, in qua primū satisfactio Chris-

ſi nobiſcum communicata eſt, non impletur in nobis, niſi de die
 in diem per vniuerſam vitam uſque in finem renouemur. renouari
 autem non poſſumus, niſi qui foris eſt homo, mortificetur, at mor-
 tificari non poteſt ſine fide, per fidem ergo in mortificatione car-
 nis operatam impletur in nobis Chriſti ſatiſfactio, vt nobis ad iuſti-
 ficationem, & renouationem in Chriſto valeat. hoc ergo eſt ambu-
 lare digne Deo, & digne euangelio Chriſti, non credere tantum, ſed
 fidem operari in compatiendo, vt conglorificemur, quod Paulus
 clariffime docuit in epiſt. ad Philipp. tantū (inquit) digne euangelio
 Chriſti conuerſamini, vt ſue cum venero, & videro vos, ſue abſens
 audiam de vobis, quia ſtatis in vno ſpiritu vnanimes collaborātes
 fidei euangelii. græce dixit *συνεργῶντες τῇ πίστει*, pro eo quod eſt
συνμαχοῦντες τῇ πίστει καὶ σωατοῦντες ὁ μὲν, ideſt, adiuuantes fidem
 laborando, & certando, quaſi fides ſola infirma ſit, & in Chriſto ad
 iuſtitiam minime valeat ſine operibus, idem enim erat, ſi dixiſſet
συνεργῶντες τῇ πίστει, ideſt, cooperantes fidei, fidem inquam opere
 adiuuantes. Quare quod Iacobus dixit, fides *συνεργεῖ ὅς τις ἔργois
 αὐτοῦ*, ideſt, fides cooperabatur operibus illius, pro eo eſt, ac ſi
 dixiſſet, Abraam *συνῆλθε ἢ συνηγωνίζετο τῇ πίστει*, ideſt, Abraam
 collaborabat fidei, vt vtrunque plane dicat ſcriptura, fidem adiu-
 uare opera, & opera adiuuare fidem: poſtquam autem admo-
 nuit Philippen. vt collaborarent fidei euangelii, & in nullo terre-
 rentur ab aduerſariis, ſubiunxit, quæ merces vtroſq; maneret, quæ
 illis (inquit) ideſt, aduerſariis eſt cauſa perditionis, vobis autem, ideſt,
 collaborantibus fidei, cauſa ſalutis, ſue, vt eſt in græcis exemplis
 oſtenſio ſalutis, quod in eo oſtendatur iuſtitia, & ſalus animæ, quæ
 propria eſt iuſtitia, non ſi quis credat tantum, ſed ſi quis fidei colla-
 boret. ideſt, fidem adiuuet operando, vt ex fide operata iuſtificetur,
 & ſaluus fiat. docet deinde vtrunq; eſſe Dei donum non credere
 tantum, ſed fidem operari, ſubiungit enim ſtatim, & hoc à Deo,
 quia vobis datum eſt, pro Chriſto nō ſolum vt in eum credatis, ſed
 vt etiam pro illo patiamini: patimur autem pro Chriſto, non ſolū
 cum homines nos propter iuſtitiam perſequuntur, ſed cum labora-
 ramus aſſidue, ne occultæ concupiſcentiæ, aut alienæ ſuggeſtiones
 in nobis dominantur, vt ſimus à peccatis maioribus mundi, quod
 quidē certamen aſſiduum eſt, & perpetuus hic labor. quare per-
 petuo operanda in eo fides, vnde Apoſtolus, Semper (inquit) mori-
 ficationem Ieſu Chriſti in corpore noſtro circunſerētes, quod qui-
 dem non de ſe tantum dixiſſe, ſed de omnibus ſpiritualibus docuit

idem subiungens, ut vita Iesu Christi manifestetur in corporibus nostris. Si enim de se tantum dixisset, nunquā in corporibus dixisset, qui nō corpora, sed corpus habebat. Est autem hoc perinde quasi diceret, propterea nos circumferre in carne nostra mortificationem Iesu Christi, id est, passiones, tribulationes, & tērationes eius, deniq; omnes infirmitates siue intus, siue foris, per quas oportet intrare in regnum coelorum, ut appareat in nobis Christum resurrexisse, qui enim nos quotidie ex passionibus, tribulationibus, ac tērationibus veluti ex morte quadam eripit, certe se ipsum quoque a morte suscitauit. Simile enim est quod supra c. i. eiusdem epist. dixerat, qui suscitabit mortuos, qui de tantis periculis nos eripuit, quasi diceret, is ē tot tantisq; periculis eripit, qui mortuos suscitabit, qui autē mortuos suscitaturus est, se prius a mortuis suscitauit. Hoc ergo est, quod in corporibus nostris, cum compatiatur, manifestatur, sicq; iustificatio illa legis, id est satisfactio per mortem pro peccatis nostris impletur in nobis circumferendo in carne nostra mortificationem nem Iesu Christi pro nobis mortui, dant autem sic impletur compatiendo ei, manifestatur in corpore nostro, sicut idem Apostolus ait, Christi resurrectio. Ergo qui mortificationem Iesu Christi in corporibus suis, passionibus propter Dei conscientiam patienter tolerandis circumferunt, hi fiduciam habebunt, ut beatus Ioannes ait, in die iudicii, quoniam sicut ille est, & nos sumus in hoc mundo, id est, quia sicut illum odio habuit mundus, & nos odit, quos autem mundus odit, hos persequitur tanquam alienos, rursus quos mundus, & id, quod in mundo est persequitur, hi ut paulo supra idem Ioannes dixerat, suadebunt tunc cordibus suis coram illo, quod est fiduciam habere in die iudicii, quod cum eo regnaturi sint, cum quo persecutiones passi sunt magis Deum timentes, quam vllas huius seculi passiones, & tribulationes, timor enim Dei, quem diligimus, ceterum omnem timorem, qui non est Dei, elicit, si fuerit hic perfecta charitas nobiscum, quæ quidem non est in eo, qui non patitur cum Christo, eum dico, qui potius eligat mundo diligere, quam vexari, si non est in eo perfecta charitas, ergo neq; Deus, sic enim ratiocinatur beatus Ioannes. Quomodo igitur fides tantum iustificet aut quomodo iustus fuerit, in quo Deus non est? Deniq; si charitas Christi, quæ animam suam pro nobis posuit, sine recipitatione charitatis nostræ nobis nihil prodest, neque passio illius sine nostrâ passionē, neq; mors sine nostra mortificatione, qui ut Christus pro nobis satisfactionem ex fide sola in se non. n. op.

sione Christi tñ gloriari, sed simul de nñs in Christo passionibus. propter nos enim scriptum quoque est, quod Apostolus de se aiebat, Quotidie morior per gloriam vestram, quam habeo in Christo Iesu, & illud, pro me autem nihil gloriabor, nisi in infirmitatibus meis. Sed disseramus rursus de mortificatione Iesu Christi, quæ in corporibus nostris, sicut Apostolus ait, circumscribenda est; hanc enim describit propheta cum alias, tum psalmo 68. cui titulus est. psalmus David, idest, psalmus dictus in Christum, qui apud prophetas non raro dicitur David consuetudine scripturæ, quæ non minibus maiorum posteros appellare solet, sic enim beatus Petrus huiusmodi inscriptiones psalmorum interpretari docuit, cum similem inscriptionem interpretans Act. 1. David (inquit) dicit in Christum, in finem vero addidit, pro eo, ac diceret, dictus in Christum, cum per passionem consumatus est, pro immutandis vero adiunxit, idest, pro conuertendis ad eum; consumatus enim sicut Apost. ait, factus est omnibus obtemperantibus, idest, ad se cōuersis causa salutis æternæ, quos quidem ad exemplum Christi, ea quæ in hoc psalmo continentur, confidenter dicere oportet, scripta enim sunt de Christo pro nobis passo, non propter Christum tantum, sed propter eos, qui Christo compatiuntur, hi enim sunt, qui se ad eū conuertunt. eum quærun, eidemq; obediunt. Christus ergo describens amaras angorum, tormentorum, & persecutionum aquas, quas sitiens nostram salutem sponte bibit vsque ad mortem, multis plicati (inquit) sunt, qui oderunt me gratis idest, sine mea culpa, hoc idem prædixerat in euang. euenturum esse iis, qui Christi esse vellent, quod si mundus (inquit) vos odit, scitote, quoniam me prior odio habuit, sequitur, cōfortati sunt, qui iniuste persecuti sunt me inimici mei, hoc item dominus suis prædixit in euangelio. q̄ si me (inquit) persecuti sunt, & vos persequentur. sequitur, Quæ non rapui, tunc exsoluebam; explicat quemadmodum gratis oderint, & iniuste persecuti sint, quia scilicet peccatum non fecit, neque inuentus est dolus in ore eius, peccata enim vt quæ naturæ hominis non conueniant, aliena sunt, quæ rapi dicuntur, sic enim dominus dixit in euangelio, si in alieno non fuistis fideles, idest, si non abstinetis ab iis, quæ a ratione aliena sunt, quod verum est, idest, quæ vestræ naturæ conueniunt, quis dabit vobis? idest, si non declinatis a malo, quomodo quod bonum est, facietis? maximum autem peccatum, de quo Iudæi Christum falso accusabant, illud erat, quasi alienam diuinitatem sibi usurparet, quia (inquit) filium Dei se facit,

& ut est in Sap. Salom. gloriatur patrem se habere Deum, de quo Apostolus non rapinam (inquit) arbitratus est, se esse æqualē Deo. pro eo ergo est, ac diceret, quæ non peccaui, iuebam, & quæ non debebam, persolui, nostrum enim erat debitum, & nostrum chirographum, quod deleuit affigens illud cruci. simile ergo aliquid à suis requirit Christus, ut scilicet gratis, ac sine vlla culpa patiantur, sicut beatus Petrus ait, si beneficientes patienter sustinetis, hæc est gratia apud Deum, in hoc enim vocatis estis, quia Christus passus est pro nobis, vobis relinquens exemplum, ut sequamini vestigia eius, qui peccatum non fecit, neque inuentus est dolus in ore eius. nec enim peccata alia habebat, nisi nostra, quæ ipse, ut Esaias ait, portauit. Sequitur, Non erubescant, qui expectant te domine, domine virtutum. Petit à Deo pater homo Christus Iesus, ut moriendo vincat mortem, resurgens per gloriam patris, ut qui similiter absque peccato propter Deum quotidie in mortem traduntur, & mortificationem Iesu Christi circumferunt in corpore suo, sperent, & confidant, quod qui voluit, & potuit, veritate dominus virtutum suscitare Iesum voluntate Dei passum, & morte affectū, & eos ipsos cum Iesu suscitabit, hoc est enim non erubescere in Christo, qui expectant, & sustinent dominum. Subiungit deinde, Non confundantur super me, qui quærunte te, eandem sententiam repetit, ut declarat, quanto studio, & contentione hoc petierit, simulque docet, pro quibus psalmi huius preces adhibeat, nempe pro iis, qui quærunte dominum, & sustinent eum, quos in psalmi inscriptione appellauit immutandos, id est, conuertendos ad dominum, ut eum quærerent, & eum sustinerent, ut iam qui fidem tantum habent, non operantes eam in variis, & multiplicibus tentationibus Christo compatiētes, ii neque Deum quærant, neque se ad eum conuertant, nec eum sustineant. Etenim si credendo tantum, & non compatiendo Christus quæri, & inueniri possit, quorsum resurrectionem suā, & nostram consurrectionem à patre oeconomice petens, inter patientes diceret, non confundantur super me, qui quærunte te? Explicat deinde sigillatim propheta per personam Christi, quæ sint illa, quæ Christus passus est, in quibus qui se ad eum conuertunt, & eum quærunte, eundem confidenter imitari debeant compatiendo. Quia enim, Christus omnia passus est propter mandatū patris, & obedientiam, nisi ab eo suscitatus esset, propter quæ omnia perpassus est, neque ceteri propter Deum e quo animo paterentur, quod alioqui necesse esset, nec eum patienter sustinerent, ut qui se suscitandos minime

speraret. Ne ergo (inquit) erubescant, qui sustinent te dñe, dñe virtutum. & ne confundantur super me, qui quærunt te. erubescerent autem, & confunderentur, si non me suscitares, quia propter te (inquit) domine sustinui opprobrium, illud scilicet, quod scriptura narrat. Prætereuntes (inquit) blasphemabant mouentes capita sua, & dicentes, vah, qui destruis templum Dei, & in tribus diebus reedificas illud, saluum fac te met ipsum descendens de cruce, similiter, & summi sacerdotes ad alterutrum cum scribis dicebant, seipsum non potest saluum facere Christus rex israel, descendat nunc de cruce, vt videamus, & credamus. Sequitur, Extraneus factus sum fratribus meis, & peregrinus filiis matris meæ. hoc quoque quod Christo acerbissimum fuit, idem propter Deum patientissime tulit, vt similiter, qui se à suis deferi, & derelinqui propter Dei conscientiam patienter tulerint, iidem similiter sperent, quod qui Iesum suscitauit à morte, eosdem quoque liberabit, & Iesum cum eis constituet. Igitur quos Dauid fratres, & filios matris, idest, synagoga appellauit, nos totos vocauit Euangelista. Iudeos inquam siue cognitionis, siue notitiæ necessitudine iunctos, quos dixit à longe steterisse omnes. Sic enim interpretatus est, quod propheta dixerat, factum esse alienum, & peregrinum notis suis, quod tempore passionis propter metum Iudeorum, sic à longe steterunt noti eius, quasi nihil ad eos de Christo pertineret tanquam de alieno. & peregrino. Sequitur, Quoniã zelus domus tuæ comedit me, hoc etiam de Christo dicit scriptura non propter Christum tantum, sed propter nos, vt si zelo Dei mordente pro honore eius defendendo nullum periculum metuētes confidenter dixerimus, zelus domus tuæ comedit me, speremus quod nos suscitaturus sit, qui suscitauit Iesum à mortuis, qui ad nostrā doctrinam zelo domus suæ vrente, omni negotiatione è templo seuerè eiecit, & mensis argentariorum euerfis, & ære effuso, tantum odium, & periculum incurrit, vt post illud factum scripserit Euangelista, quod Iesus non credebat semetipsum eis, eo quod ipse nosset oēs, ipse. n. sciebat quid esset in homine. Sequitur, Et opprobria opprobriū tibi ceciderunt super me, hoc quoque propter nos scriptum est, qui si dominum querimus, ferre nos oportet patienter propter Deum, si quando fortassis exprobetur, quod patimur, vt benefaciamus. sicut Deo patri, & filio eius crucifixo exprobrabant, qui aiebant, si enim est vere filius Dei, eripiet eum, & liberabit illum de manibus contrariorum. Sequitur, & operui in ieiunio animam meam. Ieiunauit quoque dominus, vt narrat Euangelista quadra-

ginta diebus, & quadraginta noctibus in deserto, vt fugeret ostensionem, sicut dominus in euangelio præcipit, sic ieiunare, vt non videamur hominibus ieiunantes. hoc enim significat, operui in ieiunio animam meam. ex quo quidem ieiunio cœpit tētor exprobrandi occasionem, cum post ieiunium quadraginta dierum, & totidem noctium, cum esuriret, accessit, & dixit exprobrans esuritionem, si filius Dei es, dic vt lapides isti panes fiant. hoc enim significat, quod statim subiungit, & ieiunium factum, est in exprobrationem mihi. Sequitur, Et posui vestimentum meum cilicium, & factus sum illis in parabolam, utebatur enim vestitu aspero, & rudi, de quo etiam, vt alia taceam, notabant eum, cum aiebant, vt est in Sap. Salom. dissimilis est via illius, & abstinet se a viis nostris. Sequitur, ego autem orabam, ad ieiunia, & cilicium accedebat item orandi studium. deinde subiungit, aduersus me loquebantur, qui se debant in porta, & in me psallebant, qui bibebant vinum, significat sustinuisse etiam maledicta, & detractiones, quæ familiaria esse solent otiosis, & curiosis, hi enim conuiuia, & portas ciuitatis frequentare solent. Quia vero, vt beatus Petrus ait, cum Christus maledice retur, non maledicebat, sed potius, vt idem in euangelio docuit, & præcepit, pro maledicentibus orabat, subiungit statim, ego autem orationem meam ad te domine. multa ergo hæcenus commemorauit propheta carni inimica, quæ qui sustinet propter Deum, is ambulat secundum spiritum, qui concupiscit aduersus carnem, in quibus omnibus repetendum est, quod supra dixerat, non erubescant, qui expectant te domine, domine virtutum, neque confundantur super me, qui quærent te, quoniam propter te dura omnia sustinui, odia, persecutiones, criminationes, probra, dedecora, detractiones meorum, vri zelo, insidias, pericula, exprobrationes, ieiunia, cilicia, instare orationi. maledicta, & orare pro maledicentibus, denique tentatus est per omnia, vt Apostolus Paulus ait, vt scilicet cum Christum omnia sponte passum Deus suscitaret, qui Deum quærent, simili modo, via, ac ratione omnia propter Deum sustinendi, intuentes in Christum se similiter cum Iesu suscitandos considerent, Christus enim passus est pro nobis, nobis, vt beatus Petrus ait, relinquens exemplum, vt sequeremur vestigia eius. Non ergo fide tantum quærendus est Deus, neque credendo tantum ad Deum conuertimur, sed fidem per dilectionem in huiusmodi angustiis, passionibus, & mortificationibus operando. his enim

qui Christi vestigia sequuntur, Christus passus est, his ieiunauit, his esuriuit, his sudauit, his fatigatus est, his orauit, denique pro his satisfecit, quorum compassionibus tanquam corporis sui Christi, qui caput est, passiones implentur, & cumulantur. propter nos. n. vt paulo ante dixi, hæc omnia scripta sunt, sicut admonet ipsa inscriptio psalmi inscripti pro immutandis, vt intelligamus non posse nos aliter immutari, & ad Deum, cōuerti, ac cum eo per gratiam iustificantes vniri, nisi fidem Christi in his, quæ Christus pro nobis sustinuit, ad exemplum eius compatiendo operemur. Eos autem, qui sic dominum quærunt, & sustinent, nouit idem dominus ex tentationibus eripere, sicut ipse orauit, inquit, non erubescant, qui sustinent te domine, domine virtutum, non confundātur super me, qui quærunt te, quoniam propter te sustinui opprobriū, maledicta, famem, & cetera omnia, quæ supra exposita sunt. Fidelis sermo, si sustinebimus, & correpnabimus. Sed animales Luterani ea, quæ carni sunt inimica, fugientes, non percipiunt quæ spiritus sunt, & ideo non intelligunt, sicut Apostolus de quibusdam ait, neque quæ loquuntur, neque de quibus affirmant, cū tradunt, satis esse ad iustitiam, passionem, & mortem Christi per fidem apprehendere, & præter Christi satisfactionem, alia satisfactio: ne nostra opus non esse. Quomodo vero Apost. ministraret euangelio, vt in eo ministerio multa perpeti necesse esset, declarat idem in epist. ad Timoth. 1. cum ait, tu autem attendisti, & obseruasti diligenter (hoc enim significat *προσέλασθαι*) tanquam filius in vestigia patris aspiciens, seruiebat enim Paulo in ministerio euangelii, tanquam filius patri, vt de eo scripsit in epistola ad Philipp. obseruasti, inquit, meam doctrinam, institutionem, propositum, fidem, longanimitatem, dilectionem, patientiam, hæc enim sunt euangelici ministerii propria. vt incorrupta veritas manifeste tradatur, & sine dolo, & astutia recte tractetur verbum veritatis, vt magistri vita sit sancta, neque faciat in occulto, quæ turpe sit dicere, vt de quibusdam dixit Apostolus, sed potius abdicet occulta dedecoris, vt idem Paulus de se dixit, item vt propositum sit non sua, sed quæ Christi sunt, quærere, & omnia fiant propter electos, vt salutem cōsequantur, quæ est in Christo Iesu, item vt certet bonum certamē fidei, præterea vt peccata fratrum toleranter ferat, adducens eos quantum in se erit, ad poenitentiam, item vt charitate omnes complectatur. Quia vero harum virtutum comites indiuiduæ sunt passiones, & tribulationes, quæ patientiam per dilectionem operant,

addit obseruasti etiam patientiam, persecutiones, passiones, deinde subiungit, & ex omnibus eripuit me dominus, quod quidem non propter Paulum tantū scriptum est, sed propter pios omnes, quos nouit dominus ex tentatione eripere, omnes enim (inquit) qui pie volunt viuere, in Christo persecutionem patientur. patiuntur autē in Christo persecutiones, qui non patiuntur peccantes, quæ enim (inquit) gratia est, si peccantes, & colaphizati suffertis? sed patiuntur benefacientes, quæ est gratia apud Deum, qui ergo patiuntur in Christo tanquam in capite suo, qui sunt omnes, qui pie viuere volunt, rursus in his Christus tanquam in membris suis patitur, & in his impletur secundum scripturam Christi pro peccatis nostris satisfactio, hi enim sunt digni Christi cruce, & satisfaciōe per crucē, hi crucē suam tollunt, & sequuntur eū, sicut ipse dixit, id est, qui benefacientes, pieque viuentes sustinent passionē. Interrogent autem isti conscientias suas, an credendo tantum, id est, passionem, & crucem Christi fide tantum apprehendendo, cruces suas tollant, ut Deo, & Dei iustitia digni sint, & utrum fidem tantum habere, sit benefacientes, & pie viuentes patienter sustinere in Christo passionē, quod necesse est ad iustitiam. Interrogent rursus, utrum credentes tantū, crucientur operibus iniquis aliorum, quæ est vna omnium pie, & iuste viuentium communis crux, & passio, sicut de beato Lot ad nostram doctrinam scriptum est, aspectu enim inquit, & auditu iustus erat habitans apud eos, qui de die in diem animam iustam iniquis operibus cruciabant, nouit Deus pios de tentatione eripere. Sed rursus videte-fratres, quid iterum dicat Apostolus de iustitia Dei, qua illam iustificationem legis, qua eramus propter peccatum ad mortē damnati, pro nobis impleuit, quem proposuit (inquit) propitiator rem per fidem in sanguine ipsius ad ostensionem iustitiæ eius propter remissionem præcedentium delictorum in sustinentia Dei, scilicet, hæc fuit Dei iustitia, quod cum omnipotens esset, noluit imperium mortis, quod diabolus in nos habebat, per vim destruere, sed in iudicio, & iustitia, sicut ait Esa. nempe moriens qui peccatū non fecerat pro nobis, quos multis sæculis patienter in peccatis sustinuerat, & tolerarat, donec veniret tempus redemptionis, deinde subiungit rursus, ad ostensionem iustitiæ eius, hoc tempore, quod perinde est, quasi diceret ad ostensionem iustitiæ eius in nobis, semper dum sumus, iuxta idioma scripturæ, quod idem Apostolus interpretatus est, cum ait, hodie si vocem eius audieritis, id est, quandiu in nobis cognominatur hodie, sic nunc ad ostensionem iustitiæ

eius in hoc tempore, idest, quandiu in nobis cognominatur hoc tempus. Venit inque Christus in illo tempore, vt subeundo mortem pro nobis, qui propter peccata praterita eramus ad mortem damnati, & resurgendo à morte, à qua detineri non potuit, iustitiã suã, qua iustus est, tunc ostenderet, vt qui nō per vim, vt quidem poterat, sed iusto iudicio nos liberauit, & rursus in hoc tempore, siue hodie, idest, quandiu sumus, gratiam suam iustificantem ostenderet in nobis non ex fide tantum, etenim si fides sine operibus, vt scriptura testatur, ostendi non potest, ex operibus autem potest, sequitur, vt si iustitiam Deus ex fide ostendit in nobis in hoc tempore, ex operibus ostendat, & non ex fide tantum. Rursus si necesse est, vt quod credimus non verbo tantum, quod hypocritarum, & simulacrorum est, sed opere ostendamus, fidem vero Iesu Christi pro nobis mortui, & suscitati opere ostendere aliter non possumus, nisi si credentes complantemur similitudini mortis eius, consepulti sicut Apostolus ait, cum illo per baptismum in mortem, vt quomodo Christus surrexit à mortuis per gloriam patris, ita & nos in nouitate vitæ ambulemus. Ostendit ergo in nobis Deus in hoc tempore iustitiam non quidem ex fide tantum, quæ obscura, & otiosa est, vt ista Luteranorū, sed ex fide primū quidē in baptismo operata, deinceps vero operibus nouæ vitæ per dilectionem ostēsa, & operata, perpetuo enim vult nos ambulare in nouitate vitæ, vt sic mortis, & resurrectionis eius participes vsque in finem efficiamur. Præterea videte, (inquit Apostolus) ne forte sit in aliquo vestrum cor prauum incredulitatis discedēdi à Deo viuo. dehortatur ab omni peccato maiore, quod animam à Deo disungat, quod ipsum ad incredulitatem quodammodo pertineat, qui enim vere, & simpliciter credit, fidem per dilectionem operatur, fides autem per dilectionem operata in Christo valet, idest, iustificat, & cum Deo vnit. contra vero qui fidem non operatur, non credit simpliciter, & proprie, estq; à Deo alienus. Sequitur, sed adhortamini vos metipsos per singulos dies, donec hodie cognominatur, & non obduretur quis ex vobis fallacia peccati. peccatum dixit cum articulo, fallaciam vero sine articulo, sicut incredulitatē, vt omnē fallaciã, & omnē incredulitatem peccati grauioris intelligamus. Itaq; quā vocauit proxime prauitatem incredulitatis, vocat nunc fallaciam peccati, vt intelligamus de omni peccato mortali loqui, quod scriptura vocare solet peccatum recedendi à Deo, vt hic, & alias peccatum damnationis, & peccatum magnum. quod enim Dauid dixit de concupiscentiis

propriis oculis, & insitis carni, ac de suggestionibus alicuius extrinsecus ab eo, qui tentare solet, allatis, & adhibitis, si mihi ista dominata non fuerint, idest, si non assentiamur illis volendo ambulare secundum carnem, sicut Apost. ait, tunc (inquit) immaculatus ero, idest, expers peccati non quidem cuiuscunque tum parui, tum magni, sed magni saltem, idcirco subiungit, & emundabor à peccato magno, neque enim necesse est, ut qui non consentit legi carnis, quæ habitat in membris nostris, neque suggestioni dæmonis, statim vacet omni culpa etiam leui, cum possit culpa esse ex negligentia nostra in surreptione etiam primi motus legis carnis, siue concupiscentiæ, ac suggestionis. Similiter Apostolus, postquam de cuit gratia Dei per Iesum Christum liberatos nos esse à concupiscentiis, ne amplius captiuos ducant, subiungit, nihil ergo nunc damnationis iis, qui sunt in Christo Iesu, qui nō secundū carnem ambulant, quod perinde est, quasi diceret, nunc ergo post gratiam Christi, de qua prophetabat Dauid, si concupiscentiæ ἀκρωμυκῶς relictæ, nobis dominatæ non fuerint, quod est non ambulare secundum carnem, idest, secundum concupiscentias, nihil erit damnationis nobis, idest, erimus mundi à peccato magno, quod enim Dauid dixit peccatum magnum, interpretatus est Apost. peccatum damnatione dignum. Sed redeamus ad locum Pauli ex epist. ad Heb. sequitur, participes enim Christi effecti sumus, si tamē initium substantiæ vsq; ad finem firmum retineamus, quia dixerat, videte, ne forte sit in aliquo vestrū cor prauū incredulitatis recedendi à Deo viuo, ne quis existimaret, ut existimant Lutherani, sitis esse, ut nō recedatur à Deo, habet e fidem præsertim sigillo baptismi signatam, in quo Christū induimus, & mors eius, ac resurrectio nobiscum cōmunicata est, respondet esse quidem nos factos per baptismum participes Christi, si tamen (inquit) initium substantiæ vsq; ad finem firmum retineamus, idest, si ut à principio renouati sumus, & effecti noua creatura in Christo, deinceps vsq; in finem in nouitate creaturæ perseueremus. quod enim Paulus initium substantiæ vocauit hic, Iacobus dixit initium creaturæ. voluntarie (inquit) nos genuit verbo veritatis, de generatione spiritali per sanctū baptismū loquitur, deinde subiungit, ut simus initiū aliquod creaturæ, sic enim est in exemplis vetustis manu scriptis ὡς χὶ nō ἀπαρχὴ ut in nostris græcis, melius enim est in latinis. Ergo ut simus participes Christi, idest, ut mors eius, & satisfactio, ac resurrectio nobiscū cōmunicetur, non satis est fides tantum, quæ non est initium nouæ in Christo creaturæ, sed

fides cum opere baptismi, siue fides in baptismo per donum dilectionis operata. quam quidem fidem vsque in finem firmam seruare oportet, si seruare velimus vsque in finem mortis, & satisfactio- nis Christi pro nobis participationem, firmam vero seruabimus, si illam in mandatis reliquis per dilectionem operemur, vt à prin- cipio in mandato baptismi operati sumus. operatio enim fidei fidē firmat, & stabilit, vt operatio scientiæ scientiam, & artis artem. Ergo qui ambulat in nouitate vitæ, quiq; si quando lapsus fuerit, rursus renouatur per poenitentiam, quæ vt Clemens ait, est *κατὰ θεὸν ἔργον τῆς πίστεως*, idest, opus excellens fidei, is initium substantiæ firmum re- tinet, & particeps Christi est, idest, retinet fidem dilectione operatā, qua coepit esse noua in Christo creatura. nam in Christo Iesu (in- quit) neque circumcisio aliquid valet, neque præputium, sed fides quæ per dilectionem operatur. & rursus ait, nam in Christo Iesu neque circumcisio aliquid valet, neque præputium, sed noua crea- tura, quòd substantia nouæ creaturæ ex fide per dilectionem opera- ta existat, huiusmodi ego fides per dilectionem operata fides vera, & legitima, ac probata est, cetera omnis *ἁδουκίμος* est, & adulterina, esse enim fidem aliquam *ἁδουκίμον*, idest, reprobam, vt ita dicam, docet Iacobus Apostolus. cum ait, *ὁ δοκίμος τῆς πίστεως ὁ μὲν*, idest, probatio fidei vestræ, legitima inquam, & probata fides vestra pa- tientiam (inquit) operatur, ergo aliqua est non legitima, sed adu- lterina, illa scilicet, quæ expers est charitatis, quæ ideo non operatur patientiam in tribulationibus, quas quicumq; pie viuere volunt, in Christo pati debent, per quas intrare oportet in regnum coelorum, in his enim est angusta porta, & arcta via, quæ ad illud ducit, in his consistit disciplina, sub qua sunt filii legitimi, denique in his per abstinentiam, & patientiam tolerandis implenda est, vt diximus, sa- tisfactio illa pro peccatis in Christo facta. Sed videamus quemad- modum non operetur patientiam ista fides, quæ est sine, & ante di- lectionem, sed illa, quæ p dilectionem mouetur, & agitur, omne (inquit) gaudium existimate fratres, cum in varias tentationes inci- deritis, scientes quòd probatio fidei vestræ, nempe in tentationibus, patientiam operatur, hoc idem dixit alijs Apost. licet obscurius, tribulatio (inquit) siue tentatio patientiam operatur, pro eo, quod est, fides legitima, & probata in tentationibus patientiam operatur, sed quæ sit legitima fides in tentationibus, idem Apostolus Paulus declarat subiungens connexionem virtutum, sequitur enim pa- tientia probationem, scilicet fidei, ita vt probatio fidei, siue fides probas-
ta pæ

ta patientiam operetur, ut Iacobus ait, & rursus patientia probationem fidei, suae fidem probatam, ut Paulus. sunt enim aliqua vis
cissim non quidem sui causa, quod fieri non potest, sed sunt vicissim
sibi causa vel augendi se, ut haec, vel connexionis, & cohaerentiae,
ut virtutes, & lapides in fornice, sicut tradunt philosophi, & Clem,
Alexan. in 8. Stromateo de causis. Sequitur deinde, probatio sp̄s,
fides enim vera, & probata spem gignit, spes autem nō confundit,
postea subiungit Apostolus, quia charitas Dei diffusa est in cordi-
bus nostris, quod quidem ad totam superiorem connexionem refe-
rendum est, ut intelligamus quā, & qualis fides in tribulationibus,
& tentationibus operetur patientiam, & patientia probationem, &
probatio spem, quā non confundat, nempe illa fides, quā cum
charitate tanquam cum forma, & vita, & actu suo coniuncta, & cō-
nexa est, qui enim vere credit ex corde, id est, cum dilectione, quod
qui suscitauit Iesum, & nos cum illo suscitabit, is profecto non defi-
ciat in tribulationibus, & tentationibus, sicut Apostolus ait, & nos
credimus propter quod & loquimur, scientes quoniam qui suscita-
uit Iesum, & nos cum Iesu suscitabit, deinde subiungit, propter
quod non deficimus. hanc igitur fidem cum charitate connexam
appellauit Iacob. Apost. *δικύμων* fidei, id est, probatam, & legitimā,
fidē, quā patientiam operatur, ut sit *αδικύμων*, id est, reproba, quā si-
ne, & ante charitatem est, quā neq; operatur. neq; operari potest,
non magis q̄ mortuus, ex quo idem appellauit mortuam, fides (in-
quit) sine operibus mortua est, cum enim opera dicit, charitatem
dicit, quā est virtus operandi quicquid Deus vult, & praecipit, quā
fides adiuuat ad iustitiam, sicut idem Apostolus Iacob. de iustitia
Abraē loquens, vides (inquit) quod fides adiuuabat opera illius?
hoc enim significat *συνεργει τοῖς ἔργοις αὐτοῦ*, quod interpret ver-
tit, cooperabatur operibus illius, quid autem operabatur cum ope-
ribus illius tanquam causa adiuuans cum causa adiuuante, quod si-
gnificat *συνεργειν*, quid inquam, nisi iustitiam Abraē? de hac enim
loquebatur, ut iam perinde sit hoc, quasi dixisset, ut Paulus de Phi-
lipp. scripsit, vides quod Abraam operādo collaborabat fidei? Sed
isti neque naturas rerum, neque proprietates verborum, neq; con-
sequentia, nec antecedentia aduertunt erroris sui opinione pra-
iudicata decepti, & illusi, non intelligentes neque quā loquuntur,
neque de quibus affirmant, sed illud interim non male, q̄ quidam
eorū dixerunt, fidem istam mortuam fidem historiae esse, talis enim
est ista fides nuda, hoc est, fides tantū, ante operationem enim fidei

DE IUSTIFICATIONE

per dilectionem auditores tantum sunt historiæ, cui credunt fallentes semet metipsos, sicutidem Apostolus ait, quasi hoc ad iustitiam satis sit. Sed veniamus iam ad aliam connexionem virtutum, quam docuit beatus Pet. ex qua etiam clarissime (ut confido) intelligemus iterum fidem sine operatione per dilectionem non iustificare, vos (inquit) curam omnem subinherentes ministrare in fide vestra virtutem, in virtute scientiam, in scientia autem abstinentiam, in abstinentia autem patientiam, in patientia autem pietatem, in pietate autem amorem fraternitatis, in amore autem fraternitatis charitatem. Videtis fratres quemadmodum necessitate connexionis ad fidem iubeat adiungere charitatem, & opera charitatis? quæ si non adiungantur, nihil valeat fides, neque iustificare possit? sequitur enim, hæc enim si vobis cum adsint, & abundant, non vacuos, neque sine fructu vos constituent, sine fructu inquam iustitiæ; sicut ait Apostolus Paulus Philipp. i. hoc oro, ut charitas vestra magis, ac magis abundet in scientia, & in omni sensu, ut probetis portiora, ut suis finceri, & sine offensa in diem Christi repleti fructu iustitiæ. De hoc ergo fructu dicit nunc Petrus, non constituent (inquit) sine fructu in agnitione domini nostri Iesu Christi, sic vocat fidem, hoc enim significat ἐπίγνωσις, idest agnitio, ut Ioan. Damasc. in Oplotheca aduersus Monophysitas obseruauit, interpretans enim obscuriora quædam scripturæ verba ἐπίγνωσις (inquit) ἡμετέρας λατρείας ἐστὶν ἡ τοῦ αὐτοῦ ἀληθινῆς γνώσεως, idest, agnitio est vera post falsam cognitionem, cognitio, hæc autem quæ alia est, nisi fides? perinde itaque est, quasi diceret, si adiungas ad fidem opera ex dilectione tanquam causam adiutam, non eris sine fructu iustitiæ, idest, iustificaberis. Ergo fides sine, & ante opera, idest, sine, & ante charitatem, non præstat fructum iustitiæ, ἀδόκιμος est, mortua est, qui nos solent sophistas appellare, iudicent ipsi verum ex hac ratione connexionis virtutum clarissime, & necessario quod dicimus, concludatur. ad fidem iubet adiungere virtutem, quæ quidem qualis esse debeat, scientia docere debet ut probetur (sicut Apost. ait) quæ sit voluntas bona, beneplacens, & perfecta, ut qui puellam pauperem alit, ut ea cum grandis fuerit, fruatur, quod alic bonum est, inquit Dorotheus in libro de ædificatione virtutum Sed quod eo proposito alit, Deo non placet, aut si non eo proposito alat, sed propter charitatem, simul etiam ut aliquid gloriæ, & laudis ab hominibus ferat, bona, & Deo placens est, sed non perfecta voluntas. Idcirco addidit, & in virtute scientiam, sequitur deinde, in scientia autem abstinentiam, esto enim sit manus

actionis, quod facis, scienter factum, & ex omni parte absolutum, nihilq; in eo desideretur, quod ad actionem ipsam spectet, excepto, q; qui id facit, testimonio bonæ conscientie caret, nihil iam illi scientia ista proderit, quia ad istam scientiam non adhibet suam innocentiam, ut absteineat à voluntatibus carnis, ab ira, odio, inflatione, æmulatione, auaritia, & reliquis vitiis, rursus quid prodest fratres, si absteineat ab his, deficiat tamen, neque expectet per patientiæ exitum? aut quid etiam proderit patientia ista constans, si non propter Deum patiat, & sustineat ista, sed alia ratione, & causa? aut quid etiam pietas ista proderit, & Dei religio, si interim fratres, & amicos oderit, sit in eos, amarus, & acerbus? ut in nonnullis euenire solet, quorum religio non sit munda, ut beatus Iacobus eam religionem Dei appellauit, quæ cum charitate cōiuncta est. Postremo quid proderit ista in fratres, id est, in eos, qui eodem nobiscum spiritu Dei per baptismum nati sunt, in domesticos inquam fidei, ut Paulus ait, & in amicos beneuolentia, & charitas, quam *φιλία* id est, charitatē fraternitatis vocat scriptura, si in ceteros alios durus sit, & seuus, atque inhumanus? Idcirco postremo loco addidit, in amore aut fraternitatis charitatem. Iam ne vident isti, quem admodum perducta sit totius ædificii spiritualis ratio, & consummatio ad charitatem, quæ ideo est, sicut Apostolus ait, vinculum perfectionis? quæ instar tecti omnia continet? quæ operit, sicut scriptum est, multitudinem peccatorum, seq; ad omnia tendit? hoc enim significat, quod idem Petrus i. c. i. dixit, in fraternitatis amore simplici ex corde inuicem diligentes *ἐν ἀλλήλοις*, id est, extentes; significat enim ad charitatem erga fratres, & domesticos fidei adiungendam esse charitatem in oēs tū bonos tum malos, fideles, & infideles exemplo eius, qui passus est pro iniustis, & peccatoribus, & qui solem suū oriri facit super bonos, & malos, & pluit super iustos, & iniustos. Hæc ergo est charitas, quæ non æmulatur, nō inflatur, non est ambitiosa, non querit, quæ sunt sua, non irritatur, non cogitat malum, non gaudet super iniquitate, sed potius ab omnibus se abstinet patiens est, omnia suffert, non agit perperam, sed potius constans est, *πιστὶς ἀληθεύει* enim dictum est, quasi *πιστὶς ἀληθεύει*, id est, circumferri omnia credit, quæ credenda sunt, omnia sperat, quæ speranda, neque enim à fide, aut spe diuelli potest, hæc ergo fides firma, quæ cum charitate copulata est, quam Paulus dixit si semper dilectionem operatam, hominem iustificat, hæc enim est, quam idem Petrus paulo supra vocauit fidem *ἰσθὺς*

μου εἰ δικαιοσύνη, idest, æqualis honoris in iustitia, quia honoret, & remuneret credentem iustificando eum, ita ut, qui talem fidem nō habeat, qualem habere præcipit, idest, sic cum virtute, & dilectione connexam, is fidem æqualis honoris in iustitia, idest, fidem iustificantem non habeat. Sed videamus quid rursus idem princeps Apostolorum Petrus subiunxerit. quo magis adhuc, quod dixerat, confirmaret, cui enim (inquit) non præsto sunt hæc, coecus est, & manu tentans, obliuionem accipiens purgationis veterum suorum delictorum. Igitur si is, qui sine operibus, & ante opera fidem habet, coecus est, sequitur, ut fides sola Iesu Christi nō afferat animæ villo modo lumen iustitiæ, alioqui coecus non esset. coecum itaq; appellat eū, qui quia ad fidem non adiungit charitatem, & charitatis opera, ideo non admittit lumen iustitiæ, quin potius volens depellit illud, velut oculos animæ claudens, hoc enim significat verbum, *μυω πλῆξι*. rursus qui lumen istud iustitiæ fidei, & operū adiuvantium non admittit, frustra illuminatus est. per baptismum, tunc cum ablatus est, & repurgatus à veteribus suis peccatis, quæ Paulus appellavit præcedentia delicta Rom. 3. Idcirco subiungit obliuionem accipiens purgationis veterum suorum delictorū, sic enim vocat baptismum, quo baptizati sumus in mortem Christi, & abluti, ac conuiscati, cuius quidem ille oblitus est, qui mortificationem Iesu Christi, & vitam eius non ostendit in corpore suo, ambulando in nouitate vitæ, sicut nouæ creaturæ conuenit. Quemadmodum ergo sola fides iustificat, si qui eam solam sine operibus, & ante opera, ut isti, habet, is baptismi, & iustitiæ in eo acceptæ oblitus dicitur? Sed volunt isti rursus videre, quod ex charitate iustificetur homo, & non ex fide? At nonne Dauid ait prædicans beatitudinem eius, cui dominus imputat iustitiam sine operibus legis, beati quorum tecta sunt peccata? at de charitate dictum est, charitas operit multitudinem peccatorum, ut iam quod Dauid ait, beatos esse, quorū tecta sunt peccata, perinde sit quasi diceret, beatos esse, qui habent charitatē, quæ opit multitudinē peccatorū, quia charitas imputetur eis ad iustitiā, cuius propria virtus sit remissio peccatorū. Ergo si isti noui magistri, boni architecti essent, ac nō potius carnales, cū charitate vinculo perfectionis ceteras oēs virtutes cōnectere deberēt, & hac virtute reliquas consummare, & perficere, ac sine ea, & ante eā nullos fructus iustitiæ ex sola fide sperare, sup quā tanq; sup fundamentū carnale, nihil nisi quod carnale est, edificare possunt.

Quod gratia iustificans in eo sit, qui iustificatur.

HActenus de satisfactione Christi pro peccatis nostris, quibus proficiat, & qua ratione, quem locū cū male intelligerent Luterani, facile iustitiam istam suam imputatiuam, & passiuam, vt loquuntur, introduxerunt, tradentes gratiam iustificantem non in nobis esse, sed in Christo tantum, vt si in nobis non sit iustitia ista, neque curemus, vt in nobis sint opera iustitiæ digna, quasi solus Christus pro nobis satisfecerit, nihil à nobis requirens amplius præter fidē; *ἡ πίστις*. & quasi solus sine nobis salutem nostram meruerit, qui iustitiam suam nobis imputet. Sed vtrum in nobis sit iustitia, qua iustifsumus, ne omnes scripturas excutiamus, ex paucis locis Pauli intellegere possent, si voces Apostoli, & virtutem earum non ignorarent. Scimus (inquit Apostolus) quod diligentibus Deum omnia cooperantur in bonum, deinde subiungit, iis, qui secundum propositū vocati sunt sancti. declarat quos dicat diligentes Deum, quibus omnia cooperentur in bonum, eos scilicet, qui vsque in finem constanter permanent in dilectione, hi enim sunt prædestinati ad sanctificationem, & vocati ad eā suo tempore, cum placuit ei, qui prædestinauit. Deinde subiungit, quos enim præcognouit, scilicet diligentes Deum, de his namque loquebatur, hos prædestinauit conformes fieri imagini filii sui, vt sit ipse primogenitus in multis fratribus. Quos hic ait prædestinatos conformes fieri imagini filii Dei, idem Apostolus in epistola ad Ephē. dixit prædestinari in adoptionem filiorum Dei, adoptamur enim in filios Dei, quando renascimur ex spiritus sancti semine in corruptibili, quod in eo manet, qui natus est ex Deo, vt Ioan. ait. Accipientes itaque spiritum filii Dei viui per lauacrum regenerationis, efficiamur, & fratres Christi, si quis enim spiritum Christi non habet, hic non est Christi, neque particeps diuinæ naturæ, etenim si satis esset, ait Athan. in thesauro de Trinitate ad Nemesium, esse ad imaginem Dei absque participatione spiritus sancti, omnes essemus Christi, etiam expertes spiritus sancti, igitur perfectam (inquit) conformationem ad diuinam naturam tribuit homini spiritus sancti participatio. Sed videamus, quid Apostolus subiungat, quos prædestinauit conformes fieri imagini filii sui, hos (inquit) & vocauit, id est, adduxit ad gratiā istam adoptionis, & participationis spiritus sancti, ac consortii diuinæ naturæ. habet enim prædestinatio, vt magnus Dionys. ait, *ἡ ἀφοσίωσις*, id est, efficiendi virtutem. rursus subiungit, quos autem

vocauit ad istam scilicet spiritus sancti participationem, hos & iustificauit si ergo ii sunt filii Dei, in quibus manet semen incorruptibile, & iidem sunt iusti, in quibus est idem spiritus Dei, quomodo in quibus est per participationem spiritus Dei, non est in eisdem iustitia ipsa, siue gratia iustificans per participationem eiusdem spiritus iustificantis, & non per istam, quam fingunt nouam imputationem iustitiæ Christi? Rursus idem Athanasius, in eodem opere per solum (inquit) spiritum formatur Christus in nobis καὶ ὁ περιδόνους ἡμεῖς καὶ τῶν ἁγίων ἐν τῇ ἀληθείᾳ αἰχμαλωτίζοντες εἰς τὸ τῆς Θεοῦ πατρὸς καὶ ἁλλος τῶν αἰώνων φῶς, idest, & proprios characteres imponit reformans naturam hominis ad diuinitatis pulchritudinem, hoc autem cum fit, homo iustificatur. est enim iustitia proprius character spiritus sancti, iustitia ergo, qua iustificamur, nō in Christo, sed in nobis est. Item beatus Cyrillus in comment. Esa. 44. explanans illum locum, formaui te puerum meum, sic enim est apud septuaginta, quod quidem iis dicit, quos sanctificauit, & iustificauit, & explanans obiter illum locum Apostoli, donec Christus formetur in nobis, formatur (inquit) ἐν ἐμοί, ἡμεῖς τοῦ ἀγίου πνεύματος, θεοῦ πνεύματος, ὁ δὲ ἀγαπᾷ ἡμᾶς καὶ διὰ τῆς χάριτος, idest, formatur inquit, immittit spiritum sancto in animas nostras diuinam quandam formam per sanctificationem, & iustificationem, sic enim diffinisse mihi videtur gratiam iustificantem. Item Apostolus in epistola ad Ephe. in quo (inquit) credentes signati estis spiritu promissionis sancto, spiritum promissionis sanctum vocat gratiam spiritus sancti iustificantem, a Deo credentibus in Christum cum spe certissima promissam, sicut dicit scriptura, omnis qui credit in illum nō confundetur, quod nihil aliud significat, quā promitti iustitiam ex fide in salutem certissimam, quod si gratia iustificante signatus est is, qui iustificatus est, sequitur, vt iustitia ista in eo sit, qui iustificatur, non in Christo, qui iustificat, nemo enim signatur eo, quod est in eo, qui signat, sed potius eo, quod est in eo ipso, qui signatur. Subiungit deinde Apost. qui est pignus hereditatis nostræ in redemptionem acquisitionis in laudem gloriæ eius. quod spiritum promissionis sanctum, idest, gratiam iustificantem credentibus promissam vocat arrabonem, siue pignus hereditatis nostræ, conuenit cum parabolis euangelii de operariis vineę vbi eandem gratiam iustificantem, denarium diurnum vocat, vt alio loco commodius demonstrabimus. Rursus idem Athanasius in eodem thesauro explanans hunc locum, spiritu (inquit) sancto signati ad imaginem Dei reformamur, per quem diuinæ sustā-

tix imago ἐν ἡμῶν, idest imprimitur nobis, καὶ τῆς ἀγεν-
 νήτου φύσεως ἐκ ποιεῖται σῶμα ἡμῶν, idest, & ingenuæ naturæ reman-
 ent in nobis sigilla, & notæ. hæc sunt magna illa, & prætiola pro-
 missa, vt beatus Petrus ait, quæ donauit nobis Deus ex fide in vir-
 tutibus sanctis operata, explicans enim deinde, quæ illa essent ma-
 gna, & prætiola promissa, subiungit, vt per hæc efficiamur diuinæ
 naturæ consortes. tales autem efficiamur per iustificationem copio-
 sam, quæ est larga participatio spiritus sancti nobis in nouo testa-
 mento promissi, & in nos abunde effusi. quomodo ergo dicunt no-
 stram iustitiam, idest nostram participationem spiritus sancti, & no-
 strum istud consortium diuinæ naturæ, in Christo, qui hæc nobis
 eum cōmunicat, esse, ac nō potius in nobis, qui participamus, & cō-
 sortes efficiamur? Sed videamus quid paulo post idem Athanasius
 de spiritu sancto dicat, qui ab eo participatur, qui iustificatur, ὡς ἐ-
 κινῶ πῦρ ἐν ταῖς καρδίαις τῶν ἀληθινῶν δούλων θεοῦ, ὡς ἐκ
 ὁδοῦ τοῦ ὁδοῦ τῆς πνεύματος αὐτοῦ καὶ ὁμοῦ αὐτοῦ εἰς τὸ ἀρχε-
 πῦρ καὶ ἄλλος τῶν φύσιν αὐτῶν ἀνακατασκευάζει, tāquam in cera (inquit) qua-
 dā in cordibus recipientiū instar sigilli imprimitur spiritus sanctus
 inuisibiliter p cōmunionē, & assimilationē cū eodē spiritu sancto,
 qui naturam ad primi exemplaris pulchritudinem reformat. quod
 si participatio ista, & communio spiritus sancti in uobis est, & se-
 cundum hanc participationem, ac communionem iustitia animis
 nostris gratis, ac dono Dei informatur, iustitia ergo, qua iustificas-
 mur, in nobis est. Item Apostolus interpretans quod de Abraam
 scriptum est, credidit, & reputatum est ei ad iustitiam, non est (inquit)
 scriptum tantum propter eum, quia reputatum est ad iustitiam, sed
 & propter nos, quibus reputabitur credentibus in eum, qui suscita-
 uit Iesum dominum nostrum à mortuis, qui traditus est propter
 nostra delicta, & resurrexit propter nostram iustificationem, deins
 de subiungit, iustificati ergo ex fide, pacem habemus ad Deum per
 dominum nostrum Iesum Christum, per quem habemus accessum
 ad gratiam istam, gratiam iustificantem dicit, quæ habet vim vnien-
 di animam, in qua est, cum Deo, quam quidem vnionem pacem
 vocat, est enim pax, vt ait magnus Dionysius, πάντων εἰρήνη, id
 est, omnium unitiua, hanc veram pacem, & vnionem fecit Chris-
 stus in nobis, reconcilians nos sibi in spiritu sancto, & in se, &
 per se patri, ex quo pax nostra, vt iustitia nostra factus dicitur.
 hæc enim pace in nos per Christum effusa, vt Diony. ait, non am-
 plius discimus nobiscum, & cum angelis dissidere, quin potius pro

viribus diuina opera cum eisdem cooperamur secundum prouidentiam Iesu omnia in omnibus operantis, & pacem inexplicabilem, & à sæculo prædestinatam facientis, nosq; sibi in spiritu sancto reconcilians. de quibus donis excellentissimis, ac supra naturam, satis se copiose in theologicis informationibus scripsisse ait, confirmans omnia testimoniis scripturæ sanctæ. hæc dona excellentissima, & supra naturam, quæ Diony. ait, sunt illa, ut paulo ante meminimus, quæ beatus Petrus dixit, magna, & prætiosa promissa, quæ omnia consistunt in participatione spiritus sancti, quæ est consortium diuinæ naturæ. Secundum hanc participationem spiritus sancti effusam in animas nostras sit adoptio, remissio peccatorum, salus animæ, quæ est unio cum Deo, & tribuitur hæreditas regni, quæ sunt omnia iustitiæ propria, quam iuste Deus per gratiam suam ex fide per dilectionem operata effudit in nos abunde. Quæso ergo istos, erit in nobis spiritus sanctus per participationem, & non erit iustitia ista Dei, cum iustitia ipsa excellens quædam participatio spiritus sancti sit? fuerit Christus factus pax nostra, effundens eam in animas nostras, & non fuerit, sicut ait eadem scriptura, factus similiter iustitia nostra, effundens illam similiter in corda nostra? Sed veniamus ad Abraam, de cuius iustificatione quod scriptum est, propter nos ait Apostolus scriptum esse, quibus similiter reputabitur ad iustitiam credentibus in Christum. ut enim postquam reputatum est illi ad iustitiam, tunc primum scriptura Gen. c. 15. vocat eum appropinquantem Deo, ut Philon quoque Iudæus in libro de migratione Abræ obseruauit, quod beatus Iacobus frater domini interpretans ait amicum Dei appellatū esse, amici enim est appropinquare amico, similiter Apostolus de iustificatis, iustificati ergo inquit per fidem, pacem habemus cum Deo, id est, unionem, est enim unio maxima appropinquatio, & maxima amicitia, quā nos per Christum consecuti sumus, ac copiosius quidem quā ceteri omnes ante euangelium. Quare ut iustitia ex fide per dilectionem operata, quæ Abræ imputata est, quæ ipsa quoque diuina erat, & non in Deo, quod scio istos non negaturos, nondum enim Deus pro delictis hominum satisfecerat, ut ratione satisfactionis iustitia Abræ in Deo esset, ut isti nunc de iustitia Christi pro nobis mortui tradunt, sic quoque iustitia, qua nos ipsi in nouo testamēto ex fide per dilectionem operata iustificamur, non in Christo est, sed in nobis. Quod enim de imputatione iustitiæ facta Abræ scriptum est, non tantum propter eum (ut Apostolus ait) scriptum, sed propter

pter nos, ex quo fit, vt iustitia non alio modo imputata sit Abraæ, & alio modo nobis imputeretur, licet abundantius imputeretur, vt idē Apostolus in epistola ad Titum docuit, cum autem (inquit) benignitas, & humanitas apparuit saluatoris nostri Dei, non ex operibus iustitiæ, quæ fecimus nos, sed secundum suam misericordiam saluos nos fecit per lauacrum regenerationis, & renouationis spiritus sancti, deinde subiungit, quem effudit in nos abunde per Iesum Christum saluatorem nostrum, vt autem intelligeremus secundum largam istam participationem spiritus in nos effusi, iustitiam Dei abundanter in nos effundi, & in nobis manere, subiungit statim, vt iustificati per gratiā ipsius spem habeamus vitæ æternæ. iustificati enim ante nouum testamentum habebant illi quidem spem vitæ æternæ, sed nō qualem nos habemus per Christum, in cuius mortem baptizamus, illi enim habebant spem quandam mortuam, cū necesse esset omnes in infernum descendere, & in locum caliginis, vt de se ait sanctus Iob, cum nōdum deletum esset per mortē Christi chyrographum decreti, quod contra nos erat sancitum de morte omnibus subeunda, iuxta sententiam Dei, sicut scriptum erat, quacunque hora comedetis morte moriemini, ac proinde nōdum Christus propter largam istam iustificationem resurrexisset, nos vero habemus spem viuam, sicut beatus Petrus ait, benedictus Deus, & pater domini nostri Iesu Christi, qui secundum misericordiam suam magnam regenerauit nos in spem viuam per resurrectionem Iesu Christi. qui enim semel in Christo mortui sunt, & cum eo resurrexerunt, in his secunda mors, sicut beatus Ioannes ait, non habet potestatem, id est, non amplius moriuntur descēsurī in infernū, si tamen initium substantiæ eius (vt Apostolus ait) vsque in finem firmum retineant, id est si gratiam, qua coeperunt esse noua creatura in Christo, vsque ad extremum vitæ conseruauerint. Rursus idē Apostolus Rom. 7. si enim (inquit) vnus delicto mors regnauit per vnum, multo magis abundantiam gratiæ, doni, & iustitiæ accipientes in vita regnabunt per vnum Iesum Christum. accipientes dixit abundantiam gratiæ, doni, & iustitiæ, quare vt gratia, & donum ab eo descendunt, à quo donantur, ad eum, cui donantur, & gratia in gratificato, & donum in donato remanet, sic iustitia in iustificato. Illud autem obseruandum est, quam dixit Apostolus abundantiam spiritus in nos effusi in epistola ad Titum, dixisse in epistola ad Rom. abundantiam iustitiæ per gratiam donatæ, hoc enim significat abundantiam gratiæ, doni, & iustitiæ, quæ quidem abundans

tia in eo est intelligenda, vt hoc rursus obiter admoneamus. & ante gratiam noui testamenti omnes propter vnum peccatum, quod omnes in Adam peccauerunt, in inferno detinebantur in nouo autem testamento peccata omnia remittuntur, sicut Apostolus ait, nani iudicium quidem ex vno in condemnationem, gratia autem ex multis delictis in iustificationem, cum enim ait iudicium ex vno in condemnationem, peccatum originale dicit, quod ante aduentum Christi non tollebat, regnavit enim (inquit) mors ab Adam vsque ad Moysen, etiam in eos, qui non peccauerunt in similitudinem prauaricationis Adæ, idest, in eos etiam, qui non peccauerunt actu, & per personas proprias, vt autem intelligeremus in quibus regnasset mors, in eisdem regnasse etiam peccatum vsq; ad Moysen, idest, vsq; ad finem legis, addidit paulo post, idem Apoff. vt sicut regnavit peccatū nempe vsque ad Moysen in mortem, quæ quidem erat fructus peccati, ita regnet gratia per iustitiam in vitam æternam. Sed hoc, quod de peccato originali dixi, prolixius in opere proprio pluribus, eisdemq; clarissimis scripturæ sanctæ testimoniis demonstrabimus, illud tantum interim admonebo, ne quis fortasse miretur, aut me opinionis huius auctorem existimet, primū veteres patres, & ecclesiæ catholicæ magistros hoc docuisse, scilicet sanctos prophetas, tametsi secundum Iesum Christum viuerent, vt ait beatus Ignarius in epistola ad Magnesien. & ad nouum testamētum pertinerēt, tanquam per Christum redimendi, tamen ante gratiam noui testamenti non fuisse vere benedictos, neq; fuisse plenā cōsecutos remissionē, neq; legem cū Deo illos omnino copulasse. deinde vero nominatim de originali peccato plerosq; eorum tradidisse, ante aduentum Christi non fuisse vnquam deletum, quorum testimonia in opere proprio recitabimus. Ergo nunc, vt vnde digressi sumus, reuertamur, postquam dixit Apostolus multo magis abundantiam gratiæ, doni, & iustitiæ accipientes in vita regnabunt per vnum Iesum Christum, qui locus, vt dixi, satis declarat, gratiā qua gratificauit nos Deus in delecto filio suo, & donum, quo donamur, & iustitiam, qua iustificamur, in nobis esse, subiungit, igitur sicut per vnus delictum in omnes homines in condemnationem, sic & per vnus iustitiam in omnes homines in iustificationem vitæ, hic locus, vt existimo, in primis fefellit Luteranos, & in errorem istius de iustitia Christi imputata opinionis propter ignorantiam induxit, cum enim ait sic, & per vnus iustitiam in omnes homines in iustificationem, existimauerunt eandem iustitiam dici cum illa, quā proxime meminisset Apostolus, cum dixit, abundantiam iustitiæ accip-

pientes, non animaduertentes aliud esse verbum græcum, quod *σαδ* us admonere debuit aliam esse rem alio verbo subiectam, vel certe quod magis credo non intelligentes, quid *δικαιομα*, quod est hoc loco scriptum, significaret, & quid *δικαιοσύνη* quod in illo. significat enim *δικαιομα*, vt supra iterum dixi *τὸ ἐπαρρησιάζειν τὸν ἀδικῶντα*, vt veteres interpretati sunt, idest, iniuriæ emendationem, quæ satisfactio dici solet, hanc satisfactionem vnus Christus fecit semel in cruce pro nobis moriens iustus pro iniustis, & peccatoribus, quæ satisfactio eis tantum proficit, qui ei credunt, & fidem eius per dilectionem in baptismo, & deinceps in ceteris mandatis operantur, sicut scriptum est, & consumatus factus est omnibus obtemperantibus causa salutis æternæ, obtemperantibus dixit, idest, obedientiam cum fide iungentibus. Est ergo ista Christi satisfactio, quæ *δικαιομα* dicitur, causa iustitiæ nostræ, quæ in nobis est ab eodem per gratiam eius dohata ex fide per dilectionem operata, et in animas nostras infusa, cuius iustitiæ propria est remissio peccatorum, & salus animæ, quæ in nobis quoque sunt. sic autem accipiendum esse verbum *δικαιομα*, quod interpretes vertit iustitiam Christi, idem Apostolus declarauit, statim enim subiungit, sicut enim per inobedientiā vnus hominis peccatores constituti sunt multi, quod dixerat per vnus iustitiam, dicit modo per vnus obedientiam scilicet usque ad mortem crucis, ita vt sustinuisse mortem pro nobis sit & dicatur tum *δικαιομα*, idest, satisfactio, tum *δικαιοσύνη*, idest, iustitia, quia scilicet liberauit nos, & destituit imperium diaboli non per violentiam, vt ait Bsa. sed in iudicio, & iustitia satisfaciendo per mortem suam pro nobis ad mortem iuste prius damnatis, vt sit ipse iustus, & iustificans eum, qui ex Christi fide est, vt Apostolus ait, qui locus plane distinguit vtrancq; iustitiā, & illam, quæ in Christo est, qua ipse est iustus, & illam, quæ in nobis est ex fide, sicut ipsa fides in nobis est Dei dono. Sed repetamus locum alius, quem proposuit (inquit) propitiationem per fidem in sanguine ipsius ad ostensionem iustitiæ suæ propter remissionem præcedentium delictorum in sustinētia Dei, hæc est iustitia, qua ipse iustus est, qui, vt magnus Dionysius ait. sustinuit patienter genus humanum a Deo alienatū, & diabolo seruientem, quousque liberaret a diaboli seruitute non quidem per vim, sed moriendo pro nobis, qui peccatum non fecerat, quæ fuit ingens, ac mirabilis declaratio iustitiæ Christi, deinde subiungit iterum, ad ostensionem iustitiæ eius in hoc tempore, idest, in nobis, hæc est iustitia, qua iustificat, quæ alia est ab illa, qua ipse iustus

est, quod statim declarat subiungens, vt sit ipse iustus, & iustificā-
 eum, qui ex fide Christi est: etenim si iustitia, qua quis iustificatur,
 est iustitia Christi imputata, cum loquitur Apostolus de iustitia,
 qua Christus iustus est, & eadem, vt isti volunt, tanquā forma nos
 quoque iustificat, cur in eodem loco bis dicit de eadem iustitia ad
 ostensionem iustitiæ? cur potius distinguendi causa, vt iustitiam
 istam passuam notaret, non dixit in altero loco ad imputationem
 iustitiæ suæ in hoc tempore? ergo cum dixit ad ostensionem iusti-
 tiæ suæ in sustinentia, hoc enim significat *αἰσχρὰ*, declarauit iustitiā
 Christi, qua ille iustus fuit redimendo non violente, sed iuste per
 mortem suam genus humanum ad mortem damnatum, quod tan-
 diu patienter sustinuerat diabolo seruiens, cum vero rursus dixit
 ad ostensionem iustitiæ in hoc tempore, declarauit iustitiam, qua
 nos iustificat ex fide Christi, quæ quidem iustitia in eo necesse est,
 sit, in quo est fides ipsa Christi, quæ ad iustitiam reputatur, quod si
 Christus iustus fuit propitiando pro peccatis nostris, quæ diu in
 multa patientia sustinuerat, & nos iustificamur credendo, & fidem
 per dilectionem operando, quomodo iustitia Christi nobis impu-
 tatur? imo vero fides, quæ in nobis est Dei dono, ad iustitiam nunc
 reputatur, vt in quo sit vere fides ista, vere item sit iustitia, vt sicut
 ille iustus est iustitia, quæ in eo est, & nos per gratiam eius ex fide iu-
 sti simus iustitia, quæ in nobis ab eo sit. Præterea si vbi proprietas
 est, ibi necesse est, sit illud, cuius est proprietas, ergo in quo est ado-
 ptio, remissio peccatorum, salus animæ quæ est vnio eius cū Deo,
 & spes viua hæreditatis coelestis, quæ sunt propria iustitiæ, ibi ne-
 cesse est, sit ista iustitia, & ista non in Christo sunt, sed in anima ex
 dono, ac gratia Dei, quare ibi quoque, necesse est iustitiam istam
 esse. Imo vt hunc locum tandem finiamus, ratio verbi huius *λογίζε-
 σθαι* quo scriptura in imputatione iustitiæ significanda videtur, satis
 declarare videtur iustitiam, qua iustificamur, in nobis esse, non in
 Christo, vt isti volunt, significat enim *λογίζεσθαι* computare, vnde
λογιστæ dicuntur, qui rationes subducunt. Vt autem quod compu-
 tatur, in eo remanet, cui computatur, vt sit in nummis, sic cum de-
 narius gratiæ iustificantis computatur secundum conuentionem
 ex fide, quam beatus Petrus *ισόπαιον ἀξίωμα* vocauit, id est,
 æqualis præcii suæ æstimationis in iustitia, necesse est vt in eo ma-
 neat, cui computatur, vt cum peccatum dicitur eodem item verbo
λογίζεσθαι, id est, computari, profecto in eo manet, cui computa-
 tur, siue imputatur, quod magis tritum est. Cur autem hæc gratia,

de qua loquimur, dicatur iustitia, ut hoc quoque notemus, ex Dionysio Areop. intelligi potest, dicitur enim Deus iustitia, ut ille ait, quia omnibus pro cuiusque dignitate tribuit convenientia, & cuiusque naturam in suo ordine, ac virtute conseruat. hanc autem Dei iustitiam ex dono eius, ac gratia participat, qui ei credit, & diligit. hic enim tribuit, quæ Dei sunt, Deo, qui ei fidem, & dilectionem, quæ Dei dona sunt, adhibet, quod qui facit, iustitiæ munere donatur, quia iustus exiit viuens vitam Dei, sicut scriptum est, iustus meus ex fide viuit. Quare ut bonitas Dei participata, quæ Dei donum est, non est in Deo, sed in nobis, sic iustitia nobis dono Dei participata, iustificata est, non in Deo, qui est *αὐτοδικαίος*, ut verbo Dionysii utar. Ergo si iam deinceps, ut spero, quæ sit iustitia Christi, & quæ ratio eius, & quid imputari nobis iustitiam, intellexerint Lutherani, nunquam profecto amplius iustitiam Christi formam iustitiæ, quæ ex fide nobis imputetur, esse tradent, quam in Christo tantum ponere voluerunt (neque enim artificia eorum callida ignoramus) ut sic omni studio, ac labore pro peccatis satisfaciendi vulgus imperitorum liberarent, non intelligentes quibus Christi satisfactio, & quomodo proficiat, de quo satis multa capite superiore disseruimus, imo hinc quoque effectum est, ut sine, & ante opera, ut loqui solent, in quocunque statu quis eorum sit, ex sola ista fide, *καὶ* iustitiam illam Christi apprehendente (sic enim loquuntur) remissionem peccatorum, & salutem animæ sibi promittant. Quid enim opus sit mihi mereri iustitiam, si in me iustitia esse non potest? Ergo ut resurrectionis Christi resurrectio nostra est, idest, nobis proficit, estque nostræ resurrectionis causa, quod quidem non prohibet, quin necesse sit, ut alia existat resurrectio Christi, alia nostra, nunc quidem mystica, ac secundum spem, postea vero in nouissimo die vera, & corporalis, sic necesse est, ut alia sit iustitia in nobis, qua nos ex fide iustificat, & alia Christi, quæ quidem nostra est, & nobis donata, sicut scriptum est, qui etiam filio suo non pepercit, sed pro nobis dedit illum, quomodo non etiam cum illo omnia nobis donauit? nostra inquam est, & nobis donata, idest, nobis proficit, estque nostræ iustitiæ, quæ in nobis est, causa, ita ut sicut ne nos quidem resurgereamus, nisi Christus nobis resurrexisset, estque illius resurrectionis causa nostra, sic in iustitia dicatur, neque enim nos per fidem Christi iustificaremur, nisi Christus iustus iustus fuisset, & pro nobis iustificatus a patre, cuius voluntate, & mandato pro nobis mortuus est, sicut Esai. de Christi morte prophetans, & vult (inquit) dominus iug

stificare iustum bene seruientem multis, sic enim est in septuaginta,
 quod quidem de Christo dicit, qui non venit ministrari, sed mini-
 strare, & rursus idem propheta de passione, & morte Christi prædi-
 cens, c. 50. dedi (inquit) corpus meum percutientibus, & genas meas
 vellentibus, & paulo post. qui hæc dixerat, iuxta est (inquit) qui iu-
 stificat me. Hinc quoque ductum est aliud pestiferum, & superbiæ
 plenissimum dogma Luteranorum de certitudine gratiæ, etenim si
 non iustitia, quæ in nobis sit, quæ mutabilis fuerit, sed iustitia Chri-
 sti, quæ certa & stabilis est, iusti sumus, & hæc cum sola, & nuda fi-
 de apprehenditur, nobis imputatur, nudæ autem fidei quisque sibi
 conficius esse potest, & eam habeat, sequitur, ut isti tradunt, ut quisque
 possit hac ratione de sua iustificatione certum habere. Sed aduer-
 sus superbiam istorum, qui sensu carnis suæ, sicut Apostolus ait,
 inflati, existimant se scire in gratia esse apud Deum, ut sunt quidem
 iustificati, ne quæ ab aliis scripta sunt, repetamus, de paucis locis,
 quæ nos obseruauimus, obiter admoneamus, ac primum quidem,
 quod dominus ait per Esa. cap. 43. peccatorum tuorum non recor-
 dabor, tu autem memento, sic enim est apud septuaginta, interpre-
 tans beatus Cyrillus in prophetæ huius comment. *ὅτι ἐξ* inquit *τῶν*
ἡλεωμένων τῶν τοῦ ἐλεοῦτος αἰνῶν εἰδέναι ἔχουσιν, ἐπὶ ἀφελῆς ἀκαθ-
αρῶν, καὶ οὕτως ἀποδοῦναι τοῖς ἀγαθῶν χάριτος ἀντιδοτέον, id est, nō finire eos
 qui consecuti sunt misericordiam, gratiam eius, qui miseretur, scire,
 idque ad vtilitatem sanctorum, studiose factum esse reperiemus.
 deinde subiungit, Vnde Dauid propheta canit, & peccatum meum
 contra me est semper, & rursus peccatum meum ego annuntiabo,
 & sollicitus ero pro peccatis meis. ergo ego (inquit) nō recordabor,
 recordare tu, confitere tu, firmam, ac stabilem fac meam obliuionē,
 scriptum est enim iustus accusator est sui in principio sermonis. &
 rursus, ne verearis confiteri peccata tua, non seruauit hoc præcep-
 tum phariseus, nemo enim est purus sordium, & in multis labimur
 omnes. hæc tamen Cyrillus. An non vident isti, quemadmodum san-
 ctissimus, idemque in scripturis sanctis eruditissimus Cyrillus plane
 affirmat, non sinere Deum, ut qui sunt per misericordiam Dei iusti-
 ficati, sciant se gratiam iustitiæ consecutos esse? multa enim criminis
 na nos latet, sicut Apost. ait, nihil mihi conscius sum, sed nō in hoc
 iustificatus sum, quod perinde est, quasi diceret, ut magnus Basilius
 interpretatus est, multa delicta committo, quæ committere me nō
 intelligo, sicut ait propheta, delicta quis intelliget? item sanctus
 Diadochus Episcop. Phouinensis c. 27. paucorum (inquit) est, pro

pria peccata cognoscere, eorum scilicet, quibus nunquam memoria Dei excidit. Ut enim oculi corporis cum recte valent, omnia possunt cernere etiam minutissima, ut culices, cum vero turbati, & suffusi sunt, non nisi quod grande est, sic animæ contingit. hæcenus Diadochus. Rursus idem Basilii in regul. brevioribus, ut in morbis (inquit) accidit multos quidem esse, quos non sentiunt, qui in eis sunt, tamen ii maiorem fidem adhibent medicis peritis, quæ suo stupori, similiter in morbis animi, id est, in peccatis, licet se quis non reprehendat, quod peccatum suum non sentiat, nihilominus tamē adhibere fidē iis debet, qui res eius peruidere melius possunt, quam ipse, quod ab Apostolis factum animaduertimus, cum enim de sua alios qui aduersus dominum sincera charitate nihil dubitantes, dici tamē sibi audissent, vnus ex vobis me tradet, maiorem domini verbis, quæ conscientia suæ auctoritatē tribuerunt, altercabantur enim ac dicebant, nunquid ego sum domine? item cum quis in alterum paulo commotus, ut sic loquitur, interim affirmans nihil sibi odii, aut inicitia in animo residere, credere potius (inquit) debet scripturæ, quæ dicit, ex abundantia cordis os loquitur. hæc Basilii. Quæ ergo ista certitudo gratia, si tam est difficile agnoscere peccata? aut quomodo non ista potius arrogans existimatio peccatorū est? cur non magis scripturæ credunt quam sibi? cum ait per personam Apostoli ad nostram doctrinam, nihil mihi conscius sum, sed non in hoc iustificatus sum, qui autem me iudicat, dominus est. in quem locum aspexisse nisi videtur idem Diadochus, quem paulo ante memini, cum ait c. 100. oportere ἀποστῆναι περὶ τῆς αἰνότητος τοῦ Θεοῦ, oportere, inquam, ut latine interpreter, acriter inteniatur & infixum esse in sensum confessionis, deinde subiungit, ne forte conscientia sibi mentiatur se suspicando, quantum satis sit, confessum esse, tamen enim nihil sibi conscius sit, idque habeat exploratisimum, tamen maius est (inquit) iudicium Dei nostra conscientia. huc etiam spectat quod sanctus Dorotheus de Agathone Abbate in libro de humilitate, & in libro de non insistendo sibi, narrat, rogatum aliquando, cur timeret prope moriens, respondisse, se hæcenus fecisse pro viribus Dei mandata, sed nescire, utrum quod fecisset, Deo placuisset, aliud enim esse iudicium Dei, aliud hominis. idcirco Salomon duo se ait à Deo petisse, alterum, ne gratiam à se, auferret, sic enim est apud septuaginta, alterum, ne in verbo offenderet, quod est, ut Iacobus ait, perfecti viri, quasi non satis esset nihil sibi conscius esse, ne vel bi quidem ociosi, ut quis sibi gratia

Dei confusus sit, quoniam sit Deus, qui nouit omnia, maior corde nostro. In hunc ergo errorem, & ceteros superiores Luterani inciderunt, quia neque verba sanctarum scripturarum considerate legunt, neque res verbis subiectas contemplantur, nec earum conuenientiam, neque rationes, neque causas aduertunt, quod omnibus hæreticis familiare est. Quare interpretabor hic latine. quæ magnus Athanasius aduersus eos scripsit, qui verborum scripturæ sanctæ τὰ σημαζόντων considerate aiebant non oportere, quod ea in istos maxime conueniant, qui quid fides sonet, quid iustitia, quid iustificatio legis, quid iustificari per fidem absque operibus legis, quid gratis iustificari, quid fidem per dilectionem operari, quid Christum pro nobis satis fecisse, & si quæ alia huiusmodi sunt, quæ ad hanc quæstionem de iustificatione spectant, quid, inquam, ista in scripturis sonent, & quid significant, neque considerate, nec intelligere volunt. Erga Athanasius fere (inquit) inuenti sunt, qui res omnes humanas euertere contendunt, audeantq; ne homines iam ratione utantur, ne uel quæ natura sua optima, & pulcherrima sunt, diligenter, & limare percalleant, quin potius omnia confundunt, & perturbant, verbis sanctarum scripturarum neque considerate, neq; recte, neq; pie, ut dicta sunt, acceptis. Etenim si quis, ut isti præcipiunt, quæ verbis significantur, non consideret, sed potius negligenter, & sine examinatione verborum audiat, quæ dicuntur, relinquitur, ut propheta, & Apostoli inanes sonos fundant, & sermo omnis inutilis existat, & vanus, & qui audiunt, nihil uile in animos mittant, sic enim præcipiunt, auribus quidem audire, corde uero non intelligere, neque consequentiam verborum perpendere, quod dominus minatus est, cum ait, auditu audietis, & non intelligetis, idcirco quod scriptum est, verbum caro factum est, cogunt audire tantum, pie uero intelligere non permittunt, quasi penes eos sit, trahere cuiusq; mentem, quo uelint ut quisq; intelligat, ut eis uidetur, non ut deceat & conueniat. Audiam ego verbum, & non quæram sententiæ conuenientiam? ubi igitur consistet aut rationis coherrentia, aut audientis utilitas? Fortasse iubent, ut in pecudes mutantur homines, siquidem inanis sonus uerborum aut sentientis est, nulla uero utilitas animo percipienda, non sic Paulus, qui de his docuit, nobis præcepit, ut temere, ac sine ratione, & sine discrimine aliquid acciperemus, sed quomodo? perfectorum (inquit) & solidus cibus, eorum, qui pro consuetudine exercitatos habent sensus ad discretionem boni, & mali. De perfectione consuluit, &

exercitationem laudauit, atque ut bonum à malo discerneremus, monuit. Sed quemadmodum prauum à recto discernere potest, quicquid ea valeant, quæ dicuntur, nō intelligit? Ut enim qui egrotat, ciborum suauitatem non sentit; neque gustu cuiusq; cibi saporem integre diiudicat, sic cuius sensus aut propter ignauiam, aut stoliditatem non sunt exercitati, gustat quidem sermones, sed eorū potestatem non sentit, neque vim subiectæ sententiæ percipit, omnia vero sine vllō discrimine, tanquam bestia, quicquid fortuito oblatum est, siue noceat, siue utile sit, assumit. Qui ne inter animalia quidem munda numerari potest, ut qui nō ruminet, neq; mansum cibum rationalem in hominē interiorem dimittat, imo potius neq; diuisum, neq; modificatum, cuius vitæ mala concoctio nocere magis, quàm prodesse potest. Ecquis ignorat quemadmodum qui ad coenam à potente inuitatus est, huic lex diuina iubeat, ut quæ apposta sunt, ratione spirituali consideret? Sic etiam non oportet inanes verborum sonos rapere, sed illud potius accurate, & studiose contemplari, quod est decorum Deo, quod utile nobis, quod cum lege consentiens, quod naturæ conueniens, quod veræ fidei, quod firmæ spei, quod charitatis integræ, & castæ, quod ab infamia alienum, quod ab inuidia liberum, & quod gratiæ dignum. Quæ omnia cum piis cogitationibus conueniunt, & sociata sunt, ut in eo probatum, ostensumq; est, quod scriptura ait, & verbum caro factum est: Denique ut summarim dicam, qui verba auditu percipit, sed quid valeant, non intelligit, quomodo intelliget, quæ inter se primo aspectu pugnare videntur? quomodo quæstiones apte explicabit? quomodo ad eas respondebit? quomodo seruabit, quod scriptum est, ut sciamus, quomodo unicuiq; respondere oporteat? hæcenus Athanasius. Hæc sunt Germani, quæ hoc tempore de Iustificatione post tot, tantosq; qui de ea pulchre scripserunt auctores, non ut æmuli, & laudis eorum obtrectatores, sed ut socii, & adiutores scribenda esse studio vestri existimauimus, vtilia illa quidem ut speramus, non tantum vobis ad permanendum in veritate, quos verbis beati Ioannis tanquam fratres monebo, videte vos metipsos, ne perdatis, quæ operati estis, sed vtilia etiam Luteranis ad redeundum in viam, quos verbis quoque eiusdem Apostoli, quæ sequuntur, monebo. Omnis, qui recedit, & nō permanet in doctrina Christi, Deum non habet. Si quis ergo venit ad vos Germani, & hanc doctrinam, quam ecclesia catholica tenet, & tenuit semper, non affert, sectasq; perditionis, ut ait scriptura, introducit, nolite recipere

DE IUSTIFICATIONE

eum in donum, nec aue ei dixeritis. Qui enim dicit ei aue conuictus
uens, & congaudens errori eius, & hæresi, ac non potius iustum
habet, ut qui huiusmodi est, eiiciatur ex ecclesia, tollaturq; de me-
dio, hic communicat operibus eius malignis, & tanquam socius, ac
particeps punietur, quem diuidet dominus in die illa,
partemq; eius cum infidelibus ponet, qui est
benedictus in sæcula.

AMEN.

CORRECTIONES.

Fol 4. pag. 1. ver. 39 proprie, & pag. 2. ver. 14. *καὶ τὸ πῶμα* f. 5. pag.
1. ver. 7. *ἀποδοῦναι* & ver. 23. concludunt, & ver. 27.
πᾶσι εἰς μὴν - eodem f. pag. 2. vers. 4. Theosthenem. f. 9. pag. 2.
vers. 34. *κρίσις* f. 10. pag. 2. ver. 22. *πῶμα* f. 16. pag. 1. ver. 6. sa-
cramentum fide. & pag. 2. ver. 13. *σὺ ἐγὼ* f. 18. pag. 2. ver. 10.
πῶμα f. 20. pag. 4. ver. 4. *πῶμα* f. 28. pag. 1. ver. 36. Iudæus,
f. 30 pag. 2. ver. 1. effunderet. f. 33. pag. 1. ver. 3. tantum. f. 34. pa-
2. ver. 27. quem. f. 41. pag. 2. ver. 39. Antichristis. f. 42. pag. 1. ver.
16. *ἀποδοῦναι* f. 42. pag. 2. ver. 12. is. f. 44. pag. 1. ver. 15. adhuc. f. 57.
pag. 2. ver. 17. ergo. f. 65. pag. 2. ver. 1. conscius.

Aduertat, qui hæc leget, (ut de hoc mihi à quibusdā caueam) quod
in cap. de iustificatione Abræ, & sæpe alias scriptum, & inculca-
tum est, non ex debito, sed ex gratia, ac misericordia Dei hominē
iustificari. de eo debito accipiendum esse, quod Pelagiani in me-
ritis humanis ponebant. quæ in schola dici solent ex puris natu-
ralibus, & quæ Paulus in epistola ad Romanos c. 4. opera securi-
dum carnem appellat.





Received of the Treasurer of the
County of [illegible] the sum of [illegible]
for [illegible]

and of the sum of [illegible]
for [illegible]

and of the sum of [illegible]
for [illegible]

and of the sum of [illegible]
for [illegible]

FRANCISCI TVRRIANI DOGMATICVS DE ELECTIONE DIVINA

AD OTHONEM TRVCHSEN. CARD.


AUGVSTANVM,

*



CRIPSERAM Otho, Card Ampliff. de Iu-
stificatione, tamen si nōdum publicaram, cū mi-
hi in mentem venit, vt etiam de Electione diui-
na, & eius causis aliquid scriberem. Quōd ele-
ctionem non ex fide tantum, sed ex operibus
qui fieri confiteatur, idem nos, non ex fide tm̄,
sed ex operibus iustificari confiteatur, necesse

est. Vnde enim quis ad gratiam adoptionis filiorū Dei, & iustitiā, ac
sanctificationis electus est, inde ad gratiam istam vocatus est. Et vn-
de vocatus, inde iustificatus. Sic autem scribam, vt subtili, & spinoso
disputandi genere remoto, quo tota hęc hactenus quęstio nō me-
diocriter obscurari solebat, ad liquidos illa quidē scripturę sanctę
fontes reuocetur. Qui locus non tantum Luteranis necessarius est,
sed etiam plerisq; nostrum vtilis. Neq; enim qui nos ex fide tantum
iustificari tradunt, sed multi quoq; eorum, qui non ex fide tantum,
sed ex operibus, causam omnem electionis diuinę sustulerunt. Tas-
met si vtriq; si consentanea disciplinę suę dicere voluissent, debe-
bant illi quidem, ex fide ista sua ꝑ. l. causam electionis ducere, nos-
tri vero ex fide, & operibus. Rursus enim ex eo iustificatur aliquis,
vnde vocatus est ad iustitiā, & ex eo vocatus, vnde priusq; esset,
electus est, vt vocaretur, & inde electus, vnde præcognitus. Huius
vero quęstionis explicatio, quā difficilis ā nostris diu habita sit,
testes sunt tam multi de ea scripti libri. Rursus quā olim facilis
haberetur, coniecturam ex silentio veterum auctorum facere licet.
Græci enim patres magno consensu ex nostris bonis operibus fu-
turis, tanquam Dei donis ex æternitate præcognitis, prædestinatos
nos esse tradiderunt. Quos quidem tanquam magistros, vt ceteros
taceam, secutus est ex veteribus sanctissimus, idemq; doctissimus
Ambrosius. Sed inter veteres Augustinus, summa item sanctitate,
multaq; doctrina, & acri ingenio auctor, plerisq; visus est ā maiore



ribus dissentire. q̄ Pelagianos humanorum meritorum patronos,
 ac defensores non minus vehementer, quàm catholice oppugnās,
 qui traderent pro humanis meritis gratiam tribui, ac propter merita
 nostra prauisā, quæ à nobis incipiant, nos prædestinari, ita se totū
 in istius prauisionis humanorum meritorum confutationem effusa
 dit, vt omnium operum prauisionem à ratione prædeterminationis
 remouere videretur. Verum non sustulisse præcognitionem meri-
 torum, quæ à Deo incipiant, & nobis secundum propriam virtutē
 voluntatis sequentibus, & cooperantibus donentur, ipse enim ope-
 ratur in nobis velle, & perficere pro bona voluntate, ex infinitis lo-
 cis eius intelligi potest, si quis enim attente, & accurate legat, vt nus-
 per legit, & obseruauit quidam catholicus, & eruditus auctor. Qui
 postquam Augustinum cum Ambrosio cōcordare sermone inter
 eos more dialogi vtro, citroq; habito, grauit̄, & acute demonstra-
 uit, plurima loca ex variis Augustini libris in vnum contulit. Ac po-
 tuisset quidem plura si voluisset, sed illa vñ sunt, & quidem merito
 nimis multa in re multis competita. In eo itaq; lib. quem de præde-
 „ stinatione sanctōꝝ aduersus Pelagium scripsit Aug. Elegit nos (in-
 „ quit) Deus in Christo ante mundi constitutionē, prædestinans nos
 „ in adoptionem filioꝝ, non qui i per nos sancti, & immaculati futuri
 „ eramus, (hoc enim Pelagianorū erat) sed quia (inquit) per Dei gra-
 „ tiam sancti, & immaculati futuri eramus. Et rursus, Nani quid est q̄
 „ Apost. ait, sicut elegit nos in ipso ante mundi constitutionem quod
 „ profecto si propterea dictum est, quia præsciuit Deus credituros,
 „ scilicet per se (quod Pelagiani dicebant) & non quia facturus erat
 „ ipse credentes (idest credituri per Dei gratiam) contra præscientiam
 „ loquitur filius dicens, non me elegistis, sed ego elegi vos. Cum po-
 „ tius hoc præscierit, (vt Pelagiani volunt) quod ipsi eum electuri
 „ erant, (scilicet suis viribus) vt sic ab illo eligi mererentur. Deinde
 „ subiungit, Electi itaq; sunt ante mundi constitutionem ea prædisti-
 „ natione, in qua Deus sua futura facta præsciuit. Vt iam ista futura
 „ siue præmissa facta, quæ nostra, idest, humana sunt, quæ Pelagiani
 „ defendebant, tollere quidem videatur August. relinquere vero quæ
 „ Dei sunt, & nostra, vt sunt opera bona. Et rursus in eodem libro,
 „ Cum ergo nos prædestinauit, opus suum præsciuit, qui nos sanctos
 „ & immaculatos facit. Et libro secundo de bono perseverantiæ, cap.
 „ 14. An (inquit) quisquam dicere audebit Deum non præscisse quis-
 „ bus esset daturus, vt crederent? aut quos daturus erat filio suo, vt
 „ ex eis non perderet quemq;? Quæ vtiq; si præsciuit, beneficia sua,

quibus nos dignatur liberare, præsciuit. Hæc prædestinatio san-
ctorum nihil aliud est, quàm præscientia scilicet, & præparatio be-
neficiorum, &c. Quæ si præsciuit sua beneficia, quibus nos dignatur
liberare, ergo quibus nos dignatur eligere ad iustitiam, & salutem,
& liberationem, qui sunt proprii fructus prædestinationis. Quare
beneficia ista præscita, quæ Deus in nobis operatur, antecedunt
quidem tanquam causa quædam prædestinationem. Denique cum
in eodem libro Cypriani, & Ambrosii de gratia prædestinationis
doctrinam, & prædicationem laudet aduersus Pelagium, qui ex
præiis humanis meritis gratiam hominibus prædestinari trades-
bat, quis possit suspicari Augustinum ab Ambrosio de ratione præ-
destinationis dissidere? Sed videamus quid de illis Augustinus di-
cat, unde supradicti (inquit) tractatores excellentissimi diuinorum
eloquiorum (nominat autem paulo supra Cyprianum, & Ambrosium)
& gratiam Dei veram, sicut prædicanda erat, prædicarunt, id est,
quam nulla merita humana præcedunt, & ad faciendâ diuinâ præ-
cepta instantèr hortari sunt. Et paulo post, recitans testimonium
horum sanctorum, Et beatus (inquit) Ambrosius cum exponeret
quod ait Lucas Euangelista, visum est mihi, potest (inquit) non soli
visum esse, quod sibi visum esse declarat, non enim voluntate tan-
tum humana visum est, sed sicut placuit ei, qui in me loquitur Chri-
stus. Qui ut id, quod bonum est, nobis quoque bonum videri pos-
sit, operatur, quem enim miseratur, & vocat. Et ideo qui Christum
sequitur, potest, interrogatus, cur esse voluerit Christianus, respon-
dere, visum est mihi, quod cum dicit, non negat Deo visum, a Deo
enim præparatur voluntas hominum. Ut enim Deus honorifice-
tur à sancto, Dei gratia est, &c. Quod si non ex meritis humanis, sed
ex misericordia, id est ex eo, quod ipse in nobis operatur, vocat, er-
go ex eo prædestinat, & eligit, quos enim prædestinauit, hos & vo-
cauit. Denique in eo libro, quem postremo ad Simplicianum de re
hac cautius, & attentius se ait scripsisse, non contentum, ut ille ait, in
quisitione, & explicatione præterita, nequid in ea negligentius
præterisset, post multam, & acrem disputationem, & Academicis si-
milem, quæ ideo non est ad intelligendum facilis, sic ait, Unde
quod dictum est, quia elegit nos ante mundi constitutionem, non
video quomodo sit dictum, nisi præscientia. Hic autem quod ait,
non ex operibus, sed ex vocante dictum est ei, quia maior seruiet
minori, non electione meritorum, quæ post iustificationem gratiæ
proueniunt, sed liberalitate donorum voluit intelligi, ne quis de

operibus extollatur, &c. Docet ergo Augustinus elegisse Deum ad iustitiam ante mundi constitutionem, non quidem præscientia meritum illorum, quæ iustificationem sequuntur, sed præscientia donorum suorum antecedentium. Quæ autem dona ista sint, declarat paulo post, Vt velimus (inquit) & suum esse voluit, & nostrum, suum vocando, & nostrum sequendo. Dona itaque intellexit gratiam antecedenter mouentem, quæ multiplex esse potest. Quod magis adhuc declarans, rursus in extremo libri sic cõcludit, Restat ergo, vt voluntates eligantur, sed voluntas ipsa, nisi aliquid occurrerit, quod delectet, atque inuitet animum, moueri nullo modo potest, vt autem occurrat, non est in hominis potestate. Docet igitur Aug. si antecedentia cum consequentibus neantur, eligisse Deum ad iustificationem præscientia gratiæ suæ mouentis, & voluntatis nostræ gratiam mouentem sequentis, ita vt ex donis Dei coniunctis cum nostræ voluntatis operatione, & obedientia tanquam ex causis electio diuina existat. Esto igitur ista paucorum locorum notatio instar multorum. Plura enim qui volet in promptu habere, & vt dicitur, ad manum, legat docti, & acuti auctoris, quem paulo ante memini, theologicos dialogos, in quibus satis ille quidem considerate, ac diligenti obseruationis studio Aug. cum Ambrosio in ratione prædestinationis consentire docuit. Idem ante eum senserunt Enrichus Gandauensis quorund. vii. q. v. & Thomas Argentinus 1. sent. dis. 14. Ceteri vero scholastici dum traderent nihil in ratione prædestinationis præter Dei voluntatem requirendum esse, sequi se Augustinum falso illi quidem existimarunt. Augustini ergo sententiam in eo, quod Pelagium de profana iactatione meritum humanorum accusat, quasi Deus illis ante visis gratiam iustificantis homini prædestinaret, omnes catholici vno sensu, & iudicio secuti sunt semper. Præsciebat enim (ait Pelagius) qui futuri essent sancti, & immaculati per liberam voluntatis arbitrium, & ideo eos ante mundi constitutionem in ipsa sua præscientia, qua tales futuros esse præsciuit, elegit, utique ipse non fecit, neque se facturum sed illos futuros esse præuidit, &c. Hæc erat Pelagianorum hæresis, vt Pontifex Gelasius in epist. ad Honorium testatur, damnata ante eum a sanctis Pont. Innoc. Zosimo, Bonif. Celestino, Sixto, Leone, imo etiam legibus Imperatorum, vt idem ait, cautum, ne vsquam terrarum viuendi locum sectatoris eius habere sinerentur, Hanc sanctissimus pater August. patrociniis gratiæ antegredientis,

quam illi superbe, & profane tollebat, suscepto catholice refellens
„ Cernitis (inquit) proculdubio cernitis quanta manifestatione Apo-
„ stolici eloquii defendatur hæc gratia, contra quam merita extollun-
„ tur humana, tanquam homo aliquid prior det, vt retribuat ei, &c.
„ Deinde subiungit, Elegit ergo nos Deus in Christo ante mundi
constitutionem prædestinans nos in adoptionem filiorum, non
quia per nos sancti, & immaculati futuri eramus. Hoc enim erat
quod falso, & hæretice Pelagiani tradebant, quasi opera bona à
nobis inciperent, propter quæ tanquam humana merita gratia tri-
bueretur, ac tribuenda prædestinaretur. Relinquebat igitur Augu-
stinus in præscientia Dei ad rationem prædestinationis opera bon-
na non illa quidem à nobis primum coepta, sed à Deo nobis eum
sequentibus. Nos enim præeuntem, vt idem nobis iubet, sequimur,
si vt nos in gratiam suam vocet, & admittat, velimus. Verum hoc ne
pleriq; nostrorum scholasticorum aduerterent, in causa fuit, qd le-
gebant ab Augustino retractatum, quod idem de electione Iacob
„ scripserat inquit, Nō ergo elegit Deus opera cuiusq; in præscien-
„ tia, quæ ipse daturus est, sed fidem elegit in præscientia. Deinde
„ subiungit, Vt quem sibi crediturum esse præsciuit, ipsum elegerit,
„ cui spiritum sanctum daret. Hoc inquam August. retractauit, sed
quo sensu retractasset, non magis illi quidem intellexerunt, quam
intellexerat magister sententiarum, cuius se ipsum tanquam magistri,
omnes fere vt discipuli arripuisse videntur. Sic enim in primo lib.
„ sent. dis. 4. 1. scripsit, opinati sunt tamen quidam Deum ideo elegerisse
„ Iacob, quia talem futurum præsciuit, qui in eum crederet, & ei ser-
„ uiret. quod aliquando (inquit) Augustinus se sensisse dicit in lib. re-
„ tract. Hæc ille nihil amplius explicans, imo fortasse neq; intelligēs
„ quid Augustinus, & quo sensu retractasset, quod Enrichus quosq;
„ Gand. se ait mirari. Correxerit quidem Aug. quod aliquando existi-
marat proficisci electionem ex præcognitione fidei quasi operis hu-
mani, vt ex ipso cap. 23. lib. 1. retract. perspicui potest, sic enim retra-
ctando quod dixerat, ait, Profecto non dicerem, si scirem ipsam fi-
dem inter Dei munera reperiri. Et lib. 1. de prædest. sanct. c. 3. vbi
eandem retractionem repetit, Quid (inquit) habes quod non ac-
„ cepisti, quid gloriaris quasi non acceperis? Quo præcipue (inquit)
„ testimonio etiam conuictus sum, cum similiter errarem putans fi-
„ dem, qua in Deum credimus, non esse donum Dei, sed à nobis in-
„ nobis, & per illam nos impetrare Dei dona, quibus temperanter, &
pie, & iuste viuamus in hoc sæculo, &c. Error itaq; August. fuerat,

q̄ existimarat aliquando esse in nobis ex nobis initium merendi,
 quod esset fides, & hoc Deum quasi meritum proprium præcogno-
 scere in homine ad eum eligendum. Quo errore correcto relin-
 quitur sensisse deinceps, vt quem præsciuit Deus crediturum non
 quidem suis viribus, qui fuerat superior error, sed per Dei gratiam,
 fides enim Dei donum est, hunc elegerit. Similiter dicatur in præ-
 scientia operum fidei, cū dona item Dei sint, ipse enim est, qui ope-
 ratur in nobis, sicut Apost. ait, velle, & perficere pro bona volunta-
 te. Quando ergo existimabat Aug. Deum in eligendis præcogno-
 scere propria eorum merita, & talem existimabat fidem, quasi a no-
 bis inciperet, quæ deinde cetera bona opera à Deo impetraret, quæ
 ipse nobis cooperantibus daturus erat, tunc dixit, Non ergo elegit
 opera cuiusquam in præscientia (quasi illam non esset daturus) De-
 inde subiunxit, vt quem sibi crediturum esse præsciuit (scilicet suis
 viribus) ipsum elegerit, quasi ex meritis propriis humanæ carnis
 præcognitis homo eligeretur. Vt enim Leo Magnus in epist. 84.
 contra Pelagianos, & Celestianos scribit, naturali industria gra-
 tiam præueniri putabant, cum potius, vt idem Leo ait, origo meri-
 torum gratia sit. Rursus vero quando intellexit idem Aug. fidem
 esse Dei donum, simul intellexit non ex meritis humanis, sed ex me-
 ritis, quæ Deus homini donaret, id est, quæ in homine, & cum homi-
 ne operaretur, eligi, vt quem sibi crediturum dono Dei præsciret,
 ipsum eligeret. Vt similiter intelligatur in operibus fidei, quæ Dei
 quoq; dona sunt, vt quem præsciuit facturum opera Dei, ipsum ele-
 gerit. Hæc est vis, & sententia retractationis Augustini. Quam nū-
 per ante me doctus ille, & acutus auctor, quem supra semel, & ite-
 rum memini, licet nimis breuiter, in suis dialogis attigit, credo q̄
 existimaret satis esse vel leui animaduersione notare. Idē multo ante
 Enrichus Gandauensis quotl. viii. q. v. notarat, scilicet quod Aug.
 retractasset, accepisse eum de merito fidei informis, quam credebatur
 (inquit) esse ex nobis, quod vero Roma. i. x. de Iacob, & Esau ante
 opera vlla altero odio habito, altero dilecto sic dixisset, Præscientia
 Dei hoc factum est, quia nouit etiam de nondum natis qualis quisq;
 futurus sit, nusquam hoc retractasse. In eandem sententiam Tho-
 mas quoq; Argentinas quod dixit Aug. in lib. 3. q. Sed hæc volun-
 tas Dei iniusta esse non potest, venit enim de occultissimis meritis,
 nusquam hoc retractasse asseuerat, neque discrepare quod in libro
 de prædest. dixisset, non quia futuros nos tales præsciuit, ideo ele-
 git, sed vt essemus tales, esse enim hic meritorum homonymiam

quam vocant acquiuocationem . Tamen si illud parum cohæret in hoc auctore, vt hoc quoque obiter notemus, quod idem tradit ad ratiocinationem suam respondens, bonum vsum liberi arbitrii bonitate morali ex puris naturalibus, idest, ex nobis cum communi, & vniuersali Dei influenza (sic enim loquitur) causam prædestinationis esse, nõ autem bonum vsum liberi arbitrii [meritorum etiam de congruo, hunc enim effectum potius esse. Cum tamen approbet, quod August. dixit, voluntatem Dei prædestinantem non esse iniustam, venire enim de occultissimis meritis, & quod Anabr. scripsit, ei misericordiam dabo, quem præscii post errorem recto corde reuersurum ad me . Etenim si conuersio peccatoris ad Deum secundum præscientiam causa est meritoria prædestinatæ misericordiæ, non ex nobis, sed ex dono Dei, quemadmodum [tradit bonũ vsum liberi arbitrii ex nobis causam esse prædestinationis ? Rursus quomodo negat omne genus meriti in causis prædest. si concedit quod August. dixit venire de occultissimis meritis ? In hanc ergo repugnantiam, & inconstantiam incidit, quia nõ distinguit prædestinationem, vt nos paulo post distinguendam esse plane docebimus . Sic enim facile ad ratiocinationem suam respondisset, cum aiebat nihil quod est effectus prædest. potest esse causa eius, sed bonus vsum liberi arbitrii est effectus prædestinationis, ergo non est causa eius. Hæc ergo Augustini retractatio, vt à tam paucis scholasticis intellexeretur præter eam causam, quam magistri sententiarum auctoritas & opinio præiudicata præbuit, accessit alia Augustini propria, qui interdum, nisi valde attente relegatur, pugnare secum videatur, cum minime pugnet . Huius generis est, quod in eodem libro de prædest. sanctorum tradit, illud Non me elegistis, sed ego elegi vos significare non quidem electos esse, quia præcognouisset Deus futuros esse eos p fidem aptos, & idoneos ad electionem, sed electos esse, vt crederent, quod per Dei gratiam fieret . Hoc autem quis nõ cernit cum eo videri discrepare, quod idem in lib. retracta. docuit, vt ante explicauimus, vt quem præsciuit crediturum, scilicet dono Dei ipsum elegerit, cui spiritum sanctum daret ? Adde q̃ non semel aut iterum, sed sæpe affirmat gratiam Dei, quæ nobiscum operatur (de hac enim loquitur) effectum esse prædestinationis, quod necesse est tollat præscientiam operum bonorum ante prædestinationem, si opera bona sine Dei gratia, quæ prædestinationẽ sequitur, fieri non possunt . Quare ne pugnantia dicat, vt quidem non dicit, necesse est, quamuis dissimulare videatur, vt de duplici electione, ac

prædestinatione loquitur. vt quidem loquitur, quod statim doce-
 bimus. Sic enim ait in lib. de prædest. c. 17. Nō me elegistis, sed ego
 " elegi vos, & ipsi quidem (inquit) proculdubio elegerunt eum, quan-
 " do crediderunt in eum, vnde non ob aliud dicit, non vos me ele-
 " gistis, sed ego elegi vos, nisi quia nō elegerunt eum, vt eligeret eos.
 " Deinde subiungit, sed vt eligerent eum, elegit eos. Declarat autem
 statim quomodo elegit eos, vt eligerent eum, quia misericordia (in-
 quit) eius præuenit eos secundum gratiam, nō secundū debitū, &c.
 Quare si elegerunt eum, quando crediderunt in eum, crediderunt
 autem per gratiam eius, quam eis dedit ad credendum, & dare eis
 gratiam istam ad credendum, quam bonitate sua sine vllis meritis
 dedit, fuit eligere eos, sit, & dicatur electio ista, electio bonitatis, siue
 electio antecedens, sitq; huius electionis, siue prædestinationis an-
 tecedentis effectus gratia ista ad credendum, & operandum, quæ
 etiam gratia antecedens, siue operans dici potest. Rursus vero cum
 ait, Quem præsciuit crediturum scilicet per gratiam Dei, ipsum ele-
 git, cui spiritum sanctum daret, vt bona operando etiā vitam æter-
 nam consequeretur, de alio iam electionis genere loquitur. Quæ
 electio iustitiæ, siue electio sequens dicitur, q̃ sequatur merita, id est
 fidem, & opera fidei, quæ Deus dat nobis, vt iuste ex eis non secun-
 dum debitum, sed secundum gratiam eligamur, & ad iustitiam, &
 sanctificationem vocemur, & electi, ac vocati iustificemur, ac sancti-
 ficemur, & iustificati tandem glorificemur. Quare sit huius prædis-
 tinationis effectus gratia iustificans, aut gratificans, siue gratia se-
 quens ex eo dicta, q̃ sequatur fidem, & opera fidei, ex quibus ad
 gratiam istam iustificantem vocemur. Ne vero ego primus distin-
 ctionem istam excogitasse vlli videar, aut sine auctore & quidē nō
 vulgari loqui, sic beatus Ioannes Damascenus voluntatem Dei, quæ
 alioqui vna est, & simplicissima, eademq; bona semper, & iusta, se-
 cundum differentiam tamen, quæ in effectis est, duplicem esse tra-
 dit. Vna est bona voluntas, siue beneplacitum bonitatis (sic enim
 vocat in lib. contra Manicheos, quem *ὁ θεὸς ἀγαθὸς* inscripsit) cuius
 mihi meminisse videtur Apost. 2. Thess. c. 1. cum se ait Deum præ-
 cari, vt impleat in eis *πᾶσαν ἐκδοκίαν ἀγαθῶν*, id est omnem bon-
 nam voluntatem bonitatis, siue omne beneplacitum bonitatis. De
 qua voluntate idem Damascenus accipiendum esse ait, quod idem
 Apost. scripsit, Velle Deum omnes homines saluos fieri. Nihil enim
 est, quod bonitati eius facere conueniat, vt omnes salui fiant, quin
 fecerit, & faciat semper. Quæ voluntas ab eodem Damasc. & aliis
 ecclesie

aliis ecclesiasticis auctoribus vocatur etiam bona voluntas *προπορευουσα*, idest, antecedens, ipse enim prior dilexit nos, & idem est principium vniuersi boni operis. Altera est bona voluntas iustitiæ, quæ est bona voluntas retribuendi iuste secundum præcognitionem meritorum, qua voluntate non omnes homines vult saluos fieri, sed eos, qui gratiæ Dei iustificanti non defunt, hi enim sunt secundum beneplacitum eius digni salute, & hos iustum est eam consequi. De hac bona voluntate iustitiæ meminit Euangelium in parabola de operariis, qui enim dixerat prius, Quod iustum est dabo vobis, idem paulo post dixit murmuranti in illius patris familias iustitiam, An non licet mihi quod volo facere? Quod perinde est, quasi diceret, an non est iustum, quod volo? Sit ergo hæc voluntas iustitiæ, qua Deus bene de se merentes, idest ex fide, & operibus bonis ad iustitiam, & amicitiam suam vocat iuste, vt sit ipse iustus, & iustificans eum qui ex fide est. Quæ eadem etiam dicitur bona voluntas *επορευουσα*, idest sequens, quæ sequatur bona opera, quæ nobiscum ipsius gratia prius operatur in nobis. Similiter distinguenda est dilectio Dei, vt sit altera antecedens, siue bonitatis, qua nos cum impii essemus, prior dilexit, imo qua cuncta diligit, aut fabricatus est, qui vt ait Sapi. Salom. nihil odiens constituit, aut fecit. Altera est dilectio iustitiæ, siue dilectio sequens, qua iuste diligit diligentes se, vt ipsa sapientia patris testatur, & idem dominus in euangelio, Qui me, inquit, diligit, diligitur à patre meo. Ad hunc modum distinguenda quoque est in scripturis prædestinatio. Etenim si duplex est bona voluntas, altera antecedens, siue bonitatis, altera sequens, siue iustitiæ, prædestinationem vero vocat scriptura bonam voluntatem, vt Diony. Areop. in diu. nomi. c. 5. notauit, sequitur, vt duplex ite sit prædestinatio, vna bonitatis, siue antecedens, altera iustitiæ, siue sequens, ex eo dicta, quæ præcognitionem fidei, & operum sequatur, vt paulo post demonstrabimus, vnde prædestinatio secundum præcognitionem dicitur. Similiter dicatur de electione, quæ est virtus, & proprietas prædestinationis, vt idem Diony. tradit, ait enim prædestinationem esse *προβλεψιν* & *απορριψιν*, idest, habere vim efficiendi, & segregandi, hoc est eligendi, hoc. n. significat in scriptura segregare, Vt Paulus cum placuit (inquit) ei qui me *αφωρεσε*, idest, segregauit ex vtero matris meæ, qui me inquam elegit, antequam natus essem, prædestinat enim Deus eligendo. Similiter distinguatur vocatio, vt altera sit antecedens, siue bonitatis, qua vocat omnes ad salutem, faciens quæcumque pro bonitate sua facere debet, vt oē

salui fiant. De qua vocatione dictum est illud in parabola euangelii, Multi Vocati. Altera sit vocatio iustitiæ, quæ in scriptura dicitur vocatio sancta, vocatio coelestis, & vocatio secundum propositum, siue prædestinationem. Qua vocatione vocat non populum populum suum, faciens non suos suos, vocat inquam ad adoptandum in filios secundum spiritum ex fide. Dicatur etiam hæc vocatio sequens, quæ sequatur fidem, & opera fidei, ex quibus iuste non secundum debitum, sed secundum gratiam ad gratiam iustificante vocamur. Qua vocatione pauci vocantur iuxta parabolam euangelii, quæ ait, Paucos esse electos, Quos enim prædestinavit, ac elegit, ut conformes fierent imagini filii sui, qui sunt pauci, hos & vocavit ad gratiam istam adoptionis. Prædestinatio ergo ista sancta, quam scriptura vocare solet, tum *προορισμὸν*, idest, præordinationem siue prædestinationem, tum *ἀγαθὴν*, idest bonam voluntatem, siue beneplacitum, tum *πρόθεσιν*, idest, propositum, ut s. Maximus in scholiis Diony. de diuinis nominib. c. v. obseruauit, nihil aliud est, quàm Dei propositum, siue consilium, siue voluntas, aut sententia de futuris secundum præcognitionem. Sic enim idem Io. Damasc. in Oplotheca contra Manicheos *προορισμὸν* diffiniuit, *κρίσιν ἢ ἀπόφασιν ἐπὶ τοῖς ἐσπόμεναις*, idest, iudicium, & sententiã de futuris. Deinde subiungit *προεγγραμμένος ὁ θεὸς τὰ ἐσόμενα ἐφ' ἡμῶν, προεγίγει τὰ ἔνθα ἐφ' ἡμῶν*, idest, præcognoscens Deus futura in potestate voluntatis præordinat, quæ sunt extra nostram potestatem. Futura in potestate voluntatis vocavit virtutes, non quæ virtutes sanctas nos ex nobis operari possimus, sed quæ in nostra potestate situm sit gratiam Dei operantis cooperando sequi. Posita vero extra nostram potestatem dixit, iustitiam sanctificationem, remissionem peccatorum, salutem animæ, æternam vitam, hæc enim solus Deus operatur in iis, quos per fidem, & opera fidei dignos effecit ipsis cooperantibus & secundum virtutem propriam iuxta parabolam euangelii negotiantibus. Itaque ut voluntate antecedente, siue bonitatis, omnes homines vult Deus saluos fieri, sic prædestinatione antecedente, & bonitatis, ac generali, simili item vocatione omnes prædestinat, & vocat ad salutem. Ex quibus quidem ii, qui gratiæ huiusmodi prædestinationis, ac vocatiõis antecedentis non desunt sequendo præeuntem, & admittendo lumen in omnium hominum oculos bonitate Dei incurrens, iidem digni existunt prædestinatione, & vocatione sequente, quæ est prædestinatio, & vocatio iustitiæ. Ita ut prædestinationis sequentis effectus sint maxima illa, & pretiosa promissa

adoptionis, iustitiæ, remissionis, salutis animæ, & coelestis hereditatis, quæ Deus nobis per fidem, & virtutes fideles donauit. Ea vero omnia, ex quibus gratis vocamur vocatione sequente, siue iustitiæ ad gratiam istam adoptionis, & ceterorū omnium, quæ adoptioni annexa sūt, quæ Deus bonitate sua nobiscū operatur in nobis, nihil in nobis ex nobis tanq̃ meritum eorū antegressum præcognoscens, effectus sunt antecedentis prædestinationis, vt tum fides, ac fidei op̃a & gratia Dei, quæ hæc nobiscū in nobis operatur, tum ad gratiā istam operantem aptitudo, siue dispositio, quæ à gr̃cis *πρόθυμία*, & *ἐμπροσθεν* dici solet, quæ ad initium boni operis pertinet. Vt. n. ait Clem. Alexand. in vi i. Strom. de causis, omne quod operatur, præbet effectum cum aptitudine, disponit enim (inquit) causa. *Quare* falsum est, vt hoc quoq; obiter admoneamus, quod Cassianus, & Io. cognomento Climax, & alii auctores magni alioqui, & cathorici nominis semina virtutum nobis insita esse voluerunt. Quid enim aliud est hoc, q̃ initia bonorum operum, quæ Dei dona sunt, nobis quod Pelagianorū est, tribuere? Cum potius aptitudo, & dispositio ista, quæ insit seminis principium est bonæ frugis, ex Deo sit, & effectus prædestinationis antecedentis. Falsum itē, quod Petrus Chrysologus auctor quoq; antiquus, & sanctus sermone s. ait primā voluntatem reportare a Deo bona, mala uē, quasi nos prius demus Deo, vt retribuatur nobis, aut quæ ista quæso prima voluntas erit, quæ à Deo reportat bona? Simile est, quod beatus Hiero. in cōmēt. Eze. c. 1. scripsit, initia voluntatis in nobis esse, perfectionem vero beatitudinis à Deo nos consequi. Et quod Optatus Afer in libris contra Marc. tradit. omnes nos esse semiperfectos, nostrum esse currere, Dei autem perficere. Videtur enim, cum nos semiperfectos dixit, initia voluntatis in nobis posuisse, vt Hierony. Rursus falsum est, quod Faustus Aug. discip. lib. 2. de libero arb. tradit, aliquando in mediis dispositionibus nostris voluntatem antecedere desiderio gratias speciales, idcirco enim rogasse dominum in euangelio eum quem sanare volebat, an vellet sanus fieri, cum potius Deus det desiderium, vt quod ipse vult nos velle, id velimus. In hoc etiam errore confessus est Aug. se aliquando fuisse. Libenter hæc obiter obseruauimus, & aduersus Luteranos notata esse voluimus, qui nos tanq̃ Pelagianos calumniari solent, vt intelligant quā longe ab eis distemus. Cum igitur Deus ex æternitate aptitudinem, siue dispositionem istam ad gratiam operantem, & gratiam ipsam operantē prædestinatione antecedente, siue bonitatis nobis prædestinauit, profes-

grat.

no est.

cto bona opera nobis præparauit. Sicut Apost. in epist. ad Ephē. creati (inquit) scilicet creatione spiritali per lauacrum regenerationis in operibus bonis. Deinde subiungit quæ præparauit Deus vt in eis ambulemus. præparauit inquam prædestinando. Hoc est, quod Salom. ait prouer. viii. loquens enim de bonis operibus, Beatus (inquit) vir qui audierit me, & homo, qui vias meas seruauerit, vigilans ad ianuas meas semper, custodiens limina meorum ingressuum, Exitus enim mei exitus vitæ. Aptitudinem ad bonū opus & boni operis initiū, ac deinde consumationem, quæ salutem animæ parit, quæ sunt omnia ex Deo, tropice vocauit ianuam, & ingressum, & exitum. Necessē est autem qui velit saluus esse, vt huic triplici gratiæ Dei non desit aprati nos ad bonum opus, & operandi in nobis, & perficienti. Ipse enim est ostium boni operis, ipse facit aditum, & progressum, ac exitum eius, siue consumationem, quæ exit in iustitiam, cuius fructus, ac virtus propria est salus, & vita animæ. Ideo enim ait, exitus mei, exitus vitæ. Qui quidem locus cum eo conuenit, quod Dominus in euangelio Io. dixit, per me tanquā per ostium si quis introierit, scilicet ad credendum, & operandum fidem, ingreditur, & egreditur, idest, incipiet, & cōsumabit, & pascua inueniet scilicet vitæ. Quod enim Salom. dixit vitam, dixit hic Christus pascua, vt intelligamus pascua vitæ æternæ. Deinde subiungit Salo. voluntas scilicet bona (de hac enim loquitur) à domino *ἐξ ἐμοῦ ἐστὶν*, idest, paratur. Quam hic dixit Salo. voluntatem, Paulus dixit opera, cum ait de operibus bonis, quæ *πρὸς τὸ μᾶλλον*, idest, præparauit Deus, vt in illis ambulemus. Solet enim scriptura voluntatem pro operibus dicere, vt cum ait facere voluntates carnis pro eo, quod est opera carnis. Rursus pro eo, quod Salo. dixit paratur, Paulus dixit *πρὸς τὸ μᾶλλον*, idest, præparauit Deus, quod ad prædestinationem refertur. In quo dicere licet, quod beatus Fulgent. ait in libris ad Monimum, explicans enim quod ex Salomone his verbis citat, Voluntas à domino præparatur, quasi græce legisset *πρὸς τὸ μᾶλλον*, nōn ob aliud (inquit) præparata dicitur, nisi quia danda prædicatur, similiter dicamus de operibus bonis à Deo præparatis, non ob aliud præparata dicuntur, nisi quia danda prædicuntur, vel melius fortasse quā Fulgentius, nisi quia danda præordinantur. Nihil est enim nouum sub sole dixit Ecclesiastes, quid est (inquit) quod fuit! ipsum quod futurum est. Vt rursus intelligamus, vt idem Fulgent. legit, quid est, quod futurum est! ipsum quod fuit, sicut ait propheta Esa. c. 45. de Deo, qui fecit futura. Quem lo-

cum explanans idem Fulgent. in eisdem libris, in illa quippe ait in mobilitate consilii sui secundum beneplacitum suum, quod proposuit in eo in dispensatione plenitudinis temporum instaurare omnia in Christo quæ in cælis. & in terra sunt in ipso, ex æternitate dispositionis suæ iam fecit, quæcunque effectu operis tempore cōgruo facienda disposuit, illa enim sempiterna voluntas nunquam mobilitati subiacet &c. Ergo vt ad propositū redeamus, gratia Dei, quæ operatur in nobis velle, & perficere opera bona, & beneplacencia, vt Apost. vocare solet, quæ Deus præparauit prædestinando, siue præordinando nobis in salutem secundum beneplacitum suum, & aptitudo ad gratiam istam capiendam effectus sunt prædestinationis antecedentis, quæ est bonitatis Dei, ad quam prædestinationem pertinet hæc bonorum operum præparatio. Rursus hæc ipsa bona opera computantur nobis gratis ad iustitiam. Quæ cum sit extra nostram potestatem, solus enim Deus est, qui iustificat impium. hanc rursus prædestinat nobis, si quidem præcognouerit in nobis fidem, & opera. Quæ, vt dixi, ad hanc gratiam iustificantem iuste computantur secundum liberale pactum misericordiæ, & benignæ promissionem benedictionis, quam fecit Deus filiis promissionis, idest, natis secundum spiritum ex fide per dilectionem in baptismo operata. Vnde quia ad voluntatem, iustitiæ pertinet, vt velit Deus secundum gratiam ex fide, & operibus, sicut promisit, benedicere, hæc prædestinatio benedictionis spiritualis promissæ, ad quā pertinet iustificatio, peccatorum remissio, ac salus animæ, & hæreditas coelestis, dicatur prædestinatio iustitiæ, vel prædestinatio sequens, q̃ vt supra dixi, merita nostra, quæ Dei dona sunt, sequatur. Quæ quidem prædestinatio alia sit a proxima superiore, non q̃ Deus sit multiplex causa, aut in eo sit multiplex propositum voluntatis, siue multiplex prædestinatio, imo vna causa simplex est omni simplicitate simplicior, vna prædestinatio, vna bona voluntas. Quæ multiplicatur, vt ait Diony. Areop. secundum omnem nostram considerationem entium, ac secundum nostram participationem variā, ita vt multitudinem & differentiam, quæ est in effectis, causæ tribuamus. De hac ergo prædestinatione iustitiæ ait Apost. Qui elegit nos ante mundi constitutionem, vt essemus sancti, & immaculati coram ipso in charitate, idest, elegit ad iustitiam, & remissionem peccatorū Iustos enim non coram hominibus, sed coram Deo vocat sanctos si quidem iustitia, siue gratia iustificas, vt beatus Cyrill. in Cōment. Esa. c. 47. diffiniuit, forma est ab spiritu sancto per sanctificationē,

DE ELECTIONE

& iustificationem animę immissa. Rursus quibus remissa sunt peccata, hos vocat immaculatos coram Deo, vt Dauid dicit de iis, quibus Deus imputat iustitiam sine operibus carnis. Beati, quorum remissę sunt iniquitates, & quorum tecta sunt peccata. Quod autem paulo post sequitur, in charitate, legendum est *ἐν ἀγαπῇ* sic, elegit inquam in charitate, vt essemus sancti, & immaculati coram ipso. Quia enim dilectione bonitatis suę dilexit prior, ideo elegit nos, neq; enim ex debito elegit, sed ex misericordia, ac charitate. Vtrūq; enim coniunxit Apost. Eph. 1. cum ait, Deus autem, qui diues est in misericordia, propter nimiam charitatem suam, qua dilexit nos, & cum essemus mortui peccatis, conuiuificauit nos, &c. Qui ergo nos prior dilexit dilectione antecedente, & bonitatis, idem nos iam eundem per virtutem, & gratiam eius diligētes elegit electione sequente. Vt rursus essemus dilecti eius excellentissima dilectione iustitię, & sequente, tanquam filii secundum spiritum, vt inq̃ essemus apud eum iusti, & sine peccatis, ac salui, hęc enim erat promissio benedictionis facta Abraę & semini eius, idest filiis promissionis. Sicut Zacharias pater Io. Baptiste interpretatus est in spiritu dicens, Iustus randum, quod iurauit ad Abraam patrem nostrum daturum se nobis, vt de manu inimicorum nostrorum, idest à diabolo, & peccato, & morte liberati seruiamus illi in sanctitate, & iustitia coram ipso omnibus diebus nostris. Idcirco Apost. memor huius promissionis in Christo impletę, sic coepit epistolam, Benedictus Deus, & pater domini nostri Iesu Christi, qui benedixit nobis in omni benedictione spirituali in coelestibus in Christo Iesu. Deinde subiungit, sicut elegit nos ante mundi constitutionem, idest ex eternitate, ne scilicet cogitaremꝯ vllam in Deo mutationem, aut nouitatem. Deinde explicat vim istius benedictionis spiritualis, ad quā elegit suos ante mundi constitutionem, quę consistit in iustitia coram Deo, & remissione peccatorum, salute animę, ac gloria coelesti. Sed vt iam propius ad causas electionis diuinę, quas demonstrare propositū fuit, accedamus, priusquam hunc locum Apost. absoluamus, videamus quid scriptura dicat, cur dominus Abraam elegerit ad benedictionem istam, quę spiritualis est, de qua hoc loco meminit Apost. vt simili ratione, & causa electos nos esse ad eandem benedictionē intelligamus. Non cēlabo (inquit) Abraę seruo meo, quę ego facio. Abraam autem futurus est in gentem magnam, & multam, & benedicentur in ipso omnes gentes terrę. Et paulo post, & possidebit (inquit) semen tuum portas inimicorum suorum. Hęc est pro-

missio benedictionis, quam prædestinavit Deus ante mundi constitutionem Abrahæ, & omnibus, qui essent ex fide eius. Cuius quidē benedictionis vis in hoc, vt dixi, cōsistebat, vt per iustitiam fidei ab inimicis, diabolo, peccato, & morte liberatus hæres esset mundi, sicut idem Apost. ait. Deinde declarat scriptura, vt etiam Procopius Garçus vetus, & græcus auctor in cōment. Genesis notauit, causam huius prædestinationis, & electionis Abrahæ ad hanc benedictionem, cuius nos sumus hæredes per fidem, tanquam filii promissionis, subiungēs. Noui enim q̃ præcipiet filiis suis, & domui suæ post se, & custodient vias domini, vt faciant iustitiam, & iudicium, vt ad ducat dominus super Abrahā omnia quæcunq; locutus est ad eū. Id est, vt tribuat Deus Abrahæ benedictionem, quam eidem promissit, sciens bene operaturum esse, quam prædestinavit (inquam) secundum præcognitionem bonorum operum eius. Ergo quia præcognouit Deus bona opera Abrahæ, elegit eum ad benedictionem istam spirituales. Quod quidem non propter Abrahā tantū scriptum est, sed propter nos, quibus eadem benedictio, quæ adoptionē filiorum, iustitiam, remissionem peccatorum, & hæreditatem regni, vt sepe dixi, continet, prædestinata est a Deo, si tamen præcognouerit in nobis ex dono suo fidem, & opera, hæc enim sunt, quæ nobis a Deo imputantur ad iustitiam. Conuenit cum his, quod beatus Petrus iis, qui ex circumcisione erāt, locutus est. Vos (inquit) estis filii prophetarum, & testamenti, quod disposuit Deus ad patres nostros, dicens ad Abrahā, Et in semine tuo benedicentur omnes familie terre. Vobis primum misit Deus filium suum benedicens vobis, vt conuertat se vnusquisque a nequitia sua. Iis enim benedicit iustificans, & remittens peccata, ac saluans, qui se conuertunt a nequitia sua, id est, qui ex fide poenitentiam, & fructus dignos poenitentiae agunt. Vt paulo supra idem Petrus hortans ad hanc benedictionē capiendam. Poenitemini (inquit) & cōuertimini, vt de leantur peccata ṽra, id est, iustificemini, & remissionē peccatorū obineatis. Quod si eis benedicit dñs, nempe adoptando, iustificando, & saluando, hæresesq; regni constituendo, qui vere se ad Deum conuertunt, id est, qui agunt poenitentiam, & fructus dignos poenitentiae, sicut in aliō loco scriptura iubet, necesse profecto est, vt eis tantum huiusmodi benedictionē ex æternitate prædestinauerit, quos hæc prius Deo donante facturos præcognouerit. Quare vt ad epistolam Pauli ad Ephes. redeamus, cum ait, elegit nos ante mundi constitutionem, vt essemus sancti, & immaculati coram Deo, intel-

ligere oportet, elegisse nos notos prius sibi, hoc est ante approbatos, ut pote per gratiam eius bene operantes, sicut ex epist. ad Romanos intelligere necesse est. Quos enim (inquit) præcognouit, hos prædestinavit, & elegit. Quid enim sit in Deo præcognoscere, rursus ex eadem epistola ad Romanos c. 11. intelligi potest, cum ait, Non repulit plebem suam, quam præcognouit, subiungit enim. An nescitis in Elia quid dicat scriptura, quemadmodum interpellat Deum aduersus Israel? &c. Et paulo post, Sed quid dicit illi dominum responsum? reliqui septem millia virorum, qui non curuauerunt genua Baal, sic ergo in hoc tempore reliquæ secundum electionem gratiæ saluæ factæ sunt. Id est, sic reliquæ, quæ Deum cognouerunt, & dilexerunt, sicut illa septem milia virorum tempore Eliæ, quæ Deum cognouerunt, consecutæ sunt iustitiam, & salutem animarum, ad quam electi erant secundum beneplacitum eius. Reliquæ igitur, quæ Deum cognoscunt, & diligunt, qui enim non diligunt, sicut ait Ioan. non nouit Deum, qui est charitas, appellauit plebem suam præcognitam, cum dixit, non repulit plebem suam, quam præcognouit. Ut iam electionem Dei ad iustitiam, & salutem antecedit tanquam causa præcognitio fidei, dilectionis, & bonorum operum, quæ ad iustitiam ipsam imputantur. Rursus quod hoc significet in scriptura præcognoscere, intelligi quoque potest ex eo, quod dominus ait in euangelio Ioan. Ego cognosco oues meas, & cognoscunt me meæ. Ut iam si oues non eum cognoscant, neque ipse dominus eas cognoscat, sicut dicturus est illis in die iudicii, non noui vos. Cognoscere ergo in scriptura dicitur Deus eos, qui eum ipsi cognoscunt, cognoscunt autem, cum non verbo, sed opere, & obedientia cognoscunt, ut Clem. Alex. lib. 2. Stromatum notauit *γῶσις* (inquit) est *ἐπιστήμη σὺν φάρῳ τῷ τοῦ προϋποθέτου*, id est, cognitio est scientia consentiens cum factis, & lib. 3. *γῶσις*, id est, cognitio est quædam diuina scientia, & lumen illud in anima ortum ex obedientia mandatorum. Tales ergo sunt per Dei gratiam, quos elegit Deus ex misericordia, ac charitate ante mundi constitutionem, ut essent sancti, & immaculati coram ipso, nempe præcogniti sibi tantum quam sui. Sic etiam dixit idem Apost. 2. Tim. 2. Nouit dominus qui sunt sui, id est, qui eius mandata faciunt. Dixerat enim de quibusdam hæreticis, quod quorundam fidem subuerterent, dicentes iam esse factam resurrectionem, ut autem intelligeremus quales ii essent, quorum fides subuerteretur, ne quis eos excusandos esse putaret, quasi non essent in culpa, sed potius tota esset in hæreticos subuer-

subuersores transferenda, vt inquam doceret istorum fidem subuersam, quia non essent fundati, & confirmati in ea, & in charitate radicati, subiungit, sed firmum Dei fundamentum stat. Fundamentum Dei firmum vocat hic eos, qui sicut idem Apostolus in epistola ad Coloss. ait, permarent in fide firmati, & immobiles ab spe euang. De quibus idē dominus apud Elaiam, Depinxi (inquit) muros tuos in manu mea, sic. n. est in septuaginta. Electos ecclesie Dei, inquit Cyrill. vocasse muros, quos nemo potest de manu eius extrahere. Hos vocauit hic firmum fundamentum, hi enim sunt, qui iuxta parabolam euangelii, edificant domum suam supra petram, qui inq̃ audiunt verba Christi, & faciunt ea, sic enim dominus interpretatus est. Hi inquam electionem, & vocationem suam tanquā fundamentū fidei, ac bonorum operum firmant, sicut beatus Petrus hortatur, vt faciamus *ἑκαστῶν*, idest, firmam vocationem, & electionem nostram per opera bona. Vt iam fides, & dilectio à Deo præcognitæ, sint, sicut Apostoli docent, velut fundamentum quoddam firmum electionis nostræ. Quare vt fundamentum causa est superædificationis, sic fides, & opera spiritus ex fide causa sunt prædestinationis, vocationis, & iustificationis. Deinde quia nos per fidem, & opera bona ceu fundamento iactō electionem nostram firmamus facti muri electi in Christo, fidē vero, & opera bona ipse dominus firmat, ac consignat, qui ea nobiscum in nobis operatur, & tanquā opera sua cognoscit, & ideo perire nō possunt, neque amitti, idcirco de fundamento isto firmo, & electo subiungit, habens signaculum hoc, nouit dominus, qui sunt sui. Vt enim nos vere cognoscimus Deum credendo in eum, & fidem eius per dilectionem operando, qui enim non diligit, non nouit Deum, sic Deus cognoscit nos operando in nobis, & nobiscum opera sua sancta, est enim *ἡ ἀρχὴ*, iuxta idioma scripturæ sanctæ *ὁ μὲν ἀρχὴ τῶν ἡμερῶν*, vt supra auctore Clemente iterum dixi Vnde mirabili diligentia, & obseruatione verbi vsus euangelista Ioannes de quibusdam, qui abierunt retro, non dixit *ἔγνω*, idest cognouit, sed *ἔδει*, idest sciebat ab initio Iesus, qui essent non credentes, & quis traditurus eum esset. Ergo quos sic in suis nouit Deus, hos ad sanctificationem elegit, idcirco subiungit statim, In magna domo non solum sunt vasa aurea, & argentea, sed & lignea, & fictilia, & quædam quidem in honorem, quædam autem in contumeliam. Puros, ac sine dolo vocat vasa aurea, vt ait magnus Basiliius, & eos, qui infra illos sunt, vasa argentea, eos vero, qui terrena sapiunt, & apti sunt ad frangendum,

fictilia, adhuc vero peiores, qui facile peccatis foedantur, & sunt
 materia ignis, vasa lignea, illa quidem honorata, hæc vero con-
 tumeliosa sibi. Vt enim ait Ioan. Damascenus in eodem libro
 contra Manichæos explanans illum locum euang. Melius fuisset
 homini illi, si natus non fuisset, Deo ut pote bono conuenit dare bo-
 na, accipienti autem pudor, & dedecus est non seruare bona, quæ
 accepit, dedecus (inquit) & contumelia, nō quidem propter dantem,
 sed propter accipientis culpam, & ignauiam. Ac Deus quidem, qui
 solus est bonus, non vult non præbere bona, qui autem non vult
 accipere, ipse est in culpa, facitq; ut quod accepit, quia non custodi-
 uit, melius ei fuerit non accepisse, sitq; contumelia potius, & probra
 accepisse. Hactenus Damascenus. Ne quis ergo cum Manichæis
 male de Deo auctore nostro sentiret, quasi ipse in causa esset, ut na-
 tura essent vasa aliquā in contumeliam facta, intelligeremusq; qui
 essent illi sui, de quibus proxime dixisset, nouit dominus, qui sunt
 sui, cognosceremusq; causam, sine qua non possumus sanctificari, ac
 proinde neq; ad sanctificationem prius eligi, subiungit. Si quis emū
 dauerit se ab his (facti enim sumus liberi, & potestatem habemus
 emundandi nos per Dei gratiam à passionibus ignominia, & con-
 tumelia) erit, inquit, vas in honorem sanctificatum, erit, inquam, vas
 electum ad sanctitatem. De istis enim dixit Apostolus, sicut elegit
 nos ante mundi constitutionem, ut essemus sancti, siue sanctificati,
 & immaculati, id est, sine crimine per remissionem peccatorum. Ele-
 git dico mundatos prius à passionibus ignominia, hoc est à pecca-
 tis, non enim aliter per iustificationem sanctificabimur, nisi emun-
 dauerimus nos à passionibus peccatorum, vel potius nisi gratia Dei
 nobiscum nos emundauerit. Quare non elegit nos Deus electione
 iustitie, esto, eligerit electione bonitatis, & antecedere, ut credamus,
 sed potius si nouerit nos ab incredulitate, & reliquis peccatis mun-
 dos, elegit ante constitutionem mundi secundum præcognitionē
 huiusmodi emundationis, ut essemus iusti, & sancti coram eo, &
 amici eius, & ut nostra peccata præterita non imputarentur. Hoc
 autem sic esse rursus intelligi potest ex epist. ad Coloss. c. i. ubi eisd.
 verbis usus est Apost. quibus ante in epistola ad Eph. Nunc autem
 (inquit) reconciliauit vos in corpore carnis suæ per mortem, ut
 exhiberet vos sanctos, & immaculatos, & sine crimine coram ipso.
 Deinde declarans quomodo sanctificaturus esset eos, & eorum pec-
 cata deleurus, quomodo inquam iustificaturus, & eius mors pro-
 futura, subiunxit, si tamen permanetis in fide fundati, & stabiles, &

immobiles ab spe euangelii. Elegit ergo ad sanctificationem istam eos, quos antenuit constanter, & firme credituros, & in fide, ac dilectione permansturos, istis enim sic obtemperantibus, sicut scriptum est, factus est consumatus causa salutis æternæ. Quod autem postquam dixit Apostolus, Si quis emūdauit se ab istis, erit vas in honorem sanctificatum, & vtile domino, subiunxit, ad omne opus bonum paratum, ne quis erret, non ideo subiunxit, quia ante sanctificationem istam non bene operemur, cum bona opera sint, vt in superiore Dogmatico de Iustificatione copiose demonstrauimus, quæ nobis computantur in iustitiam, & sanctificationem, sed quia fructus vnus iustitiæ, & sanctificationis inter ceteros est robur mentis ad resistendum peccatis, & faciendum facilius, & promptius, ac fortius omne opus bonum. Quod Paulus Apostolus in epistola ad Ephes. c. 3. precabatur, corroborari in homine interiore per spiritum sanctum. Iustitia enim & sanctificatio nihil aliud est, quam participatio quædam spiritus sancti, contra vero huius iustitiæ, ac sanctificationis priuatio infirmos, & faciles ad peccandum facit. Vnde Esaias c. 64. Tu (inquit) iratus es donis ne, scilicet propter peccata nostra: deinde subiungit, & nos peccauimus, non quod ira Dei (inquit Cyrillus) sit causa peccatorum, absit, sed quod peccata, propter quæ irascitur, sint, vt idem ait, causa magis, ac magis peccandi. Conuenit præterea cum eis, quæ hætenus tanquam interpretes ex Paulo attulimus, id, quod beatus Petrus in principio prioris epistolæ ait, scribens enim ad reliquias Israel saluas, sic eas saluat, Petrus Apostolus Iesu Christi electis aduenis dispersionis Ponti, &c. secundum præscientiam Dei patris in sanctificationem spiritus, in obedientiam, & asperisionem sanguinis Iesu Christi. Electos dicit secundum præscientiam, quos enim præcognouit; hos prædestinauit, & elegit. Vt iam ex hoc quoque loco intelligere liceat, quod Paulus dixit in epistola ad Ephes sicut elegit nos, sic esse accipiendum, vt interpretati sumus, sicut elegit inquam nos præcognitos, siue secundum præcognitionem. Quod autem sequitur, in sanctificationem spiritus, in obedientiam, & asperisionem sanguinis Iesu Christi, declarat ad quid sint prædestinati, & electi, non quidem vt credant, & diligant Deum, sed ad hoc, vt mortem Christi, & eius vsq; ad mortem Crucis obedientiam participant, & per hanc participationem sanctificentur, ac iustificentur. Quod clarius dixit Apostolus in epistola ad Coloss. Reconciliauit vos in corpore carnis suæ per mortem, vt exhiberet

vos sanctos, &c. Electi ergo sunt ad baptismum, quo in mortem Christi baptizati sanctificationem spiritus accipiunt, ad quam sanctificationem, ut sæpe dixi, & dicam sæpius, non eligimur, ut credamus, sed potius credentes, baptizamur in mortem Christi, ut sanctificemur, siquidem baptismus est sigillum fidei, ut Hippolytus martyr in libro de consumatione sæculi ait. Ergo quos præcognovit Deus credituros, & fidem in baptismo operaturos, hos prædestinavit, & elegit ad sanctificationem spiritus per lauacrum regenerationis, qua efficimur filii Dei. Idcirco Apostolus quo magis declararet, quod in epistola ad Ephes. dixerat de electione nostra, ut essemus sancti, & immaculati, subiunxit, qui prædestinavit nos in adoptionem filiorum per Iesum Christum, in ipsum, secundum propositum voluntatis suæ in laudem gloriæ gratiæ suæ. Sanctificamur enim (ut dixi) per baptismum, quo regeneramur, & adoptamur in filios Dei. Qui vero sint, qui ad hanc gratiam adoptionis filiorum prædestinati, & electi sint à Deo, declaravit quoque Io. evangelista, cum ait, dedisse potestatem filios Dei fieri, quibus iis (inquit) qui credunt in nomine eius. Quare si secundum præcognitionem (quod nemo negavit) prædestinavit ad hanc gratiam, profecto quos præcognovit credituros, hos in adoptionem istam filiorum Dei prædestinavit, & elegit. Neque enim adoptamur in filios, ut credamus, sed potius credentes, & fidem per dilectionem in baptismo operantes adoptamur in filios Dei. Itaque quod sequitur, qui non ex sanguinibus, neque ex voluntate carnis, neque ex voluntate viri, sed ex Deo nati sunt, non declarat, quibus dederit potestatem filios Dei fieri, neque enim est cum eo continuandum, quod ait, iis, qui credunt in nomine eius, sed potius declarat, qui sint isti filii Dei, quos fieri dedit potestatem credentibus, nempe ii, qui non naturali generatione, sed divina, & spiritali nati sunt. Veniamus iam ad parabolam evangelii de operariis conductis ad colendam vineam, quæ ad terrendos reprobos otiosos, & incitandum studium electorum laborantium adhibita est, quæ mirabili energia prædestinationem atque electionem ex operibus bonis ob oculos ponit. Operationem enim mandatorum Dei vocat culturam vineæ, pactum vero de benedictione, quod cum Abraham, & semine eius secundum Isaac, fecit ex fide, & obedientia, conventionem. Denique denarium vocat iustitiam, in quam computantur opera non naturæ, aut carnis, sed quæ per Dei gratiam operamur in vinea eius colenda, id est mandatis eius faciendis. Quod vero in reddenda mercede, hoc est in impug-

tanda iustitia coepit à nouissimis, & pares eos fecit, iuste hoc factū est, vt sanctus Nilus in epistola ad Agathium scripsit. Quia enim opere fuerunt pares, æqualem mercedem tulerunt, & quia breui spatio temporis illis se diligentia æquarunt, qui totū diem ad remissius operandum habuerunt, prius ad remunerationem vocauit. Vt ex honore hōrum, & illorum pudore studium ignauiorum excitaretur, nihil enim aliud erat, ordinem istorum commutare, & ex primis facere nouissimos, & ex nouissimis primos, quā horum quidem studium, illorum vero negligentiam demonstrare. In quo (inquit) visū sunt anteponi, qui tardius venerunt, q̃ priorum diligentiam prae sua paruam esse demonstrarunt. Hactenus Nilus Chrysostomidis discipulus. Subiungit deinde dominus post parabolam, Sic erunt nouissimi primi, & primi nouissimi, significans, q̃ studium & diligentia anticipationem temporis vincat, vt in vocatione gentiū cernitur, & rursus anticipatio temporis infra studium, & diligentiam sit, vt in multis ex Israel electis euenit. Deinde subiungit, multi enim sunt vocati, pauci vero electi. Quod ait multos fuisse vocatos, plane significat parabola. cum egressus esset pater familias ad conducendum, & aliquos cōduxit, qui in vinea laborarunt, multos etiam non conduxisse, quia vocati venire noluerunt, & multos rursus cōduxisse, qui venerunt ad vineam, sed non coluerunt eam, imo potius deuastarunt. Quare quod ait, multi sunt vocati, de vocatis tantum vocatione antecedente, siue bonitatis ad vitam, quæ nunc est & quæ futura, qui sunt pauci, qui non saluantur, accipiendum est, non autem de vocatis vocatione iustitiæ, qui saluātur, qui sunt pauci, vt ex euang. Lucæ. 13. intelligi potest. Cum enim quidam interrogasset, vtrum pauci essent, qui saluantur, respondit dominus, contendite intrare per angustam portam, vt scilicet saluemini, quod perinde est, quasi responderet paucos esse, qui velint ingredi per angustam portam, quod alioqui necesse est, si velint salui esse, paucos enim capit angusta porta, & via arcta, quæ ducit ad vitam. Vt iam angusta porta nō solum designet asperitatem, & difficultatem, quæ ob negligentiam nostram esse videtur, quare studio, & contentione opus esse ad intrandum, sed designet etiam paucitatem, vt magnus Basilius in cōment. Esaia: annotauit. Eos ergo dixit paucos electos, qui contendunt intrare per angustam portam laborantes, & sudantes in cultura vineæ domini sabaoth. Deinde subiungit, Quia multi, dico vobis, quarent intrare, & non poterunt. Atqui nemo neget, quin isti, qui intrare quærunt vocati sint, alioqui ne

intrare quidem quærent. Non dixit contendere intrare, sed quærent, ideo enim non poterunt, quia non contendere, id est, non laborabunt in vinea domini. De his ergo ait nunc, multi sunt vocati, scilicet ad iustitiam, & salutem, qui quidem non faciunt vocationem suam firmam per opera bona, ut beatus Petrus ait. Qui inquit non faciunt gradus bonorum operum, quibus ad gratiam istam iustificantem vocatione iustitiæ secundum præcognitionem vocari possint, ad quam vocati sunt prius vocatione bonitatis, qua vult omnes homines saluos fieri, & qua vocat omnes, quantum bonitati eius conuenit vocare. Pauci vero sunt, qui iuste ad denarium gratiæ iustificantis, & viuificantis electi sunt, qui quidem ad gratiam istam vocati sunt, ut dixi, vocatione iustitiæ, siue vocatione sancta, nempe ex meritis, quæ Dei gratia in nobis nobiscum operata est. Est enim hæc vocatio secundum prædestinationem iustitiæ, prædestinatio vero iustitiæ secundum præcognitionem bonorum operum, quæ sunt cultura vineæ spiritualis, ex qua iuste secundum pactum beneplaciti sui elegit, & vocat ad denarium gratiæ iustificantis, & salutis animæ, ac remissionis peccatorum, tanquam ad mercedem gratuitam. sicut scriptum est. Quos præcognouit, & prædestinavit, ut conformes fierent imagini filii sui, quod fit per adoptionem filiorum, & quos prædestinavit, hos & vocauit ad istam gratiam adoptionis, & quos vocauit adoptando, hos iustificauit. Ut iam qui prædestinati sunt ad adoptionem, iidem sint electi. Prædestinatio enim, quod sæpe admonui, habet vim electiuam, ut ait Dionysius Areop. prædestinat enim eligendo. Et qui electi sunt ad adoptionem, iidem electi sint ad iustitiam & vitam, qui enim adoptantur, hi iustificantur, & salui, ac liberi fiunt. Et qui electi sunt, iidem vocentur ad istam gratiam, cum ei placeat, qui elegit, hæc nus de parabola. Superest, ut veniamus iam ad locum Apostoli nobilissimum de prædestinatione ex epistola ad Romanos cap. 8. Scimus (inquit) quod diligentibus Deum omnia cooperantur in bonum, ut calamitates Iob, mala (inquit Hieronymus) esse videbantur, & contra patientiam eius conspirabant, sed quia diligebat Deum, gloriam (inquit) illi præparabant. Neque ante calamitates (inquit) collocutus est cum eo Deus, ut est postea, & quidem valde familiariter, tanquam amicus cum amico. Sequitur deinde, iis, qui secundum propositum vocati sunt sancti, declarat, quos dicat diligentes Deum, nempe eos, qui constanter permanent in dilectione, hi enim sunt prædestinati ad sanctificationem, & vocati

ad eam suo tempore , cum placuit ei , qui prædestinavit . Subiungit deinde , Quos enim præsciuit scilicet diligentes Deum , de his enim loquebatur , hos prædestinavit conformes fieri imagini filii Dei . Quos hic ait prædestinari conformes fieri imagini filii Dei , dixit idem Apostolus in epistola ad Ephes . prædestinari in adoptionem filiorum Dei , adoptamur enim in filios Dei , quando renascimur non ex semine corruptibili , sed ex spiritu sancto . Accipientes enim spiritum filii Dei viui , per lauacrum regenerationis effusimur filii Dei , & fratres Christi , vnde statim subiungit , vt sit ipse primogenitus in multis fratribus . Fratres enim Christi sunt , qui in carne semel nati , iterum per baptismum nati sunt ex spiritu sancto , de quo conceptus est Christus . Spiritum sanctum hoc loco vocauit Apostolus imaginem filii Dei , vt magnus Athanasius in epistola ad Serapionem notauit . Sequitur . Quos autem prædestinavit scilicet ad gratiam adoptionis , siue regenerationis spiritualis , hos & vocauit , idest , adduxit ad gratiam istam . Habet enim (inquit Dionysius Areop .) prædestinatio vim *ἀφορίστικόν, ὡς ποικιλικόν* idest , segregantem , & efficientem . Vnde Paulus de sua prædestinatione , Qui me (inquit) segregauit ex utero matris meæ , pro eo ac si diceret , qui me elegit , antequam natus essem . Est enim virtus , & proprietas prædestinationis eligere , quod est quoddam genus segregandi . Virtus item , & proprietas prædestinationis vocare , idest facere , vt sit , quod idem Diony . dicit , *παράγει* idest , adducere ad hoc vt sit , hoc enim significat vocare , sicut scriptum est , Qui vocat ea , quæ non sunt , tanquam ea , quæ sunt , idest , qui facit , quæ non sunt , vt sint , adducens ex nihilo ad esse , quod est creare , sicut magnus Athanasius Alexandrinus in libro de passione hunc locum interpretatus est . Sequitur , Quos autem vocauit ad gratiam istam , hos & iustificauit . Hunc eundem ordinem videtur quoque descripsisse Oseas propheta , vt beatus Cyrillus in comment . huius prophetæ obseruauit . Ait enim de ecclesia electorum , Seminabo te mihi , & diligam te , vtrumque conuenit Deo , qui prædestinavit in adoptionem filiorum ex semine incorruptibili spiritus sancti , & elegit ad gratiam amicitiae , & dilectionis suæ . Sequitur . Et vocabo nō populum meum populum meum . Hoc quoque conuenit Deo , qui vocauit in gratiam istam , & fecit , vt essent Dei , qui non erant . Deinde subiungit . Et ipse dicet , Deus meus es tu . Atqui facere , vt hoc dicere possimus , Deo iustificanti conuenit . Qui enim vocatus est ad gratiam iustitiæ , hic factus est Dei , & Deus eius , si quidem prop

prium est iustitiæ vnire animam cum Deo, & Deum cum anima, quæ vnio salus animæ est, & dicitur, vt magnus Dionysius in ecel. Hierarch. tradit. Locus admonet, vt describam hic quæ Faustus lib. 2. de libero arb. de ratione præscientiæ, & prædestinationis iustitiæ aptissime scripsit, præsertim si pauca mutasset. Illa (inquit) præscipit uidet merita, hæc præordinat præmia, præscientia ad potentiam, prædestinatio ad iustitiam pertinet, præscientia de alieno subsistit actu, prædestinatio autem de iudicio suo, illa facinus manifestat, hæc cõdemnat. Melius dixisset, illa opera bona manifestat, hæc absoluit. Sequitur, illa testis, hæc iudex est. Cum illa pronunciauerit causam, tunc pronunciat ista sententiam. à præscientia quæ sunt nostra, produntur, à prædestinatione, quæ sunt, præparantur, ac nisi præscientia explorauerit, prædestinatio nihil decernit. Hactenus Faustus. Quod autem dicit merita antecedere prædestinationem, & paulo post nostra appellat, non sic intelligendum est, quasi posuerit ille, aut nos ponamus sanctificationis, ac iustificationis istius prædestinata: merita secundum debitum, quæ sunt opera carnis. & naturæ, sed potius merita secundum gratiam, quæ sunt opera Dei, quæ ille nobiscum in nobis operatur, & operata in iustitiam, & sanctificationem secundum gratiam suam computat gratis, suntq; causa prædestinationis, & electionis, non quidem *συνεκτικῇ*, idest causa continens ipsius effectus, quæ vt Clemens Alexand. in libro de causis tradit, simpliciter, & proprie est causa. sed sunt causa adiuuans, & sine qua non, quæ non est (inquit) causa simpliciter, est tamen causa, quia sine ea nõ cõtingit fieri effectũ. De causa vero adiuuante scribit Aris. lib. 2. de anima *συνάγων πῶς μὲν ἔστιν, οὐ μὲν ἀπλῶς γὰρ αὖτις* idest; causa adiuuans non est simpliciter, sed quodammodo causa. Ad hoc genus causæ, sine qua nõ, tradit idẽ auctor prænere causam materiale, item aptitudines, siue dispositiones, præterea instrumẽta. Hæc qui nõ notantur, neq; distinxerũt, absurdũ esse existimarũt causam diuinę voluntatis in creaturis ponere. Esset quidẽ perabsurdũ, fatemur, si causam *συνεκτικὴν* & *αὐτοπλῆν*, vt philosophi vocant, id est, continentem, & perfectam poneremus, ac non ita, si causam, sine qua non & adiuuantem adiungamus voluntati Dei, qui est causa continens, & perfecta. Qui (vt beatus Io. Damascenus in libro de imaginibus ait) omnia à se prædestinata in voluntate sua expressit, & effigiauit, sicut cum aliquis (inquit) ædificaturus domum, prius formam eius in mente designat. Ergo vt ad locum Apost. & Osee redeamus, si de quibus propheta dixit, vel potius dominus per pro

phetam, seminabo, & diligam, & vocabo populum meum, hos Apost. ait eundem dominum prædestinasse, & elegisse tñ ad hoc, vt faceret filios suos secundum spiritum, ac proinde Christi fratres, quod est seminare eos secundum spiritum, siue ex semine incorruptibili spiritus sancti generare, tñ ad hoc, vt tanquam filios diligeret, sic autem diligit Deus non nisi credentes in eum, & eum diligentes. Ergo quos præcognouit diligere Deum, sicut ipse Apost. dixerat, diligentibus Deum omnia cooperantur in bonum, subiungens deinde, nam quos præsciuit scilicet diligere Deum, & omnia illis cooperari in bonum, hos profecto prædestinauit, & elegit ad istam gratiam adoptionis, & dilectionis tanquam filiorum: Non q̄ prius nos dilexerimus, aut aliquid ei prius demus, vt retribuatur nobis, absit, quodd enim quærimus, petimus, pulsamus, vt accipiamus, vt aperiatur nobis, & q̄ credimus, & diligimus, ipse est principium, & auctor. Vt iam secundum voluntatem bonitatis suæ, sicut Apostolus ait, ipse sit, qui prior diligit, quæ dicitur ab ecclesiasticis patribus voluntas *πρῶτον*, id est, antecedens, quæ, vt dixi, etiam voluntas bonitatis, cuius meminit Apostolus a Damasceno vocatur, de qua idem ait accipiendum esse quod idem Apostolus ait de Deo, velle omnes homines saluos fieri. nihil enim est, vt sæpe dixi, quod facere bonitati eius conueniat, vt salui fiant omnes, quod non fecerit, & faciat semper. Alia vero est voluntas, quæ dicitur voluntas *ἐπὶ τοῖς*, quam idem Damascenus in Oplotheca aduersus Manichæos voluntatem quoque iustitiæ vocat, qua bonos bene, & malos male afficit. Secundum hanc iuste prædestinat, & vocat in gratiam suam secundum præcognitionem fidei, & bonorum operum, quæ idem voluntate bonitatis suæ præparauit nobis. Eos enim iustificat, & sanctificat, vt iustum est, quos nouit in fide, & dilectione Dei permanentes, vt sit ipse iustus, & iustificans eum, qui ex fide est. Secundum vero bonam voluntatem, siue beneplacitum bonitatis suæ ipse prior parat voluntatem nostram ad beneoperandum operans in nobis (sicut scriptum est) velle, & perficere bonum, pro bona voluntate, siue pro beneplacito suo, id est, quod ei beneplaceat. Et in epistola ad Thess. 2. c. 1. oramus (inquit) semper pro vobis, vt dignetur vos vocatione sua Deus, id est, vt vocet vos in gratiam suam, vt faciat inquam vos iustos, & sanctos, quod sit secundum beneplacitum iustitiæ eius, vocat enim quos nouit aptos, & dignos vocatione iustitiæ. Quia vero digni esse non possumus, nisi Dei gratia in nobis operetur hanc dignitatem, & idoneitatem operan-

do velle, & perficere pro bona voluntate, idcirco subiungit, & impleat in vobis omnem bonam voluntatem bonitatis sue, siue omne beneplacitum, ac predestinationem bonitatis sue, idem enim verbum *διδούκας* varie vertit interpres. Addit deinde, & impleat opus fidei in virtute, fidem, & opera ex fide complectitur, fidem, inquam: quæ per dilectionem operatur, sicut Apostolus ait. Virtus enim fidei est operatio, & exercitatio eius in mandatis faciendis, sicut anima est tota virtus corporis, sine operibus enim infirma, & sine virtute est, imo vt Iacobus frater domini ait, mortua est. Libenter quæ necessaria sunt repetimus. sicut ait scriptura, eadem vobis scribere mihi quidem non pigrum, Vobis autem necessarium, imo etiam quidam ex huius sæculi sapientibus, quæ pulchra essent, sæpe repetere præcepit. Iam cui hæc, quæ hactenus à nobis tradita sunt, probantur, facile intelliget vt alios scholasticos omittam, qualia sint, quæ Thomas 1. q. 23. art. 4. de predestinatione agens tradit, idemq; facile, aut correctionem adhibebit, aut explanabit, vt cū ait, prædestinatio præsupponit electionem, cum sit potius electio virtus, & proprietas prædestinationis, est enim vt Dionys. ait prædestinatio *ἀφοριστική*, idest, segregatiua, siue electiua, proprietas autem nō antecedit id, cuius proprietas, & virtus est. Rursus quod statim ait & electio præsupponit dilectionē, distinctione opus est. dilectio enim diuina alia est, vt dixi, bonitatis, alia iustitiæ, quæ bonitatis quidem est, antecedit electionem iustitiæ, vnde dilectio antecedens dicitur, quæ vero iustitiæ, sequitur. Ad hanc enim dilectionem iustitiæ, idest vt diligat iuste tanquam filios secundum spiritum, eligit diligentes se, iustum enim est vt diligat diligentes, vt ipsa sapientia ait, Ego diligentes me diligo. Non quidemq; nos eum priores dilexerimus, aut prius ei dederimus, vt retribuatur nobis, absit, imo potius ipse bonitate sua nos prior dilexit largiens de fonte benignitatis, ac largitatis sue, vt in eum crederemus, & eum diligeremus, verum iis, qui in eum iam per gratiam eius credunt, eumq; diligunt, rursus dat, vt iustum est, potestatem, vt filii eius fiant, q; si filii, ergo hæredes, & dilecti excellentiore dilectione, quæ est dilectio iustitiæ. Qui ista distinguat, & obseruet, cetera, quæ idem Thomas addit, facile corriget. Quale est illud in eodem ar. prædestinatio aliorum quorum præsupponit secundum rationem, quod Deus velit dare illi salutem, ad quod pertinet dilectio, & electio, imo vero ad hoc prædestinat eligendo aliquem, nempe vt diligat eum tanquam filium, & tanq; filio dei hæreditatem salutis, idq; secundū præcognitionē

Dei, & operum fidei, ex quibus si iustificatus est, ergo ut inde iustificaretur, ex æternitate decretum est, quæ est prædestinatio secundum præcognitionem. Item illud, quicquid est in homine ordinans eum in salutem, cōpræhenditur totum sub effectu prædestinationis, etiā ipsa præparatio ad gratiā opus est distinctione, præparatio enim ad gratiam effectus est prædestinationis antecedentis, quæ dicitur prædestinatio bonitatis, nō autem effectus prædestinationis sequentis, quæ est prædestinatio iustitiæ, cuius effectus est adoptio filiorum, iustificatio, sanctificatio, ac salus animæ, & hæreditas cælestis.



SED quoniam ii, qui omnem causam prædestinationis de medio tollunt, illud in primis iactant, & opponunt, quod Paulus Apostolus in epist. ad Roma. locum Malachiæ prophetæ secundum spiritum interpretans ait, cum nondum nati fuissent, aut aliquid boni egissent, aut mali, ut secundum electionem propositum Dei maneret, non ex operibus, sed ex vocante dictum est ei, quia maior seruiet minori, sicut scriptum est, Iacob dilexi, Esau autem odio habui sequitur, ut huuc locum sic explanemus, ut idem ea, quæ hætenus de causa electionis diuinæ attulimus, non solum non infirmet, sed potius confirmet. Repetam vero altius locum, & persequar longius, quod totum fere caput per obscurum sit, & valde difficile, tum ad ea, de quibus agimus magnopere pertinens. Solet ergo Apost. mirabili prudentia, & studio, cum opus est, occasiones calumniæ omnis præcidere, ac præcauere, ut cum docebat paulo supra maiores sub lege reprehensiones culpa sua Iudæos incurrisse, quo legis gratiæ, ac libertatis laudem, & virtutem magis declararet. Ne vero Iudæi legem reprehendi existimarent, neue hæretici ex comparatione legis cum gratia falso idem suspicarentur, legis utilitatem demonstrauit, multisq; eam laudibus ornauit. Sic nunc idem Apostolus quia gentibus prædicabat salutem, adoptionem filiorum Dei, hæreditatem regni, benedictionem, gloriam, electionem, liberationem, dilectionem, & alia huiusmodi, quæ in pacto, & foedere Abrahæ audiebant, ne hoc Iudæi cum promissionibus Abrahæ factis discrepare arbitrentur, quasi gentes alienæ essent à pacto diuino, ideo necesse habuit testimoniis prophetarum, & veteris scripturæ exemplis demonstrare, non ita esse, quin potius promissiones patrum ad gentes pertinere ex fide, ab eis autem exclusos esse Iudæos propter incredulitatem, verissimamq; esse Dei promissā. Accusaturus itaq; illos, suam erga illos charitatem

prius ostēdit, sicut dominus per Malachiam prophetam, quem hic
 Apost. & citat, & sequitur, peccata populi Israel reprehensurus, &
 eum à benedictionibus exclusurus, statim in principio prophetiæ,
 Dilexi (inquit) & quæ sequuntur. Similiter Paulus à sua in eos di-
 lectione coepit, Quoniam tristitia (inquit) mihi magna est, & con-
 tinuus dolor cordi meo. inchoata est, & inabsoluta oratio, tū quo
 magis dolorem exprimeret, tum vt inuidiam verborum suorū, quib-
 us oratio complenda erat, in principio declinaret, addenda enim
 erat causa tristitiæ, & doloris, ita vt diceret, quoniam tristitia mihi
 magna est, & continuus dolor cordi meo propter perfidiam, &
 eiectionem Iudeorum, quam sententiam paulo post complet ver-
 bis scripturæ sanctæ, quæ inuidiæ minus habitura esse videbantur.
 Sequitur, Optarem enim ego ipse anathema esse à Christo pro fra-
 tribus meis, ego ipse (inquit) qui modo ita magnifice de charitate lo-
 cutus sum, vt dicerem, neque vitam, neque mortem me posse à cha-
 ritate Dei separare, ipse inquam, si fieri posset, & liceret, vt me pes-
 reunte, tum fratres mei salui fierent, tum Christus glorificaretur,
 optarem à Christo separari. Quod quidem quia fieri non poterat,
 non simpliciter optauit, sed per hypotesin dixit, vt Photius Con-
 stantinop. notauit, quæ hypotesi vsus est ad declarandum ardentis-
 simum desiderium salutis eorum. Similis hypothesis est illa in epis-
 tola ad Gala. vellem apud vos esse modo, scilicet si possem, idem
 enim vtrobiq; modus temporis, hic *ὅτε*, illic *ἵνα*. Deinde vt
 suæ tantæ erga eos charitatis causam redderet, subiungit, qui sunt
 cognati mei secundum carnem, qui sunt Israelitæ, quorum adoptio
 filiorum, & gloria, & testamenta, & legislatio, & cultus Dei, & pa-
 tres, ex quibus est Christus secundum carnem, qui est super omnia
 benedictus in sæcula, amen. Quæ perinde sunt, quasi diceret, opta-
 rem fieri, si fieri posset, pro salute meorū fratrum anathema à Christo
 in laudem gloriæ ipsius Christi, qui ex patribus eorum natus est se-
 cundum carnem, in quo illis benedictio promissa est, & adoptio fi-
 liorum, ac gloria. Quare quod ait, optarem anathema esse à Chris-
 to pro fratribus meis, non significat diligere fratres supra Chris-
 tum, imo vero Christum, eiusq; gloriam ita diligere, vt non dubi-
 taturus fuisset ab eo alienari, ac separari in gloriam ipsius pro salu-
 te suorum, si fieri posset. Sequitur, Non autem q̄ exciderit verbum
 Dei, non enim omnes, qui ex circuncisione sunt Israel, ii sunt Israe-
 litæ, neque qui semen sunt Abraæ, omnes filii. Non (inquit) hoc di-
 xi, q̄ optarem anathema esse, vt salui fierent fratres, quasi si non sint

salui, irrita sit, aut esse possit Dei promissio, qua dictum est Abraæ in te, & semine tuo benedicentur omnes gentes, non sic est (inquit) sed ideo dixi, ut ostenderem studium meum, & charitatem in eos, & desiderium salutis eorum. Ergo quod ait, non autem quod exciderit verbum Dei, simile est atque illud in eadem epistola, quid enim, si quidam eorum non crediderunt? nunquid incredulitas eorum fidem Dei euacuauit absit. est autem Deus verax, scilicet in promissionibus suis. Ad eandem quoque sententiam pertinet illud paulo post, siue poenitentia enim sunt dona, & vocatio Dei, loquitur enim de vocatione electorum ad gratiam adoptionis filiorum Dei per fidem, de qua vocatione dictum est, quod statim subiungit Apost. In Isaac vocabitur tibi semen; quæ ad omnes in fide Christi, & dilectione permanentes pertinet, hi enim sunt filii promissionis, & heredes mundi. Quod quidem probat testimonio scripturæ, quæ non dicit, vocabitur tibi semen in Ismaele, qui secundum carnem natus est, qui persequiebantur Isaac, ut Apostolus scripsit Galatis, sed in Isaac, qui secundum spiritum, ita ut filiorum Abrahæ, qui nati sunt secundum spiritum, exemplum, & parabola sit Isaac, ut idem Apostolus ad Hebræos scripsit. Propositum itaque paulo est, docere non filios carnis, in qua Iudei gloriabantur, esse filios Abrahæ, sed in Isaac vocari semen Abrahæ, sicut dicit scriptura, id est, eos esse filios Abrahæ, quod ad gentes quoque ex fide pertineat, qui opera Abrahæ faciunt, sicut dominus dixit in euangelio, qui inquit imitantur Abrahæ, qui credendo promissioni Dei dicentis, post hoc tempus veniam, & erit Saræ filius, accepit à Deo filium, & rursus credendo promissioni Dei de multiplicatione seminis, & quod à mortuis suscitare posset, & obediendo voci eius, qui filium immolare iussu erat, rursus eundem filium velut iam mortuum secundum propositum immolationis à Deo recepit, ut esset parabola, & exemplum filiorum Abrahæ secundum spiritum. Hoc enim significat quod dictum est Abrahæ, in Isaac vocabitur tibi semen, sicut Apostolus in epistola ad Hebræos c. 11. & in epistola ad Gala. c. 4. interpretatus est. Qui enim credit Deo, & obedit mandatis eius, ut Abrahæ, hic efficitur filius Dei, & filius promissionis eius, sicut Isaac fuit filius non quidem naturæ, quæ neque primum quidem generare illum potuit, ut pote sterilis, & effoeta, neque iam mortuum secundum propositum immolationis, in vitam restituere, sed Dei, qui promissiones fecerat. Idem itaque sunt filii Abrahæ, filii promissionis, & filii Dei, & filii secundum spiritum, qualis fuit Isaac, in quo, ut dixi, tanquam

in parabola, & exemplo placuit Deo vocare semen Abraę. natus est enim Isaac non secundum carnem, sed secundum spiritum, sicut Apostolus scripsit Galatis. Ne vero quis suspicaretur electum esse Isaac propter Saram matrem liberam, ut nasceretur secundum spiritum, & ut tanquam filius Abraę ex fide secundum promissionem Dei, forma, & exemplum esset filiorum Abraę, siue filiorum Dei, & promissionis, ac non potius electum esse propter fidem suam, & obedientiam, ac pietatem, Ismaelem vero contra eiectum esse ab hoc nobili ortu propter Agar matrem ancillam, ac non potius quia persequeretur, ut Apostolus ait, eum, qui secundum spiritum natus erat, commemorauit Iacob, & Esau eisdem parentibus, & eodem concubitu ortos, quorum alterum ad hoc elegit, ut filius suus esset, & ut tanquam filium diligeret, alterum repulit, & odio habuit. Cur autem illum elegerit, & hunc eiecerit, idem Apostolus licet paulo obscurius interpretatur. Ergo cum nondum (inquit) nati essent, neque aliquid boni egissent, aut mali, idest, cum adhuc essent in utero matris, cum nondum operari potuerunt secundum carnem, non ex operibus scilicet secundum carnem, illa enim opera plane tollit, quæ homo per se in lucem editus, & sola naturali facultate operandi præditus efficere potest, idest, opera naturæ, quæ dicuntur opera secundum carnem, sicut idem Apostolus loqui solet, ut cum ait, quid ergo dicemus Abraam patrem nostrum inuenisse secundum carnem? sic enim legendum, & intelligendum esse veteres auctores admonuerunt. Itaque non tollit opera Dei. Sequitur enim sed ex vocante, idest, sed ex Deo, qui vocauit in gratiam suam, sicut idem Apostolus de se dixit, cum placuit ei, qui me segregauit ex utero matris meæ, idest, qui me elegit. antequam natus essem, & vocauit in gratiam suam, idest ut essem filius eius ex fide de Iesu Christi, qua me de tenebris in admirabile lumen suum vocauit ad illuminandos etiam alios per me, quod statim declarat subiungens, ut in me reuelaret filium suum, Similiter vocauit Iacob in gratiam suam, idest adoptionis, iustificationis, & sanctificationis non ex operibus naturæ, sed ex fide, quæ est opus Dei, & nostrum, ut semen Abraę secundum spiritum ex fide factus, hæres fieret benedictionis spiritualis Abraę patri omnium promissæ, cui dictum est, quia obedisti voci meæ, benedicentur in te omnes gentes. Ergo non ex operibus (inquit) sed ex vocante, idest, non ex operibus, quæ homo secundum naturam iis viribus solis, quas ex ortu carnali ducimus, facere potest, sed ex operibus bonis, quæ Deus qui vocat

cat, ut sint ea, quæ nō sunt, neq; esse possunt per naturam, tanq̃ causa σωτηρίας & perfecta in nobis operatur, nos enim causæ tantū adiuvantes sumus, dictum est ei, idest Rebecce, maior serviuet minori, quod quidem significabat, minorem præferendum esse maiori. Rursus qd esset minorem præferre maiori, declarat statim Apost. nempe diligendum esse minorem tanquam filium Dei, imo iam ex æternitate dilectum esse, ita ut tanquam filius Abræ secundum spiritum, cui dictæ sunt promissiones spirituales, esset dominus, & hæres mundi, & possideret portas inimicorum suorum, & maiorem repulsus, ita ut tanquam servus maneret extra domum liberæ. exclusus ab hereditate, & subiectus. Idcirco subiungit, sicut scriptū est, Iacob dilexi, Esau autem odio habui. Vtrumq; autem dictum est, ut scriptura testatur, non tantum propter Iacob & Esau, sed propter duos populos credentium, & non credentiū, gentes enim quæ post Iudæos per fidem vocatæ sunt ad gratiā adoptionis, & benedictionis promissæ filiis, prælatæ sunt Iudæis incredulis, & dilectæ præ illis. Hic ergo est minor populus electorū, cui maior, idest antiquior populus Iudæorum repulsorū servit, idest, ille huic tanquam dominus servus prælatus est. Tales enim sunt omnes electi Dei, qui in euāgelio parvuli, & pusilli appellari solent, qui tanquam sapientes domini sunt insipientium reproborū. Sicut scriptum est in pro. c. 9. & 10. filius sapiens insipiente utetur pro ministro, & rursus c. 11. stultus servit sapienti, & rursus c. 12. quia electi isti sunt sapientes, postquam dixit Salomon vir prudens thronus sensus, insipientium autem execrationibus obuiabit, subiungit, manus electa facile dominabitur, dolosi autem erunt in direptionem, sic enim est apud septuaginta. Item beatus Petrus de electis ad gratiā adoptionis interpretatur, quod in Exodo scriptum est, vos autem genus electū, regale sacerdotium. Sunt ergo electi reges, & domini, idest, ceteris non electis ad hanc dignitatem regalem, & gratiā sanctificationis, & dilectionis non ex operibus naturæ, sed ex vocante per fidem, quæ est opus Dei, prælati. Quod idem Apost. Petrus declaravit, qui enim dixerat paulo supra, vobis igitur honor credentibus, paulo post de eisd. ait, vos autem genus electum regale sacerdotium, gens sancta, populus acquisitionis, idest, acquisitus a Deo, & factus populus eius, ipse enim vocat in gratiā suā. Deinde subiungit, ut annūciatis virtutes eius, qui de tenebris vocavit vos in admirabile lumen suū, idest, lumē iustitiæ, sicut Esai. ait, tunc erumpet quasi lumen iustitiæ tua, nō dixit, ut annūciatis opera vestra, & virtutes naturæ, quasi

ad virtutē traheretur, vt quidā apud Diony. in diuī. nomī. c. 4. murmurantes volebant. Deinde quia q̄ homo factus sit compos suarū actionū, & libera potestate ad bonū & malū, nō ideo, vt ait idem Diony. in coele. Hier. c. 9. minus valet, aut habetior, tardiorq; est Dei gratia in nobis ad bene operandum, id autem ad potentiam, Dei summam, qui omnia potest, pertinet. idcirco addidit, & fortis in potentia. Sed reddeamus ad Paulum, absit (inquit) vt iniquus videatur, noluit differre depulsionem criminis propter summam inuidiam, & absurditatem eius, quare interiecta simplici inficiatione vnus verbi, absit, continuat accusationem illius, qui crimen iniustitiæ, quod Deo intendit, auctoritate scripturæ probari vult. Moisi enim inquit, misereor, cuius miserebor, & miserabor quem miseror: quod quidem non recte intelligenti ad solam libidinem voluntatis more nostro pertinere videatur, quasi non omnes viæ domini sint iudicia, sicut scriptum est. Ex quo concludit iste, Igitur non est volentis, neque currentis, sed Dei miserentis, quasi non esset data hominibus potestas filios promissionis fieri, sed id totum ex Deo tantum penderet, nihil in eo nobis agentibus. Rursus alia auctoritate intendit iste causam suam, idest accusationem Dei probabilem facere, subiungens, Dicit enim scriptura Pharaoni, quia in hoc ipsum excitauī te, vt ostendam in te virtutem meam, & vt annuncietur nomen meum in vniuersa terra, quod rursus non intelligenti fortasse videatur, quasi Deus sit causa obstinationis in peccato, ac proinde causa, vt aliquis non sit filius Abrahæ, siue filius promissionis secundum Isaac. Ex quo rursus concludit, igitur quem vult indurā, & cuius vult, miseretur. Concludit itaq; iste ex locis scripturæ veris, sed non recte intellectis veras conclusiones, sed nō recte intellectas, vt statim demonstrabo. Finitis ergo sumpsonibus, siue propositionibus locorum scripturæ, & finitis conclusionibus, repetit Apostolus clarius quæstionem in principio positam. Dicis itaq; mihi, quid adhuc queritur, &c. Si nos, inquis. facti sumus ab eo domini nostrarum actionum, & libera potestate voluntatis ab eo creati malum facimus, & ipse miseretur, cuius vult, inique de nobis queritur, quis enim voluntati eius resistit? aut cur non facit, vt licet inuiti ad virtutem trahamur? huc enim spectabat istius, quem Paulus introducit, murmuratio, vt magnus Diony. in diuī. nomī. explicauit, hoc autem alienum est à Dei prouidentia, ac sapientia, cui placuit, vt homo esset electione bonus, quod quidem non esse sapienter factum, quis potest dicere? An (inquit) dicet figmentum

ei, qui se finxit, quid me fecisti sic? Qui sic excuset, quod non sit filius Dei, siue promissionis, ut dicat non sum, quia mei qui alioqui liberam voluntatis potestatem habent, non miseretur Deus, eius vero voluntati resistere non possum, ut quidam vulgo nunc excusare solent peccata, dicentes Deus non dat mihi gratiam, ut me ab hoc, aut illo peccato absteineam, qui inquam sic excusent, de Deo quasi iniusto, & insipiente queri videantur. Quodammodo enim dicunt, debere Deum trahere homines, ut quamvis nolentes faciant tamen opera Dei, ex quibus fiant filii eius. Itaque iniustum esse Deum, qui homines potestatis suae compotes factos, qui vocantem sequi, aut non sequi possint, alios reprobet tanquam malos, alios tanquam bonos eligat, praesertim cum nemo, nisi Deo misereante, operetur bonum, aut malum, nisi indurante, cuius autem velit misereri, misereatur, & cuius non velit misereri, sed indurare, induret. Quare si velit homines probos esse, & bonum operari, debere, ut dixi, sic eos trahere ad virtutem, ut quamvis inuiti, & nolentes, tamen virtutes Dei operentur, ex quibus ad adoptionem filiorum Dei vocentur. Qui autem hoc dicunt, quid aliud agunt, quam reprehendere Dei providentiam? & dicere, cur sic me fecisti? id est, liberae potestatis, & sic velle naturam hominis corrumpere. Sic videtur mihi interpretatus hunc locum Apostoli Dion. Areop. in divi. nomi. c. 4. malis (inquit) quae fiunt, videtur divina providentia bene ad eorum, qui operantur, aut aliorum vel supplicium, vel communem visitationem, quam obrem eorum sermonem vanum non approbamus, qui aiunt, quod deberet, ut providentia Dei nos vel inuitos ad virtutem traheret, deinde subiungit rationem, cur sermonem istorum non approbet, quia (inquit) corrumpere naturam non est providentia, providentia enim naturae cuiusque custos est. haec Dionysius. Ergo quia is, qui aiebat, Quid adhuc queritur, voluntati eius quis resistit? perinde erat, quasi diceret, si me fecit Deus liberae voluntatis, ut possim malum facere, & nisi Deo misereante, malum non facere non possum, ipse vero cuius vult miseretur, & voluntati eius non misereantis resistere non possum, quid igitur queritur, si malus sum? iniuste me odit, cur enim non facit, ut quamvis nolum, virtutem operer? Quia huc tandem, ut dixi, spectabat accusatio, & querela, idcirco Apostolus accusanti providentiam Dei, quia sic hominem faciat, & gubernet, mirabiliter respondet, O homo, (inquit) tu quis es, qui respondeas Deo? an non ex nihilo factus? nonne terra, & in terram mutandus? admodum enim hominem conditionis, & fabricae suae, cum ait, O homo,

tu qui es? & vt illa secum cogitet. quæ Iob aiebat, agnoscens quis
 esset, & vnde factus. & quomodo, & à quo, & cuius prouidentia
 regeretur, & quo tenderet. Memento (inquit) q̃ sicut lutum feceris
 me, & in puluerem reduces me, nō ne sicut lac me mulsisti? coagula
 sti autem me, pelle, & carnibus vestisti, & ossibus, & neruis com-
 pegisti me, vitam, & misericordiam tribuisti mihi, & visitatio tua
 cultodiuit spiritum meum. Deinde subiungit, vt est apud septua-
 ginta, hæc cum in me habeam, noui, quodd omnia potes. impossibi-
 le est autem tibi nihil. Quis ergo es (inquit) qui respondeas Deo
 tuo, vni omnium auctori, cuncta potenti, & scienti? nunquid di-
 cit figmentum ei, qui se finxit, quid me sic fecisti? tales enim sumus
 nos, quos Deus more figuli in vtero matris tanquam lutum, vt ait
 sanctus Iob, manibus suis plasmavit. Qui non debemus in Deum
 murmurare, quodd malos odio habeat, quos alioqui malos esse per-
 mittat, vt pote liberos, ac non potius per vim faciat bonos esse,
 quodd à Dei prouidentia alienum sit. Prouidentia enim, vt ait idem
 Dion ysius, est conseruatric naturæ cuiusque. Est autem natura ho-
 minis, rationis participem esse, ac proinde liberæ potestatis, quæ si
 sublata eis sit, natura hominis corrumpatur. Est autem valde ab-
 surdum, vt opus ab auctore suo postulet, vt auctor ipse naturam,
 operis sui corrumpat, & se de imprudentia condemnet. Itaque
 cum ait Apostolus, Nunquid figmentum dicit ei, qui se finxit,
 quid me sic fecisti? exemplo eius, quodd fieri nō potest, vt ait Theo-
 dorus Heracleotes in comment. Esaiæ c. 45. docet nos cedere
 prouidentia Dei sapientissimæ, & potentissimæ. Est enim quodd
 ait, quid me sic fecisti, perinde quasi diceret, non sapienter me fe-
 cisti, vt dixit Esaias c. 29. vnde hoc sumpsit Apostolus. Prædicans
 enim propheta electionem gentium ad gratiam adoptionis, quia
 credituræ, & fidem operaturæ erant, Iudæorum vero reproba-
 tionem propter incredulitatem, & malitiam, quia videbat in spiri-
 tu, quodd nunc ait Apostolus, fore qui dicerent in Deum murmu-
 rantes, debere eum potius facere, vt omnes quamuis nolentes ope-
 rentur bonum, vt sic omnes eligantur, idcirco ait, simili-
 ter vt Paulus. Nunquid dicit opus ei, qui se finxit, non finxisti me?
 aut figmentum suo fictori, non sapienter fecisti me? sic enim est
 in septuaginta. Deinde subiungit propheta, Non adhuc parū, trās-
 feretur Libanus, quasi Carmelus, & Carmelus in siluā reputabitur.
 Significat cultores idolorum, vt erant habitatores Libani, qui est
 mons in Phoenicia, futuros esse sponte cultores Dei Iudæorum, ac

proinde eligendos esse, Israelitas vero futuros esse similes habitatoribus Libani Deo alienis, ad eandem sententiam pertinent, quæ in eodem propheta sequuntur. Redeo ad Paulum, sequitur enim, An non habet potestatem figulus, &c. Alia hæc quaestio est, quæ si liberi (dicat aliquis) sumus ad bonum, & ad malum, profecto quod non omnes eligat, & vocet Deus, culpa Dei fortasse fuerit, quasi non possit sic factos eligere, & vocare omnes, respondet Apostolus, An non habet potestatem figulus ex eadem massa aliud quidem vas facere in honorem, aliud vero in contumeliam? quod perinde mihi esse videtur, quasi dicat, quod ait idem Dionysius Areopag. in coelest. Hier. c. 9. οὐκ ἔστι τι τῶν πονηρῶν αὐτοῦ πρὸς τὸ τι τὰ δίκαια τοῦ πονηρῶν, id est, propter libertatem arbitrii in sequendo, aut non sequendo Dei providentiam, non hebetant diuina lumina adiutricis providentiæ. Lumina enim vocat multiplicem gratiam, & multiplex auxilium Dei, quæ beatus Iacobus appellauit donum, & datū, cum ait, omne datum optimū, & donū perfectū desursum est descendens a patre luminū, in hunc enim locum Iacobi aspiciens diuinus Diony. statim subiungit, quæ sit causa, quod non omnes illuminentur, & alii magis, alii minus illuminentur, mentes (inquit) intelligentes pro sua varietate paternæ bonitatis illuminationem, quæ est infinita, aut omnino non admittunt sua duritia resistentes, aut admittunt quidem varie, aliæ multū, aliæ tenuiter, &c. Quod si libera potestas operandi bonum, & malum, qua præditi sumus, non hebetat Dei gratiam, neque extenuat, aut debilitat, sed nos potius vitio nostro debilitamur & infirmi sumus, potest ergo Deus, quāuis libera voluntate simus, ut sapiens figulus alios quidem, id est bonos, instar bonorum vasorum eligere ad honorem, eos dico, qui gratiæ eius deesse noluerunt, quod in eorum fuit potestate, alios vero, id est malos, reprobare, qui voluerunt. Est autem hoc, quod ait, An non habet potestatem figulus ex eadem massa facere aliud quidem vas in honorem, aliud vero in contumeliam, sumptum ex alio c. Esa. 45. cū ait, An dicet lutum figulo, quid facis, quia non operaris, neque habes manus? Sed repetamus paulo altius locum Esaiæ, ut ex convenientia illius cū hoc Pauli, sensum vtriusque eliciamus. Solet scriptura frequenter ex iis, quæ historice gesta sunt, tanquam ab imagine, & figura sermonem ad mythicos, & spirituales sensus apte, & commode trāsferre. ut hic Esa. a Cyro Rege Persarum, qui Babyloniis superatis & direptis, ac portis æreis iuxta prophetiam effractis, Iudæos nutu Dei seruitute liberauit, &

templum Hierusalem fundauit, transfert sermonem ad Emanuel
lem, quem misit pater, vt prædicaret captiuis remissionem, & coecis
visum, & vt catenis peccatorum ruptis homines a' diaboli tyrannis
de liberaret, & in suam, & Dei patris gratiam reconciliaret, suumq;
templum, idest, ecclesiam ædificaret. Post prophetiam ergo de Cy-
ro Rege, de aduentu Emanuelis veri Regis prophetare incipiens,
latetur (inquit) coelum desuper, idest angeli. Conuersio enim ho-
minum in terra ad Deum singularem lætitiā angelis attulit, ete-
nim si gaudent super vno peccatore poenitentiam agente, quis de
eorum lætitiā in salute cunctis credentibus allata dubitabit? Testis
vero huius lætitiæ fuit illa in ortu Christi multitudo militiæ lau-
dantiū, atq; dicentiū, Gloria in altissimis Deo, & in terra pax homini-
bus. Sequitur, Pluāt nubes iustitiā, Nubes spirituales sunt angeli, p-
quos descendunt consolationes spirituales instar pluuiæ in corda
credentium, Nubes quoq; vocat (ait Cyrill.) sanctos mystagogos,
idest, misteriorū magistros, quorū primitiæ fuerunt sancti Aposto-
li, qui cunctam terram lustrantes velut aridam, & sterilem prædica-
tione verbi, & doctrina euangelicæ iustitiæ irrigarunt, & frugiferā
fecerunt. Sequitur, producat terra, & germinet misericordiam, &
iustitiam germinet simul. Christum significat, qui factus est nobis
in terra a' Deo patre iustitia, & misericordia, qui per eum misericor-
diam consecuti sumus, & accepta remissione peccatorum iustificati.
Sequitur, Ego dominus, qui creauit te, quid melius feci? qui forma-
ui te, vt lutum figuli. In Christo enim semine Abraæ facti sumus
noua creatura, renati sicut beatus Petrus ait, ex semine incorrupti-
bili, qui est, excellentissimus ortus, quo nos Deus, quos primum ex
luto finxerat, postquam cecidimus, & fracti sumus, iterum more fi-
guli in filios promissionis secundum Isaac resingit, sicut Hieremiā
docuit, cum iussit ei descendere in domum figuli, qui faciebat (inquit)
opus figuli, & dissipatum est vas, quod ipse faciebat ex luto manibus
suis. conuersusq; fecit illud vas alterum, sicut placuerat in oculis
eius, vt faceret. Declarat autem deinceps Esa. quando hæc renoua-
tio, siue reformatio facta fuerit, nempe cum venit fides, sicut Apost.
ait, & cum cessauit lex, quæ data erat, vt instar aratri dura corda, &
animos incultos Iudæorū præscinderent, & sic ad semen euangelicæ
iustitiæ excipiendum præpararet. Neque enim semper arandū
erat, si quidem lex data erat vsque ad tempus correctionis, cum
omnia erant in sturanda, & perficienda, gratia, & veritate per Chri-
stum allatis. Nunquid ergo ait, qui arat, tota die arabit terram? deq;

inde quia dixerat dominus instar figuli refingam hominem, scilicet regenerando, & iustificando eum, quasi de hoc aliquis dubitaret, ut in euangelio dubitabat Nicodemus, tanquam fieri hoc non posset, idcirco subiungit, an dicet lutum figulo, quid facis, quia non operaris, neque habes manus? quod perinde est, quasi diceret, an non habet figulus potestatem faciendi ex luto quodcumque voluerit vas? Eadem sententia est in Hieronymi interpretatione, sicut figulus iste, non potero facere vos domus Israel? Ergo ut ad Paulum reuertamur, An (inquit) non habet figulus potestatem faciendi ex eadem massa aliud vas in honorem, & aliud in contumeliam? Ac facere quidem vas in honorem non est aliud quam eligere, & vocare ad honorem adoptionis filiorum, & ad gratiam sanctificationis, facere vero in contumeliam est damnare, ac reprobare. Quos autem faciat Deus huiusmodi vasa vel in honorem, vel in contumeliam supra docuit Apostolus, cum interpretaretur quod Abrahe dictum est, in Isaac vocabitur tibi semen, id est, non qui filii (inquit) carnis, ii filii Dei, sed qui filii sunt promissionis, aestimantur in semine, promissio autem est per iustitiam fidei, sicut idem Apostolus ait. Fiunt ergo vasa in honorem, ex fide, quæ Dei donum est, & vasa in contumeliam ex incredulitate, aut vitiosa, ac mortua fide, quod apertius docuit idem Apostolus in epistola ad Timotheum. 2. c. 2. Si quis (inquit) se emundauerit ab istis scilicet passionibus, malisque operibus, erit vas in honorem sanctificatum, ex quo rursus intelligimus, qui se non emundauerit, erit vas in contumeliam reprobatum, & damnatum. Elegit ergo Deus ad sanctificationem, quos præcognouit emundaturos se à passionibus per fidem, quæ corda purificat, sicut ait scriptura. Sed pergamus ulterius, sequitur enim, Si Deus volens ostendere iram, & notam facere potentiam suam, sustinuit in multa potentia vasa iræ aptata in interitum, ut ostenderet diuitias gloriæ suæ in vasa misericordiæ, quæ præparauit in gloriam, hyperbaton est Paulo familiare, dixerat enim supra O homo, tu quis es, qui respondeas Deo tuo, si volens ostendere iram, & notam facere, potentiam suam, & quæ sequuntur, hæc enim erat recta compositio, verum Paulus suo more cum nollet differre obiurgationem impudenter, & impie respondentis Deo, subiecit statim, Nunquid dicit figmentum? & quæ sequuntur, quibus interiectis, continuat superiora, Admonet autem de hac compositione, & hyperbato, vel vnius verbi Deus repetitio, etenim si non fuisset facta interpositio, sic dixisset, O homo tu quis es, qui respondeas Deo, si volens

ostendere iram, &c. sed quia non pauca erant interposita, repetit verbum, Deus, vt admoneamur cōtinuandum esse cum eo, quod proxime dixerat, O homo, tu qui es, qui respondeas Deo, si Deus volens, &c. hactenus lectio, sequitur interpretatio, quia dixit scriptura Moisi, miserebor, cuius misereor, & alia scriptura Pharaoni, in hoc ipsum excitauit te, vt ostendam in te virtutem meam, & annuncietur nomen meum in vniuersa terra, calumniator iste, quem Paulus introduxit, neque intelligens quæ loqueretur, neque de quibus affirmaret, sicut Apostolus de quibusdam ait, concludebat, ergo cuius vult miseretur, & quem vult indurat, ex quo rursus concludebat, iniquum esse Deum, qui non omnes diligeret, & iniuste queri de iis, quos odio haberet, idcirco Apostolus postquam reprehendit calumniatoris impudentiam, & impietatem, & exemplo Iuti, ac figuli docuit cedendum, & acquiescendum esse prouidentie Dei sapientissimæ, & præpotenti, nunc docendi gratia eiusdem insipientiam redarguit in eo, quod de Pharaone calumniabatur, quasi Deus obstinationis illius auctor fuisset, quod valde absurdū esse videbatur. O homo ergo (inquit) tu quis es, qui respondeas Deo, si volens ostendere iram, quod perinde est quasi diceret, quid habes, quod respondendo Deo, iuste eum in Pharaonis induratione calumnietis, si sustinuit in multa sapientia, cum vellet ostendere iram, & potentiam suam, id est quantum irascetur peccatis, & quam illa grauius punire posset, id quod non solum ad Pharaonis, & Aegyptiorum emendationem, sed ad ceterorum omnium vtilitatem, & exemplum, sicut scriptum est in prouerb. pestilente verberato stultus fiet prudens, & iterum prudens videns poenas dantem valde eruditur, Item illud, impiis cadentibus iusti timebunt, si inquam vt iram, & potentiam ostenderet tum Hebræis, tum Aegyptiis, sicut ait sap. Salomon c. 16, de plagis Aegyptiorum, vt ipsi (inquit) videntes scilicet Aegyptii scirent, quoniam Dei iudicio patiuntur persecutionem, de Hebræis vero paulo supra, His autem (inquit) oportebat ostendere, quemadmodum inimici eorum exterminabantur, scilicet propter tyrānidem, quā proxime dixerat, cū ait, sustinuit in multa patientia vasa iræ, Pharaonē, & Aegyptios dicis, sic enim solet appellare scriptura eos, quibus vti Deus tanquam instrumentis ad alios puniendos, sic Hier. c. 50. appellauit Babylonios, qui Iudæam deuastarunt, & Iudæos duxerunt captiuos, Capra (inquit) es Babylon, & nesciebas, inuenta es, & apprehensa, quoniam dominum prouocasti. Deinde subiungit, Protulit dominus vasa

ire suæ, opus est domino exercituum in terra Chaldaeorum, veni-
te ad eam ab extremis finibus, aperite, ut exeant qui conculcent eā.
Significat, ut Theodoritus in comment. huius prophetæ ait, non
amplius vsum se esse patientia in istis vasis iræ sustineundis, venisse
enim tempus suppliti. Sustinuit itaq; diu Deus Pharaonem, & Ae-
gyptios alioqui iam interitu dignos adducens sua illos patientia ad
poenitentiam, sustinuit, inquam, ut eorum tyrannide, quam in Hæ-
bræos exercebant, vtens in eisdem Hebræis propter idololatriam,
& alia peccata puniendis, ad se eosdem Hebræos conuerteret, fie-
rentq; vasa misericordiæ, id est digni, quos secundum præcognitio-
nem suam eligeret, & vocaret ad gratiam sanctificationis, & iustifi-
cationis suæ, & iustificatos glorificare. Omnia enim quæ sub Pha-
raone passi sunt, cooperata sunt electis Hebræorū ad salutem non
solum tunc, sed postea cum reliquiæ eorum saluæ factæ sunt. Pro-
pter afflictionem enim sicut ait scriptura vociferati sunt, & ascen-
dit clamor eorum ad Deum ab operibus, & audiuit gemitum eorū,
ac recordatus est foederis, quod pepigit cum Abraham, Isaac, & Ia-
cob. Hoc autem foedus continebat promissionem adoptionis per
fidem, & iustitiæ, ac gloriæ electorum non solum ex Iudæis, sed ex
gentibus. Deinde subiungit scriptura, & respexit dominus filios
Israel, & agnitus est eis, sic. n. est in septuaginta. Hoc ergo modo, &
ratione sustinuit Deus vasa iræ aptata in interitū, ut ostenderet diui-
tias gloriæ in vasa misericordiæ. Sic etiam Babylonios, qui erant
vasa diuine iræ in Hebræos propter eorū peccata, sustinuit patien-
ter, ut differens eorū interitum, quamquam iam eo digni essent, He-
bræos interim, quos captiuos tenebant, ad poenitentiam per Baby-
loniorum tyrannidem conuerteret, & conuersos iustificaret, ut qui
dem conuersi sunt, ut ex Daniele, suo, & populi nomine peccata
confitente intelligi potest, cooperabatur enim illa captiuitas He-
bræis electis in bonum, neque solum iis, qui tunc erant, sed futuris
etiam, cum reliquiæ saluæ factæ sunt, de quo quidem propheta
Hieremias diuine admonuit, prophetans enim de interitu Baby-
loniorum, & liberatione populi ait, in diebus illis, & tempore illo
venient filii Israel ipsi, & filii Iuda simul ambulantes, & sientes pro-
perabunt, & dominum suum quærent, & apponentur ad dominū,
foedere sempiterno. Et rursus paulo post, prophetans de eodem
interitū Babyloniorum, subiungit, In diebus illis, & tempore illo
ait Dominus, quæretur peccatum Iuda, & non inuenietur, quoniā
propitius ero eis, quos reliquero, &c. Solet enim scriptura, ut supra
iterum

seruientes, eligit inquam ad adoptionem filiorū, & iustificationem, vt facti filii, & sanctificati, ac iustificati rursus seruiant in sanctitate, & iustitia, ad quam electi sunt. Quare quos præcognouit seruitorios non quidem ex se, suisq; viribus, sed ex Deo, hos ante constitutionem mundi, elegit ad gratiam dilectionis, & amicitiae suae, & sanctificationis. Item Eia. 65. de eisdem electis, quemadmodum (inquit) si inueniatur vua in racemo, & dicatur, ne dissipēs illum, quia benedictio est in eo, sic faciam propter seruientem mihi, huius causa nō perdam omnes, & eximam, atque extollam semen Iacob, & Iuda, & hæreditabit montem sanctum meum, & hæreditabunt electi mei, & serui mei. Quem locum explanans beatus Cyrill. in comment. prophetæ huius, interierunt (inquit) Iudæi ab ira Dei, sed non oēs, Iustus enim iudex non perdit cum impiis pios. Vt ut autem exemplo racemi, ex quo relinquitur vua, deinde admirantibus aliis introducit dominum loci, vel vineę dicentem, ne ledas, quoniam benedictio est in eo, sic ergo (inquit) faciam propter seruientem mihi, id est, tāta diligentia, & indagatione utar, vt in vna ciuitate ceteris aliis ad perfidiam, declinantibus, vel vnus fidelis, & obediens non me lateat, quin ex omnibus veniam consequatur, ne cum aliis pereat. Seruatus itaq; est Dei prouidentia, quicunque erat dignus salute per Christum. Et quidem Paulus reliquias Israel saluas factas esse ait secundum electionem gratiæ quasi ἀπολογία δ' αὐτοῦ, id est, quasi delectu habito ex cuncta regione Iudæorum. Hactenus Cyrill. propter seruientem (inquit) mihi non perdam omnes, & eximam, id est, eligā semen Iacob, & Iuda, & hæreditabit mōtem sanctum meum, id est, Hierusalem coelestem, & hæreditabunt electi mei, &c. Ergo quos præcognouit seruientes, hos elegit ex æternitate, seruientes dico, non quidem secundum naturam, sed secundum Dei gratiam. Idcirco enim ait, non quidem simpliciter propter seruientem, sed addidit propter seruientem mihi, idq; vt (sicut Apostolus ait) secundum electionem Dei propositum maneret, id est, vt prædestinatio esset nō secundū debitū, vt qdem esset, si ex operibus nature esset, sed esset secundum electionem, id est, secundū gratiam, cū esset ex operibus Dei. Præterea cum Apost. dicat, non ex operibus, sed ex vocante electum esse Iacob ad gratiam adoptionis, & iustitiæ, dixerat autem proximo superiore capite, quos præsciuit, prædestinasse, & quos prædestinauit, vocasse, sequitur, vt præcognitos vocet, ostendimus autem supra ex scripturis, eos esse notos Deo, qui ei seruendo, & obediendo placent. Quare si, ex vocante factum est, vt Iacob dileg

ctus sit, ergo ex operibus, quibus Deo placebat, factum est, ut diligere-
 retur à Deo, ea autem opera non sunt opera secundum carnem,
 sed opera Dei est, id est, quæ Dei gratia nobiscum operatur in no-
 bis. Conferamus præterea cum his locum Esa. c. 4+. de electis ex
 Israel propter fidem, & cōuersionem ad Deum. Nunc autem audi,
 inquit, Jacob puer meus, & Israel, quæ elegi, sic dicit dominus Deus,
 qui creauit te, & plasmavit te de ventre, adhuc habebis auxilium, ne
 timeas, puer meus Jacob, hoc dicit, quia reprobi persequuntur ele-
 ctos, id est, nati secundum carnem, natos secundum spiritum, sicut
 Ismael persequatur Isaac, & Esau Jacob. Sequitur, & dilectus Israel,
 quem elegi, non sic dilexit, ut eligeret, sed elegit, ut sic diligeret, nem-
 pe dilectione iustitiæ. Deinde subiungit, Quia ego dabo aquam in
 sui ambulanti in iniquo. Consolationē spiritus sancti, & vim
 eius uiuificant comparat cum aqua, quæ facit crescere herbas, & stir-
 pes, & quā nihil sitienti iucundius, neque quod magis recreet, hoc
 enim de spiritu sancto dici statim declarat scriptura subiungens, Po-
 nam spiritum meum super semen tuum, & benedictiones meas su-
 per filios tuos. Ecce spiritum Dei, secundum quem nati sunt electi,
 & facti heredes spiritualis benedictionis promissæ Abræ, quem
 quidem spiritum non accipiunt, nisi per fidem dilectione operatā,
 sicut dominus dixit in euangelio Io. Qui credit (inquit) in me, sicut
 dicit scriptura, flumina de ventre eius fluent aquæ uiuæ. Hanc eni-
 scripturam Esaiæ dicit, ut ex interpretatione euangelistæ existima-
 re licet, subiungit enim interpretans, Hoc autem dixit de spiritu,
 quem accepturi erant credentes. Ergo quos præcognouit creditu-
 ros Deus, & obtemperaturos, & ad Deum per poenitentiam redi-
 turos, hos elegit, quibus spiritum adoptionis filiorū daret, & quos
 diligeret ut filios, Rursus enim in eodem capitulo de electis ad gra-
 tiam istam adoptionis, iustificationis, & remissionis peccatorū, For-
 mauit te (inquit) puerum meum, & tu Israel, ne obliuiscaris mei, ce-
 ce deleui sicut nubem iniquitates tuas, & sicut caliginē peccata tua,
 deinde ut doceret, unde iustificaret, & iustificandos eligeret, subiun-
 git, reuertere ad me, & redimam te. Ex conuersione ergo ad Deum,
 quæ fit per poenitentiam, & ex dilectione iustificatur homo, & re-
 demptionem à peccatis, quibus uenditus erat, reportat. Unde autem
 iustificatur, inde vocatur ad iustitiam, & unde vocatur ad iustitiam,
 inde electus fuit secundum præcognitionem operum bonorum,
 & beneplacitum, ut iustificaretur, ac sanctificaretur. Sed ut locū
 de electione ex præcognitione fidei, & bonorum operum, qui infu-

nitus est, tandem finiam, & reliqua huius c. 9. persequar. describam
 hic, quæ beatus Cyrillus optimus scripturæ sanctæ interpres in cō
 ment. Malachię prophete scripsit in hunc locum, quem Paulus ex
 „ hoc propheta citauit, Dilexi, ergo dicit dominus, & dixistis, in quo
 „ dilexisti nos? nonne frater Esau erat Iacob, dicit dominus, & dilexi
 „ Iacob, Esau autem odio habui? cum dixisset (inquit Cyrillus) Deus,
 „ dilexi vos, valde probabile erat, venire illis statim in mentem ca
 „ priuitatis, tamen *οικονομώτατα* idest, prudētissimo cōsilio, silentio
 „ prætermittit, quæ acciderant, & demonstrationem dilectionis suæ
 „ erga Iudæos ad principium, atq; originem generis, idest, ad Iacob
 „ reuocat, quem se ait dilexisse, odisse autem Esau alioqui fratrem. Ut
 „ enim (inquit) ait Paulus, cum nondum natj essent, neq; aliquid boni
 „ egissent, aut mali, Iacob elegit, ex quo genus Iudæorum profes
 „ sum est, Esau vero eiecit, ac reprobauit. sed non *κατὰ προκλίσιον*
 „ sic mihi videtur vocasse, quam acceptionem personarum appellat
 „ re solet scriptura, quæ est quædam sine ratione inclinatio, deinde
 „ subiungit, non est enim iniustus Deus, neque iudiciū de vllō in
 „ terra facit iniquabile, aut *ἐπ' αὐχ*. Sic sic rursus vocat iudiciū in gra
 „ tiā alterius corrupte inclinās. sed potius (inquit) cū præcognitos ha
 „ beret Deus vtriusq; mores futuros, meliorem dilexit, sicut Heremiā
 „ anteq; in ventre formatus esset, cognouisse se ait, & anteq; ex ven
 „ tre exiret, sanctificasse, cognouit enim (inquit) futurum prophetam,
 „ & aptum, atq; idoneum ad obeundum legationem, & prædictionē
 „ futurorum faciendam, sic & nos ipsos ex fide iustificatos esse dicit
 „ Apost. quos enim præcognouit, & predestinauit Deus conformes
 „ fieri imagini filij sui, & hos vocasse, ac iustificasse dicitur. Ergo secū
 „ dum præcognitionem (inquit) dilectus est Iacob, & Esau iuste odio
 „ habitus. Ait itaq; o Israel, dilexi quidem vos, non enim mentiar, si
 „ hoc dixerō. intelligetis aut magis, quā hoc sit verum, si reuocetis
 „ dilectionem ipsam ad principium generis vestri. Ambo enim ex
 „ Isaac. sed alter pius, & probus Iacob, alter durus, & paratus, ac prō
 „ prius *εἰς βεβαίωσιν* Esau. Idcirco inclinaui animum ad Iacob, &
 „ sortem, siue hæreditatem assignatam Esau destruxi, dediq; eam vas
 „ stādā, & Iacob, idest, vos, siue regionem, quam habitastis, seruaui.
 „ Deinde subiungit, hoc autem existimo, docere vult Iudæos hoc lo
 „ co p prophetā Deus, dilexisse se quidem Iacob nō alia de causa nisi
 „ qā fuisset simplex, & probus, odisse vero Esau, quia tertenis deditus
 „ & profanus, neq; passuros, eos fuisse calamitates et vastitatē, si Iacob
 „ imitari maluissent, sed qā Esau inuitati essent, idcirco dedisse pēnas.

Haecenus Cyrill. mirabili itaq; artificio, quod Malachias propheta,
 vel potius dominus per Malachiam post transactam vitę militiam,
 vt recte Faustus in libro 2. de libero arbitrio ait, de Iacob, & Esau
 commemorat, de pręterito eorum actu diuinum proferens manis
 festa aq̃uitatę iudicium, hoc Paulus Apostolus nihil iam metuens,
 ne ad acceptionem personarum referri 'posset, ad illud tempus
 retulit, & ad illud pertinere interpretatus est, cum secundum prę-
 cognitionem operum bonorum Iacob, & secundum pręscientiam
 malorum Esau dictum est, antequam nati essent, maior seruiet mi-
 nori. quod perinde erat, vt statim declarauit Apostolus, quasi dice-
 ret, Iacob elegi, vt diligam tanquam filium, & benedicam benedi-
 ctione filiis Dei promissa, in qua erat dominari inimicis suis, vt sunt
 reprobī inimici electorum, & Esau repuli ab hac electione. Idcirco
 enim postquam dixit, maior seruiet minori, subiunxit statim, sicut
 scriptum est, Iacob dilexi, Esau autem odio habui. Quomodo enim
 quod scriptura dixerat, maiorem seruiturum esse minori, hoc proba-
 ret Apostolus dicens, sicut scriptum est, Iacob dilexi, Esau autem
 odio habui, nisi in dilectione ista Dei contineretur dominatus, &
 in odio seruitus: clarissime ergo docuit Apostolus, quod Malachias
 dixit, spiritualiter intelligendum esse de dilectione Dei tanquam pa-
 tris erga filios promissionis, & secundum spiritum natoꝝ, hæredes
 benedictionis spiritualis promissę filiis Abraę secundum Isaac, in
 qua erat dominari, & possidere potas inimicorum, & de odio Dei,
 idest, repulsā ab huiusmodi adoptione spirituali, & benedictione.
 Imo sic in primis accipiendum esse idem quoque propheta Mala-
 chias admonuisse mihi videtur, cum statim in ipso prophetiæ prin-
 cipio, quia continuo per personam domini dicturus erat, Iacob
 dilexi, Esau autem odio habui, vt secundum spiritum acciperetur
 dictum, Ponite (inquit) in cordibus vestris, dilexi vos, & quę sequun-
 tur, sic enim est apud septuaginta, quod perinde est, quasi diceret,
 videte, quid audiat, vt dominus in euangelio ait, cum parabolas
 loquitur, admonens, vt in sensum spiritualem intendamus animum.
 Et iterum c. 3. cum minatur Deus domui Iacob propter scelera si-
 mile odium, vt illud Esau, Quia (inquit) non posuistis in cordibus ve-
 stris, maledicam benedictionibus vestris, quod perinde mihi esse vi-
 detur, quasi diceret, quia nolulistis intelligere benedictionem pro-
 missam Iacob, & semini eius spiritualem esse, & hanc in primis ex
 fide & obedientia quærendam, propter hancq; illam secundum
 historiam benedictionem promissam esse, idcirco ego benedictio-

nes vestras carnales, quas adamastis, spirituali benedictione contem-
pta, vertam in maledictiones, ita fiet, vt qui nō habetis fidei obedi-
tiam, vt reputetur vobis ad iustitiam, & benedictionem cum fidei
Abraam reportetis, benedictio etiam carnalis, quam alioqui habere
videmini, vobis auferatur, sicut scriptum est, non habenti id ipsum
quod habet, auferetur ei. Pertinebat autem ad benedictionem car-
nalem & historicam perpetua incolumitas populi Israel, & sicut
scriptum est, liberatio de manu omnium, qui oderunt eum, & vt
erat in promissionibus Abraę, & semini eius factis, possidere portas
inimicorum suorum, quodquidem Abdias propheta in Idumæis
secundum historiam implendum esse his verbis prædixit, & possi-
deat domus Iacob eos, qui possederunt eum. Idumæos dicit ex
Esau ortos, quod est maiorem seruire minori, quod ad odium, &
maledictionem Esau secundum carnem spectat, vt etiam vastitas,
qua Deus Idumæam regionem Esau affecit, de qua statim Mala-
chias, postquam dixit, Esau autem odio habui, subiungit. Et posui
terminos eius, desolationem, & hæreditatem eius domos deserti.
Qd si dixerit Idumæa, destructi sumus, sed reuertētes ædificabimur,
quæ destructa sunt, hæc dicit dominus exercituum, ipsi ædificabūt,
& ego destruam, quod perinde est, quasi diceret, ita omnia vastabo,
vt si reuersi Idumæi loca diruta restituere voluerint, tamen nō pos-
sint. Deinde subiungit causam huiusmodi odii, & reprobationis, ac
maledictionis, & vocabuntur (inquit) termini eius impietatis, & pos-
pulus, cui iratus est dominus in æternum, quod perinde mihi esse
videtur, quasi diceret, huc euasit impietas Idumæorum, & hanc cas-
linitatem importauit ab exemplo, & imitatione Esau ducta. Hanc
quoque deuastationem Idumæę regionis Esau, simul etiam causam
eius prædixit Dauid his verbis, Memento domine filiorum Edon,
(sic enim appellabatur Esau) in diebus Hierusalem dicentium exi-
nanite, exinanite vsque ad fundamentum eius, fuerant enim socii,
& adiutores Babyloniorū in deuastatione Hierosolymitana, quod
Abdias propheta postea copiosius prophetauit prædicēs tota sua
prophetia deuastationem istam Idumæę propter hanc impietatem.
Ergo Malachias dilectionem Iacob, & odium Esau sic secundum
carnem, & historiam accepit, vt sensum spiritualem non dissimula-
ret, imo de eo statim in principio, vt dixi, admonuit, inquit, poni
te in cordibus vestris, Paulus, vero secundum spiritum tantum, vt
propositi sui ratio poscebat, accepit in epist. ad Romanos, & in epi-
stola ad Hebræos spiritualis quoque maledictionis Esau meminit,

cum ait, Pacem sequimini cum omnibus, & sanctimoniam, sine qua nemo videbit Deum, contemplantes, ne quis desit gratiæ Dei, scilicet sanctificanti, & iustificanti, deest autem, qui eam peccato aliquo magno impedit, quod statim declarat subiungens, Nequa radix amaritudinis sursum geminans impediatur, & per illam inveniuntur multi. Id est, ne vlla radix peccati, ac damnationis, cuius fructus sit amara mors, impediatur, ne quis fornicator, aut profanus, ut Esau, qui propter vnam escam vendidit primogenita sua. Talis est quicumque post gratiam baptismi maluerit facere voluntatem carnis, quam non deesse gratiæ, anteponebat primogenituræ spirituali conscriptæ in coelis parvam voluptatem. Sequitur deinde, Scitis enim quoniam postea volens hæreditare benedictionem reprobatus est. Nisi illa secundum historiam benedictio figura, & typus fuisset benedictionis spiritualis, & coelestis, quorsum illam nobis hoc loco commemorasset Apostolus? Nostra enim benedictio non est carnalis, sed spiritualis, & finis eius hæreditas in coelis. Ergo cum ait, scitis enim, quoniam postea cupiens hæreditare benedictionem, & quæ sequitur, perinde est, quasi diceret, videte, ne similiter vobis eueniat, ut euenit Esau, ne inquam benedictionem spiritualem amittatis, & semel amissam frustra postea requiratis, quia scilicet non recte poenitentiam agatis, sicut videtis Esau, quanquam doluerit, ac poenitentiam coeperit, amisisse tamen benedictionem, quia scilicet non recte doluerit, neque recte poenituerit. Id enim significat, quod Apostolus ait, non inuenisse poenitentis locum, quem alioqui dat Deus omnibus, ut est in sapientia Salomonis, si eum velint, significat, inquam, non inuenisse ἀκλόουθια καὶ εἰρημὸν μετανόειαν, id est, non inuenisse rectum ordinem, conuenientemque rationem poenitentis, sic enim Procopius Gazæus in comment. Exodi interpretatus est hunc locum, cum c. 32. explanans illud, Est locus apud me, notaret diligenter in scripturis varias verbi loci significationes. Itaque non doluit Esau, quia indignum se benedictione præbuisset, quod gulæ deditus fuisset, vendens primogenita propter vnam escam, quod fornicator, & profanus miscens se cum alienigenis, sed potius peccatum homicidii addidit, Appropinquant (inquit) dies luctus patris mei, ut occidam Jacob. Idcirco non solum benedictionem spiritualem a Deo non tulit, sed carnalem etiam, quam habere videbatur, amisit. Atque ad hunc modum odio habitus est, id est, repulsus a benedictione Dei propter peccata sua. Ut autem admoneremur, Deum non sic odio habere, ut non etiam diligat dilectione bonitatis suæ, quem alioqui odio

habeat voluntate iustitiæ, qui nihil odit, sicut scriptum est, eorum quæ fecit, neque enim Deus odisse potest aliquid, quod velit esse, neque rursus esse potest quicquam, cuius non sit ipse causa, vñ extat. ideoque eidem Esau, quem odio habuit, benedictionem tamen aliquam licet parvam bonitate sua reliquit, vt scriptura testatur. Vt iam odio habere, sit minus diligere iuxta idioma scripturæ sanctæ, quæ postquam dixit de Jacob, dilexisse magis Rhachelem, quàm Liam, paulo post subiungit, vidēs dominus, q̃ odio haberetur Lia, & quæ sequuntur.



Actenus de prædestinatione, & electione Jacob, & filiorum promissionis secundum Isaac, vt fuit Jacob, & de reprobatione Esau, & omnium, qui secundum carnem nati sunt, vt Esau. Sequitur, vt deinceps reliqua huius capituli persequamur, illa præsertim, quæ ad ea, quæ proxime dicta sunt, maxime pertinent. Docuerat enim Apost. non filios Abraæ secundum carnem operantes, esse filios Abraæ, & hæredes promissionum illius, sed qui ad exemplum Isaac essent nati secundum spiritum, ex fide Abraæ, quæ Dei donum est, & ex operibus Abraæ secundum spiritum, quæ dona item Dei sunt. Quare cum ad huiusmodi ortum secundum spiritum solus Deus vocet, qui solus potest mortuos suscitare, qui Isaac, qui secundum naturam carnis ex centenario, et ex vtero sterili nasci non poterat, solus vocauit, id est, fecit, vt esset, videatur fortasse non intelligentibus iniquus Deus, si eos libera aliqui potestate prædixit, qui non sunt nati secundum spiritum, vt Isaac, oderit, & ex hæredet, eos vero qui sint, diligat, & hæredes mundi constituat. Nunquid ait, iniquitas apud Deum? quasi ipse in culpa esse videatur, q̃ non omnes vocet, neq̃ omnes faciat dignos sua dilectione, Absit (inquit) vt culpa assignetur Deo, quia fecerit liberæ potestatis, imo vero nostra est culpa, qui voluntate nostra nolamus vocari, neque diligere, sed potius odio haberi. Similis erat eorum accusatio, & querela, qui vt Dionysius scribit in coele. Hier. c. 9. querebantur de aliarum gentium angelis præsidibus, quod non fecissent, vt gentes singulis eorum commissæ Deum cognoscerent, vt fecisset Michael, qui populo Israelitico præerat, quibus respondet Dionysius, non oportere accusare angelos præsides, sed potius gentes ipsas, quæ ab eis sponte, suoq̃ viâ doceri noluerant, vt alio quando populo etiam Israelitico euenerat, & sicut scriptum de eo est, notitiam Dei abiecasti, & posit cor tuum ambulasti. Idem

iterum dixi, ex iis, quæ secundum historiam in figura contingebāt transferre sermonem ad mysticos sensus in historia illa figuratos, vt hic apud Hiere. ab interitu Babyloniorum, & illa Iudæorū sub Cyro liberatione transit propheta ad destructionem imperii diaboli, & redemptionem à seruitute eius, idest, à peccatis, & morte per Christum. Vt ergo ad calumniam istius, quem Apostolus introduxit, reuertamur, quid quæso in Deo iuste accusare queat, quasi induret, quem vellet, vt in Pharaone suspicabatur, non intelligens scripturam? Quomodo enim indurauit, vt iste interpretatur, si sustinuit eum in multa patientia differens interitum eius, vt eum ad poenitentiam expectando, & tolerando adduceret? aut quomodo cuius vult miseretur, nihil nobis agentibus, vt iste rursus interpretatur, qui sic conclusit, Ergo non est volentis, neque currentis, sed Dei miserentis, si vasa ista misericordiæ præparantur prius bonis operibus, quæ Deus in nobis libere cooperantibus operatur? de vasis enim istis misericordiæ, quæ elegit Deus ad sanctificationem, & iustitiam, ac gloriæ diuitias subiungit statim, Quæ præparauit in gloriam, quemadmodū vero præparauit, nisi fide, & bonis operibus, quæ in illis operatus est pro bona voluntate? præparauit dico, vt sic apti essent ad gratiā electionis, nempe si gratiā isti credēdo, & fidem operando non deessent, de quibus fide scilicet, & operibus Apostolus ait in epist. ad Ephe. gratis saluati estis per fidem, & hoc non ex vobis, Dei enim donum est, neque ex operibus, Dei enim factura sumus, idest, Dei sumus noua creatura. Opera ergo veteris hominis, siue opera carnis excludit, vt perinde sit, quasi dicat, neque ex operibus secundum natiuitatem carnis, siue ortum naturalem, quæ nō sunt bona secundum spiritum, sed ex operibus Dei, cuius efficitur filii secundum spirituales ortum, quod statim declarat magis, subiungens, creati in bonis operibus, quæ præparauit Deus, vt in illis ambulemus, non enim nos nihil agimus, sed potius cooperamur, quod scriptura dicere solet ambulare cum Deo, quod vnum à nobis requirit Deus, vt ait propheta Micheas. Vt ergo Pharaō, & Aegyptii fuerunt vasa iræ, non quidem nihil agendo, sed potius populum Dei impie, & crudeliter affligendo, sic vasa misericordiæ non fiunt nihil operando, sed potius operando opera Dei, hoc interest, quod horum opera Deus parauit, imo ante constitutionem mundi præparauit, illorum vero non Deus, sed ipsi parauerunt, & perseceperunt, hoc enim significat aptata, in interitū, aptata inquam à seipsis suis malis operibus. Sed absoluamus locum Apostoli coeptum, ses-

quitur enim quos vocauit non solum ex Iudæis, sed etiam ex gentibus. Sustinuisse dicit vasa iræ diuinæ, idest, Aegyptios propter electos non solum ex Iudæis, sed etiam ex gentibus, sustinendo enim Pharaonem, & Aegyptios, dum populum Hebræorum tyrannide affligerent, effecit Deus, vt conuerterentur ad Deum Hebræi, vt supra iterū dixi, & vt ipse dominus recordaretur pacti, quod cum Abraam fecerat, de vocandis per fidem, ad benedictionem promissam Abrahæ, & filiis eius secundum spiritum, vocandis dico non solum ex Iudæis, sed etiam ex gentibus, sicut scriptum est, Patrē multarum gentium cōstituam te, & sicut Oseas ait, quem hic citat Apostolus, vocabo non plebem meam, idest, gentiliū, plebem meam. Quomodo vero vocet, vtrum ex operibus, an nō, ex eodem quoq; Osea intelligi potest, dixerat enim paulo supra, Desponsabo te mihi in æternum, desponsationem in Christo prædicens, de qua Apostolus ait, despondi enim vos vni viro virginem castam exhibere, quæ est desponsatio æterna, desponsauerat enim prius populum vsque ad tempus correctionis, & desponsauerat quidem Moysi, idest, legi, quæ non erat satis ad copulandum perfecte cum Deo, quod quidem referuabatur Christo, Sequitur, & desponsabo te mihi in iudicio, & iustitia, & misericordia, hic est cultus, & ornatus eius animæ, quam sibi desponsat Christus, hæc dos, quæ Dei donū est, fides inquam, & opera bona, quæ nomine iudicii, & iustitiæ, & misericordiæ significauit. Et paulo post, & vocabo non plebem meam plebem meam, quod perinde est quasi diceret, non sponsam meam vocabo sponsam meam. Vocat ergo ex fide, & operibus bonis ad gratiam desponsationis, & coniugii spiritualis, atque vnionis, q̃ si ex his vocat, ex his ergo prædestinauit vocandos ad gratiam istam eos, quos huius mundi opera facturos præcognouit, quod fuit nobis propositum docere, quodq; me satis hætenus docuisse, & demonstrasse spero, & confido. Quia vero paulo ante dixi, calumniatorem istum, quem Paulus introducebat, ex veris scripturæ sanctæ propositionibus, sed male intellectis, vera item, sed male intellecta concludere, reliquum est, vt in extrema parte priusquam finiam, nequid hic requiratur aliud, ne'ue quis erret, explanem, quo illa quidem sensu vera sint, tū sumpta, tum conclusa, & quo rursus falsa. Aiebat ergo ille, cui iniquus videbatur Deus, q̃ alios diligeret, alios odio haberet, Moysi enim dixit scriptura, miserebor, cuius misereor, & misericordiam præstabo, cui præsto, ergo non est volentis, neque currentis, sed Dei misereantis. Videamus primū quo hæc

sensu vera sint, vt quemadmodum, qui hic calumniatur, illa accipiat, intelligamus, sumptus est locus ex Exodo, cuius interpretatio nem, ne sine auctore, & quidem graui, & antiquo loquamur, repetam ex Procopio Gazæo paulo altius. Dixerat ergo Moyses, Ostēde mihi gloriam tuam, in quo ait hic auctor, aut filium videre optauit, quem symbolice in rubo, & monte cognouerat, de quo dictum est, videbitur gloria domini, aut exercitum angelorum, qui eum circūsteterit. Itaque vt Philippus (inquit) naturam patris videre expetuit, sic Moyses, quem symbolice nouerat, naturæ eius characterem vt videat, petit. Videamus quid dominus responderit. Ego (inquit) prior te gloria mea transibo, sic enim est in septuaginta, quod perinde est, ait Procopius, quasi diceret, cum ego, qui prior te sum (cū sim ex æternitate, tu vero mortalis, & factus) transibo habens gloriam meam, sequeris tu tanquam seruus dominum, & vt posterior priorem, vnde subiungit, ante te vocabo nomine domini, præibo, (inquit) vocans post me, vt dominus, tum te, tum alios me dignos, quando miserebor, cuius misereor, hoc enim statim sequitur, quod perinde est, quasi diceret, quando miserebor vocans ad gloriam, de qua proxime dixerat, transibo habens gloriam meam, cuius misereor vocans nunc ad gratiam, de qua etiam paulo supra dixerat, inuenisti gratiam coram me, gratiam dicit iustificantem, quos enim iustificauit hos & glorificauit. Quæ vero ista misericordia hoc loco intelligenda sit, admonuit etiam idem auctor notans diligenter, quam multipliciter in scripturis verbum misericordiæ dicatur. In poenitentia (inquit) peccatorum, vt illud Misere mei Deus secundum magnam misericordiam tuam, & secundum multitudinem miserationum tuarum dele iniquitatem meam. & Paulus, Misericordiam consecutus sum, quia ignorans feci, veniam significat hic misericordia. Alia est misericordia, quæ accedit misereantibus, vt illud, Beati misericordes, quoniam ipsi misericordiam consequentur. Alia misericordia dicitur in iis, qui cōscii suæ infirmitatis, vt aliquid boni perficiant, totam fiduciam in Deo collocant, qui operatur in nobis velle, & perficere pro bona voluntate, non enim est volentis, aut currentis, sed Dei misereantis, sic dicit scriptura, Misere mei Deus, quia in te confidit anima mea, Alio etiam modo dicitur misericordia in iis, qui Deum amant, & mandata eius faciunt, vt illud. Qui faciunt misericordiam in millia ex toto corde diligentibus eum, & mandata eius facientibus. Dicitur præterea misericordia in iis, qui habent rectam Dei cognitionem, vt illud, Extende misericordiam tuam cognoscentibus te, &

iustitiam tuā rectis corde. Cuique horū dicit æterna misericordia, miserebor tui, & ipsi cum preces adhibent Deo, cito (inquiunt) anticipent nos misericordiæ tuæ domine, & illud, & tu domine, ne elō gaueris à me misericordiam tuam. Adhæc, dicitur misericordia, quā tribuit indignis ob nimiam bonitatem suam faciēs otiri solem super iustos, & peccatores, qua misericordia plena est terra. Postremo subiungit, alia est misericordia *ἐκ τοῦ ἐφ' ἡμῖν*, idest, ex eo, quod est in potestate nostra, de qua misericordia scriptum est, miserebor, cui misereor. hæcenus Gazæus. Miserebor ergo (inquit) ut iterum repetam, vocando ad gloriam, cuius misereor vocando ad gratiam iustitiæ, vocat autem eos, qui per fidem, & opera bona vocantem sequi volunt, quod est in eorum potestate positum. Quod autem sequitur, miserationem præstabo, cui præsto, non est aliud re diuersum ab eo, quod dixerat, miserebor, cuius misereor, sed potius dictū est causa, amplificandi misericordiam Dei, ut illud in psalmo secundum magnam misericordiam tuam, & secundum multitudinem miserationū tuarū, magna enim misericordia opus est in magno peccato, & multiplici misericordia, siue miseratione in multis peccatis. Ergo calumniator iste sic accipiebat dictum miserebor, cuius misereor, quasi misericordia ista nō esset, ut ait Procopius Gazæus: *ἐκ τοῦ ἐφ' ἡμῖν*, idest, quasi non penderet ex voluntate nostra, sed quasi solius Dei esset, nihil nobis operantibus, quod erat falsum. Atq; ita falsum item concludebat, ergo non est volentis, neq; currentis, sed Dei miserentis, quasi nos non curramus, cum scriptum sit, sic currite, ut comprehendatis, & illud tam bene currebatis? & rursus, ego autem sic curro &c. Quare ut illud verissimū est, quod ait scriptura, miserebor, cuius misereor, ita ut intelligamus, eius misereri, qui gratiæ Dei miserentis non dēest secundum potestatem voluntatis suæ, sic etiā quod idem rursus cōcludebat, ergo non est volentis, neque currentis, verissimum est, si sic intelligatur, quasi dicatur, non est ex volente, tanquam ex volente, neque ex currente tanquam ex currente, quasi ex nobis secundum naturam velle bonum, aut currere ad bonum possimus, cum sit potius Dei miserentis. Ipse enim dat desiderium, & idoneitatem ac vires currendi, & cursum consumat, ex quo est omnis nostra sufficientia, sicut Apost. ait, Qui operatur in nobis velle & perficere pro bona voluntate. Rursus opponebat accusator ille aliam scripturam, quæ dicit Pharaoni, In hoc ipsum excitaui te, ut ostendam in te virtutem meam, & ut annuncietur nomen meum in vniuersa terra, quæ scriptura non est intelligenda, quod

idem Apostolus interpretatus est, quasi Deus Pharaonicæ illius obstationis auctor fuisset, vt accusator iste velle videbatur, in quo vehementer errabat, cum illum potius in multa patientia sustinuisset, bonitate sua ad poenitentiam, & cordis obedientiam adducens, antequam funditus interiret. Ex quo rursus concludebat ille, Ergo cuius vult, miseretur, & quem vult, indurat, quod quidem verissimum est, si vt scriptura dicit, indurari à Deo, ita dictum accipiamus. Non enim dicit induratum esse à Deo, quasi Deus indurationis illius auctor fuisset, & quasi id voluisset *πενηνυμίας*, id est, antecederet, absit. Quemadmodum enim sic indurabat, quem per Moysen accusabat, quod Deo non pareret? monebatq; his verbis, ne addas adhuc decipere, nec diuitias populum? aut quomodo non potius indurabatur secundum voluntatem suam liberam non admittens ullam moliendi sui rationem? qui, dum durabat plagas, populi dimissionem promittebat, cessante vero, rursus indurabatur, quæ quidem erant mutationes liberæ voluntatis. Indurasse ergo illum dicitur Deus, quia vt sanctus Eusebius Antiocheus in homilia in Genesim scripsit *ὁ ἀνοχὴ τῶν μαλακῶν αἰτία τῆς πορώσεως αὐτῶ ἐγένετο*, id est, plagarum remissio causa fuit illi coccinatis, significat hic auctor induratum à Deo dici, quia patientia & benignitate Dei in plagis remittendis abusus sit, quod ipsa scriptura (inquit) significauit aperte, cum ait, Videns autem Pharaon quod esset requies, aggrauauit cor suum, & non audiuit eos. Sic etiam dicitur Deus indurasse aliquando Hebræos *κατὰ τὴν ἀνοχὴν*, id est, secundum sustinentiam. Dicit enim Esaias c. 63 in persona populi impoenitentiam suam præteritam deflētis. Vbi est multitudo misericordiæ tuæ, & miserationum tuarum? *ὅτι ἡ ῥέχυν ἡμῶν*, id est, quia pepercisti nobis, deinde subiungit, Quare seduxisti nos de via, & indurasti corda nostra, ne timeremus te? Indurasse dicit, quem proxime dixerat pepercisse, siue sustinuisse, vt intellexerimus indurasse *κατὰ τὴν ἀνοχὴν*, id est, secundum sustinentiam, dum enim parcebat Deus Hebræis, illi tursus patientia, & tolerantia illius abutentes continuo ad apostasiam, & murmurationem redibant, vt cum ex Exodo, tum ex ps. 105. intelligi potest. Idcirco populus memor suæ indurationis, & impoenitentia præterita ex abusu sustinentia Dei, per personam prophetae precatur Deum, vt hostibus populi Israel non parcat, sed potius deleat. Itaque subiungit, si aperueris coelū, tremor apprehendet, & montes liquefiet, sicut

cera ab igne liquefit, & cōburet ignis aduersarios, & quæ sequuntur. Huiusmodi ergo induratio, & impenitēs cor secundū electionem propriæ voluntatis, Deo alioqui multiplici misericordia, & sustinentia vrente, causa est reprobationis & odii diuini. Illud autem, in hoc ipsum excitauit te, & quæ sequuntur, idem Eustathius interpretans, quæ (inquit) in scriptura inter se pugnare videntur, non rationibus, sed exemplis soluenda sunt. Quare vt optimi (inquit) medici vtilitati hominum studētes damnatos ad mortem secant, vt aliquid vtile hominibus per damnatos inueniant, sic sapientissimus Deus per Pharaonem immedicabiliter peccantem magna signa ostendit illum quidem puniens, posteros vero curans, & supplicium illius in salutis materiam vertens. hactenus Eustathius. Nos vero Ortho Cardinalis benignissime finem hic faciemus eorum, que de Electione diuina, & eius causis, scripturas sanctas quanto studio, & diligentia potuimus sequentes, scripsimus. Si quid assecuti sumus, eius est, qui non dat ex mensura spiritum, vt in quo sint omnes thesauri scientiæ, & sapientiæ absconditi, qui diuidit vnicuique pro vt vult, qui cum patre, & spiritu veritatis est benedictus in sæcula.

Amen.



Luxuriosos, commensales et voraces i. ergo iustitias

Sy. confundunt opa legis ad opib. fidei. 146
putant prima impia et sola fidei scripta 16a

quodammodo iustitias

146

146

146

146

Expirata scripturae lora
ueteris test.

Abzaha ex opib. inspiratq 16. or.

Novi testamenti.

Exa eoz q. fili falsi fuer. ~~scripturae~~
13. a.

De Cananga fol 13. b
De Hemorrhoida. f. bide
De latrone 13. a. 19. a.

De Rhaab 17. b

Qui ceciderit Mart. 18. b.

fol. 13. b pf. 31. Beati quoz re. f. iniq.

Quid facimus ut operemur opa dei
2da. 5. 14. b.



2.5.13
E. 66

